

ХАЛЪМГ КЕЛН



6-7

**БАДМИН БАТА, ХАРЧЕВНИКОВАН РОЗА,
ЧЕНКАЛИН АЛЕКСАНДРА**

ХАЛЪМГ КЕЛН

I ХҮВ

ФОНЕТИК. МОРФОЛОГ

ДУНД ШКОЛЫН 6—7-ГЧ КЛАССТ ДАСХ ДЕГТР

ЯСВРТА, НЕМРТӨ 7-ГЧ ҺАРЦ

**ХАЛЪМГ ТАҢЪЧИН ЭРДМ-СУРЬУЛИН
МИНИСТЕРСТВ БАРЛХД ЗӨВ ӨГВ**

ЭЛСТ, ХАЛЪМГ ДЕГТР ҺАРЬАЧ, 1996

ББК 81.2—9 (Калм)

Б 153

Б $\frac{4306020200 - 016}{М 126(03) - 96}$ 10 — 96

ББК 81.2—9 (Калм)

ISBN 5-7539-0359-2

© Б. Б. Бадмаев, Р. П. Дороева,
А. С. Ченкалсва. Переработ. и доп., 1991.

6 КЛАСС

ДАВТЛҢН.

1. СИНТАКСИС БОЛН ТҮДЛҢНӨ ТЕМДГҮД.

Хоорндан утхарн ниицэд, келнэ эркэр кев-янзарн
хуврэд, айлтарн төгссн, нег уха-сана медулжэх үгмүдиг
эс гиж тиим чинртэ онц үгиг зэңг гиж нерэддмн.

Ү л г ү р н ь: Эрэ үлэсн салькн эрж ноһа көндөнө.
Жөөлн герлэрн сар жигтэ орчлң кеерүлнэ. (К. Д.)

Төрскн. Эңкр Элст. Йовв.

1-гч дамшлһн. Эн шүлгиг айслулж умштн. Шүлгч төрскн хальмг
келән юунас давулжана?

ХАЛЬМГ КЕЛН.

Келн, келн, келн,
Кен чамаг заясм,
Келнэс талдан белн
Кишг күмнд бээсм?
Хальмг келн —

мини келн —

Зөөрэс даву зөөр.

Хальмг келн —

мини келн —

Зөвэс даву зөв.

Хальмг келн —

мини келн —

Хазнас даву хазн.

Хальмг келн —

мини келн —

Хааж болшго нарн.

Тачин А.

Эн шүлгиг чеежэр дастн.

2-гч дамшлһн. I. Үгмүдиг утхарнь ниицүлэд, зэңгс тогтатн. Тер зэңгсиг буулһж бичтн.

1. Теңгриг, ик хар, көк сээхн, бүркв, үүлн. 2. Бултв, шовуд, ацмудар. 3. Күржңнв, деер, оһтрһү. 4. Шэргв, хур, нигт, гүүнэ, усн, шаһаца. 5. Бийән, норһна, бичкдүд, хурт. 6. Өгнэ, халу, нарн, хурин хөөн. 7. Сергнэ, тэрән, төгэлндән.

II. Олн цегин орчд кергтә чилгчс бичтн.

ЭЛСТИН ЗУНИ АСХН.

Зунин нарн... халун
Зүңһугрж, теег... түңшнэ.
Жирлзж көөлдсн жирлһн
Жиритрж, эрәтрж урлд...,
Халун... күчнд диилгдэд
Хамтхас... модд делдинэ,
Хар тоос... хүүд
Хурлзад, хурдлад цоонгтрна.

Тачин А.

3-гч дамшлһн. Бичэд, зэңгсин чилгчд кергтә түдлһнә темдгүд тэвтн. Юңгад цег, сургч болн хээкргч темдгүд тэвсэн цөөлһтн.

1. Сентябрь сар ирв, серүн салькн сержңнв 2. Намрин түрүн өдр нарнла таарч дүңгэв 3. Наснь ирсн бичкдүд ном дасхар йовна 4. Сурһулин шин жилиг сән амрлтар тостн 5. Делкәг әәмшгәс харсч, даңгин сагар зогс 6. Мандл, туг, мана Диилвр 7. Орчлнд юн әмтәхмби (*Нөр.*) 8. Орчлнд юн тарһмби (*Һазр.*) 9. Орчлнд юн хурдмби (*Санан.*)

4-гч дамшлһн. Зэңгс буулһж бичэд, һол мөчмүдинь олж, татасар темдгүлтн.

Үкрч һазр хэләнә. Зер-бор бетк энд-тенд савилднә. Толһалчксн цаһан өвсн номһн салькнд гекнә. Хая-хая гүрвлг гүүнә.

Үкрч малан худгур кецэлһнә. Салад бээсн худгин өмн эргд

үкрин хош бөөнө. Хашан өмн бийд дала машин зогсчана. Эндр Нарна хош деер ик хург болхмн. Совхозин директор Салькн хург эклв. Нарн эмэсн бөөдлтөхөр эмт хэлэв. (Нармин М.)

5-гч дамшлһн. Зэңгс бичэд, нег зүсн мөчмүд олж, татасар темдглтн. Эврәннь экин (эгчин) тускар келж өгтн.

МАНА ЭК.

Нанд болн мини ахд мана эк йир дурта. Мана кергүдэр, бөөдл-жирһлэр экмдн өдр болһн соньмсна. Эк сэн өдрт яһж белдхиг заана, приёмник яһж цуглуулж ясхин тускар ахлам күүнднө. Эк мана сурһульд, школын кергт икэр оньган өгнө. Амрлһна асхдын, кичэлин болн шүүвр көдлмшин тускар эн сурна. Мадн эклэһэн ямаран кино, наад хэлэхлэ, сэн болхинь селвлцнэвидн. Нанла экм бөөдл-жирһлин тускар күүнднө, эврәннь соньн, дурта кергин тускар келнө.

6-гч дамшлһн. Зэңг болһна цөөлһлт цөөлһүлжэх үгтөһинь олж бичтн. Цөөлһлт ямаран келлһнө хувэр келгдж?

1. Теңгрин улан нарн мандлна. 2. Терүнэ толян һазрар тарна. 3. Кө хар үүлд көвкр цасн мелмлзнө. 4. Улан туган киискэд, уульнц дундахур церглнө. 5. Цаһан бор мөр татсн хойр үр селәнө дундахур хатрулад һарв. (Б. Т.) 6. Алтн сахлта буудя атх дүүрч асхрна. (Э. К.) 7. Күңкл үрднө однур ниснө, күмни ухани гүүдл үзүлнө. (Н. В.) 8. Нуурмудын көвөһөр үрһсн көк хулсн, торһн кевтө, шурклна. (М. Н.)

7-гч дамшлһн. Умһад, шүд келлһтэ зэңгс олтн, түдлһнө темдгүдинь цөөлһтн.

Хамгин түрүн болж 1917 жилин ноябрин 9-д би Владимир Ильичлө таньлдлав. Эн иим билэ. Би Петроградын ик-ик гаражмудын негнднө көдлжэлэв. Гаражин һардачнр намаг дуудж авад келв: "Үр Гиль, гараждан бөөсн машидэс хамгин сээнинь шүүж авад, өрүндэн Смольнур од. Үр Ленинд шофёр болхмч! Не, зөв гижәнч?" — гиж намаг үүмжэхиг үзчкэд, комитетихн нанас сурв.

"Зөвтө боллго", — гиж хэрү өгүв. Би тиигхд баһ наста,

чаң-чиирг, эврәннь кeргән ончта сәәнәр медрг биләв. Октябрьск революциг ик өргмжтәһәр тослав. Иим ик итклиг бархн угав гиж, үгән өгәд, герүрн хәрж ирүв.

Дигтә өрүн 10 часла мини машин Смольна хашан ик үүднд ирәд зогсв. Ленинлә түрүн болж харһлһн өөрдж йовна. Нег күн нанур ирәд: "Та Ленинүр ирвт? Ода һарч ирх", — гив. Нег цән минут болад, Смольнас һурвн күн һарч ирв. "Эднә алькнь Ленин болхв?" — гиж ухан толһадм орв. Маштгцр нурһта, хар пальтота күн түрүн шудрмг-шулун йовдлар ирәд, машинә кабинә үүд секәд: "Мендвт, үр! Тана нернтн кемби?" — гив.

"Гиль", — гиж би хәрү өгүв.

"Таньл-үзл болый, Гиль, — гиж келәд, һаран нанд өгәд мендлв. — Та нанла хамдан йовдг болхмт", — гиж Ленин келв. Владимир Ильичлә түрүн һар атхад мендлһн болн терүнә түрүн келсн үгмүд нанд насни туршарт мартгдхш. (С. Гиль)

8-гч дамшлһн. Бичәд, әс тәвгдсн түдлһнә темдгүдинь ормднь тәвтн. Юңгад тәвгджәхинь цәәлһтн. Һол мөчмүдинь темдглһтн.

1. Салькна күчн номһрв сәәхн өдр эклв. 2. Дала үсар ханд-го күн медрләр хандго. 3. Садын хамтхасн унв серүн намр ирв. (К. А.) 4. Һаң халун номһрв һазрин өвсн шарлв. (К. А.) 5. Өңгтә нарн холдв өдр улм ахрдв. (К. А.) 6. Нарна толян наласн теегәр тарна өрүни орчлң гиигрсн бәәдл һарна. (К. Д.) 7. Халун дәәнә зальд хальмг баатр төрв Днепр һолын көвәд дәәч Лиж туурв. (Бал. А.) 8. Үвл декабрь сард ирнә эн сарла нарн ора һарна эрт сууна. 9. Һарин тавн хурһн әдл биш тедү мет хамг әмтн чигн әдл биш.

2. АР ДАРАНА БОЛН ӨМН ДАРАНА ЭГШГҮД.

1. Хальмг келнд цуг эгшг әс өмн дарана, ар дарана гиж хувагдна.

2. Өмн дарана эгшгүд гиж иим әс бәәнә: ә, ү, ө, э, и.

3. Ар дарана эшгүд гиж иим әс бәәнә: а, у, о, ы.

4. Өмн дарана эгшгүдиг жөөлн әс, ар дарана эгшгүдиг хату әс гиж нерәднә.

5. я, ю, ё (йа, йу, йо) ар дарана эгшглә таарна, е (йэ) өмн дарана эгшглә таарна.

9-гч дамшлһн. Бичэд, өмн дарана эгшгүдиг нег татасар, ар дарана эгшгүдиг хойр татасар темдглтн.

1. Урна урл тоста. 2. Удан унтсар олз болдмн биш. 3. Үүлән күцәсн күн таварн. 4. Совхозин саальчнр йир сәәнәр көдлжәнә. 5. Гүн уснд ботьхаг уга. 6. Һазр деер күүнәс үнтәнһ уга. 7. Һал уга һазрас утан һардго. 8. Шарлжн дотр шар алтн. (Арат.) 9. Шар кичг шам гиснәс дутхш. (Шанһ.) 10. Хаана үүдн хард гиж, хар ноха жүрд гиж. (Бу хах.)

10-гч дамшлһн. Харар барлата үгмүдин эгшгүд темдглтн.

1. Мини дурта **домбр** күңкнхлә, мана Ильичин ачнр дуулх. (Х. М.) 2. Ут хаалһар йовад, у теегәс ирнә. 3. Көвүн хәрү Көк **теңсүр** ирнә. 4. Тевк Эрднһ **хойр** теегт цецгүд түүв. (С. Б.) 5. **Хажудан** көркхн хар хурһ үзв. (С. Б.) 6. Терз тус Теркә күүкн цецгт ус кев. 7. Эн **цецгүд** элвг уснд эңкрәр яһж эс өсхв. 8. Асхрсн хур генткн **агчмин** зуур зогсв. 9. Сарул гермүд **тосхнав**, санапр әмтм амрг. 10. Гермүд олар немгднә, герлтә **шамнһ** асна. (С. Б.)

11-гч дамшлһн. Бичэд, өмн дарана эгшгүдиг нег татасар, ар дарана эгшгүдиг хойр татасар темдглтн.

Ухан, болзг, әәлһн, элжгн, бөөр, аңһуч, һазр, нүһсн, әмтн, бульчн, үзм, гүр, хуурмг, хурц, нәрн, сонр, дүрсн, тоха, хур, будн, үүлн, цәкллһн.

12-гч дамшлһн. Эн зәңгс умштн. Өмн дарана эгшгүдтә үгмүдинһ буулһж бичтн.

Кезәнә бәәж. Зөвәр олн малта, һурвн көвүтә әмгн өвгн хойр бәәж. "Шовун болв чигн әмтә юмнлм", — гиһәд әмгн өвгн хойр шаазһаг асрад бәәнә. Көгшәсин асрлһнд шаазһа әм авад, көлд орад бәәнә. "Түрәд бәәсн цагтан нан тал күрәд иртн", — гичкәд, шаазһа нисәд йовж одна. Өвгн бедрәд, шаазһа сән нәәжән орад һарна. Өвгиг шаазһанд ирхлә, шаазһанхн ик байр кежәж. Шаазһа өвгиг долан долан дөчн йисн хонгт гиичлүлв. Өвгнд шаазһа алг дааһан өгнә. Тосн-өөкәр пилгдг тоста хар авдр өгнә. Тогльн йовж цокдг тог шаавр өгнә. (Тууль)

3. ЭГШГҮДИН ТААРЛТ.

1. Кемр үгин түрүн ниилврт өмн дарана эгшг бээхлэ, дарук ниилврмүдт бас өмн дарана эгшгүд бичгднэ.

Ү л г ү р н ь: *темэн, келжэнэ, биилжэнэ.*

2. Кемр үгин түрүн ниилврт ар дарана эгшг бээхлэ, дарук ниилврмүдт бас ар дарана эгшгүд бичгднэ.

Ү л г ү р н ь: *умшчана, болжана, така, хаха.*

3. Эн зокалла ирлцдго саам бас бээнэ. Төргч, гемнгч киискврмүдин чилгч болн зэрм үүлдэгчин кев-янз эн зокалла ирлцхш.

Ү л г ү р н ь: *Санжин, Санжиг, хажигэд.*

4. Талын келнэс оршн үгмүд хальмг келнэ сүффикс, чилгч авхларн, өмнөн бээсн эгшглэ таарна.

Ү л г ү р н ь: *колхозникүд, фермермүд.*

13-гч дамшлһн. Зэңгс умшад, харар барлата үгмүд шинжлтн.

1. Үлмж көдлмшэсн ирв. 2. Ноһан заагт урһсн улан, шар, оошк, цаһан зүстэ бамб **цецгүд** нарна **толянд** гилвкэд, нүдән чирмж, **өргән** заңһсн болж медгднэ. (Бал. А.) 3. Теегт жиргсн харадас толһа **деегүр** көөлдэд наадна. 4. Торһа шовун теңгрт толяр дууһан чимнэ, **орчлүгин** ик байрт орулж, **эврәһән** немнэ. (К. Д.) 5. Увшин нүднэ **анята**, кийһән арһул авад кевтнэ. (Б. Т.)

14-гч дамшлһн. Умшад, түрүлж өмн дарана эгшгүдтә, дарунь ар дарана эгшгүдтә, сүүлднэ удан эгшгүдтә үгмүд олж бичтн. Харар барлата үгмүдиг олзлад, зэңгс тогтатн.

Бар, бор, беш, бул, бүл, бичг, бээрн, **савц**, су, сүмн, сиик, зандн, зөг, зург, зөөр, зе, зегсн, **шуурһн**, шүүрмг, ширдг, шам, шог, хальмг, **хувцн**, хоома, тер, төр.

ТОЛАН

анята

ДОКЪЯ

15-гч дамшлһн. Эн зэңгс умштн. Ар дарана эгшгүдтә үгмүд буулһж бичтн.

Лолан жирһл йосндан гүдх хаалһдан орв. Лагерът ирсн көвүд-күүкд өдртән цол уга бээдмн. Бичкн Санжд болн хамдан ирсн Давад лагерин бээдл сонһн күүндврэр, нәр-наадар дүүрв.

Түрүн дендрт отряд болһн сән белдвр кев. Ворошиловск отрядын вожат Бадм цугтаһаснь үлүһәр сахньв. Энүнә отрядт хөр һар көвүд-күүкд билә. Нурһлж дөрвдгч, тавдгч классин сурһульчнр. Хойрдгч классас — Санж Дава хойр. Хоюрн пионерт орад уга бәәсмн.

— Удл уга мана лагерин түрүн асхн. Терүнд бидн цуһар орлцхвидн. Шин ду, би дасхвидн. Шүлгүд, туульмуд келдг улсан белдхвидн. Харти Бадиевич Кануков гиичд ирхмж,— гиж Бадм келв. Цугтан альхан ташлдад тогльлдв. (Тачин А.)

4. ДУУТА БОЛН ДҮЛӘ ХАДВР.

Хадвр әс дуута болн дүлә гиж хувагдна.

Дуута хадвр әс: б, в, г, һ, д, ж, ж, з.

Дүлә хадвр әс: п, ф, к, х, т, ш, ч, с.

Зәрм дуута әс дүлә хадврмудла хошадлна.

ц, щ әәслә хошадлдг дуута әс уга.

л, м, н, ң, р әәслә хошадлдг дүлә әс уга.

ш, ч, щ әәсит шигдг әс гиж нерәдмн.

16-гч дамшлһн. Умшад, түрүләд дуута хадврмудыг, дәкәд дүлә хадврмудыг зааж келж өгтн.

МИНИ КЕЛН.

Мини келн —

Эгл келн.

Эәжин келн —

Эцкин келн.

Хальмг келн —

Хурц нарн.

Уул хальмг

Улсин нерн.

Күүнә кеерүл —

Чирә болдг.

Чирән кеерүл —

Келн гидг.

Нерн, келн —

Нег үндстә,

Энүгән гееснь —

Эргү нертә.

Бадмин Н.

17-гч дамшлһн. Эн зэңгс бичэд, дуута хадврмудыг олад, татасар темдглтн.

Теңгрт улан нарн мандлж һарад, эврәннь толян һазрар тархав. Һаза цасн хөөлв. Тег хар цоохрдна, өдр ирвэс көкрнә. Амрдг өдрән бидн багшлаһан кеер һарувидн. Кеер дала сөөхн цецгүд үзүвидн.

18-гч дамшлһн. Бичэд, дүлә хадврмудыг темдглтн.

1. Дүң-дүлә ө-шуһу модар һанц баран эрвлзнә. 2. Көвкр цаһан үүлн салькнд туугдад, деегүр үрүднә. 3. Һазр деер хая-хая сүүдр тусна. 4. Ар Мөст далад атомн керм усчна. 5. Ик кезәнә Пушкин ишкә герт тоогдж. 6. Ханж Пушкин сууһад, хальмг цәәһән ууж. 7. Нарта өдрт зәрмдән намр байрлна. 8. Үрглж үүлн һарна, үсәрж хур орна.

* * *

Манжин Буляш күүкн
Мал болһниг эңкрлнә,
Энүнә аавнь — хөөч,
Ээжнь — малч.

Халун көдлмшин зальд
Хурһдын отар бүрдв,
Баахн күүкдин бригад
Буляш дааж һардв.

Саңһжин Б.

девсң

савң

1. Кемр эгшг я уданар соңсгдхла, хойрдгч энъ а үзгәр темдглгднә.

Ү л г ү р н ь: яарм, яах.

2. Кемр эгшг ю уданар соңсгдхла, хойрдгч энъ у үзгәр темдглгднә.

Ү л г ү р н ь: юуна.

19-гч дамшлһн. Умшад, удан *я, ю* гидг үзгүдтә үгмүд шинжлтн, чикәр бичлһинь тодлтн. Шуд келлһтә зәңгсин түдлһнә темдгүдинь цәәлтн.

Басңгин бор дааһн арһулхн босв. Мөрнәннь ә соңссн Басң өсрәд одв. Босад, энд-тендән хэләчкәд, юмн эс үзгдхлә, өвдгән теврәд уульв. "Яахв, яахв! Эн эрм цаһан кәдәд кенән күләхв. Эврә ундн хәрв... Дааһн... Дааһан юуһарн услхв? Яахм болхв? Арһ юундв? Саалнь бәәв чигн, саадг суулһнь уга", — гидг юмн болв.

Өмд күн арһта. Басң үкс босн, шиләр ус авад, шавр деер асхад, оңһц кенәд, дааһан услв. (Басңга Б.)

Хальмг үгд түрүн ниилврт йо бичдмн. Орс келнәс хальмг келнд орсн үгд ним ниилвриг ёгидг үзгәр темдглнә.

Ү л г ү р н ь: йосн, ёлк.

20-гч дамшлһн. Болһамжтаһар умшад, *йи, йү, йө* гидг үзгүдтә үгмүд шинжлтн, чикәр бичлһинь медтн.

1. Май сарин сән өдрлә сурһульчнриг школын директор йөрәж, үг келв. 2. Худгин усиг йүүһәд, худг цеврлв. 3. Колхозин хөөч Бамба бийәрн зүткж кәдлнә. 4. Йөркг өвсн мана теегт йир элвгәр урһна. 5. Хальмг фольклорт йир олн зүсн йөрәл бәәнә. 6. Бийиннь туск кергән дасмһа хөөч йир сәәнәр меднә. 7. Дәәнә цагт салдс бийән харсн, үүрән хайдго билә. 8. Би үйән бийләһән хамдан авч ирүв. 9. Медәтирин ясн-үсн үйәрн өвднә. 10. Йир эн маңһс өвгнлә мейәркнәв гиһәд, же гиһәд таржана.

21-гч дамшлһн. Умштн, *йо, ё* гидг үзгүд яһж үгд олзлгдјахинь хәләтн.

1. "Тана санан-седвәртн мел чик, йоста гидг эркн кергтә төрәр иржт, би таднд дөң болнав", — гиж Ленин келв. (Г. С.) 2. Шин жил болһн магазинд ёлк хулдна. 3. Мини ах баһдан өнчн болад, йир елдңгәр өсч. 4. Бичкн күүкдин еңлһн — йир му авъяс. 5. Йовһн күн частан тавн километр һазрт йовна. 6. Маляһар йовдг хар мөрнь маңна түрүнд һарна. (Дуунас.) 7. Мәәлә-мәәлә йовж — мал болдг, ууля-ууля йовж — күн

болдг. (Ү.) 8. Егор йир шунмһа сурһульч билэ. 9. Цусн һарсн цагт йод түркхлэ, йир сэн болна. 10. Еңсг дуута күн үт ду эклв, наадкснь дахад, өргэд йовулв.

5. ЖӨӨЛН ТЕМДГ (Ь) БИЧЛҮН.

1. Хальмг келнд жөөлн темдг (ь) нурһлж: л, н, т, д гидг дөрвн хадврин хөөн бичгднэ.

Ү л г ү р н ь: *дольган, оньг, затьтацэ, уутьхн, үүдьврта.*

2. Хальмг келнд ж, ч гидг хойр хавдрин өмн хадвр л жөөлнэр соңсгдна, болв теднэ хоорнд жөөлн темдг (ь) тэвдмн биш.

Ү л г ү р н ь: *болж, салж, ялч* (бол, сал, ял).

Болв нег цөн үгмүдт жөөлн темдг тэвгднэ.

Ү л г ү р н ь: *альчур, бальчг, чальчаг.*

22-гч дамшлһн. Бичхлэрн, жөөлн темдгиг (ь) өмн бөөх хадвртаһинь хамднь татасар таттн. Зэңгсин һол мөчмүд олж келтн.

1. Ора болхла, салькн улм чаңһдад бээв. 2. Усна дольган эргэн цокчкад, хэрү дольглна. 3. Сурһульчнр сурһульдн одцжав. 4. Альмн ишэсн холд ундм биш. 5. Багшин келсиг Дорж оньган өгч соңсна. 6. Радиоһар соньн зэңг соңсцхав. 7. Хальмг Таңһч өсч-өргжжэнэ. 8. Олн келн-эмтнд эв, иньгллт кергтэ. 9. Колхозин үкрмүдин үснь йир өткн болна. 10. Затьтацэ йир сээхн үнртэ болна. 11. Уньн — кезэңк хальмг герин нег эркн мөчнь. 12. Худгт нульмдмн биш, ус уух цаг харһх.

23-гч дамшлһн. Зэңгсин чинр шинжлэд, олн цегин орчд дор барлата үгмүдэс авад, зэңгс тогтатн. Авсн үгмүдиннь утхинь цөөлһтн.

1. Мөрнд ... өгчэнэ. 2. ... өдр долан хонг болһнд нег болна. 3. ... махла кезэнэ күүкн күн өмсдг билэ. 4. ... Таңһч шулуһар өсч йовна. 5. Нүүрснэ ... йир сэн болна. 6. Төмр хаалһас мана колхоз ... бөөнэ. 7. Кермн, эн көвүнд чигэ 8. Колхозин амбарт сэн сорт ... бөөнэ. 9. Үвлин цагт зэрм колхозникүд ... бөөнэ. 10. Бичкн күүкн, бичэ 11. Мана һазрас ... йир хол бөөнэ. 12. Үвлин өдр ахр, ... өдр ут. 13. Мана колхозд ... автомашин бөөнэ.

Н е м х ү г м ү д: *зунь, зун, уул, ууль, сул, суль, хол, холь, хальмг, халмг, заль.*

Келнд оржах цуг үгмүд лексик бүрдэнэ. Үг болһн эврэ чинртэ. Зэрм үгмүд нег чинртэ болна, зэрмнь олн, зэрмнь тежг чинртэ.

Ү л г ү р н ь: зүркн, даалһвр, цегдг гисн үгмүд нег чинртэ; үсн гисн үг хойр чинртэ (үкрэ үсн, толһан үсн); болд утх гисн шүд чинртэ, болд зүркн — тежг чинртэ.

24-гч дамшлһн. Бичэд, харар барлата үгмүдин чинр цөөлһтн.

1. Хө хэрүлж йовсн күн **толһа** деер һарад, геедрсн хурһн үзгдх гihэд, эргндэн хэлэжэнэ. Буудян күнд **толһад** байр ирхиг күлэнэв. **Толһан** ээврлсн ораһас теегэн харж байрлнав. (К. Д.) 2. **Хурц** ухата күүг — үгэрнь шинжлж меддг. **Хурциг** — өөкн мукадг. (Ү.) 3. **Тууж** умшсн — мергн болдг. Мергн малан хошасн кеерэгшэн **тууж**. 4. **Деегүр** санан зөөлдг, дегд цаһан киртдг. (Ү.) **Нолмүд деегүр** у, өргн тагтс тосхгдна.

6. СИНОНИМ.

Чинрэрн өөрхн, болв бичлһэрн йилһрдг үгмүдиг синоним гиж нерэддмн.

Ү л г ү р н ь: өмн, нүүрт, түрүн.

Эн һурвн үг нег чинртэ.

25-гч дамшлһн. Эн үгмүдин чинринь йилһтн, зэңгс тогтатн.

Нүр, чирэ; жолм, деглә, гер; боран, шуурһн.

26-гч дамшлһн. *Санх, ора, сергмжтэ, түргн, өөдөн, ори-нутг* гисн үгмүдт дор барлгдсн үгмүдэс синонимс олж немж бичтн. Ямаран келлһнэ хүвэр синонимс келгдж?

Тоолх, дееркнь, шулун, үзүр, төрскн, кирцх, деегшэн, деерэгшэн, жирһлтэ, һарсн һазр, байрта, хурдн.

27-гч дамшлһн. Эн өггджэх үгмүдэс синонимс олж, учр-утхарнь негдүлж, баг-багарнь йилһж бичтн.

Маля, болдг, өөрхн, шилвр, сорг, шидр, ташмг, хол биш,

чаңһ, тедүкн, сергг, чидлтә, чаңһ-чиирг, күчтә, цәәх, хөвтә, цаһах, кишгтә, үт наста, туста, шарх, олзта, мөңк, кергтә, хуурх, халун, әәдгә, цунцг, зөргтә.

28-гч дамшлһн. Иим үгмүдт синонимс ухалж олж бичтн.

нәэрллһн, ...

олмһа, ...

дөңнгч, ...

манх, ...

харшлт, ...

уйх, ...

7. ОМОНИМ.

Чинрәри йилһән, болв әдләр келгддг, бичгддг үгмүдиг омоним гиж келнә.

Ү л г ү р н ь: *деегүркүн, бәәшц деегүр; цө кел, цө хәәсн; ямана ишк, мах ишк.*

29-гч дамшлһн. Умштн, омонимс олтн. Ямаран келлһнә хүвәр келгдсинь келтн.

Тергнд мөр тат — һармуль тат. Үүнәс хол биш булг бәәнә — бахн һазрт булг. Толһан экн — усна экн — булг. Оошк цецг — оошк царцлһн. Мөр бәрг — бәрг күн.

30-гч дамшлһн. Умштн. Ямаран үгмүдт омонимс келж болх?

зүн һарт — утцта зүн

цәәһин шар —

у тег —

зун арслц —

зуур хаалһдм —

үс хәәчлдг күн —

аавин зург —

герин ора —

8. АНТОНИМ.

Хоорндан сөрүд чинртә үгмүдиг антоним гиж нерәднә.

Ү л г ү р н ь: *сән — му, ик — баһ.*

31-гч дамшлһн. Эн зәңгсәс антоним олж автн. Юңгад антоним болжахинь келж өгтн.

1. Киитн хур орсар, ода деерән дулан болх бәәдл уга. 2. Зуна

йир дулан болла, үвл киитн чигн болад бээх. 3. Хавр болхла, ноһан урһна, намр ирхлэ, өвсн шарлна. 4. Сән хөөч хөөһән өдр сө уга хэлэж асрна. 5. Өөрхнд кесг күн көдлэд бээхлэ, холд сууһад, амрх санан орхш.

32-гч дамшлһн. Дор барлгдсн антонимсиг цаг, зүс, аһу темдглжэх даратаһар бичтн.

Уутьхн — өргн, цаһан — хар, эрт — ора, харңһу — сарул, өндр — маштг, өрүн — асхн, бүдүн — нәрхн, гүн — хәр, хол — өөрхн, чилгр — бүркг.

33-гч дамшлһн. Халу, киит, кемжэ темдглжэх болн орм медүлжэх антонимс олж бичтн.

Дулан — серүн, өдр — сө, халун — киитн, өөрхн — хол, эрүл — гемтэ, халулх — киитрүлх, эрт — ора, энд — тенд, деер — дор, ард — өмн, чилгр — бүркг, цунцг — зекүн.

34-гч дамшлһн. Харар барлата үгмүдт антоним немж бичтн.

Нарта өдр, чилгр теңгр, бичкн хотн, цаһан чирэтэ, өндр һазр, догшн салькн, маштг гер, хажһр йовдл, хурц келн, нигт үстэ, хуучн дегтр, теглг нурһта, көдлмшин хувцн.

9. ЙИРИН ХАРЬДГ БОЛН ДИАЛЕКТН ҮГМҮД.

Хальмг келнэ үгмүд нурһлж әмтнд медгднэ. Тиим үгмүдиг йирин харһдг үгмүд гиж нерәднэ.

Ү л г ү р н ь: *һазр, теңгр, шовун, күн, цеңкр, ут, дасх, санх, келх.*

Мана келлһн эркн биш йирин үгмүдәс тогтна, болв зуг нег селәнд эс гиж районд олзлгддг үгмүд бәәнэ.

Ү л г ү р н ь: *күлт, күкл, хора, гедргәндән.*

Тиим үгмүдиг диалектн үгмүд гиж нерәдмн.

35-гч дамшлһн. Савр әәжиннь келсн үг юцгад эс медв?

— Савр, герт орад, мини күлт авад ир.

— Әәж, ю авч ирхмби?

- Күлт.
- Терчин юмби?
- Мини деер өмсдг хувцн.

36-гч дамшлһн. Диалектн үгмүдиг литературн үгэр сольтн.

1. Боря дорваһан уудлад, бичкн орс күүкнд өдмг, шикр өгв.
 2. Мини бичкн үүрм герэдэн хәрж одв. 3. Захин хорад Боря
 һанцаран кевтнә. 4. Хур икәр орад, һолын усн бүрм деегүр
 гүүв. 5. Эн жил совхоз сөг тәрж, дала урһң авч. 6. Аав хорасн
 альчур һарһж авад, чирәһән арчв. 7. Серкш ценгәр үкрт өвс
 тәвж өгв.

37-гч дамшлһн. Дор барлгдсн йирин үгмүдлә ямаран диалектн
 үгмүд ирлцнә?

Талдан, серә, һармуль, шалһ, аһурцг, зарм, хустг, көдлмш,
 теегин толһа.

10. ТАЛЫН КЕЛНӘС ОРСН ҮГМҮД.

Ямаранчин келн талын келнәс үгмүд орулж авад байжһна.

**Мана келнд ик кезәнәс нааран талын келнәс орсн
 үгмүд чигн, нерд чигн бәәнә.**

Ү л г ү р н ь: *Пүрвә, Басң, Бемб* — төвдәс орсн нерд;
болд, берсн, булһар, арслң — иранск келнәс орсн үгмүд;
халыш, хаш, тәрлк, ярм, плуг, биил — орс келнәс орж.

38-гч дамшлһн. Умһада, талын келнәс орсн үгмүд олж келтн.
 Текстин утхинь амн үгәр келтн.

ТУУРСН ЛЁТЧИК.

Туурсн лётчик Советск Союзин Герой Валерий Павлович
 Чкалов өврж ханшго күн бәәсмн: зөргтә, ухата, эгл эн күн
 медрлүр зүткдг бәәсмн. Наукд, искусствд, литературт дурта
 билә. Теңгрт эн 70 һар олн зүсн системтә самолётмуд сөрж үзв.

1936 жилин июлин 20—22-т зөргтә һурвн летчик В. Чкалов,
 Г. Байдуков болн А. Беяков зуур буулго Москва — Петропав-
 ловск-Камчатский — Удд арл (ода Чкаловин арл) хоорнд нислт

кев. Жил болад, 1937 жилин июнин 18—20-д моһлцг һазрин Киитн үзгин цутхлц һатлад (Северный полюс), Москваһас США-н балһсн Ванкувер күртл буулго нисч күрэд, нарт делкән рекорд тогтав.

39-гч дамшлһн. Талын келнәс орсн үгмүд олзлад, зәңгс тогтаһад, девтртән буулһж бичтн.

Каникул, кандидат, академик, аквариум, аккордеон, акробат, альбом, амбар, кушетк, куртк, журнал.

Я н з н ь. *Мини ахм филологическ номин кандидат болв.*

40-гч дамшлһн. Буулһж бичхләрн, харар барлата үгмүдиг ямаран келнәс мана келнд орсинь медж автн.

1. Алоэ цецгән шүүсн йир һашун болна. 2. Мана хальмг келнә **алфавит** 39 үзгәс бүрднә. 3. Таңһчин **архивд** туужһрт, номтһрт кергтә **документс** хадһлгдж бәәнә. 4. **Домино** наадлһар ик марһан болв. 5. Домбр, **һармуль**, ятх, бүрә-бүшкүр — эдн хальмг көгжмин **инструментс**. 6. Мана **фермин** кесг көвүдкүүкд **интернатд** бәәж, сурһуль дасна.

41-гч дамшлһн. Умштн. Талын келнәс орсн үгмүд олж келтн.

КОЛХОЗ ҮВЛӘР.

Колхозд үвләр кех-күцәх керг олн. Әмтн өрүн болһн көдлмштән адһцхана. Зәрмнь малын хашаһур, зәрмнь амбарур, кесгнь ясврин мастерской тал, наадкснь гаражүр йовцхана.

Үкрмүдәс ик үс авхин төлә, теднд шимтә хот өгнә, цаглань услна. Силос көк урһмлын ишмүдәс болн хамтхасдас белдгднә. Эрднь-ишәс кесн силос — ончта сән. Силосиг колхозмуд зунд болн намрт дарна.

Ясврин мастерскойд алх, сүкин ә соңсгдна. Урчуд, трактористһр, комбайнермүд машидән ясад, хаврин тәрәнә көдлмшт белднә. (Нармин М.)

42-гч дамшлһн. Умштн. Утхинь келтн. Талын келнәс орсн үгмүдтә зәңгс олж буулһж бичтн.

Байконур — хамгин ик гисн космодромсин негнь билә.

Эндэс Ю. А. Гагарин "Восток" кермэр нислэ. Космодромин түрүн тосхачнр, монтажникүд, инженермүд, номтнр палаткд, вагонд бээж көдлдг билэ. Тосхжах площадкас хол биш модар цөн гер бэргдлэ. Теднэ негнднь ах конструктор С. П. Королёв ирхлэрн бээдмн. Наадк нег гертнь космосур нисх эмтн бээдмн. Ода тер гермүд туужд тохрв. Космодром тосхлһна дамшлт нарт делкэд төрүц уга бээсмн. Тер бийнь цөн сар давсна хөөн эндэс космосур түрүн ракетмүд тэвгдлэ. Космодром деер шин балһсн тосхгдв. Энд стадион, бассейн, сойлын Бээшц, балһсна парк бөөнэ. Балһсна талвнгуудын негнднь Королёвин нерн өггдв.

Космонавтикин ул тогтагчд энд бумб тэвгдв. Нисхиннь өмн космонавтнр нааран ирнэ. ("Хальмг үнн" газетэс)

11. ХУУЧРСН БОЛН ШИН ҮГМҮД.

Ямарангн келнэ лексик цагин эргцэр сольгддг учрта. Хальмг келнд хуучрсн, өдгө цагт хатяр олзлгддг үгмүд бөөнэ.

Йирин келлһнд олзлгддган уурсн үгмүдиг хуучрсн үгмүд гиж нерэддмн.

Ү л г ү р н ь: уут, бортх, зурхач, хан, алвт, нойн, тулм, тулһ.

Революцин хөөн мана келнд кесг шин үгмүд орсмн.

Ү л г ү р н ь: совет, колхоз, совхоз, трактор, комбайн, пионер, цагмер, телеүзгдл.

43-гч дамшлһн. Эн зэцгсэс хуучрсн үгмүд олж бичтн.

1. Нег орн-нутгин хаана түшмл Зара гидг күн бээж. 2. Нег дэкж алвтаснь һурвн зүсн зарһ орж ирнэ. 3. Эркн Бумбин цаһан өргө дотран шарин зурһан миңһн арвн хойр баатрнь сууһад күүнднэ. 4. Дугту дотран бээхлэрн, долвң сарин герлтэ.

* * *

Эзн Жаңһрнь
Дөчн дөрвн көлтэ
Дүңгһр сээхн ширэ деерэн,
Дүүрң һарсн арвн тавна сар мет,
Мандлж суудг болна.
Арвн зурһата
Аһ Шавдл хатнаннь

Шар болд хээчэр хээчлж,
Эңгин олн сээни хатар уюлгсн
Хар торһн лавшган
Ханц уга сул көдрөд,
Зэрлг болад сууна.

(“Жаңһрас”)

44-гч дамшлһн. Эн үгмүдин утхинь цээлһж келәд, дарунь эднән олзлад, зәңгс тогтатн.

Харач, гелң, ширә, хурл, зээсң, зурхач, шиврлг, даальң, бортх, лам, цегдг, сөөвң, зарц, зам, манж, ялч, зэрлг.

45-гч дамшлһн. Умштн. Шин, талын келнәс орсн үгмүд олтн.

Директор ормдан суув. Хург һарджасн Баатуһа Өәт ормасн босад, карандашарн графин цокв. Тагчг бээсн баһчуд терүг күләжәсн мет нирглдж одв. Андрей Фёдорович үгән келәд чиләтлнь, Арслң ардан эргж хэләсн уга. Болв көвүнә чеежднь ил: хар толһата көвүд-күүкд дунд, соломла әдл шарлтсн үстә Андрей Фёдоровичин толһа йилһрәд бәәнә. (Бадмин А.)

46-гч дамшлһн. Сурврмудт хәрү өгәд бичтн. Даалһвринь күцәтн.

Космическ кермәр һазр төгәлж нисдг күүг кен гинәвидн?
Планетмүдин болн оддын туск номиг юн гиж келнәвидн?
Атомар йовдг кермиг юн гинәвидн?

Космонавт, астрономч, атомоход гидг үгмүд олзлад, зәңгс тогтатн.

12. КЕЛЦ ҮГМҮД.

Хоорндан цуцлгдшгоһар нийцж тогтсн үгмүдиг келц үгмүд гиж нерәддмн.

Ү л г ү р н ь: *цаһан седклтә; алтн жола эргүләд иртн; хар хулһн болтлан; хумсан зуусн мис.*

Келц үгмүдиг чинрәрнһ нег үгәр сольж болна.

Ү л г ү р н ь: Хумсан зуусн мис кевтә сууна — тагчг сууна. Үүрән үзсн Белгин нүднһ дөрвн болж одв — үүрән үзсн Белг байрлв.

Эдн хоорндан синонимс болжана.

47-гч дамшлһн. Келц үгмүдиг шинжлти. Амн үгәр цөөлһж өгтн.

Махлата мал; гижгтә күүкн; цог ишкән ноха; амндан ус балһж; сүүднь тарвс чикәд; гер дотр будн-цаң болж оч; керән мөр; ичртән ишкә наах; нүдндән доһлң нульмста.

48-гч дамшлһн. Зәңгсин орчд синонимс болх келц үгмүд олж бичтн.

1. Эркн цаг зуур олз үзжәх күн. 2. Дорж кежәсн кергән күцәлго, талдан керг әклв. 3. Мацг ю чигн кеж чадхш, хувцан эәжәрн уюлна. 4. Мана туристнр байрта ирцхәв. 5. Туула аңһучас әәһәд, чикән сертәлһж авад гүүв.

О л з л х к е л ц ү г м ү д : *мөрнә гүүжәнә; зуурм алсн моһа мет; көк зү көндлң хатхж, чадхш; алтн жола эргүлж; сүмсән алдад.*

49-гч дамшлһн. Эн келц үгмүд орулад, зәңгс тогтаж бичтн.

Седклин киләсн; чеежин зовлң; хөн һатлсн усн; бүдүн күзү үзүлх; мек-тах уга; хоолднь хот орсн уга; хойр туула көөх; хар усн деер өрм бәәлһм; арднь орх; залаһан таслх; зүркнә тусх; му ду һарх; нер һарх; өр өвдх.

50-гч дамшлһн. Умштн, келц үгмүд салһж бичтн.

1. Ботинксән нүдн һартлнь гилвкүлж арчад, цемшч ишкәд, өрүнднь школан орад һарувидн. 2. Бидн партстан орад, намчим болад сууввидн. 3. "Менд йовж, әмтнә алтн хаалһар дахж, әвртә ик медрлтә, оһндан туста күн болтха", — гиж Боова әмгн йөрәв. 4. Мел юн чигн юмн үнн цаһан седкләр болдг зөвтә. 5. Бадм герүр орв, ардаснь хәләжәсн Мөңкүжә көк әлкән көштли инәв. 6. Герин әзн Мөңк өвгнә дун хәңкнәд, хотна улсиг догдлулад, будн-цаң кеһәд оркв. Әврә хотндан ах-зах болсн эн өвгн йир төвшүн, болһамжта күн бәәж. (Д. Б.)

13. НЕГ БҮЛ ҮГМҮД, ҮГМҮДИН УНД.

хад

хадата

хадур

хадач

хадасн

йов

йовһн

йовач

йовжана

йовлһн

Эн хойр баг үгмүд хэлэхэд шинжлгн. Баг болһн — нег бүл үгмүд.

Нег бүл үгмүдин эдл хувиғ үгин унд гиж нерэдмн.

51-гч дамшлһн. Зэңгс буулһж бичгн. Харар барлата үгмүдин унд болн суффикс олж темдглгн.

1. Жилмүдин жисэг товчлнав, жигтэхн **тоолвр** тоолнав. (К. С.) 2. Көгжмин айсар шин **герин** хорас дүүрв. 3. Әмтн **тосхач-нриг** йөрәж, **ханлтын** үг келцхәв. 4. Элстин бичкн **зурачирин** шкoлыг олн көвүд, күүкд жил болһн төгсәнә. 5. **Бичкдудин зурсн** зургуд **республиканск** һәәхүлд кесг дәкж орв. 6. Хальмг теегин дундас **ханлт** өргжәнәв. (К. С.) 7. Хальмгин күч-көлсчнрт халун зүркни мендән хәәкрәд тальвжанав. (К. С.) 8. Шунмһа **сурһульчир** мод тәрж балһсан кеерүлж. 9. **Номти-рин** ухаһар сонһн күцл күцәгдв.

14. СУФФИКС.

Умшгн, шинжлгн.

сур

сур-һ-уль

бич

бич-әч

хөн

хөө-ч

адун

аду-ч

шар

шар-гчн

хар

хар-ңһу

Нег уңгас шин чинртә үг бүрдәгч хувиғ суффикс гиж нерэдмн.

Ү л г ү р н ь: *адуч, үкрч, мөрч, хөөч*, гидг үгмүдт суффикснь *-ч*; *далвч, нүдвч* гидг үгмүдин суффикснь *-вч*.

52-гч дамшлһн. Умштн, харар барлата үгмүд шинжлтн, суффиксмүдинь олтн.

Көтчнрәс өрүн өрлә совхоз орад һарувидн. Мана аав йир дала **йөрәлмүд** меднә. Нег дэкж аав йөрәлмүдән **сурһульчнрт** келж өгв. Багшнр **сурһульчнрин** нерн деерәс аавд ханлт өргв.

Мана школ өндр, у, сарул. Школын **классмуд** ик терзтә, сарул, дулан. Шин гилгр **столмуд, стулмуд** класс болһнд бәәнә. Нәәмдгч классин сурһульчнр нурһлж спортсменмүд. Сурһулян сәәнәр сурсн күүкд, көвүдиг лагерьт йовулжана. Эдниг ветеранмуд ирж йөрәв.

53-гч дамшлһн. Эн текст умштн, тодлж автн, темәнә шинж медтн. Харар барлата үгмүдин утхинь амн үгәр цәәлһтн.

ТЕМӘНӘ ШИНЖ.

Урд моңһл улсин литд арвн хойр сард **әмтн аһрусдын** нер өгч. Темән хулһн хойр жилд багтхар булалдж.

Маңһдуртнь өрүн өрлә нарна герлиг тер хойрас кень түрүлж үзснь, жилин түрүнд багтх болж. Темән нарн һархиг күләж, зүн үзгүр хәләж зогсв. Хулһн темәнә бөкн деер һарч, барун үзг тал хәләв. Тиигж бәәтл, нарн һарх цаг ирв. Нарна герл барун уулын орад тусв. Тенд туссн нарна герлиг хулһн үзв. Темән хулһнд уурлв. Хулһн **овалһата** үмснд гүүһәд орв. Тер цагас авн темән хулһн хойр **мейәркнә**. Иигәд хулһн арвн хойр жилд багтв, темән меклгдв. Темән арвн хойр жилд эс багтвчн, әмтн темәнд шинж орулж:

Хулһн чиктә, үкр гестә, бар тавгта,
туула хамрта, лу бийтә, моһа нүдтә,
мөрн делтә, хөн нооста, мөчн бөктә,
така өрүлгтә, ноха һуйта, һаха бүүлтә.

(“Хальмг үнн” газетәс)

Үг	Сүүр	Уңг	Суффикс	Чилгч	Киисклһ- нә хүв
ахнринтн	ахнр	ах-	-нр-	-ин-	-тн
көдлмшчәрн	көдлмшч	көдл-	-мш-, -ч-	-әр-	-н
малчин	малч	мал-	-ч-	-ин	—

1. Таблиц хэлэж шинжлгтн.
2. Таблицд үлгүрлж өггдсн үгмүд ямаран хувмүдэр салгдсинь келтн.

15. ҮГИН СУҮР БОЛН ЧИЛГЧ.

Зэңг келсн цагт зэрм үгмүд талдан үгмүдлэ нийцхин төлөд хуврнэ, зэрмнь хуврхш.

Ү л г ү р н ь: *Дегтр* хулдж авч. *Дегтрэр* белг өгч. *Дегтрэс* сэн иньг уга. *Сэн* бээх зэңгтэ. *Сээнэр* йовад ирж. *Сээнд* үзгдх дурта. *Бадм*, үг *кел*. *Бадм* үг *келх*. *Бадм* үг *келлэ*. *Бадм* үг *келжэнэ*.

Зэңгин үгмүдиг хоориднь нийцүлхин төлө бээх үгин хуврдг хувиг чилгч гиж нерэддмн.

Ү л г ү р н ь: бээлһнэ нернэ киискврин чилгч, үүлдэгчин цаг медүлгч чилгч болн нүр заажах хүвс:

Тег цецгэлжэнэ.

Күүкд дуулжана.

Теегт малмуд идшлжэнэ.

Мадн дуулжанавидн.

Теегин аһар киилхд сэн.

Чилгч угаһар авсн үгин хувиг сүүр гиж нерэддмн.

тосхачин

малын

тосхачнрта

малчнрин

тосхачд

малмудыг

54-гч дамшлһн. Олн цегин орчд кергтэ чилгчс сүүртнь немж бичтн. Ямаран үгмүдлэ нийцж бээхинь келтн.

1. Теңгс... үүлн көөгтэж бүркнэ. 2. Намр... чиг буусн учрар, нарн... герл далаһар һазр ээжэхш. 3. Тег эндэн көкрэд, чееж байрлул... 4. Хавр... теег... сээхн юмн дала. 5. Хаврин модн... үнрнь хамр... орж каңкнна. 6. Гертэсн һазаран һархнь герл... нарн мандлна. (К. Д.) 7. Тер хорт... диилх, теегэр зэңг тарв. 8. Өдрин сээхнд байрлад, тоһрун шовуна дуулсн дунь энд-тенд соңсгд... .

55-гч дамшлһн. I. Эн үгмүдэс зэңгс тогтатн. Бичхлэрн, нерлгч, келгч олад, татасар таттн. Үгмүдин чилгчсинь олж темдглтн.

1. сурһульчнр, нөкд, сэн, школд, болна. 2. хөн, совхозин,

үвлэс, сөөнэр, харчана. 3. урһж, тэрэн, ик, колхозд. 4. Санж, дөң, болна, Бадмд. 5. сэн, дегтрэс, уга, иньг.

II. Умшад, утхинь келтн. Харар барлата үгмүдин сүүр олтн, буулһж бичэд темдглтн.

Ода Арслңгин хах селгэн билэ. Кемржэн Арслң Хамжлла эдл хаһад, туслго деегүрнь һарчкхла, терүнэ хөв. Дэкэд нег хах зөвтэ. Зуг төв хадг Арслнд деегүрнь һарһна гихд маһд уга. Хамжл дотран зальврад бөөнэ. Арслң улан **ширэр** будсн хорһлжта сахан эркэ хумха хурһд хоорнд чимкжәһэд, **нүдндэн** невчк төвлн, хаһад оркв. Цаһан цердэр төгрглэд зурчксн межәһэс хойр шаһа өсрэд һарч одв. Сахнь невчк тарсн **өрцгин** өөр үлдв. Сах бөөсн ормаснь ода үлдсн арвн **шаһаг төгргэс** һарһна гидгнь амр. Хажуднь зальврад зогсчасн Хамжлын чирәнэ цээж одв. Байрлсн Арслң өрчксн шаһа тал ирв. (Бадмин А.)

16. СУФФИКСИН ЗОКАЛ.

Кемр суффиксмүд болн чилгчс эврәннь тогтацдан эгшгтэ болхла, эдн эгшгүдин таарлтын зокалар хойр аацар бичгднэ: ар дарана эс гиж өмн дарана эгшгтәһэр.

Ү л г ү р н ь: -ач (-әч), -ур (-үр), -ул (-үл), -ас (-әс).
Һардач, бичәч; чавчур, түлкүр; йовулх, бәрүлх; бууһас, үкрәс.

Кемр үгин уңг эс гиж сүүр эгшгәр төгссн болхла, таһр ниицж ирх суффикс болн чилгч эгшгәр эклсн болхла, тер хойрин хоорнд ниилүлгч -һ- хадвр немгднэ.

Ү л г ү р н ь: зөөһәч, зооһин, тооһин, бууһар, сөөһәр, хашаһар, ямаһар.

56-гч дамшлһн. Бичэд, харар барлата үгмүдин суффиксмүдинь татасар темдглтн. Амн үгәр суффиксин йилһлт цөөлһтн.

1. Шүлгч Сян-Белгин Хаср "Ленин — хальмг" гидг шүлг бичсмн. 2. Лениниг дүмбр мана **баһчуд** дуундан орулж дуулна.

3. Мана зурачнр эврэннь үүдэврмүдэн һээхүлд тэвж үзүлнэ.
4. Мана "Тюльпан" гидг ансамбльд ачта нер зүүсн кесг дуучнр, биичнр бээцхэнэ.
5. Мана бригадын малчнр медрлэн өөдлүлхэр курст одцхана.
6. Бешч уга болад, боомт болжана. (Э. К.)
7. Адучнр, үкрчнр, хөөчнр — цуһар ирцхэв.
8. Колхозин ах-лач хурган эклв.
9. Санлын ахнь эмчин сурһуль төгсэжэнэ.
10. Савилдсн цаңта бүчрмүд сарин герл халхлна.

57-гч дамшлһн. I. Эн зэңгс бичтн. Олн цегин орчд кергтэ суффиксмүдинь немтн.

1. Мана дуу...ин дун доңһдхла, муурсн, зовсан цугтан мартна.
2. Мини дуута домбр күңкнхлэ, мана бичкн ач...дуулх.
3. Туужм ардм үлдв, туур...м өмнм үзгдв.
4. Бичкдүдин биийһин "Герл" ансамблин бии...нр мана билг-эрдмлэ олыг таньлдул... .
5. Мана отрядын кеңкрг... — Бадм.
6. Шаңһ...күүкн шилврдэд, шар атан татна.

II. Умштн. Утхинь йилһж келтн.

Бичэ март, дү,
 Та чигн, ах,
 Бийэн олнас онц
 Һатлһхар бичэ седтн.
 Өрч дотрк седклтн
 Оньдин цаһанар бээхлэ,
 Өөртн йовсн өмтн
 Негн күртлэн байрлх.
 Тер цагт олн
 Кенэр хаалһч кехэн
 Таднас давуһар медх,
 Үзгтн йосндан чикрх.

(Хоньна М.)

Бичэд, хань болгч келлһнэ хүвс олж темдглтн.

17. ДАВХР ҮГМҮД.

Тал-талдан ункта үгмүд ханьцад, цуглуулгч, олон то медулгч чинртэ болхла, давхр үг гиж нерэддмн.

Тиим чинртэ үгмүд хурвн зүсэр бүрдсмн.

1. Өөрхн чинртэ хойр үг ахр татасар (дефисэр) ниилж тогтна. Тиигж тогтсн үг цуглуулгч чинртэ болдмн.

Ү л г ү р н ь: үсн-тосн, идэн-чигэн, көвүд-күүкд, өөкн-тосн, эк-эцк, аав-ээж.

2. Дам давтгдж давхр үг тогтхларн, бийнь давтгдад, альк үгнь болвчн хуврл уга келгднэ. Тиигж тогтсн үгмүд ахр татасар ниилж бүрднэ.

Ү л г ү р н ь: кесг-кесг, олон-олон (хуучн хальмг келнд болхла, об-олон), хая-хая, үрвэ-үрвэ (йовж), келэ-келэ (бөөж).

3. Тал үг ниилэд, нег чинр авхла, бас давхр үгин тоод ордмн.

Ү л г ү р н ь: хот уудг гер, унтдг гер, эм хулддг гер.

күч-көлсн

элвг-делвг

58-гч дамшлһн. Давхр үгмүдиг олж, чинринь цөөлһж, буулһж бичтн.

1. Бууһин чавгиг татчксн эзн, хулсн-зегсн дотр жимэр живэд, чикэн өгэд, арһул энд-тендэн хэләһэд йовна. (Б. Т.)

2. Чидл-гүүдлм сән, гем-зовлң угав. Ямаранчн түрү-зүдүд нуһршгов. (Б. Т.) 3. Көвүд дундас негнь немшәһәр баһ-саһар меддг бөөж. (Б. Т.) 4. Бата удл уга өөр шидрә, әл-хошан көвүдлә таньл-үзл, таарта иньг-амрг болв. (Э. К.) 5. Ода энтн угатя күч-көлсчнрин Улана йосн гидг эн. (Э. К.) 6. Тадна эк-эцкнр хургарн шиидж, энд школ бүрдәлә. (Э. К.)

59-гч дамшлһн. Давхр үгмүд чинрәрнь болн тогтлһарнь йилһэд, бийстн немэд бичтн.

Үмсн-тоосн, гер-мал, заһсн-маһсн, кезән-кезәнә, тоб-тоб (ишкәд).

18. ДАВХР ХАСГДСН ҮГМҮД.

Давхр хасгдсн үгмүд олн зүсэр тогтна.

1. Эклц үзгэр тогтсн давхр хасгдсн үгмүд: *ООН, ЕС, ГРЭС.*

2. Эклц үзгэр тогтж хасгдсн үгмүд, зуг келсн цагт ямаран кевэр үгиг нерэднэвидн, тер кевэрнь алфавитин дараһар келдг кевтнь келнэвидн: *РФ (эр эф), РК (эр ка).*

Кемр үгмүд эклц үзгэр тогтсн болхла, үзгүдин дунднь цег тэвдмн биш.

3. Зэрм тиим хасгдж тогтсн үгмүд үгмүдин эклц хувэс тогтна: *колхоз, совхоз, цагмер.*

60-гч дамшлһн. Умштн, зэңгсэс давхр хасгдсн үгмүд олтн. Тедн ю темдглжэхинь келтн.

1. Күч-көлснд дурта, шунлтта, седвэртэ баһчуд орн-нутган делгрүллһнд нилчэн күргнэ. 2. Колхозин эдл-ахун күцэмжсин һөөхүлд олзта-туста хамгнь үзүлгднэ. 3. Драмтеатрт бичкдүдт нерэдсн наадд тэвгднэ. 4. Бичэч Бадмин Алексей "Ревдольган" гидг роман бичв. 5. Телеүзгдлэр кесг соньн соңсхврмуд өггднэ. 6. Хальмг республикд спорт болн физкультур өргн делгрлт авчана. 7. Селэнэ сойлын герт драмкружок көдлнэ.

61-гч дамшлһн. Эн давхр хасгдсн үгмүд олзлад, зэңгс тогтатн.

Автоһаңлһн, КГУ, школ-интернат, ЭВМ, БАМ.

19. КЕЛЛҢНЭ ХҮВ.

Хальмг келнд арви келлһнэ хув бээнэ. Зурһань ончта келлһнэ хув болна.

1. Б э э л һ н э н е р н (көдлмшч, дегтр, модн, класс, стул, һар, үкр, хөн).

2. Ч и н р л г ч н е р н (көк, ноһан, хар, цаһан, улан, шин, бор, дулан, өндр, төгр, чилгр).

3. Т о о л г ч н е р н (хөрн, хойрдгч, һурвулн, дөчтэ, хөрэд, арвхн, өрэл).

4. О р ч н е р н (би, бидн, чи, та, тадн, тер, эдн, мана).

5. Үүлдэгч (ирх, бичх, келх, келлэ, одла, йовла, көдлжэнэ, иржэнэ).

6. Н а р е ч (мүүһар, шулуһар, цеврэр, сээнэр, дор).

Келлһнэ хув зэңгд орхларн, зэңгин һол болн нөкцл мөчмүд болдг мөн.

Хөөтүг (өмн, ард, өөд, деер); **холва** (болн, болв); **междометь** (хард-хард, таш-таш, күр-күр); **хувс** (уга, бичэ, мөн (-мн), чигн, биз) хань болгч келлһнэ хувс болдмн. Эдн зэңгд орхларн, зэңгин мөч болхш.

62-гч дамшлһн. I. Текст умштн, ямаран келлһнэ хувэр зэңгин мөчмүд келгджэхинь амн үгэр цөөлһтн.

Белоруссин ө-шуһу модн заагур Ухлясть гидг һол цегән усан арһул урсхаж, уха туңһажах күүнэ чирәшң, тиньгр мелмәнэ. Тиигэд чигн үүг һатлхар ирсн цергчнр, үүнэ тагчгиг эвдлго арһул һатлдг бөөсмн.

Мана партизанмуд кесг хонгтан дөөллдчкэд, эн һолын көвө көөж амрдг билэ. Тедү чингэ э-чимән уга, тиньгр. Эн һолын хойр көвөһәр бөөсн селэд дөчн негдгч жилд болсн хойр цергин ноолданд же гитлән һарутсмн. Эннь шатад унсн гермүдин ова нүүрсн заагас хольврад нурсн бешин трубасар ил медгднэ. Ода бидн үүнэ көвөд немшинрин бүслврт 14 хончксн бөөнөвидн. Өдрин дуусн дән. (Хоньна М.)

II. Бичтн. Хань болгч келлһнэ хувс олж темдглтн.

Мана отряд немшин цаажллһна ротыг көөж һарһчкад, шатчасн гермүдиг унтраж, әмтиг үкләснь гетлүлж, моднур йовулжана. Мана көвүд улан нүүрсиг авс-авсарн хажугшан шивэд, герин пол дорас кесг үксн цогц илдкэд, деегшән һарһв. Погребин харңһу шуһуд ухан-сегәһән геешэд, хойр көлнь моднд даргдсн, әрә киитә кевтсн көвүг отрядын старшина Пётр Козлов манур авч ирв.

Долан хонгин дунд көвүн эдгэд, әвтәкн бичкн кер мөрн деер, хадчксн мет, мини өөр йовдг болв. (Хоньна М.)

20. БЭЭЛHНЭ НЕРНЭ ТУСК МЕДВР.

1. Ямаран нег юм темдглжэх болн эн юм би? эс гиж эн кем би? гидг сурврт хэрү өггч үгиг бээлһнэ нерн гиж нерэднэ.

Ү л г ү р н ь: аю, парт, класс, ширэ, терз, суудл, үкр, мөрн, көвүн, күүкн, күн.

Кемр бээлһнэ нерн кү, күүнэ нер, элг-сад нерэдж келгдхлэрн, ке н?, эн кем би? гидг сурврт хэрү өгнэ.

Цуг наадж бээлһнэ нерд ю н?, эн юм би? гидг сурврт хэрү өгнэ.

Ү л г ү р н ь: эн кем би? — Бадм, сурһульч, колхозник, үкрч, хөөч; ю н?, юм би? — дегтр, үсн, тосн, жирһл, байр, темән, хулһн, мис.

2. Бээлһнэ нерн кпискврмүдэр хүврнэ.

Ү л г ү р н ь: Бадм, Бадмас, Бадмар.

3. Бээлһнэ нерн шишлң нерн болн эврэ нерн хойрт хувагдна. Эврэ нериг ик үзгэр, шишлң нериг бичкн үзгэр бичдг мөн.

Ү л г ү р н ь: шишлң бээлһнэ нерн — хотн, хол, мал, хаалһ, хамр, үвл, намр; эврэ нерн — Ленин, Пушкин, Баку, Элст, Бемб, Бамб, Ыалзн.

63-гч дамшлһн. Зэңгс умшад, бээлһнэ нерд олтн. Сурврмуд тэвтн.

Машин дарунь көндрв. Цасн деерәсн орн, шуурад бэәнэ. Ора болхла, киитн улм чаңһрв. Салькн өмнкәсн догшдж одв. Хаалһиг цасн зөвәр зузанар бүркв. Машин дотр дулан. Өмн гүүж йовсн оон әмтнә ду соңсчкад, доран таг зогсв. Зо деер һарад, Элстә һолын ташуһар дорагшан орж йовनावидн. Ардкснә эн меджәнә гисн кевтә, мел нег жимәр цувлдад зогсцхав. Болв удсн уга, цаһан оон уралан гүүв. Ода гөрәсд урдкасн улм хурдар гүүлдв.

64-гч дамшлһн. Умшад, эн зэңгсәс шишлң бээлһнэ нерд олж автн. Сурврмуд тэвтн.

Шидрт хош уга. Тәрәнә болн хадлһна һазр. Мал ардк ташу

һатц үвлзнэ. Цасн өвдгцэ. Зүн үзгэс үлэсн догшин салькн күүг аһад шивчкн гисн болна. Сөөһин хаалһ ахрхн бийнь, хойр холван ут болж медгднэ. Салькнд цокгдад, цаснд булхад, көл тушата мет болна. Һазак шуурһн улм догшрад бээнэ. Олн хулсн бүшкүрмүд негдүлэд, нег айсар татж бөөхөр шуугад одна. Өр цээтл унтж болш уга.

65-гч дамшлһн. I. Бичэд, эврэ нерн үгмүдиг темдглтн.

Аслг Корва хойран йовулчкад, Бокта хуучн бүтн суулһ аһад, худгас ус авч ирв. Гер дуладв, усн бүслв. Мини эцкм угатя күн билэ. Би ууһн көвүнь билэв. Хавр эклснэс авн эцкм Жуург, Хомбад, Зегстин күүтр, Өмтэ селэд эргэд байн орсмүдт көдлмш кедмн. Би арвн негтөһэсн авн мана хотнд бээсн Урлаһа Мууда гидг байна хө хэрүллэв. Олн зүсн көдлмш келэв. Зул сарин хуучар сельсоветд олна кергэр Элстэс хойр церглэч ирж. Тер хойр күүг давулж, Баһ Чонст күргүв. Эн өвгн Цергт һолын белчрт бээдг, хө өскдг совхозин ах хөөч Колана Нусха гидг күн.

II. Бичтн. Бээлһнэ нерд ямаран мөчмүд болж йовхинь темдглтн.

Сурһульчнр школын өөр сад тэрхэр шиидв. Школын өөр сад тэрх һазран хашалад авв. Багш Санж эн көдлмшиг һардв. Санжин зааврар Бембин бригад һазр малтв. Бембин бригад Басңгин, Бадмин бригадла дөрлдж көдлжэнэ. Эн зер-земш урһдг модд тэрхэр бээнэ.

Модан тэрснәннь хөөн сээнэр хэлэх, асрхин төлө дөрлдв. Хаврин дундурт модд цецгэлдг болв. Сад дотр йир сән: цевр, сенр аһар. Чи, өрг, альмн урһдг болв. Көвүд-күүкд икэр байрлв.

21. КИИСКЛЫНЭ ТУСК МЕДВР.

Бээлһнэ нерн зэңгд орхларн, тер зэңгин утхин эркэр хуврэд, олн зүсн чилгч авдмн. Чилгч авсна хөөн ямаран мөч болж зэңгд орж йовхинь медж болхмн.

Ү л г ү р н ь: Школын саңгас Санж шин дегтр авв. Санжин бичкн дү Санл дегтрин зургуд хэлэв. Дегтрән цаасар оратха гиж, экнь Санжд келв.

Эн зэңгст Санж гидг бээлһнэ нерн талдан олн үглэ нийцж олн зүсн кевэр хуврнэ.

Тиигж киискврмүдэр хуврлһиг киисклһн гиж нерэдмн.

66-гч дамшлһн. Умшад, моһа, нүһсн гидг бөөлһнә нөрд ямаран кевәр хуврдгинь хэләтн.

Өндгән дарж бөөсн нүһсн тал ирәд, моһа үүртнь орад, нүһсиг зууна. Нүһсн зулж һарад, усн деер сууна. Моһа ардаснь мөлкв. Нүһсн моһаһас әәһәд, уснас һарв. Нүһсиг шорһлжн үзәд:

— Яһжәхмч? Юунас әәсмч? — гинә.

— Моһаһас әәһәд, яһж әмән авч һархан меджәхшив? — гиж хәрү өгв.

Шорһлжд хурад, моһаг олж авад, эн-тендәснь зууһад һарна. Моһан бийнь һал асад бәәж ядад келв:

— Би танд му кесн угав. Өрлтн нанас!

— Нүһсн чамд ямаран му келә? — гиж шорһлжд моһад келнә. Тиигәд моһа боогдад, дун уга болна. Шорһлжд моһаг улм чаһар хазад көөв.

22. БӘӘЛҢНӘ НЕРНӘ КИИСКЛҢН.

Өдгә цагин хальмг келнә бәәлһнә нерн дөрвн киисклһтә болдг: амр киисклһн, эврә киисклһн, бий киисклһн, давхр киисклһн.

Эн дөрвн киисклһн дотр амр киисклһн — һол киисклһн болдг. Тер юңгад гихлә, амр киисклһнә чилгчсин дару туслң хувс немгдј, талдан киисклһн тогтна.

Амр киисклһн һурвн баг киисклһнд хувагдна:

Н е г д г ч к и и с к л һ н д — я гидг хадврар төгссн бәәлһнә нерд орна.

Ү л г ү р н ь: тергн, мөрн, модн, белкүсн, яман, темән, хөн.

Х о й р д г ч к и и с к л һ н д — наадк хадврмудар төгссн бәәлһнә нерд орна.

Ү л г ү р н ь: һар, терз, гем, мал, колхоз, беш, өрк, туурһ, эмч, цөрг.

Һ у р в д г ч к и и с к л һ н д — эгшгәр төгссн бәәлһнә нерд орна.

Ү л г ү р н ь: то, сө, бу, дү, зо, дөрә, көрә, ноха, зара, серә, цаяха, харада.

67-гч дамшлһн. Эн зәңгсәс бәәлһнә нерд олад, киисклһнә багарнь йилһтн.

I

Алтн өңгтэ шарһ мөр унсн баахн көвүн ирж зогсв. Мини зүркн улм догдлж цокв. Цаг өөрдэд ирв. Улан дарцгиг хартан таг кеж атхув. Мацнаһасм киитн көлсн харв. Мөрд дор ормасн, негл бууһин сумн мет, гүүлдэд харв. Эдн түрүн эргц эргэд һарад ирв. Өмтнэ шууган ниргэд бөөнэ.

Чинртэ Улан туган чихтхүлэд деерэн делсүлий. Алдр мана Ленин ачан манд күрглэ. Хаврин чилгр теңгрт халун нарн өндр.

II

1. Магталта жирһлин нарн мана теегт алтрна. 2. Намрин номһн асхәр өргн теңгс нээхлнэ. 3. Ильичин герлтэ шам ик холас чирмлднэ. 4. Уульнцин хойр талар уласд нээхлнэ. 5. Дөгөтэ альвн салькн көвң мет үүлиг көөһэд өмнөн түлкнэ. 6. Көл хурин хөөн көк ноһан уняртна. 7. Нәрхн торһн бүс нарт орчлңгиг бүслнэ. 8. Хаврин амрлһнд һарад, Харцх Элстд ирв. 9. Тэрэн деегүр хойр тоһрун тег темцэд нисв. 10. Хаалһин хойр талаһар хөд теегәр дүүрнэ. 11. Чонмуд уульжасн һазрт — чолун гермүд дүңгәнэ.

НЕГДГЧ КИИСКЛҢН.

Нерэдгч	һосн	мөрн	темән	□
Төргч	һосна	мөрнэ	темәнэ	-а — -э
Өггч	һоснд	мөрнд	темәнд	-д
Гемнгч	һосиг, һос	мөриг, мөр	темәг, темә	-иг — -г, □
Бүрдэгч	һосар	мөрәр	темәһәр	-ар — -әр
Ниилүлгч	һоснла	мөрнлэ	темәнлэ	-ла — -лэ
Хамцулгч	һоста	мөртэ	темәтэ	-та — -тэ
Һаргч	һоснас	мөрнәс	темәнәс	-ас — -әс
Залгч	һоснур	мөрнүр	темәнүр	-ур — -үр

Негдгч баг киисклһнэ бөөлһнэ нерд гемнгч, бүрдэгч, хамцулгч киискврмүдт -н- хадвран геенэ.

68-гч дамшлһн. Эн бөөлһнэ нердиг гемнгч, бүрдэгч, хамцулгч киискврмүдт тэвти. Һурвад зәңг тогтатн.

Уласн, һасн, тергн, гесн, модн, ноосн.

69-гч дамшилһн. Хаверлтд бичэтэ бөөлһнэ нердиг зэцгсин эркэр хуврулэд бичтн. Тер бөөлһнэ нердинһь киисквринь йилһж, чилгсинь темдглтн.

1. Уласн герлин (утан) удсн нари суужала. 2. Кесг (бэрлдэн) шууган күүкнэ (дун) соңсгдв. 3. Баатрмуд (күүкн) ду соңсч, бийснь бийэн эс таньв. 4. Цегэхн (усн) цевр бэрцтэ, цаһан мөңгнэс герлтэ седклтэ. (К. Д.) 5. Хөөнэ (ноосн) орн-нутгт ик олз орна. Торһн (ноосн) мел үн уга. Тийм (ноосн) бостон эд кенэ. Иим (ноосн) эд ик сэн эд гиж санхмн. (Ноосн) икэр кирһтн. 6. Модн герин аһар йир сэн. (Модн) басл икл ору орна. (Модн) гер бэрнэ, (модн) тагт кенэ, (модн) керм кенэ. Үүрмүд, (модн) сэн гидгэр оньган өгтн. (Модн) һазрас сээхн һазр уга! 7. Мөрн нег цагт "эрдһн" нертэ бөөсмн. Мана хальмг күн (мөрн) даву көлгн уга гиж сандг билэ. Ода машин (мөрн) давж. Ода цагт (мөрн) күн йовһн мет. Болв (мөрн) йовад оркхла, одачн сэн болх.

70-гч дамшилһн. Эн келвриг умштн. Негдгч киисклһнд оржах бөөлһнэ пердтэ зэцгс түүж бичтн. Киисквринь йилһж темдглтн.

ЛЕНИНСК СНЕГИРЬ.

"Түрүн пионер кен бөөсн болхв? Әмтин түрүн?" — гиж көвүд ухалв. Сурад, медэ йовж, аштнь олж авцхав. Эрк биш Коля Емельянов. Ленин Разливд хортнас бултжахд көдлмшч Емельяновин арвн һурвта Коля көвүн энүнлэ хамдан харшмд бөөсиг меднт? Иал шатаһад, цэ чанхднь Коля Ильичд нөкд болжасмн. Хамдан заһс бэрдмн. Болв һоллгчдан, Лениниг хортнас эн хэлэж харжав. Гетэчнр бултад ирж йовдг болвзго гинһэд, эргндэн харвж хэлөдмн. Кемр таньдго күн үзгдж ирхлэ, Коля цоклурун ду һарһдмн, тиигхлэ Ленин хаж эс гихлэ маажур авад, хадлһна бөөрнүр темцдмн. Емельяновихн Лениниг өвс хаджах көдлмшч гидг билэ.

Кемр эврэ улс ирхлэ, сергмжтэ снегирь кевтэ ишкрдмн, тиигхлэ Ленин адһж үүрмүдэн тосдг билэ.

Эцкнь баахн харулчан шоглад, ленинск снегирь гиж келдг билэ. Коля улан галстук зүүдго билэ: тиигхд пионермүд уга бөөсмн. Болв снегирьмүд — улан чеежтэ шовуд. Тегэд Ленинэ баахн нөкдиг түрүн пионер гиж юңгад эс нерөдж болжахмби? (Н. Богданов)

ХОЙРДГЧ КИИСКЛҮН.

Нерэдгч	мал	ач	беш	ац	—
Төргч	малын	ачин	бешин	ацгин	-ын— -ин
Өггч	малд	ачд	бешт	ацд	-д— -т
Гемнгч	малыг, мал	ачиг, ач	бешиг, беш	ациг, ац	-ыг— -иг, □
Бүрдэгч	малар	ачар	бешэр	ацгар	-ар — -эр
Ниилүлгч	малла	ачла	бешлэ	ацла	-ла — -лэ
Хамцулгч	малта	ачта	бештэ	ацта	-та — -тэ
Наргч	малас	ачас	бешэс	ацгас	-ас — -эс
Залгч	малур	ачур	бешур	ацгур	-ур — -үр

Кемр бөөлһнэ нерн -н гидг хадврар төгсхлэ, төргч, гемнгч, бүрдэгч, наргч, залгч киисквзмүдт -г гидг немр авна.

71-гч дамшлһн. Эн бөөлһнэ нердэс хойр-хурвинь нег тооднь киисктн. Бөөлһнэ нердиг гемнгч киискврт тэвэд, зэңгс тогтатн.

Нар, дал, терз, үкр, сег, бүс, көдлмш, хун, бөкүн.

Я н з н ь. Сурһульчнр кабинетин терз секв. Эдн кичэлмүд чилснэ хөөн терзсиг хааж оркна.

72-гч дамшлһн. Хавсрлгд бичгдсн бөөлһнэ нердиг кергтэ киисквртнь бичтн.

1. Цагин сээхн (тууль) цевр ухаһарн күцнэв. 2. Жилмүд мини өмн (жирһл)-хөв делгв. 3. Туурсн баатрмуд дууна айст (тууж) орулсн үнэн медв. 4. Өргн (һол) усн үрвж гүүсн болна, сарин цаһан (герл) сээхнэр налаж дүңгэнэ. 5. (Теңгр) түмн одд төвшүн холд герлтнэ. 6. Цаһан (көөс) дольган цальгрж элс цокна. 7. Товмуд зүн көвөһэс төвөр (хорт) күүчв. 8. Салькн (тег) наадад, сүртэ дууһан дуулна. 9. Цегэхн (Днепр) усн цальгрж көвөһән цокна. (К. Д.) 10. (Терз) нарн тусчана. 11. Ода (шүүвр) эклв. 12. Би (шүүвр) белдвр кех зураһан ухалнав.

* * *

Хальмг олн-эмтнь
Хөв, жирһлән олвл.

Хатушг урдк бөөдлнь
Холжад, хоцрад одвл. (И. Л.)

73-гч дамшилһн. Бичсн цагтан цегмүдин орчд тэвх чилгчинь бичтн. Киисклһинь болн киисквринь йилһтн.

Салькн, салькн, салькн өдр... дуусн аздлв. Сөөднь салькн беш... хоолд биивэн татад геглзв. Буһун баг хотнд, бригад... нег орнд, салькн... хорта дуун... Шуурһчин нөөрнь хатв. Элэжин Шуурһч... орнь, өвр мет, хатхв. Зөөвүр... Шуурһчин зүркиг зүүһәр һожһнад бөөнө. (Калян С.)

Сурһуль... оч йовх көвүд амрсар тергн деер суухш. Хаалһ... хажуһар көөлдөд дөгөд йовцхана. Асхн бүрүл... гегә дахад, хурл... орад ирцхөв. Көвүд күргж йовх теглг нурһ... маштг хар өвгн ут шавр гер... һаза ирж, тергән зогсав. Ирсн көвүд одх гермүдән темцв. Оч йовх гертән нурһлж белг... йовцхана. Зәрмснь хөөлсн шар тос..., хатасн мах..., хальмг цөөтө. (Эрнжәнө К.)

Алёшк эн үкр... хойрдгч жилдән көдлжәнө. Нөөмн класс чиләһөд, Нарн... һар... ирлө. Алёшк... эцкнь Дорж совхоз... кузньд көдлнө. Көвүһән дадмг күүн... һар... өгч, мал... эрдм дасхжана. (Нармин М.)

утцн

судцн

ҺУРВДГЧ КИИСКЛҢН.

Нерәдгч	така	дөрә	бу	—
Төргч	такан	дөрән	бууһин	-н— -ин
Өггч	такад	дөрөд	бууд	-д
Гемнгч	такаг, така	дөрөг, дөрө	бууг, бу	-г, □
Бүрдәгч	такаһар	дөрәһәр	бууһар	-ар— -эр
Ниилүлгч	такала	дөрөлә	буула	-ла— -лә
Хамцулгч	таката	дөрөтә	буута	-та— -тә
Һаргч	такаһас	дөрәһәс	бууһас	-ас— -әс
Залгч	такаһур	дөрәһүр	бууһур	-ур— -үр

Һурвдгч киисклһн бүрдәгч, һаргч, залгч һурви киисквртән уңд чилгч хойрин хоорнд ниилүлгч -һ-хадвр авна.

74-гч дамшилһн. Эн бөөлһнө нердиг төргч, һаргч, залгч киискврмүдт тэвтн. 2—3 үг олзлад, зәңгс тогтатн.

Харада, цаяха, серә, керә, көвә, лу.

Я н з н ь: Харада — харадан, харадаһас, харадахур.

Харадан үр бичэ кэндэ. Урһа моднд харадаһас тус дала. Мадн харадахур өөрдхлэ, эн үргэд нисч одв.

75-гч дамшлһн. Умшад, бичх цагтан хавсрлтд бээх үгмүдиг зэцгин эркэр хуврултн. Киисклһинь болн киисквринь йилһтн. Чилгчсинь темдглтн.

1. Совхозмудт, колхозмудт (һаха) икл орута болна. (Һаха) махн, өөкн эмтнд сөөнөр эдлгднэ. 2. Хаврин цагт (харада) үр дала болж одна. (Харада) олз бас дала: бөкүн, батхн, хорха хамгиг уга кенэ. 3. Манца арвдгч (класс) сурчах күүкн. (Үвл) нааран эднэ класс агрономическ сурһуль даса. 4. Селәнэ эдл-ахун (сурһуль) специалистяр һардж сурһна. (Н. М.) 5. Днеприн (көвө) усн уга теегүр капалмуд малтгдх. 6. Һазр дораһур тэвгдсн төмр хаалһиг метро гиж нерэднэ. (Метро) поездмүд йовна. Эмтн (метро) суухин төлө давшурар һазр дор орна. 7. Үвл болхла, туула цаһаж одна. (Туула) дүңгэ хурдн аң уга гилтэ. (Туула) гөрөсн хурдн. Мана тег (туула) элвг. Альд болвчн (туула) дээсн дала.

76-гч дамшлһн. Цегин орчд кергтэ чилгчинь олад, күцэж бичтн. Бүрдэгч, һаргч киискврмүдин чилгч цөөлһтн.

1. "Ноха... төмр үлү" гидг хальмг үлгүр бээнэ. Ноха... саг адусн уга. Тер төлөднһ ноха... күн бийдән нөкд кехэр хадһлна. 2. Цаяха заһсн мет уснд бээнэ. Цаяха... бээдг һазрнь — усна нүкн. Цаяха... живр уга, цаяха... йовдл чигн уга. 3. Така — һарт бээдг шовун. Така... күүнэ үздг олзнь: өндгн, өрүлг, махн. Така... тегэд күн өскнэ. Така... олн зүсн тохмта. 4. Элэ көгшн богшурһа... үзэд, сумниң дорагшан бууж ирв. Богшурһа... ордг нүкн дала, түүнүр үкс орад одна. Бурһсн дорас богшурһа... күүкд шуугатаһар һарч ирэд, хаалһ деегүр һарч һэрэдцхэв. 5. Харада — күүнэ иньг гиж келнэ. Харада... үр гер алднд бээнэ. Харада... үүрән яссн цагт күн үргэхш. Харада... хаврин зэңг авч ирв гинэ. Харада... өкэр, хурдн шовун ховр. Харада... хамдан үкр хар нисч ирнэ. 6. Модн заагт бээсн күн көрө уга бээж чадш уга.

77-гч дамшлһн. Умштя. Зулын тускар ю меддгән, дөкэд текстэс ю медж авсан тодрхаһар келтн.

Зулыг зул сарин 25-д хальмгаһар темдглдмн. Энүг хальмг өмтн шин жил орлһн гиж тоолна. Тегэд күн болһн нежэд нас немж авна. Зул өдрин өрүн гер болһнур көгшдиг дуудна. Көгшд цөөһәр түрүн йөрэл тэвнө.

Цэ-чигән элвг-делвг болж,
Буур жил һарч, ботхн жил орж,
Күүкд-көвүдин авчах насн ут болж,
Кишгнь бат болж,
Һазр-уснаннь өлзэд багтж,
Жирһх болтха!

Дарунь "Һалын Окн Теңгр евэж өршөтхэ" гидг. Цуг Деед олн бурхдт идэн-чигәнэ ур дееж бэрж, ут нас, бат кишг евэж өршөтхэ гиж, зальврж шүтж йөрөдг.

Идэн-чигән элвг-делвг болж,
Шин оржах жилин өлзэ-кишг хальдж,
Күүкд ут наста, бат кишгтэ болж,
Өсч өргөтхэ!

Зул өдрлэ гертән боорцг кеж, күншү һарһдмн. ("Хальмг үнн" газетэс)

Өггдсн хойр йөрэл чеежәр дастн.

78-гч дамшлһн. Умшад, хавсерлтд бичэтэ үгмүдиг зэцгин утхин эркәр хуврултн.

1. Аңһуч бу авад, аңһучлхар һарв. Эн аңһуч (бу) сүмндан йир тов. 2. Маниг кеер йовтл, (оһтрһу) дун икәр һарв. Бидн цуһар (оһтрһу) дуунас эәһэд һарад гүүлдүвидн. 3. Тиигэд гүүһә йовж, (ла) орад, муурад бөөввидн. Мана үүрмүд маниг (ла) татж авв.

23. ЭВРӨ КИИСКЛҢН.

Эврә хүвс -ннь, -ан (-ән), -н, -рн болна. Эдн амр киисклһнә киизң киискврмүдин чилгчсин дару немгдж, эврә киисклһ тогтана. Хүвснь тиим олн зүсн болв чигн, цугтан "нерлгчин эврәннь юмн" гисн нег чииртә болна.

Ү л г ү р н ь: Болха һанзиг цегдгиннь хавтхд дүрв. Шовуд цандгт орчкад, живрәрни деерән ус цацна.

АМР КИИСКЛН ЭВРЭ КИИСКЛН ХОЙРИГ ДҮНЦҮЛТН.

Киисквр	Амр киисклн		Сурврнь	Эврэ киисклн	
Нерэдгч	көвүн	ах	—	—	—
Төргч	көвүнэ	ахин	кенэнь?	көвүнэнь	ахиннь
Өггч	көвүнд	ахд	кендэн?	көвүндэн	ахдан
Гемнгч	көвүг	ахиг	кенэн?	көвүхэн	ахан
Бүрдэгч	көвүһэр	ахар	кенэрн?	көвүһэрн	ахарн
Ниилүлгч	көвүнлэ	ахла	кенлэрн?	көвүнлэрн	ахларн
Хамцулгч	көвүтэ	ахта	кентөһэн?	көвүтөһэн	ахтаһан
Һаргч	көвүнэс	ахас	кенэсн?	көвүнэсн	ахасн
Залгч	көвүнүр	ахур	кенүрн?	көвүнүрн	ахурн

79-гч дамшлн. Эн текст умшад, учр-утхинь тодлж келтн.

Зулын дару, үвлин дунд сард, нег онц темдглдг өдр бээнэ. Эн өдриг жилин нойн гиж нерэднэ. Учрнь юмби гихлэ, иим. Деедин олн бурхд, Делкэн Цаһан авһа — цуһар нүүж үвлэндэн орна гиж келдг. Һурвн өдр дарандан нүүдг. Эн һурвн өдр гертэсн хот-хол, үмс һарһдмн биш. Холд һарч йовдго, цугтан зальврдг болжана. Жилин нойн өдр Зулын хөөн цөн өдр давхла, күцэгдх учрта. Туслң өдр заагджахш. ("Хальмг үнн" газетэс)

Эврэ киисклһнд бээх бээлһнэ нерд олтн, киисквринь йилһтн.

80-гч дамшлн. Бичтн. Эврэ киисклһнэ бээлһнэ нерд олж темдглтн.

1. Хурин хөөтк нарн хурц толярн мандлв. 2. Цацг хамтхасан делгж, цецгүд кееһэн үзүлв. 3. Һал ассн мөрнь һазр туруһарн чавчв. 4. Мандлсн нарта өдрэр Бембэ Альма хойр мануртсн теегүрн һарв. 5. Алвтыннь өргн аһуд ахнр-дүүнртөһэн амулң-менд бээж. (К. Д.)

81-гч дамшлн. Эн текст умшад, утхинь келж өгтн. Эврэ хүвстэ киисклһнд бээх бээлһнэ нерд олж бичж автн.

Өрүн һарсн нарн удан боллго альмн эдл улаж, хэрү сүүрлнэ. Ар үзгин киитн салькн үлэнэ. Цандгуд эрэтрнэ, мөстнэ. Богшурһас тагчград номһрна. Живрмүдтэн, өрүлгтэн наалдад көрсн дусалмудасн сулдхар седнэ. Нисч өөдлхэр эдн гүжрнэ.

Бор богшурһас нисч өөдлж чадлго, даарсн кѳлмүдѳрн хату цасн деегүр ѳсрлдж гүүлднѳ. Харслт хѳѳнѳ.

Киитн сар болсн бийнѳ усна дусал дусч, хавринѳр жиңнѳ. Ыаза хурсн цандгудт нарна толян тусна. Киртѳ чѳѳжтѳ бор богшурһас ѳнд-тендѳс нисч ирнѳ. Герлѳр болн усар байр-бахмжан кеж, ѳдн шуугж ѳѳмнѳ.

Эврѳ киисклһнѳ зокал.

1. **-ннѳ** гидг эврѳ хув төргч киискврин чилгчсин дару немгднѳ.

Ү л г ү р н ѳ: *Элстиннѳ, чирѳннѳ, янзиннѳ, күүкнѳннѳ.*

2. **-ан (-ѳн)** гидг эврѳ хув ѳггч, гемнгч, хамцулгч киискврмүдин чилгчсин дару немгднѳ.

Ү л г ү р н ѳ: *авһд — авһдан, авһиг — авһан, авһта — авһтаһан.*

3. **-н** гидг эврѳ хув бүрдѳгч, һаргч, залгч киискврмүдин чилгчсин дару немгднѳ.

Ү л г ү р н ѳ: *авһар — авһарн, авһас — авһасн.*

4. **-рн** гидг эврѳ хув ниилүлгч киискврин чилгчин дару немгднѳ.

Ү л г ү р н ѳ: *авһла — авһларн.*

82-гч дамшлһн. Бичѳд, эврѳ киисклһнѳ үгмүд олж автн, тѳднѳн татасар таттн. Киисквринѳ йилһтн.

1. Күүнд заргдад, ик болв, баһ болв олвран олх кергтѳ. 2. Сурһульдан одад, сурһулян сѳѳнѳр сурх кергтѳ. 3. Тошурхсн арвтиран дахад, үзг-чиг уга бичѳ йовад бѳ. 4. Онѳдинд Муузран чикнд ѳдр болһн хоңх уята бѳѳв. 5. Хашан хажуд үкрѳн уяд үлдѳв. 6. Сурһульюрн гүүх цаг ѳѳрдхлѳ, арн уга болв. 7. Муузра Басң хойр нег пар царан татад, хѳрү одак үвлзңгѳн темцѳд һарв. 8. Муузра һуйрасн Басңдан хуһлж ѳгѳд, наадкинѳ Батадан ѳгв. 9. Бататаһан үкрмүдѳн хураһад авв. 10. Бата бѳѳдлѳрн урдкасн сѳн. (Э. К.) 11. Ноһан босад, кѳвүнѳннѳ кѳк мѳсн болсн халхинѳ арһул үмсчкѳд, хойр хар нүдѳн ханцарн арчад һарв. 12. Хар күүкн альчуриннѳ үзүрѳр нүдѳн арчад йовна. (Б. Б.)

83-гч дамшлһн. Умшад, Муузра ямаран күүһинѳ келтн, амр киисклһнѳ болн эврѳ киисклһнѳ бѳѳлһнѳ нерд бичж автн. Альк

киисквртэн йовхинь йилһтн. Эцүстэн -и хадврта үгмүд олтн. Эдниг альк багин үгмүд гинэвидн?

Ик-баһасн авн Ноонин хө хөрүлө. Муузра хөөһөн хөрүлөд, үкрэн хэлэхэд йовдг билэ. Муузра кезэ болвчн малмудасн юм алдад, гееһэд йир уга. Муузра дүнгө малан хэлэдг күн уга. Нарарн бэрэд, нүдэрн үзэд йовдг күн. Өрүн өрлө гертэсн һарн, малын ард йовдг күн гиж келнө. Малтаһан хамдан йова йовж, эмнь ниилж одсн күн. Малан хэлэсн цагтан ахан, дүүһөн мартж оркна. Ахурн, герүрн одна гидг санан мел уга. Ахларн, дүүнрлэрн харһхларн, малан келж авад һарна. Хавр болад оркхла, гертэн, көвүндэн ирнө гидг заң мел уга. Сурһульдан одсн көвүндэн бичг бичх санан уга. Нарасн көтлүлөд, эрэ гиж гертэн ирдг күн. (Эрнжэнэ К.)

84-гч дамшлһн. Умһад, цегмүдин орчд бичх зөвтө амр киисклһнэ чилгчс, эврэ киисклһнэ хүвс олад бичж автн. Эцүстэн хадврта бөөлһнэ перд олтн. Эдниг альк киисклһнэ үгмүд гинэвидн?

Кезэнэ мал... сөөнөр үвлзүлчкөд, авад ирхлө, хөөчин, малчин нилч биш гидг билэ. Ода болхла, хөө... эмд авч ирнө гидгиг хөөчин нилч гинэвидн.

Хөөд... зөвэр тедүкнд һурвн мөрн тергн йовна. Хөө... арһул тууж йовна. Эн хөө... сөөнөр һарһад, авч йовхинь — Адучин Эрднь. Ода Адучин Эрднь хөө... Хар һазр... үвлзүлөд, хәрж аашна. Эрднь нохас... өөрэн дахулад, бийнь дуулад йовна. Эн ноха чоһас ээхш. Эрднь нохас... хотынь йир сөөнөр өгнө. Теег... йовн йовж, энд-тендэн хэлэхэд, һөөхэд йовна. Ичэн... һарсн зурмд нег-негнәннь менд медлдсн мет гүүлднө. Эрднь сөөхн кер күлгин... жолаг нигт торһн дел деернь хайж. (Калян С.)

85-гч дамшлһн. Умһад, цегмүдин орчд кергтө чилгчс болн хүвс немж бичтн. Алцтрулгч хадврмудта үгмүд олтн. Зокалмудынь келтн.

1. Өрүн өрлө босад, тадн һар... уһатн. 2. Мана шкoлын багш көвү... сурһжана. 3. Көвүд сурһул... дасад, амрхар бөөнө. 4. Мана колхозин залус мөр... тергнд йовдг дасчана. 5. Үкс гиж үкр... саатн. Үкр... хот өгтн. 6. Сурһульчнр, шулун дегтр...

умштн. 7. Теег... мал... һарһж идшлүлтн. 8. Өвс... хадад, үвл... бийән сәәнәр белдтн. 9. Үвлин киитнәс һархин төләд, дулан хувц... белдтн. 10. Ном... сәәнәр сурхин төләд, болһамжтаһар багш... соңсч бә.

24. БИЙ КИИСКЛҢН.

Бий киисклһн амр киисклһнә чилгчсин дару нүр орч нернә бийлгч хувс немж авад тогтна.

Ү л г ү р н ь: *Бадмин ханцнань товчиг эгчнь батлж үйж өгв. Шонч утхар һазрин көрсинь эвдлго малтад, эдн шаһасан булцхав.*

Төргч киискврт бәәх нүр орч нерд хасгдад, бийлгч хувс тогтана:

	нег тоодан	олн тоодан
1-гч нүр	би — мини — -м	мадн — мадна — -мдн
2-гч нүр	чи — чини — -чин	тадн — тадна — -тн
3-гч нүр	эн — үүнә	эдн — эднә
	тер — түүнә — -нь	тедн — теднә — -нь

Ү л г ү р н ь:

Мини гер гихин орчд герм гиж келнә.

Мадна гер гихин орчд гермдн гиж келнә.

Чини гер гихин орчд герчн гиж келнә.

Түүнә, теднә гер гихин орчд гернь гиж келнә.

86-гч дамшлһн. Дор барлгдсн бәәлһнә нердиг бий киисклһнд хуврултн. Зәрминь олзлад, зәңгс тогтатн.

Наһцх, эцк, һар, школ, орн-нутг, түлкүр, межә, харул, санан.

Я н з н ь: наһцхм, наһцхмдн, наһцхчн, наһцхтн, наһцхнь.

87-гч дамшлһн. Эн зәңгс бичәд, бий киисклһнд бәәх бәәлһнә нердин киисквринь болн ямаран хув авсинь келтн. Удан эгшгтә үгмүд олтн. Зокалынь келтн.

1. Ивтркә ухата ахнран иткж, седклинь тевчит. 2. Ухарлыг тана бәәдл ухаһим нарна герләр дүүргнә. 3. Нүднәм хәләцд ода

насны түүнэ баһрна. 4. Арнзлмудын делсен сүүлмүд агчмд нүдндм торлзв. 5. Кемр чини жирһличн кемжэлж арһичн тоолад, һанцхн нег эрдм һартчн бэрүлсн болхла, түрү гиж, чи түүнәсн бичә ханц. (К. Д.) 6. Сержннж кәдлсн серүн салькнд күүкнә альчуриннь үзүрнь наадсн болж медгднә.

88-гч дамшлһн. Умшад, текстин утхинь келтн. 8—10 бәэлһнә нерд олтн, теднән бий киисклһнд хүврүлж бичтн.

Сибирин алдр Енисей һол дорд үзгәснь ар үзгүр цуг Сибириг һатлж урсад, киитн Карск теңгсүр гүүж орна. Баатр Енисей һол сәәхн, мана орн-нутгт хамгин дүүрң элвг уста, ут һолмудын негнь!

Зууһад жилмүдт урһжах модн шуугна, чагчм эргәс хад чолуд кәлврж уснд унна. Күчтә Енисейин гүүдл хурдн. Энүг зогсадг күчн уга болж медгджәнә.

Болв Красноярск балһсна өөр Енисей һолыг плотин боов. Уласн авн ора күртлән эн зун метр өндр. Иим өндр плотин тосххд күнд билә. Хурдн урсхулта Енисейиг плотин ээрч зогсав. Усна кемжән немгдәд өөдлә йовж, плотинә өмн ик теңгс болж цуглрв. (Г. Ганейзер)

БИЙ КИИСКЛҢНӘ БӘӘДЛ.

Киисквр	1-гч нүүртән		2-гч нүүртән		3-гч нүүртән
Нерәдгч	мөрм	мөрмдн	мөрнчн	мөрнтн	мөрнь
Төргч	мөрнәм	мөрнәмдн	мөрнәнчн	мөрнәнти	мөрнәнъ
Өггч	мөрндм	мөрндмдн	мөрндчн	мөрндтн	мөрнднь
Гемнгч	мөрим	мөримдн	мөричн	мөритн	мөринь
Бүрдэгч	мөрәрм	мөрәрмдн	мөрәрчн	мөрәрти	мөрәрнь
Ниилүлгч	мөрнләм	мөрнләмдн	мөрнләчн	мөрнләти	мөрнләнь
Хамцулгч	мөртәм	мөртәмдн	мөртәчн	мөртәти	мөртәнъ
Һаргч	мөрнәсм	мөрнәсмдн	мөрнәсчн	мөрнәсти	мөрнәснь
Залгч	мөрнүрм	мөрнүрмдн	мөрнүрчн	мөрнүрти	мөрнүрнь

1. Негдгч киисклһнэ бээлһнэ нерд нерэдгч киисквртэн -м, -мдн, -нь гидг бийлгч хувсин өмн -н гидг төгсгч хадвран геенэ.

Ү л г ү р н ь:

көвүн — көвүм, көвүмдн, көвүнъ;

мөрн — мөрм, мөрмдн, мөрнъ.

2. Төргч киисквртэн -чн, -тн гидг хойрдгч нүүрин хувсин өмн эрк биш -н гидг немр авна.

Ү л г ү р н ь:

көвүнэ — көвүнэнчн, көвүнэнтн;

мөрнэ — мөрнэнчн, мөрнэнтн.

3. Амр киисклһнэ гемнгч киискврин -г гидг чилгч бий хувстэ киисклһнд -һ болж хуврнэ, таһр деернь -и гидг немр эгшг авна.

• **Ү л г ү р н ь:** *көвүг — көвүһим, көвүһимдн, көвүһичн, көвүһитн, көвүһинъ.*

БИЙ КИИСКЛҺН.

Киисквр	1-гч нүүртэн		2-гч нүүртэн		3-гч нүүртэн
Нерэдгч	герм	гермдн	герчн	гертн	гернь
Төргч	геримм	гериммдн	гериичн	гериитн	гериинъ
Өггч	гертм	гертмдн	гертчн	герттн	гертнь
Гемнгч	герим	геримдн	гериичн	геритн	геринъ
Бүрдэгч	герэрм	герэрмдн	герэрчн	герэртн	герэрнь
Ниилүлгч	герлэм	герлэмдн	герлэчн	герлэтн	герлэнь
Хамцулгч	гертэм	гертэмдн	гертэчн	гертэтн	гертэнь
Һаргч	герэсм	герэсмдн	герэсчн	герэстн	герэснь
Залгч	герүрм	герүрмдн	герүрчн	герүртн	герүрнь

1. Амр киисклһнэ төргч киискврин -ин гидг чилгчтэ бээлһнэ нерд -м, -мдн гидг негдгч нүүрин бийлгч хувсин өмн -им, -ым болж хуврнэ.

Ү л г ү р н ь:

терзин — терзимм, терзиммдн;

малын — малымм, малыммдн.

2. Амр киисклһнэ гемнгч киискврин -иг гидг чилгч бийлгч хувсин өмн хасгдад, шуд -и болж үлднэ.

Ү л г ү р н ь:

терзиг — терзим, терзимдн; терзичн, терзитн; терзинъ.

89-гч дамшилһн. Умштн. Санжин самһа йовдлын тускар келтн. Тадн яһж дегтрмүдән хадһлнат? Бий киисклһнд йовх бөөлһнә нертә зәңгс девтртән буулһж бичтн. Хүвсинь темдглтн.

САМҺА ЙОВДЛ.

Школын библиотекәс Санж
Шин дегтр авв.
Бәрлдән, дэәнә тускар
Болһаж шүтәд умшв.

Хойр наста дүнь,
Хоран нег булңд,
Дөрвлжн кубиксәр
Делдж босхад наадв.

Санжин бичкн дү
Санл боркрад уульв.
Дегтрин зургуд үзүлж,
Дүүһән уульдгинь уурулв.

Санж шил һатцас
Соньн һәәхмж үзв:
Ноха мис хойр
Ноолдснур тагчгрж шилтв.

Болв нег ә
Болһасн Санжиг әргүлв.
Хәләхлә: Санл дегтриннь
Халхс шуулжаснь үзгдв.

Санж асхн күртл
Саналдж үрүдәд зовв,
Көдлмшәсн ирсн эцкнь
Көвүһән керлдж шоодв.

Шуулгдсн халхс диглж,
Шар зусар наав.
Дегтр яһж төрдгинь
Дараһарнь үрндән келв.

Тер өдрәс Санж
Талданар бийән бәрв.
Дегтрмүдән цаасар ораж,
Дигтнь тәвдг болв.

(Көглтин Д.)

90-гч дамшилһн. I. Бий киисклһндән йовх бөөлһнә нердин киисквр йилһж темдглтн. Харар барлата үгмүд шинжлтн. Ямаран зокалын үгмүдв. Зокалынь ухалж келтн.

1. Байрин дууһим дуулсн баһчуд билгәрн асв. 2. Олна седкллә ниилсн ончта дуучм өсв. 3. Эңкр теегм эндән дүрклнә. 4. Тавн зүснь малнь тооһан холвж нигтрнә. 5. Шүхмр алтн **буудянь** шар нарнла наадна. 6. Хаана йоснь хольв тусла, көдлмшч улсмдн көөсән күцлә. 7. Сохр нүдн гегә үзлә, **сурһуль-эрдм** герл болла. 8. Дээнд әгрсн үүрмүдм дәкнәс зүүдндм орна. (К. Д.) 9. Мөрнә күзүг илхлә, көлиннь бульчң чичрв. Эмгнә зүн чикнәннь ашкт зүүлһәтә төөлг сиикнь дууһинь дахч нәәхлв.

II. Айслуулж умштин. Чесэжэр тодлтин. Бий киисклһнд бээх үгмүд буулһж бичтин.

ЭВРӨ ҺАЗР — ЭЭЖ.

Таньл, иньг болхар
Тана һазруртн ирлэв.
Хэр һазртн таастдв,
Хээртэ үүрмүдчн олдв.

Зуг Хальмгм — ээжм
Зүүдндм орж үзгднэ.
Теегэн сансн гэрэсншң
Таңһчурн зүркм күгдлнэ.

(Шавалин Д.)

91-гч дамшлһн. Эн зэңгст цегин орчд бий киисклһнэ хүвс немж бичтин.

Ода модн нүцкрэд,
Омг... шантрсн бээнэ,
Хоосн бүчр... шовалдад,
Хоома седкл үүдэнэ.

Хойр чик... дарна,
Хамр деерм торна,
Хойр нүд... амрна,
Харань улм ясна.

(Бембин Т.)

(Козлдур.)

Гес... цадсн күүкиг
Гекүлэд, нөр диилнэ.
Ээж... орнд... орулад,
Элкндэн шахад унтулна.

Ижлин бахлур, теңгсин экн,
Иньглж өссн эңкр теег... —
Эн эргндэн басл дуртав.
Эн эргн — Төрск... лавта.

(Бадмин С.)

(Бембин Т.)

Киисклһнэ тускар давтх дамшлһс.

92-гч дамшлһн. Өггч болн гемнгч киисквртэн йовх бээлһнэ нерд салһж бичтин. Алык киисклһндэн йовхинь йилһтин. Шуд келлһтэ зэңг олад, түдлһнэ темдгинь цээлһтин. Эврэ бээлһнэ нерд яһж бичгддгинь келтин.

”Хамаран одх билэч?! Хэрү эн герт орж ирхч. Өнчн олин көвүд-күүкдт өңгөр хотынь, хувцинь өгч, кен асрх болһнач?” — гиж Эрднь Нүүдлэ тал хэлэж келчкөд, сүүсн ормасн нүүхлзэд, бүрксн өрмгэн илв.

Санж тергнэ хажуд дахад гүүсн көк теегүр хэлэчкэд: "Чамас салхд нанд хату... мини зүркнд мөнжинд бөөхч, дурта мини тег..."

Санж өмнк күлэжэх хөвдөн байрлад, кесгтэн унтл уга, хойр харан толһа доран авад, теңгрин олн оддыг хэлэхэд кевтнэ. Өрүн өрлэ көвүд-күүкд босад, цөөһөн уучкад, дөрвн темән тергэр Өэдрхнэс ирсн хойр залуг дахад йовцхав. (Боркан С.)

93-гч дамшлһн. Бичэд, бөөлһнэ нерд ямаран киисквртэн, альк киисклһндэн йовхинь йилһж темдглтн. Келц үгмүд олж келтн.

Гертэн санапр дегтр умшч суусн цагла радиоһар генткн: "Мана Советск Союзин межәһүр немшин фашистһрин церг дэврэд, дэ эклчкв", — гисиг соңсчкад, зүркнь өрчднь хатурад, араһан зууһад, нудрман атхад, гертэс гүүж һарчкад: "Э, чамас, хойр көлтө аң, өшөһөн авхв", — гисн бөөдлтөһөр толһаһан өргэд, деед үзгүр хэлэв.

"Мини Хальмгм Советин йосна нилчэр ондан болж хуврлэ. Өргн көк теегэр трактормуд болн комбайнс шуугла. Өмннь чон эзлжэсн көндө һазрт мини дурта Элст балһсн тосхгдла. Баһчудт школын болн институтын үүдн өргнөр секгдсмн. Эн һарарн бэрэд тосхсн жирһлиг хортн кедү һалзурад дэврвчн, мөлтлж чаддмн биш", — гиж дотран санув. (Боркан С.)

94-гч дамшлһн. Бүрдэгч һаргч хойр киискврт бөөх бөөлһнэ нерд альк киисклһндэн йовхинь йилһж бичж автн. Жөөлн темдгтө үгмүд олтн, терүнэ зокал келтн.

1. "Ода мана одх һазр холый?" — гиж хажудан суусн залуһас сурв. 2. Наадк сумдын тоолл уга, хортнур шулуһар өөрдх ухаһар, танкиг бөөсн хурдарнь эрлзүлв. 3. Та юн кергэр нааран ирвт? 4. Түүнэ хөөн хойр көлтө аңгиг нүкн талнь көөж йовад, Санж күндэр шавтв. 5. Нүүдлэ Эрднэс тавн насн дү. 6. Хөөнэ арсар кесн чиигтө хуучн махлаг Санж дарж өмсв. 7. Нег дэкж Лазерь Хахарович өмнкэсн үлүһар Темировиг үг келүлхэр таалмжин зүсн-зүүл үгэр генүлв. 8. Һалзн цар өмнк кевэрн бочкта тергиг бальчгта хаалһар күгдлэд татв. 9. Һартан бэржэсн ташмгарн далар дэврүлэд, хойр дэкж цокв.

95-гч дамшлһн. Бичэд, бөөлһнэ нердиг киискврэр хуврэтн.

Уул, эндү, тоһстн, хол.

96-гч дамшлһн. Бичэд, бөөлһнэ нерд олж авад, ямаран киисквртән йовхинь йилһтн. Алцтрулгч эгшгүдтэ үгмүд олтн, дсернь немж келтн. Удан эгшгтэ үгмүд темдглтн.

Теңгр харңһурв. Шуурһн иим дала цас хамаһас авад ирэд бөөдгнь медгдхш. Өвснд одсн һурвн залу одачн уга. Өвс ачсн һазрнь хашаһас зурһан зун метр. Шуурһн шуура. Хөөчнр цасиг хойр талан селн шивв. Өвстэ цанмуд үзгддгән уурв. Өдр чилв. Залус цаснла дээлдэ бөөж, сөөг өңгрүлэд, өр цөөлһв. Зовлң ээмшг хойр хоолца болв. Хувцан батлж өмсэд, хот-хоолан авад, хөөчнр цанта өвсән цаснас малтж авад, хөөдән ардан цувулад һарцхав. Күн шуурһн хойр үктлән ноолдв. Күн шуурһиг диилв. Күн бийән харсн, малан шуурһнас менд авч һарв. (Хоньна М.)

25. БӨӨЛҢНЭ НЕРНЭ ТО.

Бөөлһнэ нерн олн юмна тускар медүлжин төлэ -д, -муд (-мүд), -уд (-үд), -чуд (-чүд), -с, -нр гидг олн тооһин суффиксмүд немж авна.

Нег тоодан нерэдгч киисквртән бөөх бөөлһнэ нерд деерән немгдх зөвтэ суффиксмүд авад, олн то тогтана.

Ү л г ү р н ь: мөрн — мөрд, хөн — хөд, темән — темэд; чон — чонмуд, туһл — туһлмуд, үкр — үкрмуд; хург — хургуд; ноха — нохас, хаша — хашас; ах — ахнр, эцк — эцкнр.

Негдгч киисклһнэ бөөлһнэ нерд н гидг хадвран эрк биш гееж, деерән -д гидг суффикс авад, олн то бүрдәнэ.

Ү л г ү р н ь: көвүн — көвүд, чолун — чолуд, модн — модд, темән — темэд, нуһсн — нуһсд.

97-гч дамшлһн. Умштн. Бөөлһнэ нердин олн тооһин суффиксмүд олтн.

1. Хөд торһн ноосн девлдән халурхад, уста царңгин көвөһэс толһаһан һазрас өндөлһлго, баглрж шооһна. 2. Дуунд дуулгдад уга, келврин һоллгч героймуд болад уга, күч-көлсч күңкл улсар мана тег өнр. 3. Көдлмшәри баһчудла дөрлдж, көгшд совхозд көдлв. (К. Д.) 4. Өвс колхозд белдхәр кесг машид һарад йовж одв. 5. Ода мөрн тергд эдл-ахун көдлмшт икәр олзлгдхш. 6. Эн жил совхозин хөд, ямад, темэд Хар һазрт үвлзх зәңгтэ.

98-гч дамшилһн. Эн бөөлһнэ нердиг оһн тоод буулһти.

Шовун, мөсн, наадн, заһсн, чолун, нүдн, судцн, хувцн, модн, арсн, зорхн, деесн.

Һурвдгч киисклһнэ бөөлһнэ нерд -с гидг суфффикс авад, оһн то бүрдәнэ.

Ү л г ү р н ь: *толһа — толһас, така — такас, харада — харадас, бу — бус, зара — зарас, туула — туулас.*

99-гч дамшилһн. Эн бөөлһнэ нердиг оһн тоод буулһж бичти. Харар барлата үгмүд олзлад, зөңгө бичти.

Дала, дөрә, керә, мөрә, хала, зала, хаша, таава, харада, шаазһа.

100-гч дамшилһн. Оһн тооһин чинртә үгмүд олж, суфффиксмүдинь темдглти. Бөөлһнэ нернэ һурви киисклһнэ үгмүд оһн тоодан ямаран суфффиксмүд авна, шинжлти.

1. Оһн зүсн цецгүд тәрсн клумбин өөр күүкд хурв. 2. Цасн гермүдин орасиг, урһа моддыг көвкр цаһан көнжләр бүркв. 3. Оһн-нутгин межә маначнрт нохас ик дөңгөн күргнэ. 4. Хальмг Таһчд такас өскдг эдл-ахус бас бөөнэ. 5. Үвлд зарас, мекләс, аюс ичөндөн орна. 6. Модн заагур йовж йовсн аһһуч цасн деер тууласин мөр үзв. 7. Харадас нисч ирэд, хаврин зөңг авч ирв.

Күмн-әмтнэ, элгн-сadia, үүлдвр-көдлмшин туск чинртә үгмүд оһн тооһин -һр гидг суфффикс авч тогтна.

Ү л г ү р н ь: *ач — ачһр, авһ — авһһр, аав — аавһр, ду — дууһр, сурһульч — сурһульчһр, малч — малчһр, көдлмшч — көдлмшчһр, эмч — эмчһр.*

101-гч дамшилһн. Эн зөңгө бичөд, -һргидг суфффикстә бөөлһнэ нерд темдглти. Иим суфффикстә бөөлһнэ нерд ю темдглдгинь келти.

1. Мана республикин билгтә урн эрдмчһр Москвад эврә билг-эрдмән үзүлв. 2. Зоотехник эдл-ахун малчнрт тусан күргж көдлхәр зүткв. 3. Ызадын өшәтһрәс Төрскөн харсхмн.

4. Москвад багшнрин хург болв. 5. Сурһулян сээнор төгсэсн сурһульчнр Хар теңгс орж амрв. 6. Элстд хөөчнр, үкрчнр хурад, малын өслтин тускар күүндвр кев. 7. Адучнр бас орлцв.

Бээлһнэ нерн л, р, с, ш, з хадврмудар төгсхлэрн, -муд (-муд) гидг суффикс авч, оли то бүрдэнэ.

Ү л г ү р н ь: *һол — һолмуд, мал — малмуд, стол — столмуд, үкр — үкрмуд, һар — һармуд, кевс — кевсмуд, беш — бешмуд, күрз — күрзмуд.*

102-гч дамшлһн. Эн зэңгсэс оли тоод бээх бээлһнэ нерд салһж бичтн.

1. Башмгудан тээлэд, һартан бэрж авчкад, тооста хаалһар шиигэд йовनावидн. 2. Зунн сармуд урһв. 3. Зүн бийдк орн деер давхр девлмүдэр хучата күн кевтнэ. 4. Бичкдүд хурһн зузан ээрстэ көлмүдэрн хотна хомһлыг бүргүлэд, тарвалдад, гүүлдэд һарв. 5. Хальмг тохмта үкрмуд асрж хэлэх керг нүүрлгч малчнрт даалһгдв. 6. Мини бичкндк цаг дээнэ күнд жилмүдлэ харһв. 7. Шин жилин урһцла эңкр үүрмүдэн йөрөнөв.

103-гч дамшлһн. Эн бээлһнэ нердт -муд (-муд) гидг суффиксмүд немэд, оли то бүрдэтн. 4—5 үг орулад, зэңгс тогтатн.

туг — тугмуд

беш —

гер —

көл —

серкш —

хэлэвр —

цар —

шил —

цаг —

жил —

үкр хар —

баг —

Бээлһнэ нерд г, һ, н, к хадврмудар төгссн болхла, оли тоодан -уд (-үд), -чүд (-чүд) гидг суффиксмүд авна.

Ү л г ү р н ь: *хург — хургүд, зург — зургүд, аң — аңгүд, заң — заңгүд, колхозник — колхозникүд, баһ — баһчүд.*

Болв нег цөөкн үг эн зокалла ирлцхш.

Ү л г ү р н ь: *туг — тугмуд, үг — үгмуд.*

104-гч дамшлһн. Умштн. Оли тооһин бээлһнэ нерд олад, яһж тогтсинь цээлһтн.

Хальмгуд дундас нертэ дээч Городовилов һарла. Городови-

ков кесн үүлдврэрн мартгдш уга күн. Орсмуд, хальмгуд, хазгуд Городовиковин һарт йовж дээлдж йовсн болдг. Кесг баһчуд чигн Городовиковиг дахж дээлдлэ. Баячуд түүнэ дивизэс икэр ээж зулдг бээсмн.

105-гч дамшлһн. Ямаран суффиксмүд олзлад, олн тооһин бээлһнэ нерд эн үгмүдэс бүрдэхэн санад бичтн.

Аң, арслң, хург, хазг, белг, тулг, зург, бээшң, темдг, үзг, байн, цацг.

106-гч дамшлһн. Бичэд, олн тоод йовх бээлһнэ нерд темдглтн. Бээлһнэ нердин олн то яһж тогтсинь цээлһтн.

1. Кесг жилин хөөн эндр асхн кеерэгшэн тег кедж һарад, теңгрин сээх һээхлэв. 2. Олн жилин туршарт орчлңгин аһу шинжлв. 3. Царңгудт өвснэ искрдс цаңтсн ораһарн цээлднэ. 4. Герлтэ апрель сарла гермүдин үүдн секгднэ. 5. Олн жил хооран орчлңгин нег захд арвн хойр ахта Альма күүкн билэ. 6. Ахнр-дүүнр цуһар асхар оларн хурж, ард-өмнкэн тоолна. (К. Д.) 7. Цөн минут давв, урлданд орлцсн Мергн кесг сурһульчиг ардан үлдәһэд, түрүн болж ирв. 8. Дааж чадшго ханлт тадндан хөөчнр илгәсиг соңстн!

* * *

Төрскм Улан площадь деегүр
Төвкнүн хаврин майяр урсна.
Көгжмәр дүүрң көк теңгрәр
Көглжрһн шовуд үүрлж ниснэ.


(Н. В.)

26. БЭЭЛҮНЭ НЕРНЭ БҮРДӘМЖ.

Бээлһнэ нернэс бээлһнэ нернэ бүрдәмж.

Бээлһнэ нерн суффикс авад, талдан чиртэ бээлһнэ нерн болж бүрднэ.

Суффикс -ч авад, бээлһнэ нернэс күүнэ эрдм үзүлгч бээлһнэ нерн бүрднэ.



Кемр үг н хадврар төгссн болхла, терүгэн -ч гидг суффиксин өмн геенэ.

Ү л г ү р н ь: *яман — ямач, модн — модч.*


107-гч дамшлһн. I. Эн үгмүд орулад, зэңгс тогтатн.

Темән — темәч; ял — ялч; үкр — үкрч; хөн — хөөч; мал — малч; һазр — һазрч; арсм — арсмч; заһсн — заһсч.


II. Дор барлгдсн бәәлһнә нердт -ч гидг суффикс немәд, күүнә эрдм үзүлгч бәәлһнә нерд бүрдәтн.

Агроном, эм, кәдлмш, сурһуль, тууж, түлкүр, тәрән, һосн, беш, түлән, шог, би, дун, харул, урн, жола.

-вч суффикс авад, бас бәәлһнә нерн бүрднә. Тер цагт тиигәд бүрдсн бәәлһнә нернә чинр ондарж одна.



Тер мет -тн гидг суффиксәр дамжад, цуглулгч чинртә бәәлһнә нерн бүрднә.



108-гч дамшлһн. Дор барлгдсн үгмүдәс -вч, -тн гидг суффиксмүд немәд, бәәлһнә нерд бүрдәһәд, эн үгмүдән олзлад, зэңгс тогтатн.

Хурһн, нүдн, амн, хавсн, тоха, күзүн, әмн, хумсн.

Үүлдэгчэс бээлһнэ нернэ бүрдэмж.

Үүлдэгчэс *-ач (-эч), -ул (-үл), -ур (-үр), -ц* гидг суффиксмүдэр дамижад, бээлһнэ нерд бүрднэ.



109-гч дамшлһн. I. Эн үгмүд орулад, зэңгс тогтатн.

Бичэч, йовач, хааһул, нүдүр, хадур.

II. *-ач (-эч), -ул (-үл), -ур (-үр), -ц* суффиксмүдэр дамжулад, бээлһнэ нерд бүрдэтн.

Бээр, умш, зур, зал, бэр, бүл, гет, экл, ке, ха, орһ, хэлэ, өргж, хад, бүрдэ, чимк, үүлд, төв, ав, түлк.

110-гч дамшлһн. Эн зэңгсэс бээлһнэ нерд олж авад, яһж бүрдсинь йилһтн.

Хаврт мал төлән авна. Тер цагт малыг өдр сө уга хэләнэ. Малчирт ик нөкд кергтө болна. Студентнр, селәнэ ах классин сурһульчнр эднд дөңгән күргнэ. Дара-дараһарн эдн манач болцхана, өдртнь хөд, хурһд хөрүлнэ. Зөрмнь малын хаша-хаацинь ясна, девскринь сольж цеврлнэ. Иигэрән көдлөчирт хот, хувц авч ирнэ. Эн хамгар эдниг теткдгнь хулдач болна.

Бээлһнэ нернэ морфологическ йилһлт.

1. Келлһнэ хув.

2. Эклц кев-янзнь (нерэдгч киискврт, нег тоод).

3. Шишлң эс гиж эврэ бөөлһнэ нерн.
4. Киисклһнэ баг (1-гч, 2-гч, 3-гч).
5. То.
6. Киисквр.
7. Киисклһн. Бий киисклһнд болхла, ямаран нүүрт.

Ү л г ү р н ь:

Церн үүрмүдэн күндлнэ.

Үүрмүдэн, эклц кев-янзнь — үр, шишлң бөөлһнэ нерн, олн тоод, гемнгч киискврт, эврэ киисклһнд бөөнэ.

111-гч дамшлһн. Умштн, харар барлата үгмүдин морфологическ йилһлт кетн.

1. Хаалһдан таанр төөрхн угат. Халта живртн цуцрхн уга.
2. Олна алдр **диплвриг** омлһу шүлгч соңсхла. 3. Сээхн туурмжнь йова, салютын һаларн аса. 4. Шофёр, **трактористнр**, машиндэн ястн, шамдж, зөөврт орлдцхатн. 5. Тадна көдлмшин ашар парвлян туслң шиидвр һарһв. 6. Өвкин халта авцар цалмдад татнав, кергин зальд келсндэн күрдг залу болнав. 7. Бүүрин түлкүр олхин төлэ, түрүн десант бүтү модна бэрэнд орна. 8. Октябрин омлһу йовц — ондан цагин эклц. 9. Ноһан девскрэр **теегм** бүркгдв.

112-гч дамшлһн. Эн үгмүдэс бөөлһнэ нерд бүрдэтн. Теднэи олзлад, зэңгс тогтаһад бичтн.

Шуур, бул, сан, жирһ, сер, кил, хэ, ид, за, хан, дөң, тес, ха, харш, хад, төөл, сур, серг, болһа, хон, таш, түш, шах, тул, таас, тача, яс, һунд, тогта, даалһ, шиид, үзгд.

ЧИНРЛГЧ НЕРН.

113-гч дамшлһн. Бичтн. Ямаран? гидг сурврт хэрү өгчөх үгмүдиг гөрвксн татасар темдглтн.

1. Кезэнэ бөөж. Муусин нутгт һурвн көвүтэ угатя эмгн өвгн хойр бөөж. Тер өвгн ик көвүһән мууст һурвн жилэр илвтэ

күүнд сурһульд өгнэ. Эдү-тедү болсн цагт өвгнэ көвүн сурһулян төгсөнэ.

II. Өңгтэ сээхн зеерд күлгтэ Сурмзл бумб хан бээж. Көк девән өвснд, киитн булгин уснд күлгүдән амраһад, авч һарсн агтсарн хот кеһэд хонцхав. Күрң хар өргэг, бөкн өвсиг бөклзүлл уга, нэрн өвсиг нээхүлл уга, барун өвдг деерән барун жолаһан дарад, зөв эргэд, сайг жораһарн ирж, шар цоохр тугин дор буув. Маңһдуртнь Мергн түшмл зун сэәнэ көвүдән дахулад, марһанд ирж орв.

27. ЧИНРЛГЧ НЕРНЭ ТУСК МЕДВР.

Юмна темдг болн чинр медүлгч, я м а р а н? э с г и ж к е н э?, ю у н а? гидг сурврмудт хэрү өггч үгмүдиг чинрлгч нерн гиж нерэднэ.

Ү л г ү р н ь: Цаһанцасн орж. Ик гер бәржәнэ. Әәдрхнэ чолун шивэ. Булгин усн.

Чинрлгч нерн оньдин болн тогтагч гиж хувагдна.

Ү л г ү р н ь: Улан (альчур), цоохр (мөрн), жөөлкн (цасн), бат (деесн), хату (модн) — оньдин чинрлгч нерд; герин (ора), аратын (арсн), ниднэк (хавр), урһмл (модн), гүрмр (хувцн) — тогтагч чинрлгч нерд.

Зәңдг чинрлгч нерд бәәлһнэ нердлэ ниицнэ, цәәлһлт болн келгч мөч болна.

Ү л г ү р н ь: Гиигн машин өргн тиньгр хаалһар жирлзэд йовна (гиигн, өргн, тиньгр — цәәлһлтс). Мана классин өрә ик, у, сарул (ик, у, сарул — келгчс).

114-гч дамшлһн. Чинрлгч нердиг цәәлһүлжәх үгмүдтәһинь бичж автн.

Үвлин ут асхн ирв. Киитн салькн номһрв. Бөркр үүлд нүүһэд, теңгр чилгрлв. Герлтә одд гилвкцхәв. Эндән дүң-дүлә, тагчг. Генткн ө-шуһу модн дотр юмн уульсн э һарв. Эн дуунас әәмтхә туула әәһэд, көвкр цаһан цасар бүркәтә модн доран орж бултв. Өөрхн селәдин нохас хуцлдв. Эн гейүрж дуулсн дууг нохас алдл уга таньлдцхана. Эн өлн чонмуд бийдән хот хәәж һарч йовна.

Чинрлгч нерн киискврмүдэр хуврхш.

Нерэдгч	<i>ик гер</i>	Бүрдэгч	<i>ик герэр</i>
Төргч	<i>ик герин</i>	Ниилүлгч	<i>ик герлэ</i>
Өггч	<i>ик герт</i>	Хамцулгч	<i>ик гертэ</i>
Гемнгч	<i>ик гериг</i>	Наргч	<i>ик герэс</i>
		Залгч	<i>ик герүр</i>

115-гч дамшлһн. Бичтн, бөөлһнэ нернэ чинр авсн чинрлгч нер олж темдглтн. Ямаран чинрлгч нерд бөөлһнэ нернэ чинр авч?

1. Байн Күңкән Алтн Чеежнь Күнд Нарта Саврин Күүкн Күрң Налзнар күрэд ирв. 2. Алдр богд Жаңһрин Арнзл зеерд йовх болж һарв. Дөрвн кәлдән шар уста Алтн Чеежин күлг дүүвр агсг Улан йовх болж һарв. 3. Зан Тәәж хан уулын чинән оһтр Шар Цоохран тохулад, түмн боднган дахулад мордв. 4. Олн һазрин бетк хазгсн, олн һолын ус уугсн, агсг Уланан түрүлүлтн гисн, авһин келсн үг эс билү гинәд, агсг Уланар йовв. (Ж.) 5. Теңгин адун дундас төөлтә кеериг тохла. (С. А.) 6. Сайг сәәхн саарлын сәэр деернь өсләв. 7. Колхозин хар кер мөрн урданд түрүн орм эзлв.

116-гч дамшлһн. Бичтн, оньдин болн тогтагч чинрлгч нерд темдглтн, ямаран мөч болж йовхинь келтн. Ямаран хойр әңгд эн текстиг хуваж болх. Әңг болһнднь нер өгтн.

МОДД.

Мана Элстиг ирсн әмтн — көк балһсн гинә. Иим үнллһн мел чик. Балһсна уульнцсин хажуһар, парксар олн зүсн кеерүлин модд урһна. Цугтаһаснь өндр уласн делгүдән урһна. Лир модд хаврт цаһан цецгүдән шавшулж каңкнна. Эн үүрмг хамтхаста модд мана теегт сәәнәр үндслж урһна. Боодгудын көвәһәр, усна тогталмуд эргж, сәәхн удн урһна. Оньдин көк өңгтә һацур, жөөлн цаһан, жөкн энд-тенд үзгднә. Агч, зирк, күүрсн, цаһан хусм уста һазрт үзж болхмн.

Городовиковск, Яшалтинск райодт зер-земшин модд икәр урһна. Улан әмтәхн альмна, кедмнә модд әмтн икәр тәрнә. Хар өргин болн шар өргин модд сән урһц өгнә. Зуслцст чи, тоорин модд болн жимсин за бас урһна: бөөлжрһн, бөөрлзһн, сувсрһн.

28. ОНЬДИН ЧИНРЛГЧ НЕРН.

Онъдин чинрлгч нерн юмна шишлң темдгин, чинрин ик-баһинь медулнә.

Онъдин чинрлгч нерн бәәлһнә нернә олн зүсн чинр темдглнә.

Ч и н р и н ь: хату цаасн, күүрг чолун, жөөлн көвң.

Т е м д г и н ь: төөлтө туһл, сарул өдр, үүрмг хур, хагсу һазр.

Ю м н а б о л н м а л ы н з ү с и н ь: цаһан утцн, шар нарн, көк теңгр, кер мөрн — кеегч гүн, улан цар — улагч үкр, зеерд мөрн — зеегч гүн.

Ю м н а а һ у, и к - б а һ и н ь: ик гер, бичкн дегтр, өндр модн, машгт күн, ут хаалһ, өөрхн иньг.

Ю м н а б ә ә д л, к е в - я н з и н ь: хавтха һуйр, төгрг таава, мээһг көл, монтхр толһа, зузан ул.

117-гч дамшлһн. Эн зәңгсиг бичәд, чинрлгч нерд олж авад, чинрәрнә йилһтн. Давхр зәңг олтн, һол мөчмүдинь темдглтн.

Элвг хальмг теегт сән хавр болв. Хамань болв чигн байрин шин айсмуд соңсгдсн болна. Хөөчнрин дун һарна, олн зүсн шовуд жирглднә, теегин гексмүд теңгрт нисч дүүврдсн болна, ичәнәс һарсн зурмд нег-негнәннә менд медлдсн болж гүүлднә. Нарна наад бийәр көвкр цаһан үүлд салькнд көөгдж нүүлднә. Хаврин ноһан делгүдән көкрәд һарчкж.

Генткн ик зан эзән соңсдган уурад, энд-тендән хөләһәд, ут чикән сажад, му ду һарад хәәкрәд бәәв. Эзнә зан деерән һарчкад, нәрхн модна ацар цокад, йовх докъя өгв.

118-гч дамшлһн. Аһу, чинр, темдг, зүс медүлгч нерд орулад, зәңгс тогтатн. Чинрлгч нердинь темдглтн.

119-гч дамшлһн. Умштн, онъдин чинрлгч нерд олтн. Харар барлата үгмүдин морфологическ йилһлт кетн.

1. Цаһан цаасн хар барарн цагин кииллһ соңсулна. 2. Уульнцс сәәхн зургудар дүүрәд, улан тугмудар делсв. 3. Му ухата күүнәс седклән саглыч. 4. Сәәхн Төрскидән түслх седкл — жирһлд байр. 5. Харңһу хурта сөөд хөөһән чонас маньч. 6. Хөвтә цагин шууганд хортан бичә мартыч. 7. Жөөлн герләри сар жигтә орчлң кеерүлнә. 8. Цаһан мөңгн мет, цевр сәәхн

теңгрт һурвн марл чирмлднэ. 9. Цагин сээхн туулиг цевр ухаһарн күцнэв. 10. Арвдгч класс ард, алтн жилмүд өмн. 11. Күрисн модд холд көк адмударн харлна. (К. Д.)

120-гч дамшлһн. Эн үгмүд орулад, зөңгс тогтатн.

Зеерд, бор, хоңдр, халтр, хар, улан, булг, буурл, өргн, күнд, но.

Я н з н ь: Мана хар кер мөрн колхоздан уга хурдн.

121-гч дамшлһн. Бичтн, малын зүс медүлгч чинрлгч нерд олж темдглтн.

... Хотнас уужад одсн Хожан һалзн мөриг услад, иртхэ гийэд зарв. (С.-Б. Х).

Ардан унһан дахулсн зеергч гү көлглсн, нег бичкн көвү сундлсн, идр наста хар улан гергн ирв. Нэрхн күрң мөрән Нарма мордад һарла. (И. Л.)

Хальмг үкрин тохм — улан һалзн үкр болдмн. Тер саамла Санж улан һалзн цард татсн бочкта тергиг худгин өөр зогсачкад, арһмжин үзүрт батлад боосн ик хар суулһар гүн худгин уснас утхад, бочкд эклэд кев. (Б. С.)

Онъдин чинрлгч нернэ дүндүлгч темдг.

1. Кемр чинрлгч нерн нег юмна шишлң темдгинь медүлхлэ, түүг йирин онъдин чинрлгч нерн гийж нерэддмн.

Ү л г ү р н ь: өндр модн, байрта күүкн, хурдн салькн, цаһан цаасн, улан түг, бат цогц-махмуд.

2. Кемр чинрлгч нерн хойр юмна чинрнь нег-негнэснь үлүһинь эс гийж дутуһинь темдглхлэ, түүг дүндүлгч онъдин чинрлгч нерн гийж нерэднэ.

Ү л г ү р н ь: цуһараһаснь байрта күүкн, салькнас хурдн санан, цаһавр үүлн, улавтр өңг, батцр эд.

3. Кемр чинрлгч нерн ямр нег юмна чинр цуг наадк юмна чинрэс үлүһинь медүлхлэ, түүг күчлгч онъдин чинрлгч нерн гийж нерэддмн. Тер цагт йирин онъдин чинрлгч нернэ өмн зөвэр, берк, мел, хамгин, йир, маш, цав нань чигн чинр икдүлгч үгмүд керглгднэ.

Ү л г ү р н ь: йир өндр күн, маш байрта өдр, берк хурдн мөрн, цав цаһан эд, зөвэр бат күн.

122-гч дамшлһн. I. Эн зэңгсин чинрлгч нердиг дүңцүлгч темдгүдэрнь йилһтн.

1. Мана орн-нутгт зөвэр гүн холмуд бээнэ: Ижл, Печора, Обь нань чигн. 2. Байкал — моһлцг һазр деер бээсн нуурмудас хамгин гүн нур. 3. Урһмл модн йир ик һазрт урһна. 4. Колхозин садт урһсн альмдын ик гиснь өрэл килограмм татна. 5. Мел цугтаһаснь ут үстэнь мана класст — Кермн. 6. Зан аюһас зөвэр ик. 7. Кедмнэ модн герэс өндр. 8. Чини альчурас улавр зүстэ торһн хулдгджана.

Зөвэр улан, йир догшин салькн, хамгин өргн, мел цугтаһаснь хурдн гидг үгмүд орулад, бичкн келвр бичтн.

II. Умштн. Утхинь сээнэр тодлж, тодрхаһар келтн. Тадн шовудт туста ямаран көдлмш кенэт?

СУРҺСН БОГШУРҺА.

Эврэ гериннь һаза терзин нег булнд би харһан тасрха хадув. Терүн деер буудя, өдмгин үүрмг цацув. Түрүн өдр нег атх буудя асхув. Удлго көквш¹ шовуд нисч ирэд, буудя чоңкв. Генткн ик бор богшурһа² нисч ирэд, көквш шовудыг көөв. Энд бээсн буудяг ут хоңшарарн чоңкад авв. Эн энд-тендэн хэлэв. Эргнднь талдан шовуд уга. Дала буудя авчкад, кедмнэ моднур нисч ирв. Модна көндэд бээсн цасиг көлөрн тарав. Хоңшартан бэржэсн буудяһан тенд асхв. Мини асхсн буудя цугтаһинь иигж зөөв. Тер буудяһан модна көндэд хадһлв.

Дэкэд бор богшурһа нисч ирэд, буудя цацхиг күлэв. Тер цагла олн көквш шовуд кедмнэ моднур нисч ирэд, энүнэ бултулсн буудяг цугинь гилтэ чоңкчкв.

Терүг үзсн би инэдэн бэрж ядад бээвв. Болв бор богшурһаг хармнад, энүнд буудя цацув. Буудяг урдк кевэрн чоңкад, моднур авч ирв. Болв моднд хадһлжасн буудя угаһинь медэд, эн ормаж хэлэв. Удсн уга тендэс нисч одв. Нанас авсн хотан талдан һазрт бултулхар йовна гиж, би дотран ухалув. Тиигж көквш шовуд поползень шовуг сурһв. ("Хальмг үнн" газетэс)

¹ К ө к в ш — синица.

² И к б о р б о г ш у р һ а — поползень.

29. ТОГТАГЧ ЧИНРЛГЧ НЕРН.

Тогтагч чинрлгч нерн талдан келлһнэ хувсэс олн зүсн суффиксмүдэр дамжж бүрднэ.

Ү л г ү р н ь: бичмр көдлмш, оруд күн, ардк гер, алтн билцг.

Тогтагч чинрлгч нерн юмна орм, цаг эзлгч чинр заана.

Ү л г ү р н ь: маңһдурк өдр, ниднэк хавр, деерк этаж, эндрк газет, намрин өдр, ямана бул, аавин зург, шеемг альчур, модн гер.

123-гч дамшлһн. Бичж, тогтагч чинрлгч нерд олж, ямаран келлһнэ хувэс яһж бүрдсинь йилһж келтн.

1. Шин һарч йовх нарна толян өвснэ бүчр деер унж эрэтрнэ. (Н. М.) 2. Угата хальмгин бүлд, утата ишкэ герин һулмтын көвөд һарсн Эрднин Пүрвэ эврәннь туслң өмнк хаалһан мөрдв. (Д. Б.) 3. Өцклдүрк өдрлэ. эдл нарта, сер-сер гисн салыкта, таалмжта өдрмүд бас болх. 4. Агт мөрм хааһан шүүрнэ, алтн дөрөднь күрхм гинэ. (Н. В.) 5. Хаврин дулан нарна герлд тег тинив. 6. Ода Элстд олн давхр чолун гермүд бэргднэ. 7. Магазинд дала өлгмр хувцн орж. 8. Школын сурһульчнр күүкд улсин сән өдрлэ экиртән, ээжиртән, багширтан йөрө-лин бичг бичхэр шиидв. 9. Мана авһ ухарлыг күн болдмн. 10. Үвлин киитн шуурһнла, намрин хурта, салыкта цагла Булһн хөөдән йир ик килмжтөһөр хэлэж асрна.

124-гч дамшлһн. Эн тогтагч чинрлгч нерд олзлад, зөцгс бүрдэж бичтн.

Үдин хот, алтн сиик, хальмг тег, цаһан мөңгн билцг, болд зүркн, торһн бүшмүд, модн ухр.

125-гч дамшлһн. Бичэд, тогтагч чинрлгч нерд гөрвксн татасар таттн. Яһж тогтсинь йилһж келтн.


1. Күүкнэ толһа деер йовсн көк шеемг альчур өмнөснь үлэсн салыкнд онһцин жилк мет делсэд йовв. (Э. К.) 2. Олн сөөни зүүдм, ончта өдрин күцлм. 3. Ардк Ижлин урсхул асхрад,

телтрэн услна. 4. Харалта цаг өнгрв, холдк зүүдн болв. (С.-Б. Х.) 5. Нарн асхн гү тэвх кем болж йовна. (Э. К.) 6. Балта эрэтэ альчур — Бадмин өгсн белг. (С.-Б. Х.) 7. Болд күлгиг унад, бөөргтэ һазр хаһлна. 8. Өрүн өрлэ хойр йовһн күн балһснас һарад, ар үзг темцэд йовж одцхав.

30. ЧИНРЛГЧ НЕРНЭ БҮРДӨМЖ.

Бээһнэ нернэс чинрлгч нернэ бүрдөмж.

Бээһнэ нерн *н* хадврар төгссн болхла, түүгэн чинрлгч нер бүрдэгч суффиксмудин өмн геенэ.



ТОХНЯТА

хурнлста

ХОЛЯТА

126-гч дамшһн. Бичтн, чинрлгч нерд яһж бүрдсннь амн үгэр цээһһтн.

1. Үд болж йовх цагт борцху өңгтэ үүлн һарад, ик гидг хур орв. 2. Үүлн һатцас нарн шарцху болж үзгдв. 3. Лавкд көвкр, улавр өңгтэ эд орж хулдгдв. 4. Көвүд цасар моһлцг хамрта, ик нүдтэ, бавһр махлата, ут һарта кү кецхэж. 5. Көркхн цогц, көдлмшин зөргитн кезэдч хальмг тег хадһлна. 6. Заглюн ээж Нээмш захин бернд биилжэнэ. (Л. Ц.) 7. Эн зөвэр ухарлыг күн болх бээдлтэ.

127-гч дамшһн. Өггджэх бээһнэ нердэс чинрлгч нерд бүрдөһөд, зэцгс тогтатн.


Махн, ухан, будн, күчн, заль, хөөрн, нерн.

128-гч дамшилһн. Умшһтн. Жилин ямаран цаг бичэч үзүлжэнэ? Намрт урһмл, эмтэ юмн яһна? Эврэннь тодлврасн келтн. Бичэд, чинрлгч нердиг цээлһүлж йовх үгмүдтәһинь темдглтн. Давхр үгмүд олтн, яһж бүрдсннь келтн.

Намр. Хайрха көртхр девлин сүүһөр киитн хар салкн үләнһэд бээв. Деер бархлзсн задын хар үүлн, наадж йовх күүкд мет, нег-негән көөлдэд, авлдан-тоодш болад йовна. Хая-хая хур ширдэд орна, хамг эмтә-тоот ээвр хээдг болв. Теегин бор богшурһа теңгрт хадж зогсч жиргдгән кезәнэ хаяд, өвсн заагур живэд гүүдг болв.

Теңгр сээхн көк өңгән геелэд, өсвкэд, өлн бээдл һарад бээв. Намр, төгөлц намр. (Б. Б.)

Чинрлгч нернәс чинрлгч нернә бүрдәмж.



129-гч дамшилһн. I. Иим чинрлгч нерд олзлад, зөцгс тогтатн.

Сээхн, икрхг, баһцр, улавр, көркхн, харңһу, шарвцр.

II. Умшһтн. Чинрлгч нернә чинр цээлһтн.

1. Харңһу сөөд хань болшго, хар буданд хать болшго. (Ү.)
2. Нарн суухларн, улавр өңг һарна. 3. Хальмг тохмта малмуд күрңцр зүстә болна. 4. Цаһашг нуурин көвэд, цах шовун хурна. 5. Намр болад ирхлэ, мана хальмг тег шарвр зүстә болж одна. 6. Нәрхн харһа модн ораһарн нээхлнэ. 7. Нәрхн маляг хуһелж бәрсн хар улан залу борхн мөрнәс бууж ирв. 8. Хаврин түрүһөр мал эццәвр болна. 9. Өндр нарн мандлна, өнр тег саглрна.

Үүлдэгчэс чинрлгч нернэ бүрдэмж.



130-гч дамшлһн. Хавсрлгч бөөх үгмүдт кергтə суффиксмүдинь немəд, чинрлгч нерд бүрдəтн.

1. (Серт...) чиктə, бүлтхр нүдтə. (Т.) 2. Санж (шуур~~ха~~) бор девлин унжсн ут хормаһар зөрмдэн (көлс~~тə~~) чирəһэн арчад, хая-хая амрчаһад кеһə бəəж аш сүүлднə бочкиг усар дүүргв. (Б. С.) 3. Хурц (кел...) күн кезэдчн күүнə зүрк, уха авлж, үг келнə. 4. Мана совхозин директор (ол...) келтə күн. 5. (Өөм~~тн~~) уга, зөргтə улс хортна өмнəс ноолдж орн-нутган сулдхна. 6. Хозлг тергнд (тат...) мөрн толһаһарн наадад, биилəд йовна. 7. (Урһ...) һазрт үвлэр бас малын идг сэн болна. 8. (Хар...) теңгр эндэн хаврин герл усншц хəэлж талваһад сəэхрв. (К. Д.)

131-гч дамшлһн. Иим үүлдэгчэс чинрлгч нерд бүрдəтн.

Тасвр, март, буур, ə, өл, бич, урһ, йов, келк, бөгди, шун, дүүр, урһ.

132-гч дамшлһн. Бичтн, чинрлгч нердин суффиксмүд темдглтн.

1. Артезианск худгудас миңһəd суулһ усн ордг бочкта машиһэр күн мал уга зөөж теткгднə. (Т. А.) 2. Шин драматическ театр балһснд бəргдв. 3. Мана тракторн бригадт арвн хойр күн бəэнə. 4. Харалта дəэнə кəлд хальмг теегм өнчрлə. (Б. Т.) 5. Зөрмг космонавт, нернчн зөвтə кевэр дүрклх. (Б. Т.)

Чинрлгч нернэ тускар давтх дамшлһс.

133-гч дамшлһн. Умштн. Харар барлата үгмүдт ирлцх чинрлгч нерд немж бичтн. Хавсрлгд авсн үгмүдиг онц бичэд, синонимс олж бичтн.

Өргн тег талваһад, уняртж кевтнэ. Теңгрин олн одд чирмлднэ. **Сержнн**сн салькн улм (күч) авад ирв. Ахрхн көк карандашар ут цаһан цаасн деер гүүлгж, дөң болжах улсин нердиг **Очр** бичв. (Н. М.) Зер-бор бетк энд-тенд савилднэ. Цаһан өвсн толһалчксн, **номһн сальк** дахж, шаһа-чимгндән геклднэ. Алёша, эрэ арвн дола күрсн шовһр (хар) көвүн, ахлач тал өөрдэд ирв. Нарна бригад жил болһн (түрүн) орм эзлнэ. Салькн уга номһн хур үсэрэд оржана.

* * *

Сарин өңгтә герл
Санана аһуд тусна,
Мана Ильичин шамс
Мандлсн очар асна.

(С.-Б. Х.)

134-гч дамшлһн. Бичтн, чинрлгч нердиг цөөлһүлж бээх үгтәһинь олтн, морфологическ йилһлт кетн.

Ленинградас барун хооран цегән, мөңгтрсн цевр уста "Разлив" гидг нур бэәнэ. Өндр-өндр шар харһас, мөңгн уласд, жөөлн цаһан, хусм, бурһсн семрү, өндр модд заагур дала болсн нилх шагшг бас нигтәр урһж.

Хажуһас ирсн хәрин улст харлад, күриһэд, шуугад, ик эәмшгтә болж медгднэ.

Царңгин нег захднь хоһн өвсәр бүрксн харшмг бэәнэ. Иим харшмгиг, кезәнэ болхла, кеер өвс хаддг улс эс гиж тәрә-темснэ мод мандг улс хур, нарн, салькнас хорһдж бээхәр бәрдг бээсмн.

Ода эн харшмг болхла, кев-кецәрн мел тиим кезәңк харшмг. Зуг энүнэ туужнь барж келж болш уга ик. Күмнд уга күңкл

ухата, кишгтэ хувлһэн мет хөөртэ, оln-эмтнэ төвкнүн сээхн
жирһлин төлэ ухан, седкл, зүркэн өгч, эмэн эрвлл уга көдлж
йовсн алдр багш Ленин хур, салькн, халунас, хаана хөөһөчнр,
элчнрэс бултж, хорһдж йовсн ик берк туужта, ирх цагин шин
улст бумб болж үлдсн хөөртэ харшмг. (Эрнжэнэ К.)

135-гч дамшлһн. Эн үгмүдиг олзлад, зэцгс бичтн.

Цецгүд, туг, харшмг, салькн, модн, орн-нутг, дегтр, цаасн.

136-гч дамшлһн. Эн зэцгсиг иим дараһар бичтн: түрүлэд аһу
темдглж бээх чинрлгч нертэ зэцгс, даруны чинр, дэкэд зүс болн темдг
медүлж бээх.

1. Киртэ хар картузта, көөтэ чирэтэ "кочегар" Константин
Петрович кесг-кесг гетүлчнрин өөгүр кенднь чигн таньгдл уга
межэ һатлад, Финляндьд одсн болдг. 2. Буурл үстэ, баахн теглг
нурһта күн орж ирэд, өңгнь хуврэд бээсн көк һадрта цаас
барун һарарн болһаж секв. 3. Емельяновин гернь — цеб гисн
эвтәкн финск модн гер. 4. Бичкн өндр цаһан өрэд Делэ хөөч
сууна. 5. Намрин хар салькн шуурха бор өрмгиг ивтлж,
цогцин махнд күрч, бичкн көвү чичрүлв. (Н. М.) 6. Теңгрт үүлн
уга, делгүд көк цецкр аһар. 7. Барана өмн буурл үстэ, бөгдһр
нурһта көгшн эмгн бичкн көвү наадулад сууна. 8. Өңгтэ сарин
герл үсэр хур орулж үсэрэд, төгәлдән герлтж жуңһарна.
9. Бичкн кер мөрнь биилн бээж тарһлна. (Т.)

Чинрлгч нернэ морфологическ йилһлт.

1. Келлһнэ хув.
2. Оньдин эс гиж тогтагч чинрлгч нерн.
3. Оньдин чинрлгч нернэ дүнцүлгч темдгнь.

Ү л г ү р н ь: Дулан өдр. Увлин салькн. Зөвэр гүн хол.
Дулан, увлин, гүн — чинрлгч нерд.

Дулан, зөвэр гүн — оньдин чинрлгч нерд. Дулан — йирин
дүнцүлдән. Зөвэр гүн — күчлгч дүнцүлдән. Увлин — тогтагч
чинрлгч нерн.

ТООЛГЧ НЕРН.

31. ТООЛГЧ НЕРНЭ ТУСК МЕДВР.

Юмна диг-дара, тооһинь болн нас медулгч келлһнэ хувиг тоолгч нерн гиж нерэдмн.

1. Тоолгч нерн к е д ү? гидг сурврт хэрү өгхлэ, үндсн тоолгч нерн гиж нерэдмн.

Ү л г ү р н ь: негн, хойр, хөрн, тэвн, зун.

2. Тоолгч нерн к е д ү д г ч? гидг сурврт хэрү өгхлэ, дара тоолгч нерн гиж нерэдмн.

Ү л г ү р н ь: негдгч, хойрдгч, тавдгч, хөрдгч, зуудгч.

3. Нас медулгч тоолгч нерн к е д ү т э? гидг сурврт хэрү өгнэ.

Ү л г ү р н ь: хойрта, һурвта, дөрвтэ, тавта, арвта, тэвтэ, жиртэ.

4. Цуглулгч тоолгч нерн к е д ү л н? гидг сурврт хэрү өгдмн.

Ү л г ү р н ь: һурвулн, дөрвулн, тавулн, нэәмүлн, йисүлн, арвулн.

5. Хувагч тоолгч нерн к е д ү һ э д? гидг сурврт хэрү өгдмн.

Ү л г ү р н ь: нежэд, хошад, һурвад, дөрвөд, тавад, зурһад, долад.

6. Хасгч тоолгч нерн к е д ү х н? гидг сурврт хэрү өгдмн.

Ү л г ү р н ь: негхн, хойрхн, һурвхн, дөрвхн, тавхн.

7. Хүв медулгч тоолгч нерн бээдмн.

Ү л г ү р н ь: $1/3$ — һурвна негн эс гиж һурвна кесн нег хүв.

137-гч дамшлһн. Эн текстиг умшад, тоолгч нердинь олж авад, сурврмуд тэвэд йилһтн.

1917 жилин август сарин 8 Ленинэ бээдлинь саак кевтнь соляд, Иванов Константин Петрович гидг күүнэ нерн деер паспорт һарһж өгөд, ЦК-н итклтэ Шотман, Рахъя, Емельянов һурвн нег сө, 293-гч паровозин машинист, итквртэ коммунист Г. Э. Ялава гидг күүнд кочегар болһж, Лениниг нуувчинэр паровозд суулһсмн.

Хөөннь тер жилин октябрь сарин 7 ЦК-н дуудварар Владимир Ильич Лениниг 293-гч паровозин машинист Ялава хэрү Петроградт авч ирж буулһсмн. Лениниг ирхинь күлэжэсн Өрөсө, хаана йосиг хольвлад, Октябрьск революцин өмн өргнд бээнэ. (Эрнжэнэ К.)

138-гч дамшлһн. Түрүлэд үндсн, дарунь дара медүлгч, дарунь цуглуулгч тоолгч нердтэ зэңгс буулһж бичтн.

1. Ах-дү дөрвн нег махлата. 2. Аадаг арвулн мордулж. 3. Нучн-дөчн шүдтэ, һундл уга хувцта. 4. Таш харһу герт тавн залу орж. 5. Колхозин мөрн негдгч болж ирж. 6. Ах-дү тавулн бичг авч. 7. Миңһн йисн зун арвн доладгч жил Советск йосн тогтла.

139-гч дамшлһн. Тоолгч нерд орулад, зэңгс тогтатн. Зэңгсән амн үгэр мөч-мөчэрнь йилһтн.

140-гч дамшлһн. Умштн, бичтн, тоолгч нердиг олж автн, тедниг татасар таттн, ю медүлжэхинь амн үгэр цөөлһтн.

1. Хоома күн хойр көдлмштэ. 2. Нурвдгч термин ниилүлгч күртл көк көшг татата бээнэ. 3. Арвс гидг шовун арвн хойр өндгтэ. 4. Арвт бийнь һурвн зун жирн дегдәмлтэ. 5. Нэмдгч классин көвүд-күүкд сээнэр сурһуль сурна. 6. Өвсн деер Дорж Бадм хойрхн үлдсн бээж. 7. Церн, Санж, Цаһан, Нэрэ дөрвүлн зунаһа совхозд көдлцхэв. 8. Сурһульчнрт библиотекэс гертән умшхин төлө хошаһад дегтр өгв. 9. Класст бээсн сурһульчнрин өрөлнь мастерскойд көдлв, өрөлнь школын аһу цеврлв.

32. ҮНДСН ТООЛГЧ НЕРН.

Үндсн тоолгч нерн юмна тооһинь медүлсн деерән, эклц сүүр болдмн. Наадк тоолгч нерд энүнэс бүрднэ.

Үндсн тоолгч нерн бөөлһнэ нерн мет киискгднэ.

Үндсн тоолгч нерн к е д ү? гидг сурврт хэрү өгнэ.

ҮНДСН ТООЛГЧ НЕРДИН КИИСКЛҮН.

Киискврмүд	Киискгджэх тоолгч нерд				Чилгчснь
Нерэдгч	негн	хойр	дөрвн	зурхан	□
Төргч	негнэ	хойрин	дөрвнэ	зурхана	-а—-э—-ин
Өггч	негнд	хойрт	дөрвнд	зурханд	-т—-д
Гемнгч	негиг	хойриг	дөрвиг	зурхаг	-иг—-г
Бүрдэгч	негэр	хойрар	дөрвэр	зурхаһар	-ар—-эр
Ниилүлгч	негнлэ	хойрла	дөрвнлэ	зурханла	-ла—-лэ
Хамцулгч	негтэ	хойрта	дөрвтэ	зурхата	-та—-тэ
Һаргч	негнэс	хойрас	дөрвнэс	зурханас	-ас—-эс
Залгч	негнүр	хойрур	дөрвнүр	зурханур	-ур—-үр

1. Гемнгч, бүрдэгч болн хамцулгч киискврмүдтэн үндсн тоолгч нерд төгсгч н хадвран геенэ.

Ү л г ү р н ь: *тавиг, тавар, тавта.*

2. Тоолгч нерд бээлһнэ нердтэ хамдан киискгдсн цагтан киискврмүдэр хуврхш.

Нерэдгч	нег күн	арвн үкр
Төргч	нег күүнэ	арвн үкрин
Өггч	нег күүнд	арвн үкрт
Гемнгч	нег күүг	арвн үкриг
Бүрдэгч	нег күүһэр	арвн үкрэр
Ниилүлгч	нег күүнлэ	арвн үкрлэ
Хамцулгч	нег күүтэ	арвн үкртэ
Һаргч	нег күүнэс	арвн үкрэс
Залгч	нег күүнүр	арвн үкрүр

Негн гидт тоолгч нерн бээлһнэ нерилэ хамдан бичгдсн цагтан н гидт хадвран геенэ.

Ү л г ү р н ь: *нег темэн, нег күн.*

141-гч дамшлһн. Эн тоолгч нерд деер бээлһнэ нерд немж бичтн. Харар барлгдсн тоолгч нердиг немгдсн бээлһнэ нердтэһинь киискврэр хуврэтн.

Хөрн, долан, тавн, нээмн, зун, һучн, йисн, миңһн, негн, һурвн.

142-гч дамшлһн. Эн зэңгсиг бичтн, тоолгч нерд олтн, тедниг татасар таттн. Үндсн тоолгч нердин киисквринь йилһтн.

1941 жил мана орн-нутг нег дууһар босч, "Төрскән харсхмн!" гисн күчтә дуудвр тодрха соңсцхала. Тер дуудврар ик баһ уга Төрскән харсгч ноолданд хортна өмнәс сөрж босцхала. Теднә зергләнд арвн нәәмтә Ара көвүн андһаран өгч, эврә сән дурар йовла.

Өрүн өрлә, 4—5 часин алднд, Ара эврәннь нөкднртәһән берк даалһвр авад, Тең һол һатлцхав. Һолын тендк көвөд күржин алднд немшин автомат теднә өмнәс таржңнулад хав. Аврлт уга немшин автоматын нег сумн Аран толһад тусв...

Ара манаһас һарад йовжаһад: "Ода арв хоһад, арвн йис орхв", — гилә. Көөрк, тер арвн хонгтан күрч чадсн уга.

"Күндтә эцк! Тана көвүнтн күмн-әмтнә жирһлин төлә баатр зөрмг кевәр өңгрв. Та тиим алдр зөрмг, олд үлгүр болм көвү өксндән байрлтн, бахттн! Араг оршахдан бидн цогц деернь иигж андһаран өгләвидн: "Эврә Төрскәнннь төлә әмән әрвлхн угавидн!" (Әрнжәнә К.)

143-гч дамшлһн. Эн зэңгсиг бичәд, тоолгч нердинь темдглтн, үгин тогтацин йилһлт кетн.

Хаалһин хойр амар чиндһн цаһан гермүд нег-негән көөлдсәр зерглдж бәргдсн дүңгәлднә. (Б. Т.)

Байрлчксн Жирһлин өмн чолун сүүртә, цеңкр ширтә, олн зүсн шиләр зүүцлсн тольмудта, хажудан дөрвн терзтә ик цаһан гер бәргдәд, дүңгәсн болад одв. (Э. К.) Күндәр шавтсн, әрә әмтә Хахлына Тамараг подвалас һарһв. Дәкәд подвалас һар пулемёт, дөрвн автомат, сум тәвжәсн хойр сул яршг, нег бу һарһв. Бууһин хундгт арв дәкж татасар темдглсн темдг бәәж.

144-гч дамшлһн. Бичж автн, тоолгч нердинь үгәр бичтн.

1000 цоклһта, 1500 цоклһта, хурин усн хүвлһтә, 200 цоклһта. Ирх 9 жилә юм тааж меддг Күңкән Алтн Чееж. 30 өдр, 30 сә зогсл уга йовад, кесг зун дууна һазр йовһар кемжәлсн 11 күн ә уга цувад йовад йовна. (К. С.) Шарин 6012 күлгәс ирж шинжлснд алдр богд Жаңһрин Арнзл зеерд йовх болж һарв. Эн 3 күлгиг хашр мөңгн үүднд авч ирәд, болдын

сээнэр боһчад, төмрин сээнэр тушад, шуһл мөңгн цулвраснь 50
сээни көвүдэр бэрүлж тохв. (Ж.) Арвһр-сарвһр модн 12 ацта,
ац болһнь 30 бүчртә. (Т.)

33. ДАРА ТООЛГЧ НЕРН.

Юмна диг-дара медүлж, к е д ү д г ч? гидг сурврт хэрү
өгсн тоог дара тоолгч нерн гиж нерэддмн.

Дара тоолгч нерн -д, -гч гидг суффиксмүдэр дамжж
бүрднә.

Ү л г ү р н ь: негн — негдгч, зурһан — зурһадгч, зун
— зуудгч, хөрн тавн — хөрн тавдгч, зун һучн һурвн — зун
һучн һурвдгч.

Дара тоолгч нерд бөөлһнә нердлә эдл киисквзмүдэр
хуврнә. Давхр дара тоолгч нерд киискгдсн цагт сүүлин
үгнә киисквзмүдэр хуврнә.

Киисквр- мүд	Киискгджәх тоолгч нерд				Чилгчснь
Нерәдгч	хойрдгч	арвн тавдгч	зун тэвн нәәмдгч		□
Төргч	хойрдгчин	арвн тавдгчин	зун тэвн нәәмдгчин		-ин
Өггч	хойрдгчт	арвн тавдгчт	зун тэвн нәәмдгчт		-т
Гемнгч	хойрдгчиг	арвн тавдгчиг	зун тэвн нәәмдгчиг		-иг
Бүрдәгч	хойрдгчар	арвн тавдгчар	зун тэвн нәәмдгчәр		-ар—-әр
Ниилүлгч	хойрдгчла	арвн тавдгчла	зун тэвн нәәмдгчлә		-ла—-лә
Хамцулгч	хойрдгчта	арвн тавдгчта	зун тэвн нәәмдгчтә		-та—-тә
Һаргч	хойрдгчас	арвн тавдгчас	зун тэвн нәәмдгчәс		-ас—-әс
Залгч	хойрдгчүр	арвн тавдгчүр	зун тэвн нәәмдгчүр		-ур—-үр

145-гч дамшлһн. Бичтн, дара тоолгч нердиг олтн. Теднә
суффиксмүдинь татасар темдглтн, киисквзмүдинь йилһтн, зәдгин
ямаран мөч болж йовхинь темдглтн.

1942 жил, октябрь сарин 12-т Ольдан Санж 55-гч номертә
партизанск отрядт андһаран өгч, даалһвр авв. Цергә насн иртл,
Санж партизанск отрядт йовла. 1944 жил хэрү Әәдрхнүр ирәд,
Советск цергт мордв.

Бадм ик күнд толһата, тоомсрта күн болад, трактор зүүцүлдгт

көдлэд, механическ цехин моторист болад, 1931 жил Коммунистическ партин членд орв. 1941 жилэс авн ик дэн чилтл, Бадм баатр кевэр ноолдв. Аһарар нисэд хадг дасхдг 18-гч школын комиссар болв. (Эрнжэнэ К.)

146-гч дамшлһн. Эн тоолгч нердиг киисктн, киискврмүдин чилгчсинь татасар таттн.

Доладгч, һурвдгч, дөчдгч, зун хөрн доладгч, миңһн йисн зун арвн дөрвдгч.

147-гч дамшлһн. Умштн, дара медүлгч тоолгч нердиг үгэр бичтн.

Төрскән харслһна Алдр дән 1941 жил эклхд Косин Володя 15 күрсн наста билэ. Сурһульдан тер йир шамдһа, хурц ухата болдг билэ. Володя Элст балһсна 2-гч номертә школд сурла.

Элст балһсна комсомольцнр дээнэ эрдм дасв. Тер отрядт Володя түрүн болж, дурлж орлцв. 1942 жилин август сард фашистск цергин өмнэс Улан Цергин 58-гч эәрмин полк ноолдв. Володя өдрин туршарт болсн дээнд уйдл, сүрдл уга орлцв.

148-гч дамшлһн. Дара тоолгч нерд орулад, зэңгс тогтатн.

34. ЦУГЛУЛГЧ ТООЛГЧ НЕРН.

Цуглулгч чинртә тоолгч нерн к е д ү л н? гидг сурврт хэрү өгнә. Цуглулгч тоолгч нерн -урн, -улн (-үлн), -лулн гидг суффиксмүдәр дамжж бүрднә. Цуглулгч тоолгч нерн бас киискврмүдәр хуврнә.

Ү л г ү р н ь: тавн — тавулн, нәәмн — нәәмүлн, долан — долалулн.

Элст болх хургт Бадм Цернтә хоюрн одхмн. Нина, Вера, Галя, Зоя дөрвләднъ бичг ирж. Долан күүкн дола-лулн цүврлдәд ирнә. (Б. А.)

149-гч дамшлһн. Бичәд, цуглулгч тоолгч нерд яһж тогтсинь цәәлһтн.

1. Чон, туула, арат һурвулн нәәждж. 2. Арат, чон, барс,

темэн дөрвүлн үүрлж. 3. Эрднь, Мергн, Баатр һурвүлн түрүн болж ирцхэв. 4. Жирһл Мегмр хоюрн Москвад болжах эсвин марһанд одхмн.

150-гч дамшлһн. Эн зэңгс бичэд, цуглулгч тоолгч нерд татасар таттн. Харар барлата үгмүдин бүрдэцин цуцлвр кетн.

Хоюрн чирэнь байрар дүүрсн, хартан Күндлһнэ һашг бәрсн орж ирцхэв. Эн күүтр деер залунь Лари Корниенко Григорий орста **хоюрн Күрлт** селәнэ орс **балчудын** мал хәрүлдг болв. (С.-Б. Х.) Балһсна школмудын билг-эрдмин хэлэврт Бадм, Санал, Мегмр, Деләш дөрвүлн орлцв. Эдн **дөрвүлн** түрүн орм эзлцхэв. Школын директор ду-бииһин художественн һардачта хоюрн **сурһульчириг** байртаһар тосв.

Майин Нег шинд нерәдсн нәэрт зурһадгч классин арвн көвүд-күүкд белдвр кев. Эдн **арвүлн** белдврән сәәнәр үзүлж чадв.

35. НАС ТООЛГЧ НЕРН.

Нас медүлсн деерән к е д у т ә? гидг сурврт хәрү өгчөх тоолгч нериг нас тоолгч нерн гиж нерәддмн. Нас тоолгч нерн **-та(-тә)** гидг суффиксмүдтә, зәңгд орхларн, зәңгин ямаранчн мөч болдмн.

Ү л г ү р н ь: *зурһан* — *зурһата*, *долан* — *долата*, *нәәмн* — *нәәмтә*, *хойр* — *хойрта*.

Хальмг келнд *һунн*, *дәнн* гисн үгмүд малын нас медүлжәнә.

Ү л г ү р н ь: *һунн* — *һурвн наста*, *дәнн* — *дөрвн наста*, *туулң* — *тавн наста*.

НАС ТООЛГЧ НЕРД КИИСКЛҢН.

Киисквр	Киискгдјәх тоолгч нерд		Чилгчснь
Нерәдгч	дөрвтә	зурһата	□
Төргч	дөрвтән	зурһатап	-н
Өггч	дөрвтәд	зурһатад	-д
Гемнгч	дөрвтәг	зурһатаг	-г
Бүрдәгч	дөрвтәһәр	зурһатаһар	-әр—ар
Ниилүлгч	дөрвтәлә	зурһатала	-лә—ла
Хамцулгч	дөрвтәтә	зурһатата	-та—тә
Һаргч	дөрвтәһәс	зурһатаһас	-ас—әс
Залгч	дөрвтәһүр	зурһатаһур	-ур—үр

1. Нас тоолгч нерд һурвдгч киисклһнэ бээлһнэ нерилэ
эдлэр киискгднэ.

2. *н* гидг хадврар төгссн нас тоолгч нерд киискгдсн
цагтан гемнгч, бүрдэгч, хамцулгч киискврмүдтэн *н* хад-
вран геенэ.

Ү л г ү р н ь: *һунн* — *һуныг*, *һунар*, *һунта*; *дөнжн* —
дөнжиг, *дөнжэр*, *дөнжтэ*.

151-гч дамшлһн. Дор өггдсн нас тоолгч нерд киискврэр хуврултн.

Нээмтэ, хөртэ, арвн йистэ.

152-гч дамшлһн. Нас тоолгч нердиг олж, теднэ йилһвринь келтн.

Мана совхоз малан йилһэд, Хар һазр орулхар белдж бээнэ.
Бүрү, туһл хамгинь үлдэж авчана. *һунн*, *һунжн*, *дөнн*, *дөнжн*
хамгнь Хар һазр орж бээнэ. Мини ахм хөөнд бээнэ. Хурһн
хамгиг салһж оркв. Йистэ, арвта хөн көгшн хөөнэ тоод ордг
бээж.

”Мана авһ жиртэ”, — гиж нег сурһульч келв. ”Мини ахм
хойр холван дү бээж билтэл”, — гиж үүрнь келв. ”*һучта* насн
— залу насн”, — гиж күүндв.

153-гч дамшлһн. Бичэд, нас медүлгч тоолгч нердин суффиксмүдинь
темдглтн.

1. Далн дөрвтэ насндан дал-ээмм бүтн. (Ш. Д.) 2. Долатадан
дордын долан ориг дөрөцүлж, дуутын *Жаңһр* нерэн дуудулгсн
болдг. (Ж.) 3. Үкл уга мөнкин орта, үрглждэн хөрн тавн насар
бээдг орн гинэ. 4. Зовлң үзэд, *Яшкл* эмгн жирн нас күртлэн
жирһлин ардас ноолдв. 5. Зөвэр оln жил болад, *Яшкл* эмгн
найта цагтан гертэ-малта, үртэ-садта хойр көвүһэн дахулад,
хэрү *Элстдэн* ирв. (С.-Б. Х.)

* * *

Дээни оln хувцинь өмскэд,
Зер-зевинь агсад,
һунн царин арсар һоллгсн,
Дөнн царин арсар девллгсн,

Махн болдар альхлсн,
 Төмр болдар товчлгсн,
 Залу торхин салдрһта,
 Өөрстин хар елдңгиг
 Барун һартнь бэрүлж,
 Һурвн бичкн баатриг
 Нааран-цааран йовулн,
 Шарин зурһан миңһн
 Арвн хойр бийәрн шинжлгсн бээдг.

(“Жаңһрас”)

154-гч дамшлһн. Өггдсн сурврмудт хэрү өгтн. Хэрүһән буулһж бичтн. Ямаран тоолгч нерд зэңгстән олзлсан келтн, суффиксмүдинь темдглтн.

1. Чи кедүтэдән школд эклж орлач?
2. Чи кедүтэдән арвн негдгч класс чиләхич?
3. Көвүд, кедүтэдән цергт мордхмт?
4. Аав-ээжчн кедүтә?
5. Эк-эцкчн кедүтә?

Я н з н ь: Би долатадан школд эклж орлав.

36. ХУВАГЧ ТООЛГЧ НЕРН.

Хувагч чинртә тоолгч нерн к е д ү д?, к е д ү һ э д? гидг сурврт хэрү өгнә, -ад (-эд) гидг суффиксмүдәр бүрднә. Хувагч тоолгч нерд зэңгд нөкцл мөч болдмн (цәәлһлт, уршг).

Ү л г ү р н ь:

зурһан — зурһад — зурһаһад

долан — долад — долаһад

йисн — йисэд — йисәһэд

арвн — арвад — арваһад

Звено болһнд нәәмәһэд күн бәәнә. Тедн энд-тенд йисэд-арвад мод суулһж.

ХУВАГЧ ТООЛГЧ НЕРД КИИСКЛН.

Киисквр	Киискгджэх тоолгч нерд				Чилгчс
Нерэдгч	хошад	дөрвэд	зурһад	хөрэд	□
Төргч	хошадын	дөрвэдин	зурһадын	хөрэдин	-ын—ин
Өггч	хошадт	дөрвөдт	зурһадт	хөрөдт	-т
Гемнгч	хошадьг	дөрвөдиг	зурһадьг	хөрөдиг	-ыг—иг
Бүрдэгч	хошадар	дөрвөдэр	зурһадар	хөрөдэр	-ар—эр
Ниилүлгч	хошадла	дөрвөдлэ	зурһадла	хөрөдлэ	-ла—лэ
Хамцулгч	хошадта	дөрвөдтэ	зурһадта	хөрөдтэ	-та—тэ
Һаргч	хошадас	дөрвөдэс	зурһадас	хөрөдэс	-ас—эс
Залгч	хошадур	дөрвөдүр	зурһадур	хөрөдүр	-ур—үр

Хувагч тоолгч нерн нерэдгч, бүрдэгч, һаргч һурвн киискврт олзлгдна.

Ү л г ү р н ь: *Кесг күн арвадар, хөрөдэр йовж одв. Авч ирсн белгэн хошадар, дөрвөдэр төгөһэд өгчкв.*

155-гч дамшлһн. Бичэд, хувагч тоолгч нердин суффиксмүд, киискврн чилгчсиг темдглтн.

1. Көвүчлгдсн көвүн Вася эврэ көвүн Ваня хойрнь хөрэд нас зүүв. (С.-Б. Х.) 2. Заядар эңнгсн зүркнд эмсхл негтэ нийцв; сүртэ Ленинэ ни партдан миңһэдэр орж өргжүлв. (К. С.) 3. Хальмгин өргн теегт саяһад то күрч малмуднь идшлнэ. 4. Мана Хальмг таңһчас хөрөһэд, һучаһад баһчуд ах-дү Моңһл орн-нутгт оч гиичлнэ. 5. Хальмг республикин эдл-ахус зууһад миңһн тонн буудя хураж авна. 6. Урһц хуралһна цагт теегин кермс-комбайнс хошадар, һурвадар зерглж тэрэ хадна. 7. Өдр болһн арваһад, хөрөһэд самолётмуд аэропортур нисч иржәнэ.

156-гч дамшлһн. Эн зэңгсиг умшад, хувагч тоолгч нерн зэңгд ямаран мөч болж бээхинь медтн.

Намр болад оркхла, олн зүсн шовуд зууһадар зеллж ниснэ. Хошад, һурвад шовун мел үзгдхш. Хальмг теегин гөрәсн урднь миңһэдэр сүрглж йовдг бээсмн. Ода эднэ тонь цөөкрэд йовна. Тиигэд эдниг сээнэр харж хэлэхмн. Гөрәсн — мана теегин кеермж болн зөөр.

157-гч дамшлһн. Эн үгмүд орулад, зэңгс тогтатн.

Дөрвэд, зурһад, нөөмэд, арвад.

37. ХАСГЧ ТООЛГЧ НЕРН.

-хн гидг суффиксэр дамжж бүрдсн тоолгч нериг хасгч тоолгч нерн гиж нерэдмн.

Ү л г ү р н ь: *зурһан — зурһахн, долан — долахн, нээмн — нээмхн, йисн — йисхн, арвн — арвхн, зун — зуухн.*

158-гч дамшлһн. Бичэд, хасгч тоолгч нерд олж, келц үгмүдтәһинь темдглтн.

1. Магазинд одад, хулд кеснә хөөн Баатрт һурвхн арслң үлдж. 2. Мергн аңһучлад, хойрхн нуһс хаж авч. 3. Мана школын баһ наста футболистнр спортивн марһанд орлцад, тавн меечг цокж орулад, негхн меечг эврәннь үүднүр орулв. 4. Революцин өмн хальмгин һазрт арвхн школ секгдсмн. 5. Тер школмудт дөчхн хальмг көвүд сурдг бээж. 6. Эдниг хойрхн багш сурһдг билә. 7. Өдгә цага хурдн самолётар Элстәс Москва күртл хойрхн частан нисәд күрч болна. 8. Мана хотл балһснас Манц һол далхн дууна. 9. Мана классин сурһульчнрас "Чичрдг" биилдгнь тавхн күн.

159-гч дамшлһн. Хасгч тоолгч нерд орулад, зәңгс тогтаһад бичтн, хасгч тоолгч нердиг татасар таттн.

Нээмхн, арвн негхн, һучхн, йисхн, далхн, хөрн тавхн.

38. ХҮВ МЕДУЛГЧ ТООЛГЧ НЕРН.

Кемр нег бүкл юмна хувинь тооһар зааж келхлә, тиим тоог хув медулгч тоолгч нерн гиж нерэдмн.

Ү л г ү р н ь: *өрәл, дөрвнә, нээмнә, арвна зурһан.*

1/3 — һурвна негн эс гиж һурвна кесн нег хув.

2/3 — һурвна хойр эс гиж һурвна кесн хойр хув.

1/4 — дөрвнә негн эс гиж дөрвнә кесн нег хув.

Хойрас негинь келхләрн, өрәсн гидг үгәр келдмн.

Ү л г ү р н ь: *өрәсн һосн, өрәсн беелә, өрәсн нүдн.*

Хув медулгч тоолгч нерн зәңгд орхларн, һол болн нөкцл мөчмүд болдмн.

Ү л г ү р н ь: *Амулң өрәл килограмм яңһг хулдж авв (өрәл — цәәлһлт). Аяна Алтман хойр альмиг өрәләр хуваж идв (өрәләр — үүлдвр уршг).*

Доржд күртснь — дөрвнә болв (келгч).

Цаһанд нээмнә күртв (нээмнә — нерлгч).

160-гч дамшлһн. Эн зэңгс бичтн, хүв медүлгч тоолгч нерд темдглтн, зэңгин ямаран мөч болжахинь заатн.

1. Экнь бичкн күүкндэн бүшмүд уйхар магазинэс күсдундур метр эд хулдж авв. 2. Киштэ эмгн цөөһин өрөл хулдж авв. 3. Колхоз ахр цагин эргцд зурань һурвна кесн хойр хүвинь күцэчкв. 4. Икрэс үлдсн өрэсн хурһн экэн хээж мөөлв. 5. Моһлцг һазрин һурвна кесн хойр хүвинь усн эзлнэ. 6. Савр кичэлин хөөн өрөл частан соньн дегтр умшв. 7. Эдл-ахун һазрин дөрвнэ кесн нег хүвинь хар һуйрин буудян төрөн эзлнэ.

161-гч дамшлһн. Иим тоолгч нерд орулад, зэңгс тогтатн.

Өрөл, өрэсн, нөөмнэ, һурвна кесн хойр хүвнь, тавна кесн хойр хүвнь, һурвна.

162-гч дамшлһн. Бичтн, тоолгч нердиг татасар таттн, ямаран тоолгч неринь амн үгэр цөөлһтн.

Хальмг педагогическ институт түрүн болж Өэдрхнд 1939 жилин сентябрин нег шинд секгдсмн. 1978 жилин июль сарин 19-д алдр советск шүлгч Владимир Маяковский төрж һарсна 85-гч насни өөн темдгглгдв. Блиндажас нег-негнәннь ардас арвн дөрвн күн һарч ирв: күүкд улс, бичкн күүкд халаста хувцта, киртэ, хот-хол угаһар бән гиж шанань дотран орж. Зулж йовсн улс киислдв. Тиигн гилһнләннь, хойр курсант хошад-һурвад гранат хайчкад, киисэд автоматар хаж сөргв. Зүлсн улсиг босхад, Дамбаев дэврлһнд авч орв. Өмн һурвн давхр ик цаһан гер бөөнэ, үнэрнь келхд, гер биш, герин хамхрха, дееврчн, терзчн уга, һанцхн эрснь. Нагаев Гончаров хойр үкс гүүһэд, хойрдгч этаж тал һарсн шат эзлж авв.

163-гч дамшлһн. Умштн, утхинь тодлж автн. Дор өггдсн сурврмудт хэрү өгтн. Тоолгч нердин морфологическ йилһлт кетн. Харар барлата зэңгсиг мөчмүдэрнь йилһтн.

Кедү зав уга болвчн, курсантнр комиссаран хайжахш. 2 күн өргэд, хооран авад һарч йовна. Калдан 2 шавтсн, ухан-сегән уга.

Халж одсн улс зогсч өгчэхмн уга. Курсантнр хортыг көөһэд

салаһаснь һарһад, Ельшанк хэләһэд һарв, 2-гч бүслһн — траншейинь авад, самолёт кедг завод бәәсн гермүдт өөрдәд ирцхәв. **Манахс баг-багар салад, фашистһриг таслад-таслад авад, бүслж дотрнь цокад, уга кенәд йовдхана.**

Дамбаев өөрән нег цөөкн курсантһр дахулсн хамхрха герин орм деер хурдлад һарад ирв. Герин ормин ца, 2 алхд фашистһр кевтж. 2 үр яахан медж чадад алмацлдв. Болв курсантһр түргәр хәәкрв: "Хенде хох! Һаран өргтн!" Немһнр тал автоматан зөрүлв. Тедн бослдж, һаран өргцхәв. **Тиигәд 7 улан цөргчһр 52 кү бәрж авв.**

1. Цөргчһр шавтсн комиссаран яһв? 2. Курсантһр хортыг альдаран көөв? 3. Дамбаев курсантһрта ямаран йовдлла харһв?

164-гч дамшлһн. Бичтн, тоолгч нердин суффиксмүдинь темдглтн.

Дөрвн зүсн малыг
Дөчн жилдән хәрүлсн,
Дөрлдән болһнд диилдг
Дүмбр хөөч Бадм.

Жир күрсн насндан
Жирһлин хаалһан санж.
Живр урһагч дегтрин
Жигтә күчинь медлә.

Тәвн жил хооран
Тас медгддго үзгүд

"Төрскн келнә" халхднь
Товчта үгмүд умшулна.

Бичдг, умшдгиг дасад,
Билгән Бадм медв,
Бичкндән эс сүрсиг
Бахтаһар шунж дасв.

Жиртә хөөчин седклнь
Живртә болж өснә,
Жил ирвәс батрж,
Жирһл дахж ниснә.

(Жимбин Б.)

165-гч дамшлһн. Диктант бичхдән белдтн.

Хомутников Василий теңгин угатя хальмг күүнә өрк-бүлд 1891 жилд төрсмн. Василь бичкндән өнчрв. Тегәд арвн негтәһәсн авн баячудт заргдв. Школд сурһуль сурдг арһ уга. Бичкн Василь кулакудын хөд, үкрмүд хәрүлв. Баячудт арвн йис күртлән заргдв. Эн жилмүдт Василь ик зовлң үзәд, баячудт икәр дурго болв.

1912 жилд эн хаана цөргт мордв. Хомутников теңгин хазга

полкд цөрглв. Тер цагт хаана цөргт цөрглһн ик зовлңта бөөсмн. Цөргчнр дунд Василь зөргтө, үннч, һавшун билэ. Цөргчнр Василиг күндлдг бөөсмн.

Хальмг өнчн көвүн 1917 жил Коммуна партин зөрглэнд орна. Партьд орхднь Алдр Октябрьск революц өөрджэсн цаг билэ. Тиигхд Хомутников Петроградт цөрглжэж. Зимний Дворец булаж авхд, Хомутников хальмгуд дундас түрүн болж орлцсмн. (Сусен А.)

Тоолгч нернэ морфологическ йилһлт.

1. Келлһнэ хув.
2. Эклц кев-янзнь (нерэдгч киискврт, нег тоод).
3. Ямаран тоолгч нерн.
4. Киисквр.
5. Киисклһн.

Ү л г ү р н ь: *Далн дөрвтэдән дал-ээмнь бүтн.* Далн дөрвтэдән — тоолгч нерн, эклц кев-янзнь — далн дөрвтө, нас медүлгч, өггч киискврт, эврэ киисклһнд бөөх тоолгч нерн.

ОРЧ НЕРН.

39. ОРЧ НЕРНЭ ЧИНР БОЛН ГРАММАТИЧЕСК ТЕМДГ.

1. Ямаран чигн нернэ орчд олзлгддг, теднэ тускар заагч эс гиж сургч үгмүдиг орч нерн гиж нерэддмн.

Ү л г ү р н ь: *Бемб ик чолун герт бэәнэ. Эн багшин сурһуль төгсэв. Бемб Мергн хойр школд көдлнэ. Эднэ кежэх көдлмш тоомсрта. Кен ирв? Ямаран дегтр авч? Герэс школ күртл кедү дууна?*

2. Орч нерн бөөлһнэ нерн мет киискгднэ.

Ү л г ү р н ь: *би — мини, нанд, намаг; чи — чини, чамд, чамаг.*

3. Орч нерн зэңгд ямаранчн мөч болна.

Ү л г ү р н ь: *Бидн хамдан көдлж бэәнэвидн. Би бас сэәнэр көдлж йовлав. (Бидн, би — нерлгч.) Бадмас танд бичг ирж гинэ. Савр маднд менд келүлж. (Танд, маднд — немлт.) Тиим күн мана колхозд хуурмг күн болж тоолгд-на. (Тиим — цөөлһлт.) Бидн ода танавидн. (Танавидн — келгч.)*

166-гч дамшилһн. I. Эн зэңгсэс орч нерд салһж бичж автн.

1. Чинән угаг ноолдж диилэд, чи бичэ бахт. 2. Батрхин ормд чини чидлчн баһрж хэрү хэрх. 3. "Кен эн модыг кезэ суулһсмби?" — гиж суулһсн күүһинь седклэрн олхар зүткнэв. 4. Кен медх, болв кеер көкрсн модн ханлт теднд өргүлж, хальмг тег кеерүлв.

Буудян экн хаһрж,
Бийнь бийән хораж,
Бүчртән дэknэс бийән
Бүрдэж давтна гидг.

Төрлһни түрүн бөөдлэсн
Талдан хаалһар һарна,
Ондан үлмән закахар
Ончта сээхнүр зүткнэ.

(Көглтин Д.)

II. Умштн. Утхинь келтн. Орч нертэ зэңгсинь буулһж бичтн. Орч нердт сурвр тэвтн.

Би аңһучлчкад, садын аллея дотраһур хэрж аашлав. Мини өмн нохам гүүж йовла.

Генткн тер тогтнад, өөрхн-өөрхн ишкэд, юм гетж йовх бөөдл һарһв.

Аллея кедэд хэлэхлэм: өмнм хоңшар эргндкнь шар, толһа деерән өрүлгтэ богшурһан бичкн һуужмул сууна. Тер үүрәсн унад, бичкн живрмүдән сарсалһад сууна.

Мини ноха терүнүр арһул өөрдэд ирж йовтл, генткн өөрхн бөөсн хар чеежтэ ик богшурһа модн деерәс чолун мет, нохан өмн унчкад, цуг өрүлгән сарсалһад, живрмүдән делэд, эәмшгтэ бөөдл һарад, му ду һарһад, ноха тал хойр-һурв һәрэдэд оркв. Эн эврәннь һуужмулан бийәрн халхлад, харсхар дэврв... Энүнэ ээчксн бичкн цогцнь дагжад, дунь зерлгшэд, сөөлңктэд, үкхән мартад, әмән әрвлл уга эн дэврв. (И. Тургенев)

167-гч дамшилһн. Эн зэңгс бичэд, орч нердинь олад, зэңгин ямаран мөч болжахинь йилһтн.

I

Хальмг теегт нанла
Харһад күүнджәсн хөөч
Ишкрэд, мөрән көндәһэд,
Инәж өмәрән довтлла.
Хәврһшән һарһсн хуциг
Хөөнүр эргүлж орулла.

Хөөч көдлмшиннь халунд,
Хэләһэд шинжлсн нанд
Теегин эзн болж,
Тиигхд өмнм үзгдлө.
Эврән бийән би
Энд үлүһән медлэв.

(Көглтин Д.)

1. Би эднэ настадан буута дээнд йовлав. 2. Дарунь бас талданар дүүвр насан давуллав. Эврэннь цаган би эднэ цагла дүнцүллэв. (К. Д.) 3. Чини келсн үгчн чидл нанд өгнэ. 4. Мана сээхн жирһл — мөңк Ленинэ нилч. (И. Л.) 5. Хамг олн төрмүднэ батрад, бүрдэд бээнэл. (И. Л.) 6. Бамба 1946 жилэс авн мана совхозд эндр өдр күртл тракторист көдлэд, түрүн зерглэнд йовад, жил болһн Күндтэ һашг болн үнтэ белгэр мөрөлгднэ. 7. Тедн насни туршт мел манла бээх. (Э. К.) 8. Тана көвүнтн тенд Төрскэн харсч, туурмжта сээхн менд йовна. 9. Тенд теегэр делэд, төмр һәрд ниснэ. 10. Таниһән дуундан магтнав, тавта жирһл угтнав. (С.-Б. Х.)

168-гч дамшлһн. Бичэд, бээлһнэ нернэс, чинрлгч нернэс болн орч нернэс тогтсн келц үгмүд темдглтн.

I. Би бөкүнв, нәрхн живртэв, ут хоңшартав, керсү ухатав. Өмтн нанас эәнэ, цуһараһинь би ээлһнэв.

Цуг әмтә юмна цугтаннь цусинь шимнэв. "Бөкүн, бийән бичә бууль, чамаг меклән бийнь бәрәд идчкнә", — гиж келв.

II. Би терүнд үнн седклән тәвж көдлнэв. Теднә бичсн көдлмшнь нанд ик өврмж болв. Терүнәс нааран жил болж йовна, дәкж Бадм бидн хойр харһад угавидн.

40. ОРЧ НЕРНЭ ЙИЛЬЛТИН ТАБЛИЦ.

Чинрәри болн грамматическ темдгәри орч нерд иим әңгсәр хувагдна.

1. Н ү р о р ч н е р н:

1-гч нүр — би, бидн, мадн.

2-гч нүр — чи, та, тадн, таанр.

2. З а а г ч о р ч н е р н: эн, тер, эдн, тедн, иим, тиим, эдү, тедү.

3. С у р г ч о р ч н е р н: кен?, юн?, альд?, хама?, ямаран?, альк?, кедү?

4. Й и л һ г ч о р ч н е р н: цуг, цугтан, цуһар, хамг, бүгд, ниид, талдан, ондан, эврән, бийнь.

5. Э с й и л һ г ч о р ч н е р н: кен чигн — кенчин, юн чигн — юнчин, альд чигн — альдчин, хама чигн — хамачин, ямаран чигн — ямаранчин, альк чигн — алькчин, кедү чигн — кедүчин, зәрм.

6. Хэрүд орч нерн: бийән.

7. Бий орч нерн: мини, мана, чини, тана, энүнә, терүнә, эднә, теднә, эврә.

169-гч дамшлһн. I. Эн зәңгс умшад, орч нердиг йилһтн. Таблицәр хардвр кетн.

Маңһдмуд һаран уһалдв, дәкәд һаран намчлад, дөрвн үзгтән үләчкәд, ном умшцхав. Түүнәсн хоорндан эврәһәрн күүндчкәд, негнь Жилин тал эргәд, орсаһар келв:

— Чамаг Кази Мугамед бәрж авч, — гиһәд шар маңһд тал бийнь заав, — тегәд чамаг Абдул-Муратд өгч, — гиһәд хар маңһд тал заав. — Ода чини эзнчн Абдул-Мурат...

”Эднә аалинь йирин меджәнәв. Намаг әмдәр бәрж авсн цагтан авч одад, нүкн дотр бәәлһжәһәд, маля-шилврәр гүвдхмн. Әмдәр эднд бәргдж өгдг болхинь”, — гиж Жилин дотран ухалв...

II. Бичтн. Орч нердт сурвр тәвтн. Ямаран мөч болж йовхинь темдглтн.

Жилинә унж йовсн мөрнь зөвәр сән, болв теднә унж йовсн мөрднь түүнәһәс даву, дәкәд деернь тосад довтлж йовцхана. Аминь татад, хәрү эргүлхәр седхлә, халж одсндан күч өгл уга, теднүр авад орад йовна...

* * *

Эн күн чамаг гер талан бичг бичж, бийән хулдлһна мөңг авхулж, өглһ өг гинә. Мөңгн ирлһнлә, сулдхч гиж келнә... (Л. Толстой)

170-гч дамшлһн. Умштн. Утхинь тодлж келтн. Орч нерд олж, әңгсәрнь йилһтн.

Бидн дахлдад һарч ирүвидн. Мана хөөн бас әмтн орлдад, һарч ирлдәд бәәнә. Тиигә бәәж, цаг ора болад, һарн хурдндан орад одсн цагла, комиссин улс цуһар һаза кирлцән деер һарад ирцхәв. Тенд-әнд баг-багар бурлдж бәәсн улс үгән зогсаһад, бослдад, герин үүднүр баглрлдв.

— Не, комиссин шиидврәр кенә көвүд-күүкд школд орулж авх болсиг соңсч авцхатн! — гиж чаңһар келәд, Көвлжәнә Манж хөрн хойр күүнә нер дуудад умшч өгв. Тедн дунд мини нерн бас һарв.

— Школд сурһлһн кезэ эклжинь зарлгдсн өдр, эднэ эк-эцкнр сольх цевр хувцтаһар, дегтр дүрх түнгрцгтәһәр, хот уух ааһта, ухртаһар авч ирх зөвтә, — болж Манж үгән төгсәв. (Доржин Б.)

41. НҮР ОРЧ НЕРН.

Нүр орч нерд: би, бидн, мадн; чи, та, тадн (таанр). Би гидг орч нерэр келжәх күн бийән зааж келжәнә; чи гидг орч нерэр келжәх күн түүнлә күүндж бөөсн күн тал зааж келжәнә.

Хальмг келнд һурвдгч нүр гиж шишлң үт уга. Орч нернә һурвдгч нүүрин орчд заагч орч нер олзлнавидн.

Ү л г ү р н ь: эн келж, тер ирж, эдн келж, тедн ирж.

Та гидг нүр орч нерн бийәсн ах кү күндлж келх цагт кергтә болна. Та — нег то медүлжәнә.

Ү л г ү р н ь: Та, Бадм, манад иртн.

Кезәнә бидн, мадн гисн хойр нүр орч нерн икәр йилһрдг билә, болв одачн йилһрнә. Бидн гиж келсн цагт ода сүүрт бөөсн улс цуһар орж бөөнә.

Мадн гиж келсн цагт ода сүүрт эс орлцжах улс бас заагдна.

НҮР ОРЧ НЕРНӘ КИИСКЛҢН.

Киисквр	Негдгч нүр			Хойрдгч нүр		
Нерэдгч	би	бидн	мадн	чи	та	тадн
Төргч	мини	мана	мадна	чини	тана	тадна
Өггч	нанд	манд	маднд	чамд	танд	таднд
Гемнгч	намаг	маниг	мадниг	чамаг	таниг	тадниг
Бүрдэгч	нанар	манар	маднар	чамар	танар	таднар
Ниилүлгч	нанла	манла	маднла	чамла	танла	таднла
Хамцулгч	нанта	манта	маднта	чамта	танта	таднта
Һаргч	нанас	манас	маднас	чамас	танас	таднас
Залгч	нанур	манур	маднур	чамур	танур	таднур

Таанр гидг нүр орч нерн бас киискгднә. Хуврхләрн, тадн гидг нүр орч нерн мет киискгднә.

171-гч дамшлһн. Нүр орч нерд олтн. Теднән альк киискврт бөөхинь келчкәд, бичж автн.

Та мөрн деер билэт, би һазр деер билэв. Та мөртө билэт, би мөрн уга билэв.

* * *

Залу утхан бүлүднэ, гелң ирэд суудг болна. Гергн гелңд арһул келнэ: "Мана залу тана хойр чик керчж авхар бээнэ. Таниг мекләд, заһс ид гиһэд авч ирлэ", — гинэ. "Хойраһинь биш, чамд негинь чигн өгшгов", — гиһэд гелң чикән атхад, хээкрэд һарад зулна.

* * *

Тер дээллдэнд Санж эврәннь кесг эңкр үүрмүдэсн ханцв. Теднэ цогц деер танкистнр махлаһан авад, тагчг зогсчаһад, андһаран өгцхэв: "Бидн тана үүрмүдвидн, тадниг кезэчн мартшговидн, тадн мана өрчдт. Тана төлө теднэс өшөһән авхвидн. Мадн келсн үгдән күрхвидн, өшөтнэс өшөһән лавта авхвидн. Таднд үгән өгчөнөвидн", — гиж келцхэв.

172-гч дамшлһн. Би, чи, бидн, таанр гидг орч нердиг амн үгэр киисктн.

173-гч дамшлһн. Олн цегин орчд тэвх зөвтэ нүр орч нердиг олад бичтн.

1. ... тәрсн күн арднь орж эс асрхла, тиигж урһшго бээсмн. 2. Цолта болхнь эндр ... кинод одхмн бээж. 3. ... кезэ, ямаран цагт хәрж ирхт? 4. Тохмта хөд өскдг ... совхоз бүрдэд, цөн жил давжана. 5. ... Һалзн мөрн яһсн сээхн мөрмби? 6. ... хойр нег-негән хэлэлдж, хоорндан үг булалдж, үгин әмтәхнинь хармнл-го магтлдж, өдгө цагин болн ирх цагин зургуд зурж суунавидн. 7. Хоша бээх бригад ... дөрлдэнд дуудв. 8. "Ноха ... эркн нөкд", — гиж хәрү өгчкәд, Манж ирсн гиичнриг герүрн дахулад орв. 9. Э, э, ..., Манж, Нһһанд садн бишвт, ... нам мартчкжв. 10. "Намаг хөөч орсиг меднчи, ямаран бэәнәч?" — гиж ... байртаһар сурв. 11. Өвс хадхар ... кеегшән һарувидн. 12. Дуртав, Пётрин үрн, 13. ... йоввчн ... Хальмг Таңһч сангдна.

Б и ч х о р ч н е р д: энүг, бидн, та, мана, эн, бидн, маниг, мана, та, би, чи, бидн, чамд, хама, нанд.

174-гч дамшилһн. Нүр орч нерд ямаран киискврт бөөхинь йилһтн, теднэ чилгчинь темдглһтн.

ЧОНАС ӨӨЛҮН.

Зунар бидн эктөһөн модн дотр зуслнд бөөлөвидн. Нег дэкж бидн хоюрн станцур одувидн. Ора болж йовсн цаг билэ.

Йовж йовад ардан хэлэхлэ, мана ард нег чон йовна. Бидн эктөһөн ээчкэд, чонур хээкрүвидн. Чон манур хэлэхэд зогсв. Манас ээж зулжахш. Нүднь, хойр көк һал мет, шатад бөөнэ. Экм намаг һартасм авад, һарад гүүв. Чон мана ардас гүүһэд йовна.

Станц күртл гүүж ирүвидн. Захин шатжасн шамин өөр күрэд, ардан хэлэхлэ, мана хажуд бөөсн күүнэ Волчок гидг ноха бөөж. Тиигж бидн "чонас" ээввидн.

42. ЗААГЧ ОРЧ НЕРН.

Эн, тер, эдн, тедн гидг орч нерд юмна тускар заана.

Иим, тиим гидг орч нерд юмна чинрин тускар заана.

Эдү, тедү — тооһин тускар заана.

Ү л г ү р н ь: Давсн долан хонгт икэр хур орв. Тер өдрмүдт серүн болв. Хавр болад, дулан өдрмүд эклжөнэ. Тиим өдрмүд улм хурдар ирх зөвтэ. Нанд ода зүн дегтр бөөнэ. Тедү дүнгэ дегтр мини үүрт бөөнэ.

Заагч орч нерн зэңгд орсн цагтан нурһлж бөөлһнэ нер дахад, цөөлһлт мөч болна, киискврмүдэр хуврхш.

Ү л г ү р н ь: Тер күн келлэ. Тер күүнд менд кел. Тер күүт йовулж.

Заагч орч нерн зэңгд бас нерлгч болж чадна.

Ү л г ү р н ь: Терти ирсн уга. Энтн юм келсн уга.

175-гч дамшилһн. Зэңгст бөөх нүр болн заагч орч нерд олһн.

Би үүнэсн ээмг орнав. Сурһуль сурх болхлачнь, би чамаг ода нег сарас ирэд авнав.

Эн зэңг асхн үдлэ Доржин хотнд ирнэ.

Иим нег уха тоһрун күүкнэ толһад орулв.

Эдн зогсл уга гишң лугһад биилэд бөөнэ.

"Тиим йосн мана һазрт тогтхм болхв?" — болж Хоңһр Яшк тал ширтж хэлэв.

”Эрхн биш тогтх. Эврэн түүг эс дурдхла, теңгрэс унж ирхн уга”, — гиж би саннав. (Нармин М.)

ЗААГЧ ОРЧ НЕРНӨ КИИСКЛЫН.

Киисквр	Нег то				Олн то	
Нерэдгч	эн	—	тер	—	эдн	тедн
Төргч	энүнэ	үүнэ	терүнэ	түүнэ	эднэ	теднэ
Өггч	энүнд	үүнд	терүнд	түүнд	эднд	теднд
Гемнгч	энүг	үүг	терүг	түүг	эдниг	тедниг
Бүрдэгч	энүгэр	үүгэр	терүгэр	түүгэр	эднэр	теднэр
Ниилүлгч	энүнлэ	үүнлэ	терүнлэ	түүнлэ	эднлэ	теднлэ
Хамцулгч	энүнтэ	үүтэ	терүнтэ	түүтэ	эднтэ	теднтэ
Наргч	энүнэс	үүнэс	терүнэс	түүнэс	эднэс	теднэс
Залгч	энүнүр	үүнүр	терүнүр	түүнүр	эднүр	теднүр

Эн, тер гидг хойр орч нерн киисксн цагт төргч киискврэс авн хошад сүүртэ болж харч киискгднэ.

176-гч дамшлын. Заагч орч нерд олж татасар темдглтн.

1. Эн инэднь Сергейиг омгшулв. Эн санамрдв. 2. Иим хур дотр арһс овалж болхий? 3. Терүнэ тускар би бас тооллав. 4. Тедниг үүдэн хааһад харлһнла, хажуд хорһас экм харч ирв. 5. Иим эрт бийнь, һаза зөвэр халун. 6. Тер асхн би кесг дэжж өсрэд серүв. 7. Тер хойрас иим соньн зэңг соңсүв. 8. Энүг хэрг көвүн гиж келж болшго. 9. Түрүн авгтан эдн Сергейиг оньгтан авсн уга. (Б. А.) 10. Тиим батта үрдүд теегтм олар үүдич. (Э. К.)

177-гч дамшлын. Эн зэңгсэс нүр болн заагч орч нерд олад, тедн зэңгин ямаран мөчмүд болж бээхинь йилһж келтн. Харар барлата үгмүдт синоним олтн.

Аавин эн ирлһн намаг ик гүн тоолврта болһв. Өвгнэ седкл **тогтнулхин** кергт ”дөң болнав” гинэд келж оркв. Совхозин директор ода нанла **зөвшөрж**, аавд талднь отар иткж өгшго. Өвгн, көвүнәннь хэлэжэсн хөөнд орад, ах хөөч болад көдлтн гихлэ, керго гинэ.

”Көвүтәһән нег отарт көдлш угав. Терчн йилһлго мини көвүн эзн болж харчана, тер намаг амрахар седэд, мини

көдлмшиг гиигрүлхэр зүткэд, мини орчд көдлэд йовхмн. Терүнэс юн олз бээнэ? Уга, би эврэн талдан отарт эзн болхар седжэнэв. Нанд талдан отар өгч үзтн", — гиж өвгнэ уульхин нааһар сурсн сурвр мини чеежэс **һархш**.

Парторганизацин сеглэтр тал ирүв. "Би медэ бээнэв. Тесч чадх өвгн биш. Медэ билэв", — гиж ик **байртаһар** мини келсн тоотыг соңсчкад, нанд биш, бийдэн тер келв: "Сэн, йир сэн йовдл". "Директориг бидн үгдэн орулхвидн. Йовий, директор тал одый", — гиж сеглэтр келв. (Балакан А.)

178-гч дамшлһн. Бичтн, орч нерд ямаран киискврт бээхинь йилһтн, теднэ чилгчсинь темдглтн.

1. Түүнэ дару би ондан һазрур һарч йовад, хойр жил шаху бээһэд, дарунь Лаганьд ирж буувв. (Б. Т.) 2. Тер цецгүд ода нанд Боряг хэлэхлэ, сангдна. Мини бичкн үр көвүн тер бамб цецгүдлэ эдл цецгэрж одв. (Бал. А.) 3. Кедү нас наслвчн күүнэ жирһлд кесг түрүн ишкдл давтгдна. (Ш. В.) 4. Терүг алтн одар ээж-Төрскнь ачлв. (Ш. В.) 5. Түрүн одн теңгрт төрнэ, терүнлэ урлдж шамс шатна. 6. Маниг үүрмдн дуудв, мадн байрлад гүүлдүвидн. 7. Бидн дөрвн час сө көшэд муурсн бийнь, болв ик сергмжтэ Смольнас тарад хэрцхэввидн. 8. Би тотхад чиннүв. 9. Владимир Ильич орнасна босад, үүдиг арһул секв. Нанур өөрдв, намаг унтж гиж санад, арһул живэд, бичг бичдг столур одв. Цуг эн хамг нанд эрэ секэтэ үүдэр үзгдэд бээнэ. (В. Б.-Б.)

43. СУРГЧ ОРЧ НЕРН.

Кен?, юн?, альк? гидг сургч орч нерд бээлһнэ нерн мет киискгднэ.

Альд?, хама?, ямаран?, кезэ?, кедү? гидг орч нерд талданар киискгднэ.

КЕН?, ЮН?, АЛЬК? ГИДГ СУРГЧ ОРЧ НЕРНЭ КИИСКЛҢН.

Нерэдгч	кен?	юн?	альк?
Төргч	кенэ?	юуна?	алькин?
Өггч	кенд?	юунд?	алькд?
Гемнгч	кениг?	ю?, юуг?	алькиг?
Бүрдэгч	кенэр?	юуһар?	алькар?

Ниилүлгч	кенлэ?	юунла?	алькла?
Хамцулгч	кентэ?	юута?	алькта?
Һаргч	кенэс?	юунас?	алькас?
Залгч	кенүр?	юунур?	алькур?

179-гч дамшлһн. Эн зэңгс умшад, сургч орч нерн альк киисквртән бээхинь медтн. Амн үгәр цөөлһтн.

1. Тэрэнэ төлө ноолдлһнд кенд кень нөкд болна? 2. Бадм, кенәннь уюлсн хувц авч йовнат? 3. Кентн сурһульд йовхар седжәнэ? 4. Кенэснь бичг ирж? 5. Кенэстн дөң сурулж? 6. Кенэртн нөкд авхв?

180-гч дамшлһн. *Кен?*, *юн?*, *кенд?*, *юунас?* гидг орч нерд орулад, зэңгс тогтатн.

Кен? гидг сургч орч нерн давхр болн эврә хувстә киисклһнә йосар киискгднә, зуг төргч киискврәр сүүр кенә.

Нерәдгч	—	—
Төргч	—	кенәннь?
Өггч	кенәд?	кендән?
Гемнгч	кенәг?	кенән?
Бүрдөгч	кенәһәр?	кенәрн?
Ниилүлгч	кенәлэ?	кенләрн?
Хамцулгч	кенәтэ?	кентәһән?
Һаргч	кенәһэс?	кенэсн?
Залгч	кенәһүр?	кенүрн?

Ямр?, **ямаран?**, **кедү?**, **альд?**, **хама?** гидг сургч орч нерд зәрм киискврмүдин чилгч авна.

Ү л г ү р н ь: *Ямр?* — *ямаран?*, *ямаранар?*; *кедү?* — *кедүнә?*, *кедүтә?*; *альд?* — *альдас?*, *альдаһур?*; *хама?* — *хамаһас?*, *хамаһур?*

181-гч дамшлһн. Эн зэңгс бичәд, сургч орч нерд олж татасар темдглтн, киисквринь йилһтн.

Удан тиигж тесч сууж чадл уга Өлзәт босад, һарад, коридо-

рар цааран-нааран йовднжаһад, рабочкомин ахлач тал орж ирв. Орж ирн, түдвр угаһар Өлзэт үгән эклв:

— Энүнд, танд, список бәәнә гинә...

— Бәәхлә, тегәд,— гиж тернь төвшүнәр келв.

— Тер списокс минн нериг хусад хайчкж гинә. Яһад тиигсмет? Юуһарн би әмтнәс дуту болжахмби? Кен, кен танд тиим зөв өгсмби?— гиж рабочкомин ахлачиг үгинь күңц келүллго дууһан өөдлүлв.

— Би хуслав. Чамаг нилх күүкдтә күн гиһәд. Иигтлән икәр бурушадг болхла, үлдәж болхмн,— гиж келәд, ахлач әвтә хурһдарн, кевтә үзгүдәр, көк бекәр барлад гилтә бичәд оркв. (Доржин Б.)

182-гч дамшлһн. I. Сургч орч нердиг олад, ямаран киисквртән бәәхинь темдглтн.

1. Ямаран модн гер, ямаран шам? 2. Терүнәс талдан, кедү керг Цәкр Кукаевичин килмжд бәәнә? (Д. Б.) 3. "Юмби, кемби? Альд бәәнә? Шулуң кел",— боллдад, үкс тиигәрән хурдлцхав. 4. "Эн! Минь эн бәәсн, эн, ю хәәж энүнд бәәхмби?"— гисн ә соңсгдв. 5. "Эн кенә адумби?"— гиж Өөд Мергн түшмл ах адучас сурв. 6. "Хожаг менд авч һархмн. Ямр кевәр күңәй?"— гиж Биикн әәмсч келв. "Хама бултулхм?"— эн төр күн болһниг уутърав, цугтаннь толһад очн цәклһн мет болв. (С.-Б. Х.)

II. Умштн. Шүлгәс орч нерд олтн, ю темдглжәхинь келтн.

Нерн гисн юмби?

Негдвәр, яһж медгдви?

Ямаран нерн сәмби?

Яһж терүг йилһдви?

"Яһлав, нерм Бемб,

Ямаран сәәхн нерн!

Нернәс нер шүүхмби?

Не, энүг суңһтн..."

Кезә нернәс нер

Кен суңһж йовла?

Туурсн сән нер

Төрүц өгдго билә...

(Калян С.)

183-гч дамшлһн. Сургч орч нерд орулад, 9—10 зэңг тогтатн. Селәнәс әс гиж балһснас (Сарпулас, Элстәс, Әәдрхнәс, Аһшас) ирсн үүртән сурвр өгч болм дүңгәһәр эн зэңгсән тогтатн.

Я н з н ь: — Мergн, чи зунин амрлһндан альдаран одувч?
— Би Тебердад бәәх Элстин "Тюльпан" гидг лагерьт одж амрув.
— Тер амрсн һазртан сонһн ю үзүвч?

44. ЙИЛҺГЧ ОРЧ НЕРН.

Цуг, цугтан, цуһар, хамг, бүгд, ниит, талдан, оңдан, эврән, бийнь гидг йилһгч орч нерд бәәлһнә нерн мет киискгднә.

Нерәдгч	цуг	хамг	бийнь	бийснь
Төргч	цугин	хамгин	бийиннь	бийсиннь
Өггч	цугд	хамгд	бийднь	бийсднь
Гемнгч	цугиг	хамгиг	бийинь	бийсинь
Бүрдәгч	цуһар	хамгар	бийәрнь	бийсәрнь
Ниилүлгч	цуһарала	хамгла	бийләннь	бийсләннь
Хамцулгч	цуһарата	хамгта	бийтәннь	бийстәннь
Һаргч	цугас	хамгас	бийәснь	бийсәснь
Залгч	цугур	хамгур	бийүрнь	бийсүрнь

Зуг цуг гидг орч нерн бүрдәгч, ниилүлгч, хамцулгч һурви киискврт г гидг уңгин хадвран хаяд, һ гидг хадвр авна.

Йилһгч орч нерн зәңгд нерлгч, нөкцл мөч чигн болж чадхмн.

Ү л г ү р н ь: Бүгд менд болтха! Цуг нииләд келә! Цугтаднь бичг ирж.

Эврән гидг йилһгч орч нерн хуврхш.

184-гч дамшлһн. Бичтн, йилһгч орч нерд олад, татасар таттн.

1. Цувлдад, зергләд йовна,
Цуһарн ниицәтә жирһнә. (С.-Б. Х.)
2. Хамг сәәхн орчлң
Хәәж олдшго кишгтә. (Т. А.)

3. Теегэн делгү байжах,
Түүндэн даңгин тачах,
Ондан нанд ода
Ончта уутьрмж уга! (С.-Б. Х.)

4. Эндрк йөрөл талдан,
Талдан болхларн, талдан,
Тастан күслэрн ондан,
Ондан болчкад, ондан,
Однас тодрха аштан. (С.-Б. Х.)

5. Өдгө цагт нарта орчлң төгөлж хурдн ракетмүд ниснэ.
6. Орт-нутгин теңгрин аһуд реактивн самолётмүд эрвлзнэ.
7. Эн хамгиг номтир, инженермүд ухалж һарһсмн. 8. Эврэн
кех көдлмшэн күүнд бичэ даалһ. 9. Бадм бийнь сурһулян
сээнэр сурна, үүрмүдтэн нөкд болна.

185-гч дамшлһн. Эн зэңгсэс орч нерд олад, чинрэрнь йилһтн.

Тер күүнд Алёнушк эврәннь зовлңган келв. Түүнд эн күүкн
йир таасгдв.

— Хоюрн сэн бэй. Мини санан чамд тусчана. Би чамаг кезэ
чигн күндлхв. Эн ямана ишкичн кезэ чигн хайхшив. Чи хама
йовдг болнач, чамла хамдан би йовх зөвтэв...

— Эн ишкчн эврәннь дууһарн нанд жирһл өгчэхмн уга.
Энүгэн эрт уга ке.

— Урднь мини гергн эн ямана ишкд йир дурта билэ. Ода
генткн энүгэн эн алж эрлһ гихэд бээнэ, юн болжахнь нанд
медгдхш.

186-гч дамшлһн. Орч нердиг салһад бичж авад, киисквринь заатн.

”...Бичкн жалвар көдлх тиим кү
Би хамаһас олхв?” — гинэ,
Балда тиигхлэнь келнэ:
”Би чамд сээнэр көдлнэв,
Чикэр закскн кергичн күцэнэв,
Чини нанд өгх жалвчн —
Жилмһр эн маңнаһарчн
Жилд һурв индстнэв...

... Үзжәнч тер гү?
Гүүг өргж үзлч,
Авад тер гү өргхлэ,
Алвн чини болтха,
Мел дааж эс чадхла,
Мини болг алвн...”
”... Эн теңгсиг кевтнь
Эргж хоюрн урлдый,

Түрүлж кен ирнэ —
Тернь алв автха.
Тер алвиг иртлмдн
Тенд мишгт белдтхэ”.
Наадлж Балда инэнэ:
”Нам гихмн, чавас,
Өвртэл марһамб эннь,

Альднь нанла чаддмч,
Нанла марһхар седдмч,
Нанла, нертэ Балдала?
Энчн мууха генн
Элчэн нанур тэвсмби?
Мини бичкн дүүг
Минь үүнд күлэжэ”.

(А. Пушкин)

Я н з н ь: Би — нүр орч нерн, нерэдгч киисквр.

187-гч дамшлһн. Эн зэңгст орч нердиг бээлһнэ нернэ орчд орулж бичтн. Тер мет бээлһнэ нердиг орч нердэр соляд бичтн.

Баррикадас эн зовсн нүдэр хэлэв. Тенд энүнд өмтн зовад бээхлэ, эн бийнь дуулад йовна. Сумн күцэд бээсн бийнь эн сумнас һавшунар дальтрад йовна.

Эн мел үкллэ бултач нааджах мет, ээмшг шуугад ирх болһнд, көвүд дажулад шовшрад оркна.

Аш сүүлднь өмнлэ наадсн сумн көвүнд тусв. Гаврош дээвлэд унв. Баррикадас зовсн шууган ниргэд одв. Чирэһөрн цусан һоожулад, Гаврош өндөһэд, хасн улс тал хэлөһэд, һаран занһн, дэкн өргэд дуулв. (В. Гюго).

188-гч дамшлһн. Орч нердиг олж авад йилһтн. Амн үгөр цээлһтн.

Мана теегт чон кезэнэ элвг билэ. Болв чон хөөтэ хотнд орхла, энд-тендэс нохас дэврэд, түүг халһдг уга билэ. Тегэд чонмуд эндөһүр, тендөһүр гүүлдэд, ноха уга хотн тал оддг билэ.

Тиим чоныг бэрхд чигн амр болдг билэ. Бидн чоныг мөрдэд босхсн хөөн, эрк уга бэрнэвидн. Ода эдниг бэрэ бээж чилэж оркв.

45. ЭС ЙИЛЬГЧ ОРЧ НЕРН.

Эс йилһгч орч нерн сургч орч нерн деер чигн (-чн) гидг хув авч тогтна.

Ү л г ү р н ь: кен чигн — кенчн, юн чигн — юунчн, хама чигн — хамачн, кедү чигн — кедүчн, альк чигн — алькчн, зөрм.

ЭС ЙИЛҮГЧ ОРЧ НЕРНЭ КИИСКЛҮН.

Нерэдгч	кен чигн	кенчн	зэрм
Төргч	кенэ чигн	кенэчн	зэрмин
Өггч	кенд чигн	кендчн	зэрмд
Гемнгч	кениг чигн	кенигчн	зэрмиг
Бүрдэгч	кенэр чигн	кенэрчн	зэрмэр
Ниилүлгч	кенлэ чигн	кенлэчн	зэрмлэ
Хамцулгч	кентэ чигн	кентэчн	зэрмтэ
Һаргч	кенэс чигн	кенэсчн	зэрмэс
Залгч	кенүр чигн	кенүрчн	зэрмүр

189-гч дамшлһн. Бичэд, эс йилһгч орч нерд алык киисквртән йовхинь йилһтн.

1. Ямаранчн төр, күсл өмнән тэвхләрн, терүгән эрк биш күцә. 2. Эндр Бадм кенәсчн дөң сурлго герин даалһвран күцәв. 3. Хамачн иим сән тоолвр хадһлгдад бәәсмн, энүгән эртәр юңгад эс келж медүлүвч? 4. Дәәсн кедүчн мектә болн күчтә болг, терүг баатр оньдинд кү цокна. 5. Өвгн мендин хәрү өгчкәд келв: "Юунчн юмн өсәд, өргжәд йовхла, мел седклм байрлад бәәнә". 6. Көвүдәс зәрмнь әәмгин хургт ирсн уга.

Эс йилһгч орч нерн бурушагч чинртә келгч мөчлә ниицхләрн, бурушагч чинр зүүнә.

Ү л г ү р н ь: *Юунчн маднд керго. Кенчн хәрү өгхш.*

190-гч дамшлһн. Бурушагч чинртә сургч орч нерд олад темдглтн.

1. Төрскән харсгч Алдр дән төгсәд, 25 жил болсн өөнд нерәдж тэвгдсн бумб деер "Кенчн, юунчн мартгдх зөв уга" гисн чинртә үгмүд келгдв. 2. Кезә-кезәд чигн, кенд болв чигн, эврә цусн балһсан эдлүлш уга күмб! (С.-Б. Х.) 3. Күн кен болв чигн күчтә әңкр партин, бидн дурта гвардим бичә көндә, нерән ге! (С.-Б. Х.) 4. Кенэчн һарһсн буру йовдлыг тэвж өгч болшго.

46. ХӘРҮД ОРЧ НЕРН.

Бийән гидг орч нериг хәрүд орч нерн гиж нерәддмн. Эн орч нерн өггч киискврәс авн хуврнә.

Зәңгд орсн цагтан эн немлт болна.

Өггч	бийдэн	Хамцулгч	бийтэһэн
Гемнгч	бийён	Һаргч	бийёсн
Бүрдэгч	бийёрн	Залгч	бийүрн
Ниилүлгч	бийлэрн		

191-гч дамшлһн. Хэрүд орч нерд олад, киисквринь йилһтн.

1. Асхн болх нээрт герэн ахулад, бийён белдцхэв. 2. Бийдэн даалһсн кергиг эрүн төр гиж тоолад, терүг сөөнөр күцэхэр йовнав. (К. С.) 3. Меньшиков бийнь бийдэн таасгджана. 4. Эмч кедү сэн болв чигн, бийдэн туслдго. (Ү.) 5. Савр бийдэн дегтр магазинэс хулдж авв. 6. Кү муурулхасн урд, бийён сөөнөр хэлэ. (Ү.) 7. Бийён һурв эргүлчкэд, кү кел. (Ү.)

47. БИЙ ОРЧ НЕРН.

Мини, чини, тана, мана, энүнэ, эднэ, терүнэ, теднэ, эврэ гисн үгмүдиг бий орч нерд гидмн.

Төргч киискврт бээх нүр болн заагч орч нерд бийлгч чинр зүүнэ.

Ү л г ү р н ь:

Нүр	Нег то		Олн то	
1-гч	би	— мини	бидн	— мана
2-гч	чи	— чиши	тадн	— тана
3-гч	эн, тер	— энүнэ, терүнэ үүнэ, түүнэ	эдн, тедн	— эднэ, теднэ

Эврэ (эврәннь) гидг бий орч нерн нүрго болдмн.

Бий орч нерд киискврмүдэр хуврнэ.

Бий орч нерн бээлһнэ нериг цээлһэд, терүнэ өмн тэвгдхлэрн, киискврмүдэр хуврхш.

Ү л г ү р н ь: *Чини жирһлд зовлң бичэ харһтха. Тана дун нанд йир таасгдна. Эн ишкчн эврэ(ннь) дууһарн нанд амрл өгчэхмн уга.*

БИЙ ОРЧ НЕРНЭ КИЙСКЛНН.

Киисквр	1-гч нүр	2-гч нүр	3-гч нүр	Нүрго
Нерэдгч	—	—	—	—
Төргч	мини	чини	энүнэ	эврэ(ннь)
Өггч	минид	чинид	энүнэд	эврэд
Гемнгч	миниг	чиниг	энүнэг	эврэг
Бүрдэгч	миниһэр	чиниһэр	энүнэһэр	эврэһэр
Ниилүлгч	минилэ	чинилэ	энүнэлэ	эврэлэ
Хамцулгч	минитэ	чинитэ	энүнэтэ	эврэтэ
Һаргч	миниһэс	чиниһэс	энүнэһэс	эврэһэс
Залгч	миниһүр	чиниһүр	энүнэһүр	эврэһүр

192-гч дамшлһн. Бичтн. Бий орч нерд олад, нүүрэрнь болн тооһарнь йилһтн.

Чамас ондан мини келсн үгд бүтн хэрү өгдг күн уга. Эврэ ээжин келсн — ацан биш. Энүнэ нүкнь гүн биш, зуг утарн хойр дууна чингэн болна. Мини седклин зовлң медх күн уга, һанцхн хэлэсн күн — чич. (Б. Б.)

Мана көдлмшт нөкд болцхатн. Эврэ эрүн седклиг кевтнь чамд келнэв. Эн чини унж ирсн худрһ, омрувчта мөричн би таньнав. Эднэ седклэрнь авада хэлэхлэ, хальмгуд көдлмш ахуд дурта улс гиж келж болхмн. Мана сээхн жирһл — мөңк Ленинэ нилчл. (К. С.)

Эврэһән эңкрлэд, күүнэг һазалад бээж болшго. Терүнэ көдлмшиг нанд негхл үзхлэ, болх. Тана күргсн ачитн Төрскндән күргнэв. (С.-Б. Х.)

Мана, тана, эднэ, теднэ гидг бий орч нердт -хн гидг суффикс немгдхлэ, цуглулгч чинр зүүнэ. Зэрмдән деернь олн тооһин -с гидг суффикс немгднэ.

Ү л г ү р н ь: манахн — манахс, танахн — танахс, эднэхн — эднэхс, теднэхн — теднэхс.

Зэңгд орсн цагтан эн орч нерд нерлгч, келгч, цөөлһлт болн немлт болж һарна.

Ү л г ү р н ь: Манахн (нерлгч) көдлмшэсн хэрж ирсн бээнэ. Манахна (цөөлһлт) күн ирэд, хот ууһад йовв. Кесг күн манахнд (немлт) ирсн бээнэ. Тенд үзгдж бээх хотн — манахн (келгч).

МАНАХН, ТАНАХН, ТЕДНЭХН, ЭДНЭХН ГИДГ ОРЧ НЕРДИН КИЙСКЛН.

Нерэдгч	манахн	танахн	теднэхн	эднэхн
Төргч	манахна	танахна	теднэхнэ	эднэхнэ
Өггч	манахнд	танахнд	теднэхнд	эднэхнд
Гемнгч	манахниг	танахниг	теднэхниг	эднэхниг
Бүрдэгч	манахнар	танахнар	теднэхнэр	эднэхнэр
Ниилүлгч	манахнла	танахнла	теднэхнлэ	эднэхнлэ
Хамцулгч	манахнта	танахнта	теднэхнтэ	эднэхнтэ
Наргч	манахнас	танахнас	теднэхнэс	эднэхнэс
Залгч	манахнур	танахнур	теднэхнүр	эднэхнүр

193-гч дамшлн. Эн зэңгсэс орч нерд олтн. Эдн зэңгд ямаран мөч болж йовхинь йилһтн. Буулһж бичтн.

1. Манахн көдлмштэн ирчкесн бээнэ. 2. Манахна күн Москвад болсн хургт орлцж. 3. Өрөсөн литературин өдрмүд болхд, манахс кесг нертэ бичэчнрлэ харһцхав. 4. Теднэхн библиотекдэн хальмг бичэчнрин дегтр цуглулж. 5. Танахн эн һазрас ямаран дүңгэ холд бээнэ? 6. Энүнэ ахнь Москвад сурһуль сурч йовна. 7. Чини зург мининһэс сээхн болж.

48. ОРЧ НЕРНЭС ТОГТСН ХУВС.

Орч нернэс кесг хувс тогтна. Иим хувс ямаран болвчн келлһнэ хувслэ ниицнэ.

Келгч хувсин тогтлһн.

Нүр орч нернэс тогтсн хувс үүлдэгчлэ болн нерн үгмүдлэ ниицнэ. Эдниг келгч хувс гиж нерэдиэ.

1. Би гидг орч нернэс туслң болгч хувнь -в.

Ү л г ү р н ь: ирлэ-в, ирж-в, багш-в, эмч-в — би ирлэ, би ирж, би багш, би эмч гиснлэ эдл.

2. Бидн гидг орч нернэс туслң болгч хувнь -видн.

Ү л г ү р н ь: ирлэ-видн, ирж-видн, багш-видн, эмч-видн.

3. Чи гидг орч нернэс туслң болгч хувнь -ч.

Ү л г ү р н ь: ирлэ-ч, ирж-ч, багш-ч, эмч-ч.

4. Тадн гидг орч нернэс туслң тогтсн хувнь -т.

Ү л г ү р н ь: ирлэ-т, ирж-т, багш-т, эмч-т.

Бийлгч хувсин тогтлн.

Бий орч нерд хасгдад, тавн хув тогтна. Тиигж тогтсн хувс бөөлнэ нердлэ болн орч нердлэ ниицнэ.

1. Мини гидг орч нернэс -м гидг туслц хув тогтна.

Ү л г ү р н ь: мини дегтр — дегтрм, мини костюм — костюмм, мини төр — төрм.

Кемржэн бөөлнэ нерн -н гидг хадврар төгссн болхла, тер хадвран геенэ.

Ү л г ү р н ь: мини темэн — темэм, мини мөрн — мөрм.

2. Мадна гидг орч нернэс -мдн гидг туслц хув тогтна.

Ү л г ү р н ь: мадна дегтр — дегтрмдн, мадна гер — гермдн, мадна эн — энмдн.

3. Чини гидг орч нернэс -чн гидг туслц хув тогтна.

Ү л г ү р н ь: чини гер — герчн, чини тер — терчн.

4. Тана гидг орч нернэс -тн гидг туслц хув тогтна.

Ү л г ү р н ь: тана гер — гертн, тана машин — машинтн, тана эк — эктн, тана тер — тертн.

5. Энүнэ, терүнэ, эднэ, теднэ бий орч нердэс туслц болгч хувнь -нь.

Ү л г ү р н ь: терүнэ үкр — үкрнь, теднэ дегтр — дегтрнь, энүнэ зеерд — зеерднь, теднэ тер — тернь.

6. Эврэ гидг нурго бий орч нернэс -ннь, -ан (-он), -н, -рн гидг хувс тогтна.

Ү л г ү р н ь: эврэ гер — герэн, эврэ герэр — герэрн.

194-гч дамшлн. Бичхлэрн, бий орч нернэ хув олж авад, татасар таттн.

Бидн эврәннь Төрскндэн кемжэн уга дуртавидн. Бидн Төрскнәннь һазр-уснд, ө-моддт, өндр уулмудт, ик уста һолмудт, балһсдт, колхозмудт, совхозмудт кемжэн уга дуртавидн.

Удсн уга хан нег зерлг яма хаһад авчкад: "Би талдан һазр олад, аңһучлнав. Чи энүнд үлдэд, хот келч", — гиж көвүндэн хан закв.

"Терүнэс шудтан хэрэд күрч ирүвидн", — гиж түшмлмүд хаанд хэрү өгцхэв. Хан мусг гиһэд инэчкэд: "Тер геринтн өөр цан, тергн бөөлү?" — гиж сурв. Түшмлмүд нег-негэн хэлэчкэд: "Алдр хан, тер күүкнэ келсн үгин учриг яһж медвт? Эн хаһрха хар герин өөр хамхрха цан тергн хойр кевтнэ", — гиж келцхэв.

”Үвл, зун гиснтн — цан тергн хойр болжана. Тадн, мини түшмлмүд болдг болв чигн, эн үгин учриг медсн уга бээжт. Эн таднта күүндсн күн альд бээхинь нанд келж өгтн. Би эврэн оч күүнднэв”, — гиж хан келв.

195-гч дамшлһн. Эн зэңгс умшад, хол мөчмүдинь түүж бичтн.

Манахн өмэрэн нур орад нүүхлэ, би хулсн заагт орад, хулсар бүшкүр кеһэд, шин айс татхв. Чи маңһдурас авн Хулхач-та хамдан Чолутас чолу зөөж, хаша кехмч. Та эргэд одн бээтн. (Э. К.)

Бидн өдр болһн радиоһар республикд күцэгджэх кергүдин туск зэңгс соңсनावидн. Тадн цуһар эн школын шин герт бээж, сурһуль дасхмт. Мана эцк балһс орад, һурв хонад ирв. Чи одак умшсн сонһн дегтрэн авч ир, терүгичн би умшхар бээнэв. ”Кен мана үүд цокжана, одад тээлж өг”, — гиж экм нанд келв.

Делсгсн һәрдин дууг
Дахж би өргүв,
Ман хойрин дууг
Мел цугтан соңсв.

Һәрд бидн хойр
Һээхж Кавказ кедүвидн,
Һатлу эңкр тосвр
Һазр болһнас үзгдв.

(Леежнэ Ц.)

196-гч дамшлһн. Бий орч нердин хүвс олж авад, тедн яһж тогтсинь келэд, буулһж бичтн.

Би дошдг цан кеж авад, Ленинск уулмуд орув. Бидн Ленинск уулмуд деерэс Москваг сээнэр үзнэвидн.

Өндр уул деер һасдт хадата улан дарцгуд делсч үзгднэ. Эдн лыжэр йовсн цагт хаалһ зааж өгнэ. Тер уулын ора деернь һартан улан дарцг заңһад оркхла, лыжтэ улс дорагшлад, урлдад һарна. Тедн заагт мини эцкм бас бээнэ. Намаг уулас цанар дошсн цагт мини экм лыжэр күцж чаддг уга билэ. Би ик болад өссн цагтан эркн биш өндр уулас дошдг, һэрэддг даснав.

Би хаалһар йовсн элжгнин мөр үзлэв... Тер учрар би тер элжгнин барун көлһ доһлж гиж санлав.

Орч нернэ морфологическ йилһлт.

1. Келлһнэ хүв.
2. Эклц кев-янз (нерэдгч киискврт, нег тоод).

3. Ямаран эңгд (нүр, заагч, сургч).

4. Нүр.

5. То.

6. Киисквр.

7. Киисклһн.

Ү л г ү р н ь: *Көдлмшэс эрт һархла, чамур ирнэв. Чамур — орч нерн, чи — нүр орч нерн, 2-гч нүүрт, нег тоод, залгч киискврт, амр киисклһндэн.*

ДАВТЛҢН.

197-гч дамшлһн. Умштн. Зэңгсин нерлгч олад, ямаран келлһнэ хүвэр келгдсинь йилһтн. Негдгч эңгин зэңгсиг мөчмүдэр цуцлтн, девтртэн буулһж бичтн.

I. Селәнэс хол биш мана колхоз өвс хаджала. Мини эцк бас өвснэ хадлһнд йовла.

Би өрүн болһн теднүр оддг билэв. Хадчксн өвсн йир сээхн үнртэ болна. Би хадчксн өвсн деер көлврэд нааддг билэв. Намаг мана Хаср гидг ноха дахдг билэ.

II. Эн харшмг бэргдсн өвстэ царңгиг үр Емельянов хулдж авв. Тер харшмгас зөвэр тедүкн, хойр шавдр харһан сүүдрт, деерк ацмудынь көрөдэд авчксн хойр модна йозурмуд зерглэд бөөнэ. Негнь — өндр, негнь — маштг. Ленин маштг деернь сууһад, өндр деернь цаасан делгчкэд бичдг бээж. Терүгән "эн мини көк кабинет" гиж хөкрлж келдг бээсмн. Эн "көк кабинетдэн" кинэд, номан бичсн цагтан кедү бөкүн, батхн хазв чигн оньһдго бээж. Терүнэснь зөвэр тедүкн көк ноһан бүркэд урһсн моһлцг бор чолун бээж. Тер чолун деер Ленин сууж амрдг билэ. (Эрнжәнэ К.)

198-гч дамшлһн. Бичэд, удан эгшгтэ үгмүд татасар темдглтн. Терүнэ зокал келтн. Шуд келлһнэ түдлһнэ темдгүд цэөлһтн.

Тедн гертән хэрж ирцхэв. "Не, ода һазр меднэв, зулх кергтэ", — гиж Жилин ухалжана. Минь эн сө эн зулхар седлэ. Тиигхднь сө харңһу болдг билэ. Асхлад маңһдмуд хэрү күрч

ирцхэв. Урднь болхла, ардасн мал туулһад, байрта ирцхэдг билэ. Эн саамдан мал көөж авч ирсн уга, зуг алгдсн эврәннь шар маңһдын ахиг эмэл деер дүүжлсн авч ирцхэв.

* * *

”Би холд одшгов, зуг тер уул деер һарнав: тана эмт эмнх ноһа олж авх кергтэ, хамдан йовий? Би цевтөһөн зулж чадш угалм. Би чамд маңһдур саадг сумтаһинь кеж өгнөв”, — гиж келжәнэв. (Л. Толстой)

199-гч дамшлһн. Текст умшад, күүндвр кетн. Эврэ болн бий киисклһнд бөөх үгмүд олад, ямаран мөч болж йовхинь йилһэд, буулһж бичтн.

Бийнь цанын хажуд йовад йовв. Худлахар үксн болад кевтсн арат цанын йоралд нүк һарһчкад, заһсиг эклэд унһав...

Цуг хаалһ деер унһачкад, заһсдан эврәннь нүкнд зөөж орулчкад, арат нүкнәннь амн деер заһсан идэд кевтнэ...

— Эгч, эгч, менд! Чи ю иджәнэч?

— Заһс.

— Нег заһс болв чигн нанд өгхнч?!

— Эврэн бэрж авад идх кергтэ!

— Би заһс бэрж чадш угав.

— Би эврэн бэрүвшв. Чи юңгад эс чаджахмч?..

— Чини дууһичн соңсад, заһсд чини сүүлд ирэд наалдад бөөх.

200-гч дамшлһн. Бичэд, бээлһнэ нердин киисклһ болн киисквр йилһтн. Шуд келлһнэ түдлһнэ темдгүд цөөлһтн.

Би хэлэн, ик бичкн хойр чон гүүж йовхинь үзүв. Мана дууг соңсчкад, кесг мөртэ манахн һарад ирв. Бидн чон тал зааһад, теднд үзүлж, нөкд болувидн. Мини ахм бас арднь орад һарв. Зөрмнь нанд үзгдсн уга, үзгдсн болхла, мини мөрм күцх билэ гилдэд бөөв. Альд йовсинь цуһар үзлэ. Зуг ода арднь ирж көөрч бөөнэ. ”Чини мөрн альднь чон күцх билэ”, — гиж нег-негэн наад бэрв. ”Ямаранчн мөрн мана мөрнэс һарш уга, — гиж бригадир Санж келв. — Хама тиим бөөнэ? Кедү чигн мөрд авч ирвчн, мана колхозин кеерэс һарх уга”. (Боркан С.)

201-гч дамшилһн. Бичэд, орч нерд олад, ямаран мөч болж йовхинь йилһэд, ирлцнгу татасар темдглтн.

1. "Танахна күн көөрмтхэ болж алдна",— гиһэд Санж Манжд келв. 2. Тиим юмн альд бээх билэ? 3. Чини дүүчн сурһуль сурчану? Тиим ик көвүн сурһуль юнгад эс сурчахм? 4. Тер селэнэ колхоз нүүрлгчд йовна. 5. Тадна кесн көдлмш тохнята болна. 6. Тер көвүн Сарпульд сурхар йовжана. 7. Талдан күүнд тиим үг бичэ кел. 8. Эдү наста күн көгшнэ тоод ордв? 9. Кенчн күн келв чигн иткж болш уга билэ! 10. Эн күн хамачн йовад йовна. 11. Цугтан менд йовж ирвт? 12. Манахна делегатнр ирчкесн бээнэ.

202-гч дамшилһн. Өггджэх тоолгч нерд олзлад, зэңгс тогтаһад бичтн. Тоолгч нердин суффикс темдглтн.

Миңһн йисн зун дөчн тавдгч жил, дөчн тавта, арвун, хөрхн, дөрвнэ кесн нег хувнь, һурвн зун далн тавн жил.

203-гч дамшилһн. Эн зэңгсиг буулһж бичэд, удан эгшгтэ болн алцтрулгч хадврта үгмүд олад, татасар темдглэд, зокалмудынь келтн.

1. Мана балһс харссн көвүд мөнкинд энд бүүрлсн бээнэ. 2. Үгдэн бидн күрхвидн. 3. Теегин хальмг, чамд туужан бичж нерэднэв. 4. Дорас өсчэх бидн дегц сурһульта болхвидн. 5. Чичрсн чивһснэ айсар чамаг туужд орулх. 6. Теегтм дуулсн дун теңгс, дала һатлна. 7. Күлг мини, күгдлич, көлөн эндүрлго сайглыч. 8. Тадн маниг дахтн. 9. Хальмгм, мини Хальмгм, хээкрэд чамд келжэнэв! (Э. К.)

204-гч дамшилһн. Нээрүлж бичтн.

ГЕРЛТЭ ЧАС.

Нег дэкж Чапаев цергэ эңгэс ондан нег эңгүр мөрэр йовж йовла. Энүнтэ зерглж командирмүднь болн ординарцнрнь йовцхала. Эднтэ нег улан цергч харһв. Эн доһлад йовна. Чапаев энүнлэ зерглж ирн, мөрән тогтнулв. Цергч бас зогсв.

— Альдаран йовж йовнач? — гиж Чапаев сурв.

— Хэрү цөргэ энгүрн йовж йовнав,— гиж улан цөргч Чапаевүр хэлэхэд, хэрү өгв. Чапаев алң болв.

— Толһаһан яһад боосмч?

— Шавтав,— гиж цөргч хэрү өгв.

Энүнэ чирәнһ маңсхр бээдлтэ. Чапаевиг эс таньсндан эн келх эс келх хойрин заагур хэрү өгв.

— Кемр шавта болхла, юңгад эс эмнүлнэч,— гиж Чапаев дэки сурв,— эмнүлх кергтэ.

— Эмнүлх цол уга, үр. Дээлдх кергтэ,— гиж тернх хэрү өгв. Чапаев һартан зүүлһэтэ бээсн герлтэ часан тээлв.

— Ав, үр, зү энүг. Чапаевиг санж йов,— гиж улан цөргчд часан эн өгв. Көнтэ күүндж бээхэн цөргч ода ирж медв.

— Үр Чапаев, тавт?

Эки авгтан цөргч часинь авшгоһар седв, болв Чапаев эврэн бийнх энүнэ һартнх зүүж өгв.

— Улан Цөргт иим цөргчнр бээснэс көлтэ цаһачудыг бидн диилж йовनावидн,— гиж Чапаев келв.

205-гч дамшлһн. Диктант.

Аав зөөһән хойр сүүһэснх авад, эмэлин хойр бүүрг хоорнд суулһв. Мөрн дор ормасн хатрад һарв. Бовлдан агчмин зуур хойр ээмән хүмэд, өмөрән хавтаһад одв. Эн көвүн ажрһ унчкн нисх дурнх күрэд йовна. Зөрц селәнэ ик уульнц дундаһар довтлв. Энд-тендән хэләнэ. Жигтэ юмн, таньдг үүрмүдэснх негчн күн үзгдхш.

Уульнц дунд йовсн такас хойр талагшан тарлдв. Нохас һарч ирв. Эдн Бовлдана мөрнэ ардас гүүлдв.

Селәнэ захд күрчкэд, Бовлдан мөрән эргүлэд, дарук уульн-цар орад ирв. Зөвэр тедүкнд меечг цокад нааджасн көвүд үзгдв. "Хаалһ һарһ!"— гиж Бовлдан холас хээкрв. (Балакан А.)

7 КЛАСС

ДАВТЛН.

206-гч дамшлн. Бичтн. Бээлнэ нерд олад, киисклһинь болн киискврмүдинь йилһтн. Эврэ бээлнэ нерд олтн, сурврмуд тэвтн.

Удл уга цуһар шуугад, герт орад геедрв. Кесг сурһулин багшнр шин ирсн көвүд-күүкдиг сурһульд орулж авч таньлдв. Дубянская келв:

— Мана эцк Ленин угатя эмтнэ өнчн күүкдт школ һарһж, сурһуль дастха гиж, йос һарһсн бээнэ. Тадн цуһар эн герт бээж, сурһуль дасхмт,— гиж келэд, өөрэн бээсн Санжин толһаг өкөрлж илв.

Күүнэ таалвр үзэд уга Санжд Елена Фёдоровнан илсн һар эврэ эңкр экин һар болж медгдв.

Өнчн көвүд-күүкдин гер эднэ эк-эцкинь сольж, жирһл үзүлв. (Боркан С.)

207-гч дамшлн. Дассн келлһнэ хүвс олад темдглтн (б. н., ч. н., т. н., о. н.).

Военкоматын өгсн хэрүд Санж эс хансн бээдлтөһөр үүд секэд һархар седчкэд, хэрү эргэд: "Танас суржанава, арһта болхла, намаг йовулж үзтн",— гичкэд, һаза бээсн үүрмүдиннь өөр ирж зогсв.

Удл уга Санжин сансн санан күцв: эврәннь таньдг кесг баһчудла хамдан Сталинградт танков училищд дасв.

Немшин фашистһрин церг Советск Әәрмәс цокгдад, икәр һарута болсн бийнь Сталинградыг эзлж авхар бээсн чидләрн дэврлһ кев.

Санжд хортнла чирәһәрн харһх цаг өөрдв... Эн полкд Санж церглжэлэ. Полкин командир полковник Чёрный теегт сәрвкэд делсч бээсн полкин улан тугиг үмсчкэд, танкистһр тал хэләһэд: "Сталинградыг харсх ик хөв ирв. Һалзурсн хортыг хогинь таслж, уга кех кергтә". (Боркан С.)

208-гч дамшлһн. Бичэд, зэңгсин һол мөчмүд болн цээлһлт олтн. Ямаран келлһнэ хувэр келгдсинь йилһж, ирлцңгү татасар темдглтн. Харар барлата үгмүдт амн үгэр антонимс олтн.

1. Санж **үвлин** ик киитнд, зуна догшин **халунд**, шатсн **хар** чирэтэ, һәрд шовуна хэлэцтэ, **һо** нурһта, **өргн** ээмтэ, арвн хойр наснаһн зөвэр **ах** бээдлтэ **эццн** хар көвүн. 2. Улан иштэ нээмәр гүрсн таһмгиг хуһслж атхв. (Б. С.) 3. Тавн тө сахлта, нег тө өвгн эмгтәһән хоюрн бээж. (Т.) 4. Тавн ямата, һанцхн улагч үкртэ, өвсн гертэ бээж. (Т.) 5. Дорж Санжла Москва орад йовж одж. 6. Угатыя эмгн өвгн хойр улагч үкр, тавн ямаһан сааж уудг бээж. 7. Нүүдлэ нигт буурл үстэ, хурняста өргн маңната, уутыхн хар нүдтэ, дундын урһцта шар эмгн. (Б. С.) 8. Архайг цасн деерэс арһулхнар һанхж унна. 9. Өдртән цасн орв, өндр көрмүд босв. (К. Д.) 10. Селәнүр йовж йовх цагла машинэ шамин герлд мөртэ күн йилһрж үзгдв.

209-гч дамшлһн. Бичэд, цээлһлт болж йовх орч нердиг цээлһүлжэх үгмүдтәһинь темдглтн. Харар барлата үгмүдиг тогтацарнь цуцлтн.

1. Аюш иим цагт аһар киилж йовхдан дурта. 2. Тана хотнур би дэврүв. 3. Түүнэ хөөн юн болсн болхв? 4. Эн цаас умшчкад, Аюш цань угаһар байрлв. 5. Терүг тана кесгтн сән меджәхш! 6. Тер көвүнэ нернь кен билэ? 7. Мини чамд келхәр ирсн үгм тер. 8. Иим олн зүсн **тоолвр** энүнэ седкл зоваж йовна. 9. Чамд тиим нер эмтн өглэ. 10. Ода бидн, **хальмгуд**, эврәннь хаалһан бас олх зөвтөвидн. 11. Тиим тоолврта Аюш эврәннь герән темцэд һарв. 12. "Терүнэ дольган мана теегүр ирж йовна", — гиж Аюш **өргмжтәһәр** келв. (Б. А.)

210-гч дамшлһн. Умштн, утхинь келтн. Цуцлгддго келц үгмүд болн йирин харһдг үгмүд олж буулһж бичтн.

I

Намр болад бээв. Санжин үүрмүд Элст, Өәдрх, Шарту орлдад, сурһульд һарад йовад бээцхәв. Санжин эрлһнд хәрү уга. Таһр энүн деернь немр болад, зүркнь бульглж цокна. Элгн-садн бас ээрнэ. Тегәд Санж гертән үлдв.

Асхн бүрүл дахад, темәнд юм теңсн Түмд хәрж ирнэ. Нигт

зогдрта иңниг кевтүлж оркад, Түмд ацаһинь герт орулв. Чансн цэ болад, Түмд һулмтын деед бийд зэмлж сууһад, халун цэ сорж сууна.

II

Санж дегтриг авад, меддг күүнәһәр хэләмш болжаһад, авч одад, дер доран дүрчкәд һарв. Хойр нүднә Санжинәр болж өгл уга школын гермүд тал хэләж одад бәәнә. Эн кевәрн Санж школ орв.

Ик школын барун бийдк халцха деер сурһульчнр шаһа нааджацхана. Ик хар көвүн хәәкржәһәд хаһад, шаһа үлдәл уга шүүһәд авад бәәнә. Көвүд дәкж өрдәд, сахарн һарлдцхав. Сүүләс һарсн ик хар нег сахарн һал деер төвәд, нег сахарн ахлж һарв. Ах һарсн күн хах зөвтә болад, ик хар чүүкл сахан авв. Сахиг эрж-эрж бәәһәд, өмәрән хойр ишкн, зүн нүдән дарн хаһад орксн хошадлад оркв.

— Көвүн, орман ишкхнчн!— гиж келәд, Санж ик хард өөрдв.

— Орһадг кезә орман ишкдг билә!— гиж келәд, бичкн хар көвүн саналдв. (Нармин М.)

211-гч дамшлһн. Бичәд, алцтрулгч хадврта үгмүд олад, татасар темдглтн. Шишлң бәәлһнә нерд олтн, сурврмуд төвтн, киискврин чилгчс йилһж келтн. Текстәс тежг үгмүд олад келтн.

Тер дәәллдәнд Санж эврәннә кесг эңкр үүрмүдәсн хаһцв. Теднә цогц деер танкистнр махлаһан авад, тагчг зогсчаһад, андһаран өгцхәв: "Тана өшәг авхвидн",— гиж келцхәв.

Советск Әәрмин дәврж цоклһн өдр ирвәс икдв. Дәәнә һол гүдүлә Санж алдр Коммунистическ партин зергләнд орв. Санжин үүрмүд улм-улмар өсв. Мана церг хортна чидлиг хольвлж цокад, Төрскнә даалһвриг күцәв.

Сталинград сулдв. Түүнә хөөн хойр кәлтә аңгиг нүкн талнә көөж йовх саамд, хортна сумн Санжиг күндәр шавтав. Босдг арһнә тасрад, киитн һазр теврәд, киийһән әрә авад кевтв. Зузан киилгиннә зүн хорт бәәсн партийн билетән арһул авад хәләхлә, дундаһурнә сумн орад һарч. Түүнә дотрнә Санжин шаварсн цусн бәәнә. Энүг зүркндән шахв. (Баркан С.)

212-гч дамшлһн. Умштн. Ижл һолыг харлһна тускар ю медвт, келтн. Тоолгч нерд олтн. Эдн ямаран тоолгч нерд? Талын келнәс орсн үгмүд олтн. Нег мөчмүдтә зәңгс буулһж бичтн.

Ижл — моһлцг һазрин хамгин ик һолмудын негнь. Терүнэ утнь — 3690 километр. Ижлин эргндк һазрмудт 24 сай күн бәәнә. Энд нефть эд-бод кедг, маши тосхдг болн нань чигн промышленность делгрсмн. Промышленн шагмудас, хог-богас Ижлин усиг цеврлһнә өргн үүлдвр күцәгднә. Һолын эргндк областьмудын болн республикудин элчнр, номтнр, специалистнр энүнә ханьд орлцна. Усиг харлһна тосхлтс келһнә төрмүд Комитетин сүүрт хәләгднә. Һолын эргндк йиртмҗин зөөриг харлһна, чикәр олзлһна төрмүд хәһлгдна. (Газетәс)

213-гч дамшлһн. Бичәд, тоолгч нерд олад йилһтн. Талын келнәс орсн үгмүд болн эврә нерд олтн. Удаң эгшгүдтә үгмүд темдглтн.

1983 жилин апрелин 30-д нертә чешск бичәч, интернационалист, урднь Улан Цергин политкомиссар йовсн Ярослав Гашек һарсна 100 жилин өөн болв. Гражданск дәәнә жилмүдт Ижләс авн Ангара күртл дәәнә хаалһар эн йовла. Я. Гапекин биографьд башкирск һазрт бәәж үүлдснә туск халх бас бәәнә. 1919 жил 5-гч әәрмин политотделин закврар Уфад Улан Цергин газет әкләд һархд, Гапекиг дәәнә типографин начальник тәвсмн. Эн газетд Ярослав кесг статьяс, фельетонмуд барлв. ("Хальмг үнн" газетәс)

214-гч дамшлһн. Умштн. Утхинь келтн. Нег бүл үгмүд олад, тогтацарнь цуцлтн.

Спортын "Измайлово" Бәәшң Московск Олимпиад-80 сек-гдхин өмн өргнд тосхгдла. Ода спортсменмүдин олимпийск туурмҗин музей тер Бәәшңд бүрдәгдв. 1982 жил мана олимпийцнрт өөнин жил билә. Мана спортсменмүд Олимпийск Нааднд әклж орлцсна 30 жилин өөн темдглв. Олимпийск жисәнә ветеранмуд өгсн алтн медальмуд, дипломс, оһн зүсн спортивн белгүд, мөрәс, зургуд музейин түрүн экспонатс болв. Орн-нутгин оһн зүсн балһсдас спортд дурта әмтн оһн экспонатс музейүр илгәв. Һазадын орн-нутгудас баһ биш экспонатс ирв. ("Хальмг үнн" газетәс)

хүвсхв

өмскв

суняв

215-гч дамшлһн. Умштн. Тодлж авад, ахрар утхинь бичтн.

Эндэн өргн тег. Өндр зо деегүр үкр мал идшлнэ. Малын өөр йовсн күн нар гердв. Намрин нарн шүрүтэ кевэр бөөһө, күчтэ кевэр цонана. Теңгрт үүлн уга, делгүр көк цөңкр аһар.

Үкрч һазр хэлэнэ. Зер-бор бетк энд-тенд савилднэ. Цаһан өвсн номһн салык дахж геклднэ. Зултрһн өвсн улан шиирэн бардмнна: бор бүчрэн өргн дуудна. Чөдрһн өвсн һанцарн шована. Хая-хая гүрвлг гүүснь үзгднэ. Теегин зурмн ичэндэн орж.

Эн бөөдл харвад, үкрч малан худгур кецэлһнэ. Үкрчин нерн — Нарн. Сал һолын шиирд, Шорвин Кецин һууд бөөдг "Тег" гидг совхозин ах үкрчнь болж, Нарн көдлнэ.

Эндр Нарна хош деер ик хург болхмн. Бүкл Хальмг Таңһчас үкрчнр ирж йовна. Эдн үкр яһж хэлэдгинь Нарнас дасхар йовх улс. (Нармин М.)

ҮҮЛДЭГЧ.

Юмна бөөдл эс гиж үүлдвр темдглжэх болн я һ в?, я һ л а?, я һ н а?, я һ ж а н а? гидг сурврмудт хэрү өгчөх үгмүдиг үүлдэгч гиж нерэддмн.

Ү л г ү р н ь: сурһульч (яһв?) ирв, сурһульч (яһла?) ирлэ, сурһульч (яһж?) ирж, сурһульч (яһна?) ирнэ, сурһульч (яһжана?) иржэнэ, сурһульч (яах?) ирх.

Үүлдэгч цагар хуврнэ.

Ү л г ү р н ь: бичжэнэ, бичнэ (өдгэ цаг), бичв, бичлэ, бичж (өңгрсн цаг), бичх (ирх цаг).

216-гч дамшлһн. Умшад, сурврмуд тэвэд, үүлдэгчс олтн.

1. Келн болһна баһчуднь күцл негтэ иньглнэ, ээж болсн Төрскэн эрдмин күчэр батлна. 2. Баһ көгшн уга байрин сүүрт ниргжэнэ. 3. Теңгрин битхрсн оддаснь темдгтэ негнь гилвкнэ. 4. Манцин цаһан ташунь манурад жиирэд дүңгөнэ. 5. Ик Буурл нутгнь илдж-икдж битхрнэ. 6. Дуунаннь айстаһинь теегтэн нерэднэв, ухананнь гүүнинь теегтэн тээлнэв. (Т. А.)

Колхозин хөөч Боова
 Кеерэс хэрж ирв.
 Тергн деерэс аца
 Теврэд, назрт төвв.

Хуучн девлэн секхлэнь,
 Хойр хурһн үзгдв.
 Нилх, нэрхн келэрн
 Нээхлж, негнь босв.
 Орчлңла таньлдж төгэлндэн
 Ормаж алңтрад хэлэв.
 Нурвдгч класст ордг
 Гүжрмг пионер Санж,
 Гериннь терзэр хэлэжәһэд,
 Генткн шиллэ наалдв.

(Көглтин Д.)

49. ОРГЧ БОЛН ЭС ОРГЧ ҮҮЛДЭГЧС.

Цуг үүлдэгчс оргч болн эс оргч гиж хувагдна. Кемр үүлдэгчин үүлдвр гемнгч киискврт бээх юмнур залгдхла, тиим үүлдэгчиг оргч гиж нерәддмн.

Ү л г ү р н ь: (ю?) үкр саажана, (ю?) мод көрөджәнә, (кенән?) эцкән күндлнә.

Кемр үүлдэгчин үүлдвр цуг наадк киискврмүдт бээх юмнур залгдхла, тиим үүлдэгчиг эс оргч гиж нерәддмн.

Ү л г ү р н ь: (юунд?) клубт нээрлжәнә, (юунур?) холур ирв, (кенлә?) чамла биилнә.

217-гч дамшлһн. Бичхләрн, оргч үүлдэгчсиг болн эс оргч үүлдэгчсиг темдглтн.

1. Элстд дала гермүд бөргдв.
2. Сурһульч дегтр умшчана.
3. Бичкдүд лагерьт очана.
4. Урчнр мод чавчад, гер бәрцхәв.
5. Кеер догшн шуурһн шуурчана.
6. Догшн халунас өвсн шарлв.
7. Бичкн көвүн үрглжәнә.
8. Ахлач машинәр аашна.
9. Керм Ижл һолар йовж йовна.
10. Баһчуд ду дуулжана.

11. Сурхульчнр совхозд дөң болжана. 12. Садт бичкн күүкд наачана. 13. Элстд кесг модн, чолун гермүд бэргдв.

Я н з н ь: умшчана (о. ү.), очана (э. о. ү.)

218-гч дамшлһн. Бичхлэрн, оргч үүлдэгчиг гемнгч киискврт бөөх бөөлһнэ пертәһинь татасар темдглтн.

1. Нарн дорагшан оржах цаг билэ. 2. Бархлзсн үүлд нүүлднэ. 3. Тиим өдриг чачрта өдр гиж нерэднэ. 4. Хөөг хөөч идүлж йовна. 5. Баһчуд көдлмш гүжрж кежәнэ. 6. Сурхульчнр туһл хэрүлжәнэ. 7. Зәрмснь эрднь-иш хуражана. 8. Тедн буудя бас цеврлнэ. 9. Хөөч чоныг көөв. 10. Нохас хөөчд сән нөкд болна. 11. Хальмг келэр шин дегтр һарв. 12. Шин гермүд тосхжана. 13. Шин школмуд бас бэргджәнэ. 14. Шофёр машинәр гүүлгж йовна. 15. Мана багш маши йовулна. 16. Сурхульчнр маши йовулдг бас дасчана. 17. Комбайнер тәрә хадна.

219-гч дамшлһн. Умшхларн, сурврин орчд ирлцх бөөлһнэ пертәвтн. Оргч үүлдэгчиг темдглтн (о. ү.).

1. Күүкд өрүн эрт (юунур?) ... одв. 2. Тедн (ю?) ... авцхав. 3. Тедн (ю?) ... цуглулцхав. 4. Күүкд (ю?) ... үзцхэв. 5. Туула (юунур?) ... гүүж орв. 6. Күүкд ө-шуһу (юунд?) ... төөрв. 7. (Кенлэ?) ... урһа мод харулч харһв. 8. Урһа мод харулч теднд (ю?) ... зааж өгв. 9. Тедн (юунур?) ... хэрцхэв. 10. Муурсн күүкд асхн ора ирцхэв.

220-гч дамшлһн. Түрүлэд оргч үүлдэгчстә зәңгсиг бичәд авчктн, дарунь эс оргч үүлдэгчстә зәңгс.

1. Шофёр машинән зогсав. 2. Орсн хур хаалһиг бальчг кечкв. 3. Соньн өргмжтә герл солһар чееж дүүргнэ. 4. Тракторист һазр хаһлжана. 5. Ахлач тооцаһан өгчәнэ. 6. Тооч мөңг тоолжана. 7. Бухгалтер жалв өгчәнэ. 8. Директор доклад кежәнэ. 9. Үвлә аһар чивһсдәр жиңннэ. (Н. В.) 10. Аашх шин жирһлән алдр диилврәр тосий. (Ш. В.) 11. Мануртсн өргн тег өңгән сольв. 12. Каңкнсн көк теегт киитрсн чачрнь буув. (Э. К.) 13. Нарна алтрсн толян наласн теегәр торна.

50. ҮҮЛДЭГЧИН ЯНЗС.

**Өдгэ цагин хальмг келнэ үүлдэгч тави янзар хувагдна:
унг, күчлгч, хамт, ниит болн засгч.**

Янз	Суффиксмүд	Үлгүрнь
Уңг янз	—	Чон туула бэрв.
Засгч янз	-гд-	Туула чонд бэргдв.
Күчлгч янз	-ул—үл-	Ээж Цаһанд ааһ бэрүлв.
	-а—ә-	Бадм маши зогсав.
	-лһ-	Эк көвүндән көдлмш даалһв.
	-г—һ-	Ээж ачан школд күргв.
	-х—к-	Багш сурһульчнрт шин ду дасхв.
Хамт янз	-лц-	Санл Доржд мөр бэрлцв.
Ниит янз	-лд-	Церн Санж хойр таш бэрлдв.

Уңг янз.

Цуг үүлдэгчин сүүрнь болж уңг янз бээдми. Уңг янзиг тогтадг йилһгч туслц суффикс уга.

Ү л г ү р н ь: *сууна, һарв, келх, умшла, зогс, бич.*

Уңг янзин сүүрәс цуг наадк янзсин сүүрмүд туслц суффиксмүдәр дамжж бүрднә.

Ү л г ү р н ь: *суулһна, һарһв, келүлх, умшулна, зогса, бичүл.*

Үүлдэгч уңг янзд бээхлә, зэңгин нерлгч бийнь үүлдвр кенә.

Ү л г ү р н ь: *Булһн хувц өлгдг фабрикт көдлнә. Сурһульч айслулж шүлг умшв.*

221-гч дамшлһн. Эн текст умшад, уңг янзд бээх үүлдэгчсиг олж бичтн. Текстин утхинь келж өгтн.

ХОЙР ҮР.

Ө-шуһу модн дотраһур хойр үр йовж. Генткн теднә өмнәснь аю гүүһәд һарч ирв. Эднә негнь зулад, модн деер давшад бултв, наадкнь болхла, хаалһ деер үлджәнә. Эн нань арһ уга болад, элк түргүр киисв. Әм-шир уга болсн болад кевтв.

Аю өөрдэд, энүг үнрчлхлэнь, эн киинэн авдган уурв.

Аю чирэһинь үнрчлчкэд, үксн гинэд йовж одна.

Аю йовж одхла, наадкнь модн деерэс бууж ирэд, инэхэд келжэнэ: "Аю чамд чикндчнь шимлдэд ю келв?"

"Әәмшг учрсн кемд, үүрэн хайчкад зулсн әмтн — му улс", — гиж келв. (Л. Толстой)

* * *

Мөрн сарин асхн
Мелмәж амулң үсэрнә,
Мануртсн теегин салькн
Маңна илж өкәрлнә.

Бадм цецгүдин альхнд
Бусргтж чиг мөңгтрнә,
Байн жирһлин айст
Байсч, төвкнүн чичрлднә.

(Эрнжәнә К.)

Засгч янз.

Засгч янзин үүлдэгч нег юмн ондан юмна келжәх үүлдврлә харһжахинь медулнә. Засгч янз -гд- гидт суффиксәр дамжж бүрднә.

Ү л г ү р н ь: Хөөч ахлачд таасгдв. Назр цасар бүркгдв.

222-гч дамшлһн. Эн зәңгсиг бичхләрн, засгч үүлдэгчс олтн.

1. Көгшдт дөң өггдв. 2. Элстд олн школмуд тосхгдв. 3. Чон муурад, анһучд бәргдв. 4. Өшәтн Советск Цергт 1945 жил диилгдв. 5. Сурһульч номан әс дасснь медгдв. 6. Хөөчд кеер шар арат үзгдв. 7. Колхозникүдт сонһн зәңг соңсгдв. 8. Теңгр ик хар үүләр бүркгдв. 9. Межә эвдәчнр харулчнрт бәргдв. 10. Үвлд назр цаһан цасар даргдна, хаврт көк өвсәр дүүрнә. 11. Сурһульчнр хавр болад, сулдхврт тәвгдв. 12. Булһн сөөһин номһн салькнд таалгдад унтв.

Күчлгч янз.

Нег юмн (предмет) талдан юмар (предметәр) дамжж, үүлдэгчин үүлдврит күчәр келһжәхинь күчлгч янз медулнә. Эн янз туслң тави суффиксмүдәр тогтна: -ул- (-үл-), -а- (-ә-), -лһ-, -г- (-һ-), -х- (-к-).

Ү л г ү р н ь: Багш сурһульчар дегтр умшулв. Бадм кеер маши зогсав. Эцкнь көвүһән цергт мордулв. Санл, дүүһән школд күрг.

223-гч дамшилһн. Бичэд, күчлгч янзта үүлдэгчс олад, татасар татһн.

1. Эцкнь көвүһән цергт мордулв. 2. Күүкәр цецгүдт ус келгүлв. 3. Элвг Артекэс үүрмүдтән белг өгүлв. 4. Кермн бичкн дүүһән саатулж унтулв. 5. Багш сурһульчнрар бамб цецг зурулв. 6. Мана классин күүкд, көвүдәр шовудт гер келгүлв. 7. Биологин багш мод тәрх нүк көвүдәр малтулв, күүкдәр хар шавр клумбд зөөлһж асхулв. 8. Көгжмин кичәлд маднд шин ду дасхулв.

✓ **224-гч дамшилһн.** Умшад, күчлгч янзта үүлдэгчсин суффиксмүд олад темдглһн.

1. Клубт артистнриг ол дэкж дуулулв. 2. Сурһульчнриг колхозд көдлүлв. 3. Эн көвүг өдр болһн умшулжана. 4. Умшсан сәәнәр багшт келжә. 5. Чи нанд сәәнәр нөкд болжа. 6. Экнь хойр көвүһән школур йовулв. 7. Кежәх хотан шулун болһтн. 8. Нимгр, үкрмүд кевтүрәснь босх. 9. Баатр, хурһд экәснь салһ. 10. Алдр, кесн самолётан ниск. 11. Малын идг өвдгцә шавшг, тәрән, темсн элвгәр урһг. 12. Малчнрин седкл тиниж талваг, тәрәчнрин нәәлмж таалмжар асг. (Б. Е.)

Хамт янз.

Хамт янзин үүлдэгч хойр болн хойрас үлү күн хамдан үүлдвр күцәхәр зүткж бәәхиг медүлнә. Эн янз -лц- гидг суффиксәр бүрднә.

Ү л г ү р н ь: Бадм нанд мөр бәрлцв. Сурһульчнр колхозникүдтә хө кирһлцв.

✓ **225-гч дамшилһн.** Умшад, хамт үүлдэгчс олһн.

1. Дорж Санжд мал усллцв. 2. Тиигж эдн хоорндан нөкд боллцна. 3. Би сурһульчнрта хамдан школын нааднд орлцув. 4. Колхозникүдтә хамдан өвс оваллцв. 5. Зе күүкнь наһц эәжтәһән хальмг махла уйлцв. 6. Аавнь ачтаһан маля гүрлцв.

Ниит янз.

Ниит янзин үүлдэгч хойр, хойрас үлү күн бий-бийүрн зөрлцж үүлдвр күцэжэхиг медулнэ. Ниит янзин үүлдэгч -лд- гидг суффиксэр дамжж бүрднэ.

Ү л г ү р н ь: *Баазр Церн хой таш бэрлдв. Тедн хар-
харасн авлдв.*

226-гч дамшлһн. Умшад, ниит янзта үүлдэгчсинь олад, теднэ суффиксмүдиг темдглтн.

1. Школд нэр болснд сурһульчнр дууллдв. 2. Хүрг болснд школын тускар күр келдв. 3. Сүл жилэ зуран тускар бас кесг күр келдв. 4. Май сарин сэн өдрлэ бөк ноолдснд, Хоңһр Санл хойр бөк бэрлдв. 5. Мана салдсмуд Алдр Төрскән харсгч дээнд зөргтәһәр орлцв. 6. Өшәтнә церглә мана церг йир күчтәһәр дээлдв. 7. Эрдм-сурһулин тускар әмтн оньган өгч, соңсч күүндлдв.

227-гч дамшлһн. Эн зәңгс бичәд, үүлдэгчиг янзарнь йилһтн. Амн үгәр теднән цәәлһж өгтн. Ямаран суффиксмүдәр дамжж тогтсинь келтн.

ӨШӘТН.

I

✓ Халдан зогсв. Баатрин һарһсн үүлдврин тускар күр келдв. Әмтн цуһар шууглдцхав. Цән цергчнриг өшәтнүр йовулв. Тедн кесг өшәтнлә һар бэрлдв. Бууһин жидәр шаалдв. Өшәтиг кел бәрж авцхав. Теднәр кергтә юм келүлв. Сәәнәр белдвр кеһәд, өшәтнүр дәврлдцхәв. Тедниг көөж һарһад, кесг кү кел бәрж авцхав. Эн мана салдсмудын һарһсн зөрмг йовдл цуг әмтнд соңсгдв.

II

1. Баһчуд колхозин кәдлмшт нөкд болцхав. 2. Бичкн көвүг

өлгэдэд, экнь жөөлкн орн деер төвэд унтулв. 3. Мана балһснд шатр наадж марһлдцхав. 4. Хургт өнгрсн жилин то-дигин тускар ик күр келдцхэв. 5. Хургин хөөн нэр кеһэд бииллдцхэв, дууллдцхав. 6. Адучд дөң болад, Дорж мөрд бэрлдв. 7. Хальмгуд ик байн урһцан цаглань хураж авцхав. 8. Сээнэр көдлсн кесг улс мөрэлгдв. 9. Кесг колхозникүд селэнэ эдл-ахун һээхүлд одлдцхав. 10. Мана колхозас бас эмт йовулцхав. 11. Тедн сэн байрта ирлдцхэв.

51. ҮҮЛДЭГЧИН ШИНЖ.

Таслгч шинж.

Хальмг келнд үүлдэгч хойр шинжтө болна: таслгч болн закгч шинж.

Таслгч шинж үүлдвр кегджэхинь, кегдж одсинь эс гиж кегдхинь темдглнэ: *бичжәнэв, бичлэв, бичхв.*

Энүнэс иштэ таслгч шинжин үүлдэгч һурви цагар хуврнэ: *өдгө, өнгрсн, ирх цагар.*

Өдгө, өнгрсн болн ирх цагин үүлдэгчс нүүрэр болн тооһар хуврнэ.

Ү л г ү р н ь:

умшчанав — умшчанавидн — умшцханавидн;

умшчанач — умшчанат — умшчацханат.

228-гч дамшлһн. Умшад, үүлдэгчсин цагинь олад, теднэн амн үгэр цээлһж өгтн. Зэңгсин һол мөчмүдинь темдглтн.

Цаста эмгн эрэ көндрэд, хойр суулһта усан үүрэд, эрг өөдлж йовла. Өмнэснь хойр бичкн көвүн ирнэ. "Мендвт, ээж, усан маднд өгтн. Бидн үүрэд, тана герт күргнэвидн", — гиж көвүд келв. Эмгн эднэ үг соңсч, усан буулһв. Бадм түрүлж хойр суулһта ус үүрв. Эмгн көвүдин өмннь һарад, хаалһ заана.

Хойр көвүн селэд үүрэд, удлго эмгнэ герт ирв. Цаста һанц эмгн билэ. Көвүнь Төрскән харсгч дээнд өнгрж. Тавдгч клас-син көвүд-күүкд селгэдэр ирэд, эмгнд ус, түлэһинь зөөж, нөкд болхар шиидв. (Куукан А.)

52. ҮҮЛДЭГЧИН ЦАГ.

Өдгэ цаг.

Кемр үүлдэгч ода болжах үүлдвр медүлхлэ, терүг өдгэ цагин үүлдэгч гиж нерэднэ.

Өдгэ цагин үүлдэгч -на (-нэ), -жана (-жэнэ), -чана (-чэнэ), -а (-э) гидг суффиксмүдэр дамжж тогтна.

Ү л г ү р н ь: умшна, бичнэ, авна, өгнэ; умшчана, бичжэнэ, авчана, өгчэнэ; умша, бичэ, ава, өгэ.

229-гч дамшлһн. Умшад, өдгэ цагин суффиксмүдтэ үүлдэгчс олтн. Янзинь, шинжинь заатн.

Боря урдк кевтэн өдр дуталго станцур ирэд, эшелон болһнд эцкэн тосна. Дегд генэртэ кевэр эцкэн күлэжэнэ.

Поезд йовж одсна хөөн көвүн кесгтэн ардаснь хэлэхэд, гейүрж зогсна.

”Эцкнь генткн күрэд ирхнь яһна”, — гиж би дотран күсл кеж саннав.

Хөн сарин йиснд байрин өдр ирнэ. Олн-эмтн нег-негэн теврнэ, үмснэ, байрта ду дуулна. Станцар дэврэд һарч йовсн поездмүд утар татж хээкрлдэд, эмтнэ байрла дууһан негдүлнэ. Эн экэршго ик байр дотр доһлң нульмсн чигн үзгджэнэ, һашута зовлң чигн хутхлдна.

Боря мини толһа илнэ. Терүнэ бичкн һар мини экин һарла өдл жөөлкн болж медгднэ. (Балакан А.)

230-гч дамшлһн. Бичэд, өдгэ цаг медүлгч үүлдэгчс олад, теднәннь суффиксмүд темдглтн. Амн үгэр янзинь, шинжинь заатн.

Цасн теегиг бүркэд,
Цээж холд гилвкнэ.
Цагин темдг шинжлэд,

Үвлин утднь белднэ.
Үкл уга, менд
Үвлэс һархан санна.

(Жимбин Б.)

Онц темдг: өдгэ цагин -чана (-чэнэ) суффиксмүд с, ш, ч, в хадврмудын хөөн тэвгднэ.

Ү л г ү р н ь: дасчана, дошчана, авчана, мөөрчэнэ.

231-гч дамшилһн. Үүлдэгчсиг өдгө цагт тэвж бичтн. Бичхлэрн, -жана (-жәнә), -чана (-чәнә) суффиксмүдин бичлһнә зокал цөөлһж өгтн.

ав — авчана
өгч — өгчәнә
бәр — бәрчәнә
дас — дасчәнә

һар — һарчәнә
тос — тосчәнә
күрг — күргчәнә
үзүл — үзүлчәнә

байрл — байрлчәнә
соңс — соңсчәнә
дав — давчәнә
сур — сурчәнә

Зөрм үүлдэгчсинь олзлад, 2—3 зэңг тогтатн.

232-гч дамшилһн. Бичхлэрн, суффиксмүдинь зокаларнь цөөлһж өгтн.

ҮВЛ.

Үвлин түрүн өдр. Эндән цасн оржана. Үүләр бүркгдсн теңгр үмглдсн бөөдл һарчана. Көвкр цаһан цасн көлин ишкдлд шухтнна. Күүкд көөлдж цанар дошлдна. Цевр аршан аһарнь чееж сарулдхж эмннә. Малмуд хашадан орсн, малчнрин килмж үзжәнә. Хөн сарин өвсн хээртә тежәл болжана. Үвл ирэд әмсхлхлә, үүмлдэд әмтн сахньна. Теңгрәс цасн унхла, теегм цөөж сөөхрнә. (Тачин А.)

ӨНГРСН ЦАГ.

1. Кемр үүлдэгч давсн эс гиж болж одсн үүлдвр медүлхлә, терүг өнгрсн цагин үүлдэгч гиж нерәддмн. Өнгрсн цаг -ла (-лә), -ж (-ч), -в һурвн суффиксмүдәр дамжж тогтна.

Ү л г ү р н ь: умпшла, бичлә, өглә; умпшч, бичж, өгч; умпшв, бичв, өгв.

2. Кемр үүлдэгч лавта күцсн үүлдвриг медүлхәр седхләрн, давхр -чк-—-ла (-чк-—-лә) суффикс авна.

Ү л г ү р н ь: бичг биччклә, дегтр умпшчкла.

233-гч дамшилһн. I. Өнгрсн цагин үүлдэгчс олад темдглтн. Харар барлата үгмүдин, келц үгмүдин чинр цөөлһтн. Текстин утхинь ахрар келж өгтн.

КИРОВ.

Эн йовдл ноябрь сард болла. Арвн йисдгч жил. Бидн цаһачудыг көөһэд, Көк теңгсүр шахж йовлавидн...

Болв теңгсин көвэд Хальмгин Оля гидг баахн хотна өөр көөлдж йовсн бандитнр серл авад, хэрү эргэд дэврв. Хотна өөр халун бэрлдэн болв. Мана салдснр **геснь** өлн, көл нүцкн гишн билэ. Тавад, зурһад хонгтан нөр уга бээсндэн кесгнь көл деерэн эрэ зогсчала. Келхд, бээдл күчр күнд билэ. Генткн халун агчмин зуур улан цергчнр дунд: "Киров ирв!" — гисн зэңг тарв. Энүг күн үзэд, эн нам машинэс бууһад уга бээтл, цуг фронтар **шин салькн үлэсн** болв.

Сергей Миронович бүкл өдр-сөөһин эргцд цергин өмн нүүрт бээв.

Альд бууһин сумн гиинж, товин сумн лугшна — тенд оньдин Киров бээдмн. (Л. Пантелеев)

II. Умштн. Утхинь тодрхаһар келтн. Үүлдвринь өңгрсн цагт тэвж бичтн. Харар барлата үгмүдин утхинь медтн, тодлтн.

Нарн кецәһэд, ора болж йовх цаг билэ. Хотн дундк тиньгр халцха деер зөвөр олн көвүд шаһа наачаж. Би эднүр өөрдж ирэд, бас наадув. Өсрсн **өрцгүд** көөлдэ йовж, нам көшүв. Баахн зуур амрслчн гиһэд, би герин сүүдрт суувв.

Теңгр теегин захла ниилсн болв. **Жирлһн** теегин өвснэ үзүр деегүр жирс-жирс гиж жирлзв. Генткн дару-дарунь **чачр** нүүсн болад, сүүдр тусад, төгэлндэн көөгтв. Би үкс босад, өөдэн хэлэвүв. Нарн күрңтрэд бээж. Эндэн харңһутрад одж. "**Араха** нар хаажана", — гиж әмтн хәәкрцхәв. Тиигәд ик удаң болсн уга. Халхлжасн хар чачр давв. Теңгр сарулдв, нарн саак кевтән мандлв. (Эрнжәнә К.)

III. Умштн. Эн текстиг сәәнәр тодлж авад, дегтрән хаачкад, сергәһэд бичтн, үүлдэгчсинь өңгрсн цагт тэвтн.

Көвүн улан шуһуд орж ирн, булнд бээсн хусм модан үзв. Гүүж одад, терүг авв.

Мини тайг.

Би буру гисн угав. Көвүн хусм модан авхла, би терүнд келүв: "Бешин өөр сууһад, көлән көлчә".

Көвүн пол деер суухар седв. Нүүрснэс сулдсн яршгиг көмрж тэвэд, деернь газет делгчкв. Көвүн сууһад, һосан тээлв. Киртэ цуһла заагаснь улаж одсн бичкн кел һарч ирв. Хойр келэн бешин амнд шаххар седв, болв бешин өөр дуладж авчкад, көвүн нанд ханад, ээлтәһәр күүндх гиж санжана. Табуретк тэвэд, хажуднь суувв. (Балакан А.)

234-гч дамшлһн. Бичхләрн, өңгрсн цагин үүлдэгчсиг чинрәрнь йилһэд, амн үгәр цээлһж өгтн. Зәңгсн һол мөчмүдинь темдглтн.

Өцклдүр Бадм аңһучлж, царңгар хатрж йовж. Генткн нег шар арат босч. Нохас көөһэд һарч. Аңһуч бас арднь орад һарв. Хойр ноха көөһэд йовж одв. Нохас аратыг күцэд шүүрв. Арат арагль. Нохас эргүлэд көөһә бээтл, эврән күцж ирүв. Нохас муурад бээж. Арат бас эрә хатрна. Би ирэд, аратыг цокад унһавв.

”Тиигж арат бэрлэв”, — гиж аңһуч туужан чилэв. Аңһучиг келэд чиләснә хөөн, көвүд шуугж хәрцхэв. (Басңга Б.)

* * *

Күндтә гиич кәндрв,
Күржңнэд самолёт кәндрв.
Мөсн деегүр гүүһэд,
Мөснәс салад одв.

Хальмг теегәр зәңг
Харада болж нисв.
Хальмг гер болһниг
Хара бишәр төгәлв:

Киров хальмгудта мендлэд,
Кепк махлаһарн дайль.
Күржңнсн цергә самолёт
Кавказ талагшан нисв.

”Теңгрәр нисдг машиһәр
Теегт Киров ирж,
Орһахна олн хальмгуд
Одад, нүүрәрн үзж”.

(Сусен А.)

235-гч дамшлһн. Эн үүлдэгчсиг өңгрсн цагт буулһтн. Суффиксмүдинь темдглтн.

Ке, ир, хад, бич, усл, хәрүл, бос, са, тат, барл, кел, морд, сурһ, аср, салһ, ха, од, кевт.

Я н з н ь: ке — келә, кечклә, кев, кеж.

236-гч дамшлһн. Эн үүлдэгчсйн цагинь, суффиксмүдинь темдглтн.

Услчкла, босна, идчклә, хәләжәнә, асрж, сурһла, келчклә, чиләжәнә, умша, сура, төгсчәнә, көөж, сурла, толһалла, көдлчклә, одв, ирж, тоолна, бичлә, умшч.

237-гч дамшлһн. Эн үүлдэгчсиг -чк- — -ла- (-чк- — -лә-) суффикс олзлад, өңгрсн цагт хүврәтн.

Ке, кел, ир, су, бә, йов, унт, сур, бич, са, нис, умш.

Ирх цаг.

Кемр үүлдэгч үүлдвр болад угаг медүлжлә, терүг ирх цагин үүлдэгч гиж нерәднә.

Ирх цаг -х гидг суффиксәр дамжж тогтна.

Ү л г ү р н ь: сурһульч умшх, самолёт нисх.

238-гч дамшлһн. Бичхләрн, ирх цаг медүлжәх үүлдэгчсиг олтн. Суффиксмүдинь темдглтн.

Үвл болх. Цасн орх. Бидн цасар наадхвидн, цанар дошхвидн. Киитн болх, мөсн көрх, конькиһәр мөсн деер дошхвидн. Ик цасн орхла, лыжәр йовхвидн, кеер һархвидн, дөрлдә кехвидн. Цасар йовхла, сән болна. Мана көвүд-күүкд сурһулян чиләх. Орд-нуттан, эврәннь таңһчдан туста эрдмчнр болх.

239-гч дамшлһн. Умштн. Шүлгәс ирх цагин үүлдэгчс олтн. Тиим үүлдэгчсиг өңгрсн цагт хүврүлж, буулһж бичтн.

Ирсн хаалһичн илм таслхвидн,
Хәрх хаалһичн хааж бөглхвидн,
Эжгорулсн һазрмудтчнь элкичн йүүхвидн,
Хагсасн һазрмудтчнь хавсичнь күүлхвидн,
Ховдг седкличнь элсәр хаңһахвидн,
Хоосн чеежичн хорһлжар цутххвидн,
Хар цусарчн һазран услхвидн,
Хамг әмтнәннь өшәһән авхвидн.
Андрсн хамг йовдлычн

Амндчнь хэрү зуулхвидн,
Үзэд угаһичн үзүлхвидн,
Үзсн хамгичн атхулхвидн.

(Басцга Б.)

Я н з н ь: тасллавидн.

240-гч дамшлһн. Эн зэңгс умшад, ирх цагин үүлдэгчсиг буулхж бичтн. Теднэ суффиксмүдинь темдглтн.

1. Тер цагт төрскн һазричн түмн шовун дуундан өргх.
2. Көвкр үүлн болж тер үзгдх, көк ноһан мет шавшч харвгдх.
3. Көлс һарһж көдл, күмни кишгт орлцхич. 4. Киитн мөстө һазрт күрэд, тэрэчн урһах. 5. Хальмг теегин тутрһ хама болвчн күрх. 6. Көгшнэ жирһлин тууж сур, көвүн, чамд ухан урһх. 7. Көгшн буурл өвгн болхларн, келж әмтнд соңсхвр бүрдәхич. 8. Делкән әмтнд төвкнү делдсн дүмбр баатрмудын нерн мөңкрх. (К. А.)

241-гч дамшлһн. Зэңгс умшад, үүлдэгчсиг олад, ирх цагт хуврүлж бичтн. Суффиксмүдинь темдглтн.

Хавр эклэд болжана. Ноһан һарчана. Һазр көкржәнә. Хур дару-дарунь ордг болв. Усн һолар һоожад гүүжәнә. Мал кеер һарчана. Хөн олар хурһлжана. Үкрмүд туһлжана. Шовуд нисч иржәнә. Колхозникүд тәрәнә көдлмшән эклжәнә. Сурһульчнр тәрәнә көдлмшт нөкд болжана. Нарн өөдән һарна, икәр халулдг болна. Мал ус темцдг болв, үкр шоодрглдг болв. Әмтн цуһар хаврин хувцнд орв.

Я н з н ь: Хавр эклх.

242-гч дамшлһн. Эн зэңгс бичәд, үүлдэгчсин цагинь йилһтн.

Кезәңк хальмг улсин кееһә хувц-хунр йир сәәхн билә. Мана эәжнр бүшмүдән, цегдгүдән, махласан оһн зүсн өңгтә утцар хатхж кеерүлдг бәәж. Ода тиим кегдлмүд йир ховр болжана. Зуг медәтә мана эәжнр зәрмдән хатхмр кенә. Терүгинь һәәхүлмүдт үзнәвидн. Баһчуд һарин иим нәрн үүләр соньмсч

бээхш. Сурхульчир, школдан урн үүлин кружок бүрдэхмн. Медэтирэс сурад, дасад, кезэнк эн эрдмиг шинэс тогтахмн. Өдгэ цага хувцнд чигн кезэнк хатхмр кеерүл болх. ("Хальмг үнн" газетэс)

Утхинь тодлж келтн. Тана школд ямаран урн үүлин кружок бээнэ? Терүнәннь тускар келтн.

243-гч дамшилн. Умштн. Эн зэндгсэс түрүлэд өдгэ цагт бээх, дарунь өңгрсн цагт бээх, дэкэд ирх цагт бээх үүлдэгчстэ зэндгсиг йилнж бичтн.

ХАР ӨРГИН ЯСН.

Экнь хулдж авсн хар өргән үдин хотын хөөн күүкдтән өгхәр шиидв. Хар өргүд тэрлkd төвөтө билэ. Ваня хар өргиг төрүц идэд угадан, энүг мел үнрчлэд бээв. Эдн энүнд йир таасгдв. Өрөд күн уга болсн кемд Ваня тесч ядад, нег өрг авад идэд оркв. Үдин хотын өмн экнь өргүд тоолчкад, нег өрг угаг үзэд, энүг эцкднь келв.

Үдин хотын кемд эцкнь келжәнэ:

— Күүкд, таднас кентн нег өрг идв?

— Уга, — гилдж цуһар келв.

Тиигхлэ эцкнь келжәнэ:

— Таднас кен-негнтн өрг идсн болхла, эн сән биш, болв зовлң һанцхн энүнд биш. Өрг яста болснд гүрм бээнэ, өргиг идж чаддго күн ясинь залыгхла, тер күн нег хонад өңгрх. Би зуг терүнэс саглжана.

Ваня чирәнэ цөөсн келжәнэ:

— Уга, би ясинь терзэр һарһад лшивчклэв.

Цуһар инэлдв, Ваня болхла, уульв. (Л. Толстой)

53. ҮҮЛДЭГЧИН ХҮВРЛТ.

1. Хальмг келнд үүлдэгч нүүрэр болн тооһар хувриэ.

Үүлдэгчин нүр хүвс.

Нүр	Нег то	Хүвс	Олн то	Хүвс
1-гч	би	-в	бидн	-видн
2-гч	чи	-ч	тадн	-т
3-гч	эн, тер	—	тедн, эдн	—

2. -т гидг хув 2-гч нүүрин олн то темдглнэ. Болв ахлулгч чинртэ нүр нерэдхлэри, 2-гч нүүрин нег то заана.

Ү л г ү р н ь: Тадн сээнэр умшнат, бичнэт. Та, аав, сээнэр умшнат, бичнэт.

3. 3-гч нүүрт нерн келлнэ хувс үүлдэгчлэ тооһарн болн нүүрэри таархш.

Ү л г ү р н ь: сурһульч умшчана, сурһульчнр умшчана.

Үүлдэгч олн тооһин -цха (-цхэ) гидг суффикс авна: сурһульчнр умшчацхана.

244-гч дамшлһн. Зэңгсэс үүлдэгчсинь олчкад, түрүлэд нег тоодан бээх, дэкэд олн тоодан бээх үүлдэгчс олж бичтн. Синоним болх үгмүдиг олад, амн үгэр келтн.

Зун болжана. Цуһар өвснэ хадлһнд һарцхав. Бидн бас көдлцхэввидн. Бидн шунж йовनावидн. Болв тадн сээнэр көдлнэт. Тедн дотр чи йир сэн йовнач. Бадм бас шунмһа көдлнэ. Санж терүнэс даву адһж йовна. Эдн цуһар шунж зүткцхэнэ. Иигж көдлэд, өвсөн цаглань хадцхав. Бичкдүдт ханлт өргцхэв.

ҮҮЛДЭГЧС ХУВРЛННЭ ТАБЛИЦ.

Өдгэ цаг.

To	Нүр	Өдгэ цагин лнзс			
нег то	1-гч	умшчана-в	умшна-в	умша-в	
	2-гч	умшчана-ч	умшна-ч	умша-ч	
	3-гч	умшчана	умшна	умша	
олн то	1-гч	умшчана-видн	умшна-видн	умша-видн	
	2-гч	умшчана-т	умшна-т	умша-т	
	3-гч	умшчана	умшна	умша	

Өңгрсн цаг.

To	Нүр	Өңгрсн цагин лнзс			
нег то	1-гч	бичлэ-в	биччклэ-в	бичж-в	бичү-в
	2-гч	бичлэ-ч	биччклэ-ч	бичж-ч	бичв-ч
	3-гч	бичлэ	биччклэ	бичж	бичв
олн то	1-гч	бичлэ-видн	биччклэ-видн	бичж-видн	бичү-видн
	2-гч	бичлэ-т	биччклэ-т	бичж-т	бичв-т
	3-гч	бичлэ	биччклэ	бичж	бичв

Ирх цаг.

То	Нүр	Ирх цагин янзс	
нег то	1-гч	кех-в	сурх-в
	2-гч	кех-ч	сурх-ч
	3-гч	кех	сурх
олн то	1-гч	кех-видн	сурх-видн
	2-гч	кех-т	сурх-т
	3-гч	кех	сурх

245-гч дамшилн. Эн зэңгс бичэд, үүлдэгчсин цаг, то, нүр заатн.

ӨШӨТН.

Мана уульнцд бээх бичкдүд цуглрцхав.

— Дээлджэх болад наадцхай!— гиж Монхор келв. Мадн цуһар зөвөн өгүвидн.

— Зуг кен хортна тоод оржахмби?— гиж генткн Нарн сурв. Көвүд алцтрад ээмэн хүмцхэв. Тегэд би келжэнэв:

— Кен диилгднэ, тедн хортна тоод орцхах.

Мадн хойр өнгрэд наадувидн. Зуг наадн йир удан болв, юнгад гихлэ хортн болх седкл кенд чигн уга билэ. (Д. Даваа-ням)

Я н з н ь: цуглрцхав — өнгрсн цаг, олн то, 3-гч нүр.

246-гч дамшилн. Эн зэңгсиг бичхлэрн, олн тоодан бээх үүлдэгчсиг нег тоод буулһтн.

1. Бидн гертэсн бичг авлавидн. 2. Тадн дегтр сээнэр умштн. 3. Эдн колхозин кэдлмшт шунмһаһар орлцна. 4. Бидн ни бээнэвидн. 5. Бидн хөөнэ хурһ бас сээнэр хэлэввидн. 6. Тадн маниг дураж кэдлцхэтн. 7. Бидн бас тадниг дахनावидн.

Я н з н ь: Бидн гертэсн бичг авлавидн. Би гертэсн бичг авлав.

247-гч дамшилн. Зэңгсиг бичхлэрн, үүлдэгчсиг олад, ямаран тоод, ямаран нүүрт бээхинь цөөлһтн.

Нег салдс мана вагонд орж ирэд иигж келв:

— Поезд давж йовжахш. Энүнэс арви хойр дууна һазрт дэн болжана. Угатыр харсхар седснтн мана Улан Цергт бичгдцхэтн.

Салдсмуд үүмлдцхэв.

— Цергт авхар седжэнт?

— Болтха тер дээллдсн.

Бидн вагонас бууцхаввидн. Вокзалын өөр цуглрцхаввидн. Хургт нег күн үг келв. Эн хург бола бээтл, би Улан Цергт бичгдүв. Маднас отряд бүрдэхэд, маднд бу, сум өгцхэв. Түүнэ хөөн мана командир иигж келв: "Кадет дэврн гижэнэ. Цуһар белн болжатн". (О. Городовиков)

248-гч дамшлһн. Эн зэңгсин үүлдэгчсиг олж авад, цагарнь йилһтн.

1. Бидн тэрэнэн хадхар белджэнэвидн. 2. Тадн бас тэрэнд белдвр кежэнт? 3. Чи юунд көдлжэнэч? 4. Би чамла хамдан көдлхв. 5. Бидн цуһар ни бээнэвидн: хамдан хотан уунавидн, хамдан номан даснавидн, хамдан нээрт однавидн, нег-негндэн нөкд болнавидн. 6. Та ямаран бээнэт? Та ю кежэнэт? Ямаран көдлмшт бээнэт? 7. Колхозникүд ик орута болв. Колхозникүд ода сээнэр бээцхэнэ. Эдн цуһар шунж көдлцхэнэ.

Я н з н ь: белджэнэвидн — өдгэ цаг.

249-гч дамшлһн. Бичтн. Амн үгэр үүлдэгчсин тооһинь, нүүринь, цагинь заатн.

ТЭРЭНЭ КӨДЛМШ.

Хаврин көдлмш эклжэнэ. Мана колхоз тэрэнэ зер-зевэн бел кев. Колхозникүд бас көдлмшт һархар белджэнэ. Даруһас колхозин хург болх. Тер хург деер кен, ямаран көдлмш кехиг шиидх. Тракторин бригад белн болв. Тэрэнэ көдлмшт сурһулин күүкд бас белджэнэ. Эднд тэрэнэ көдлмш яһж кехиг багш заажана. Нидн жил сурһульчнр колхозд сэн көкд болла. Сээнэр көдлсн сурһульчнриг колхоз мөрэллэ. Эдн тэрэнэ эк кех буудя ясч белджэнэ. Тэрэ тэрх һазрясчана. Үвлэ сурһульчнр тэрэ тэрх һазртан цас цуглулла. Ода теднэ һазр сэн болв.

54. ҮҮЛДЭГЧ БИЧЛҮНЭ ЗОКАЛ.

1. Хадварар төгссн сүүртэ үүлдэгчиг нүүрэр хуврәсн цагт өнгрсн цагин -в- гидг суффикс 1-гч нүүрин нег болн олн тооһин хувсин өмн -у- (-ү-) болж хуврнә.

Ү л г ү р н ь: мед-в-в

мед-ү-в

мед-в-видн

мед-ү-видн

250-гч дамшлһн. Бичтн. Үүлдэгчсинь 1-гч нүүрт, нег болн олн тоод, өнгрсн цагт төвөд бичтн.

1920-гч — 30-гч жилмүдт Элстд ик тосхлт болсмн. Тер тосхлт кенә гидг ик түрү бээсмн. Цар, темән, мөрн тергәр Аһшас, Өәдрхнәс, Дивнәс тосхлтын материал зөөсмн.

Хур, бальчг, салькнас, зунын һаңһас тосхачнр әәдгә бээсмн. Нурвн жилин дунд Элстд зөвәр олн хойр давхр гермүд бәргдв. Эн тосхлтд кесг баһчуд райодас ирж орлцсмн.

Әжгә эрм цаһан теегт Элст өндәһәд босв. Хальмг әмтн ишкә герәсн һарад бәәршлв. Хотн болһнд сурһулин цергчнр хальмг әмтиг харңһуһаснь гетлгв. (Тачин А.)

251-гч дамшлһн. Зәңгсиг бичхләрн, яһад давхр хадвр бичгджәхинь цәәлһтн. Харар барлата үгмүдиг амн үгәр цәәлһж өгтн.

1. Хаврин цагт халун болад, күн нарнд цонна. 2. Тракторар тәрәнә һазр ик эрт хаһлла. 3. Хөөчнр үвл болхла, Хар һазрур йовв. 4. Хургт олн күн босч үг келлә. 5. **Хонхта** һарман дун хотн дунд жиңнә. (Т. А.) 6. Цевр-цер уульнцснь цецгән үнрәр **каңкина**. (Т. А.) 7. Әәжәсн һарснасн авн әңкр келән амллав. (Т. А.)

252-гч дамшлһн. Эн зәңгсиг умшхларн, харар барлата үгмүдин бичлһнә зокал цәәлһтн.

1. Мана орн-нутгин цуг келн-әмтиг тоолла. 2. Колхозин нәәрт Манж йир сәәнәр **дуулла**. 3. Мана селәнд ирсн артистнр олн зүсн би **бииллә**. 4. Эн көвүһән санна. 5. Хаврт колхозин мал кеер хонна. 6. Хаврин цагт теегин өвсн йир сәәхнәр **каңкина**. 7. Дорж көдлмштән килмжтәһәр шунна. 8. Бата маңһдуртан хөөнд һарсн маниг **дахх**. 9. Совхозин хотл селән ик

холас цээж бараанан **өгв. 10.** Өдр ю үзүлхинь өмнөснь тааж медүв. (К. Д.) 11. Хун цаһан эвтәкн кермәр усчад, би һарув. (Т. А.)

55. ЗАКГЧ ШИНЖ.

1. Кемржән үүлдэгч заквр, заавр, селвг өгчэхлэ, тиим үүлдэгчиг закгч үүлдэгч гиж нерэддмн.

Ү л г ү р н ь: *сээнәр сур, көдлмш ке.*

2. Закгч үүлдэгч нег тоодан, хойрдгч нүүртән эркн уга күцэгдхин, кегдхин заквр темдглнэ.

Ү л г ү р н ь: *сээнәр бич, шулуһар йов.*

Нүр	То	Суффикс	Лавлгч, сургч хүвс	Орч нернө хүвс	Үлгүрнь
2-гч нүр	нег то	—	—	—	бич, умш, ке
	олн то	-тн	—	—	бичтн, умштн, кетн
	нег то		-л	-ч, -чн	бичлч, бичлчн
	олн то			-т, -тн	бичлт, бичлтн
	нег то		-и	-ч	бичич, кеһич
	олн то			-т	бичит, кеһит
	нег то		-хн	-ч, -чн	бичхнч, бичхнчн
	олн то			-т, -тн	бичхнт, бичхнтн
1-гч нүр	олн то	-йи, -й	—		бичий, умший, кей
	нег то	-са, -сә	—		умшса, бичсә, кесә
	нег то	-с, -су, -сү		-в	бичсв, умшсв, кесв
	олн то			-видн	бичсвидн, ум- шсвидн, кесвидн
3-гч нүр	нег то	-г, -тха (-тхә)		—	умшг, умштха
	олн то				бичг, бичтхә кег, кетхә

253-гч дамшлһн. Эн зэндс бичэд, закгч шинжтэ үүлдэгчс олад, сурвр тэвтн.

1. Эврэн эс медхлэ, медсн күүнэ үг соңс. (Ү.) 2. Ус үзл уга бээж, һосан бичэ тээл. (Ү.) 3. Өргн теегм, байрл! Өнр олд багт! 4. Ока — баатр авһм, хальмг баһчудын седклд халун зүркэрн үлд. 5. Мандлдг нарн, байрл, мана баатрта үүрл! 6. Энкр дуундан дурл, эрдм дасхдан урл. 7. Айст дун төртл, амрлт авад кевт. 8. Төрскни төлэ халун дээнд күчтэ бээр бэрлдсиг хэлэ! 9. Кесэн, күцэсэн күмнд үзүл. (С.-Б. Х.)

Закгч шинжин үүлдэгч 1-гч нүүртән.

1. Закгч шинжин үүлдэгч 1-гч нүүртән келжэх күүнэ үүлдвр күцэх дуудвр темдглнэ. Тиим үүлдвр күцэлһнд келжэх күн бийнь орлцна.

2. Закгч үүлдэгч 1-гч нүүртән -ий, -йгидг суффиксмүдәр дамжж тогтна.

Ү л г ү р н ь: *босий, келий, бэй, кей.*

3. Кемр закгч үүлдэгч хадврар төгссн болхла, деерән -ийгидг суффикс авч бүрднэ.

Ү л г ү р н ь: *йов-ий, бәр-ий, күц-ий.*

Кемр закгч үүлдэгч эгшгәр төгссн болхла, деерән -йгидг суффикс авч бүрднэ.

Ү л г ү р н ь: *су-й, у-й, хэлэ-й.*

254-гч дамшлһн. Умшад, закгч үүлдэгчин нүүринь, тооһинь йилһэд, суффиксинь темдглэд бичж автн.

Өөлсн, һундсн йовдл бээхлэ,
Өрчәсн суһлад, холд хайцхай.
Эндрк нарн маңдур һархла,
Эрт босад, жирһлән тосцхай.

Маниг асрсн аав, ээжнрән
Маңна тиньгр бээхинь эрцхэй,
Өнр, өргн ахнр, дүүнрән
Өдр болһн үзж йовцхай.

Онъдин иигэд оларн хурад,
Орчлнгин нарн дор жирһцхэй,
Жаңһрахн кевтэ дунһра күцэд,
Жирһлин айсар буслад бээцхэй.

(Хоньна М.)

Темдгтэ холын ташуднь
"Темән Булгаснь" аршалый,
Теңгрин хээрн — ээжиннь
Телүлсн седклинь тевчий.

(Калян С.)

255-гч дамшлһн. I. Эн зэңгсиг бичхлэрн, -й, -ий суффиксмүдиг зокалар дамжж, цегмүдин орчд тэвтн.

1. Цегэхн нүднәм харц чамаг үздгән уурх... ? 2. Сурһулян сәәнәр сурч, олн-әмтнд нөкд бол..., орн-нутган өргжүл... .
3. Эңкр орн-нутган харсхин ценгәр харс..., хад мет батрул... .
4. Бәәсн герән, школан цеврәр дотркинь кеерүл... . 5. Гериннь даалһвран арднь орж күцәцхә... .

II. Айслулж умштн. Үүлдэгчсин цаг йилһтн.

ЦАСН.

Цаһан, цаһан, цаһан
Ца-цааһасн киислднә.
Энтн нам тиигжәһәд —
Эрвәкән күүкд болвза?
Цасн... Цаһан цасн
Цугиг бүркәд хайжана.
Хәләсн нүдн эцжәнә,
Хальмгин үвл эклжәнә.
Чиирг залус белдх,
Чикән орка бәәлтә.
Үвл үвлән үзүлх,
Өскә-зууза цокулх.

(Калян С.)

256-гч дамшилһн. Бичэд, закгч үүлдэгчс олад, теднэ бичлһнэ зокал цөөлһтн.

Баһ насни шүрүһән һарһж,
Баатр орндан нерәдий.
Бәрсн кәдлмшән ончтаһар күцәж,
Баһчуд, бригадан батлый.

Балһс, селәһән өргжүләд,
Баһчуд, һавшуһан медүлий.
Мөңк цагтан жирһәд,
Муурхан кезә чигн мартый.

(Хоньна М.)

Литературин ямаран жанрт эн үүлдэгчин зокал олзлгдна?

257-гч дамшилһн. Эн зураһар өгчәх үгмүд олзлад, "Намрт модн дотр" гидг кәдлмш бичтн.

Зура.

1. Урһа модн дотраһур һарсн хаалһар йовхла, төгәлндән, деер ю үзнәт?
2. Урһа модна бәәдл холас хәлэхлә, ямаран?
3. Намрт урһа модн дотр ямаран болна?

О л з л г д х ү г м ү д: бүркг өдр, серүн салькн, күнд бор үүлд, үсәрсн хур, хар модн, уласн, хусм, удн моддын бәәдл, богшурһас, хар керә, модн дотрк аһар.

Закгч шинжин үүлдэгч 1-гч нүүртән сургч чинртә болхларн, келжәх күн бийнә үүлдвр күцәхәр седжәхинә медүлнә.

Тер цагт -са (-сә), -с, -су (-сү) суффиксмүдәр дамжж тогтна, деерән орч нернә хүвс авч, тооһин чинр темдглнә.

Ү л г ү р н ь: кел-с-в, кел-с-видн, кел-сә; умш-с-в, умш-с-видн, умш-са.

258-гч дамшилһн. Зәңгс умшад, сургч чинртә закгч үүлдэгчс олад, суффиксмүдинь татасар салһтн.

1. Та зогсчатн, би түрүлэд умшсв. 2. Тадниг умштха гиж, багш келжэнэ, эс гиж би умшсв. 3. Эклэд бидн келсвидн, үлдлинъ тадн күцэтн. 4. Келтн, келситн бидн оньһж соңссвидн. 5. Тадн школ тал йовж йовтн, бидн ардастн бас һарсвидн. 6. Сурһулян сээнэр сурсвидн, көдлмшин түрүнд йовсвидн. 7. Кеж күцэж чадхвидн, келсндэн күрсвидн. 8. Кергэн сээнэр күцэсвидн. 9. Сурһульчнр цуһар ирхлэ, бидн экскурсыт одсу-видн.

Я н з н ь: кел-с-в — кел-с-видн, умш-с-в — умш-с-видн.

259-гч дамшлһн. Сургч чинртэ закгч үүлдэгчс олтн. Бичж ав-хларн, суффиксмүдинъ татасар салһтн.

1. Тадниг муурчахла, би нөкд болад көдлсэ. 2. Бадмиг көдлмшэс һарад, сурһульд орхла, ормднь би орсa. 3. Малыннь төлэн бүрднь авхар, малдан килмжэн төвсэ. 4. Үкрэн сээнэр хэлэсэ, улм өмэрэн зүтксэ. 5. Даалһвран лавта күцэсэ, даңгин өмн йовхар зүтксэ.

1. Закгч шинжин үүлдэгч оln тоодан, 2-гч нүүртэн үүлдвр күцэхиг сурж, эрж бээхиг темдглнэ, -тн гидг суффиксэр дамжж тогтна.

Ү л г ү р н ь: Нанд шин ду дуулж өгтн. Тадн нааран суутн.

2. Закгч шинжин үүлдэгч 2-гч нүүртэн, оln тоодан болн күндлгч чинртэ үүлдэгч хойр эдлэр бүрднэ.

Ү л г ү р н ь: Тадн цуһар иртн. Та, аав, иртн.

260-гч дамшлһн. Эн зэңгс умшад, оln тоод, 2-гч нүүрт бээх закгч үүлдэгчс олад буулһж бичтн. Тедниг күндлгч чинртэ үүлдэгчэс йилһтн.

1. Цуһар сээнэр бичтн. 2. Та бас сээнэр бичтн. 3. Көдлмшән шулуһар чилэтн. 4. Хавр болв, тэрэнэ көдлмшән эклтн. 5. Сурһулин жил чилжэнэ, шүүвртэн сээнэр белдтн. 6. Багш, дегтрэн нааран өгтн. 7. Малчнр, үкрэн сээнэр хэлэтн, үвлэс малан сээнэр, тарһнар һарһтн, төлинъ бүрн автн. 8. Та, ахлач, мана сурсиг күцэтн, манур дарунъ иржэтн.

261-гч дамшлһн. Умштн. Үүлдэгчсинь закгч шинжин 2-гч нүүрт бичтн. Теднэ чинринь цөөлһтн.

1. Керг бөөхлө, күцэхмн. 2. Сурһуль сурхмн, цуг көдлмш бас дасхмн. 3. Хар көдлмшэс ээхмн биш, көдлмш — күүнэ жирһлин уурхан саң. 4. Дегтриг умшхмн, зуг ямаран юм умшхан медхмн. 5. Келсэн күцэхмн, сансндан күрхмн.

Сургч чинртэ закгч шинжин үүлдэгчс.

Закгч шинжин үүлдэгч 2-гч нүүртэн сургч чинр авхларн, -л гидг лавлгч хувэр дамжж бүрднэ. Тер цагт эн хувин хөөн эрк биш орч нернэ -ч (-чн), -т (-тн) хувс немж авна.

Ү л г ү р н ь:	умш-л-ч	умш-л-чн
	бич-л-ч	бич-л-чн
	умш-л-т	умш-л-тн
	бич-л-т	бич-л-тн

262-гч дамшлһн. Эн зэңгс умшад, закгч үүлдэгч 2-гч нүүртэн яһж бүрдсинь цөөлһж келэд, буулһж бичтн.

1. Көвүн, номан сөөнөр даслчн, дегтрэн умшлчн, бичэ альвлчн, эkdэн нөkd боллчн. 2. Көдлмштэн эрт һарлтн, шунж көдлтн, бичэ залхуртн. 3. Өвсөн хадлчн, шулуһар оваллчн. 4. Көдлмшэн чилэлчн. Кергэн күцэлтн. 5. Балһс орлт, көлг оллт, күүндвр келт.

Закгч шинжин үүлдэгч 2-гч нүүртэн.

Закгч шинжин үүлдэгч 2-гч нүүртэн сургч чинртэ болхларн, -и-, -хн- гидг сургч хувсэр дамжж тогтна. Тер цагт эн хувсин хөөн эрк биш орч нернэ -ч (-чн), -т (-тн) хувс немж авна.

Ү л г ү р н ь: бич-и-ч, бич-хн-ч, бич-хн-чн, бич-и-т, бич-хн-т, бич-хн-тн.

263-гч дамшлһн. Эн зэңгс бичэд, закгч үүлдэгчс олад, тогтагч хувсинь темдглтн.

Маңһдур көдлмшчнрин хург болхий? Болх. Тер хургт бригадирмүдэн йовултн. Колхозин ахлагчиг хургт эрт иртн

гигит. Та хургин тускар шулун зэнглит, цугтаднь күргж келит. Малын тооцана төр тэвжэнэ гиж соңсхит. Хург кедү часла болхинь меджэнт? Фермдэн оч келж күргич.

264-гч дамшлһн. Эн шүлг умшад, закгч үүлдэгчсин чинринь йилһтн. Нүүринь келтн. Харар барлата үгмүдин чинр цөөлһтн.

Торһа, торһа, торлң,
Торлзад, делэд наадыч,
Төрским шинэс магтад,
Таалмжта айсар дуулыч!

Цегэн аһарт талваһад,
Ценнэд, цеввэд **ялзнач**,
Ценкр оһтрһуд **донһдад**,
Цецглсн теегим санулнач.

Бичкн, көркхн торһа,
Биилич, дуулыч, инэһич.
Байн мини теегт
Байсад, өсөд жирһич.

(Эрнжэнэ К.)

Эн шүлгиг чеежэр дастн.

265-гч дамшлһн. Бичтн. Сургч чинртэ үүлдэгчсиг олад, теднэн тооһарнь, нүүрэрнь йилһтн.

1. Холас йовсн күүнд хот өгхнтн, ундасад ирсн күүнд унд өгхнтн. 2. Көдлмшэн сөөнэр кехнтн, көлөн дегц ишкхнтн. 3. Хуучн авъясан хайхнтн, хургин төрт орлцхнтн. 4. Тэрэнэ көдлмшэн эклхнтн. 5. Балһснд үзсэн келхнтн, басл эмтн күсл кежэнэ.

Закгч шинжин үүлдэгч 3-гч нүүртэн.

1. Келжэх күн 2-гч нүүрэр дамжад, 3-гч нүүрт үүлдвр кетхэ гисн заквр өгчэхинь медулнэ.

2. Закгч үүлдэгч 3-гч нүүртэн эдл чинртэ -г, -тха (-тхэ) гидг суффиксмүдэр тогтна.

Ү л г ү р н ь: эн (эдн) умш-г, умш-тха;
тер (тедн) кел-г, кел-тхэ.

266-гч дамшилһн. Умштн. 3-гч нүүртән бөөх закгч үүлдэгчс олтн. Суффиксмүдиг йилһэд, амн үгәр келж өгтн.

1. Умштха гийһэд, нанд шин дегтр авч өгв. 2. Бичтхэ гийһэд, нег бэр цаас өгв. 3. Унтха гисн бориг тохад, хөөнэ хош эргэд харв. 4. Өмстхэ гийһэд, костюм хулдж авч өгв. 5. Бичэ альвлтха гийһэд, багш йир оньган тэвж умшв. 6. Тракторист болтха гийһэд, нег жилэр сурһульд тэвв. 7. Көдлмш кедг дастха гийһэд, медтхэ гийһэд, ах хөөчин өөр көлмшт орулв. 8. Сурһульчнриг көдлмш кедг дамштха гиж, мана школ теднэ өмн төр тэвжэнэ. 9. Мана олн-эмтн медн болтха!

267-гч дамшилһн. Закгч шинжин, 3-гч нүүрин үүлдэгчс олад темдглтн. Текстэс синоним болх үгмүд олтн.

1. Көдлмш кехэр седжэхлэ, хө хэрүлг. 2. Сурһуль сурхар бөөхлэ, түрүлэд көдлмш кег. 3. Багш болх күн, сурһулян сөөнэр дасг. 4. Шулуһар бослчн, көдлмшән шунж келчн, тегэд амрлчн. 5. Мал хэлэг, мал хэлэхлэ, амн тоста. 6. Үкрән услг, малан хэрүлг, көдлмш дасг, чаңһ-чиирг болг.

* * *

Орчлңгин нарн ора деерэс
Очан нигтәр асхрултха,
Олн-эмтн жил ирвэс
Олна нийцңгү батратха!

Үргх, чочх аюл әмтнд
Үүлтж бичә учртха,
Үкл уга мөңк Төрскндән
Үрдүд санамр жирһтхә!

Эрдм, сурһуль, кишг хамгар
Эндән делкә жирһтхә,
Эвин тугин төвшүн делслһәр
Эднә жирһл нийцтхә!

(Эрнжәнә К.)

268-гч дамшилһн. Эн зәңгс умшад, 3-гч нүүртән бөөх закгч үүлдэгчс олтн. Теднә суффиксмүдинь темдглтн. Харар барлата үгмүдт нег бүл үгмүд олад бичтн.

1. Тедн көвүг үзн, эклэд хав. 2. Нуурин уснд өдртән бөөнә.

3. Күчэн ниицүлтн. 4. Биивэн эклэд татхлань, биичн эврэн медхв. 5. Ирг, көдлмшэн кеж дуусг. 6. Онъган өгөд кехлэрн, дарунь дуусх. 7. Тадн келэн дөрөд күрм цацу, күн болв гиж сантн. 8. Тер күн ода чигн ирэд уга.

* * *

Мел чигн шуурһн шууртха,
Мөстэд чигн ортха,
Мана һольһр искирдс
Малдан шивэ болтха.

Харчудын мөңк жирһл
Хотдудар оньдин бадртха;
Харһуһас гетлсн нутгтм
Көдлмшин чинр делгртхэ.

(Калян С.)

269-гч дамшлһн. Зэңгс умшад, сургч чинртэ закгч үүлдэгчс олтн. Теднэ суффиксмүдиг амн үгэр цөөлһж өгтн. Бөөлһнэ болн чинрлгч нердиг темдглтн.

1. Кергэн сөөнэр күцэхнтн, көдлмшэн шунж кехнтн.
2. Хөөһэн сөөнэр хэлэхнчн, хурһдынь маллж һарһхнчн.
3. Домбран сөөнэр цоктха, домбртнь келэд ду улсвидн. 4. Өвсөн шулуһар хадхнтн, үүлдэн белн болхнтн.

* * *

Захин бернд дархнтн,
Залусин захас босхнтн,
Дунд бернд дархнтн,
Дүүнрин захас босхнтн,

Күцц бернд дархнтн,
Күүкдин захас босхнтн,
Домбрин айсар тавшхнтн,
Доран эргэд одхнтн.

(Хальмг дуунас)

270-гч дамшлһн. Умштн, Харар барлата үүлдэгчсинь закгч шинжин үүлдэгчд буулһтн.

1928 жилин хавр шинкн эклжэлэ. Баһ Дөрвдэ нутга долан жилэ школын зурһадгч класст би сурчалав. Хартн Бадиевич мана школд ирхмн гисн зэңг һарв. Удсн уга: баахн нурһта, түргн көлтэ, жөөлн нүдтэ шар залу өөрөн школын директорта ирв. Маднла күүндэд, ю-бис суржаһад, самбрт өлгсн карт

зааһад: "Ик Дөрвдә һазрт тәрән сәәнәр урһна, Шорвин кецин, Манцин кецин һазр малмудар байн, Көк теңгс заһсар байн. Таңһчин һазрин тал дунднь хотл балһснь бәәх зөвтә", — гиж Харти Бадиевич Элст балһс үзүлв.

Эн йовдл мини уханас һархш. (Инжин Л.)

Я н з н ь: экл, экл-тн, экл-л-чн, экл-л-тн, экл-и-ч, экл-и-т, экл-хн-чн, экл-хн-тн, экл-ий, экл-с-в, экл-с-видн, экл-сә, экл-г, экл-тхә.

56. КӨТЧ ҮҮЛДЭГЧ.

Бә, бол, билә гидг үгмүдиг көтч үүлдэгчс гидмн. Эдн зәңгд орсн цагтан дөңгч даалһвр авна. Зәңгд нерн үгмүдлә, причастьла, деепричастьла ниицж келгч тогтана. Келгч болсн цагтан үүлдэгчин цаг, нүр медулнә.

Ү л г ү р н ь: өвгн бәәж, тавта биләв, чаңһ билә, ирдг билә, ирсн бәәнә, умшх боллат, сууж бәәнә, ирд бәәв.

271-гч дамшлһн. Эн зәңгс бичәд, көтч үүлдэгчс олад, нерлгч келгч хойриг темдглтн.

I

1. Деернь нарн цонана, дораснь һазрин халун көрсн хәәрдг билә. 2. Долан цааранднь келәд бәәнә. 3. Эн көдә мет у элвг седкл өвгнә зүркнд серж, кезәңк баһиннь авъясарн буслсн болв. 4. Модд нигт сагсхр толһаһарн нәәхлж шуугж бәәнә. 5. Ирвлзсн халун салькн зүн өмнәс үләһәд, хурлзулад бәәнә. 6. Бичкн көвүн күүкн хойр ам-хамрнь шора-тоосн болсн, өвгнә өөр нааддг болв. 7. Цаһан ода деерән икл гидг уурта бәәнә. 8. Госпитальд кевтсн Бадмд олн тоолвр уханднь орад бәәж. 9. Эн өдр мини Бадм цергт бас мордла.

II

Александр Ильич баһ цагтан тогтун, ухарлыг бәәсиг би меднәв. Саша шатр наадхдан дурта билә. Наадхларн, самбр тал хәләл уга, нег һазр һурвн күүтә нааддг бәәсмн. Тер цугтаһаснь эрт босад, ора кевтдг бәәж. Бидн кезә унтдг болхв гиж, алң

болдг билэвидн. Йиртмжд дурта билэ, аңһучлад, кесг өдрэр йовж оддг билэ. (И. Веретенников)

Сашан тускар келтн.

Бэ гидг кетч үүлдэгч суффикст хуврнэ.

Ү л г ү р н ь: *йовж бээнэ — йовжана, келж бээнэ — келжэнэ, сууж бэ — суужа, ирж бэ — иржэ.*

272-гч дамшлһн. Умштн. Үүлдэгчсиг тогтацарнь цуцлһн. Ямаран кетч үүлдэгч олзлж болх, күцәһэд бичтн.

Бичнэ, умшчана, келнэ, келжэнэ, ирлэ, иржэнэ, сууна, суужана, йовна, ууна, уульжана, дуулна, сурчана, сурна, бичжэнэ, биилнэ, кевтжэнэ, баалжана, саана, келжэ, дуулжа.

Я н з н ь: *бичнэ — бичж бээнэ.*

273-гч дамшлһн. Умшад, кетч үүлдэгчстэ зэңгс буулһж бичтн.

1. Хойр халхаснь улан альмна өңг һарад бээнэ. 2. Аавин зург нан тал даңгин хэлэсн болна. 3. Эн полкд Лижин Санж церглж бөөлэ. 4. Зуг би чамаг дөң сурх гиж санж күлөж бөөлөв. 5. Даңгин хувц-хунр чигн угаһан санад бөөлэ. 6. Чамаг эс ирсн болхлачн, икэр өөлх билэв. 7. Хэлэжэсн эмтн эн артистин наадлһиг дегд икэр таасч бээнэ. 8. Тер бийнь клуб нег чигн асхн сул йир бөөхш. 9. Кооку ода чигн хот кедг герт хамр доран буржцнад, үг келэд бээнэ. 10. Кесг сурһулин күүкд хая-хая манад ирдг билэ. 11. Эн тоот-тоолврмуд сөөд чигн, өдрт чигн, альд йовв чигн бийнь эзлэд йовдг билэ. 12. Таниг бий талан нүүлһж авхар бөөлэ.

274-гч дамшлһн. Эн зэңгс умшад, кетч үүлдэгч чинрлгч нерн хойрас тогтсн келгчиг салһж бичж автн.

1. Космическ кермсин нислһн төв болн хурдн болна. 2. Хальмг теегин бод мал икнkdән улавр зүстэ болна. 3. Магази́нэс авсн дегтрм күрң улан өңгтэ билэ. 4. Хулдж авсн халата нуһлм йир әмтәхн бәәж. 5. Диилврин өдрт нерәдсн урдданд орсн мөрд хар, кер, буурл, хоңһр зүстэ билэ. 6. Теегин

хаалh зэрм һазрарн адрута болна. 7. Урн эрдмтэ тосхачнрар бэргдсн тавн давхр гер бат болн ке болв. 8. Хаврин мануртсн тег сээхн болдг. 9. Ноябрин долан өдр нарта, чилгр болв. 10. Хамгин нерн дунд Кермн гидг нерн олн дунд тарнху болн энкр болна. 11. Шүлг айслулж умшдг көвүд-күүкд олн болв. 12. Намрт зэрм өдрмүд бүркг болна.

275-гч дамшлһн. Эн зэндгсэс кетч үүлдэгч бөөлһнэ нерн хойрас тогтсн келгч салһж бичж автн.

1. Кер һалзн хуцта Кеедэ гидг өвгн бөөж. 2. Тиигхлә бийд амр, хортнд зовлңта болна. 3. Бадм юунасчн ээдг уга төвшүн күн билэ. 4. Булһн ик билгтэ күүкн бөөж. 5. Хаана түшмл Зарад долан наста көвүн бөөж. 6. Хаана түшмл Зара эврәннь долан наста көвүнәннь тиигж зааж өгсэр зарһ хаһлсн болдг. 7. Кезэнэ бөөж, нег күн шам гиснэс дутдг уга шар күүктэ бөөж. 8. Таниг ирхд мана күүкн йистэ билэ. 9. Мана гер тер барун өмнк гер болдмн.

Нүрго үүлдэгч.

Зэрм үүлдэгчс кен үүлдвр күцэж йовхиг заахш, болв үүлдвр бийнь үүджэхинь темдглнэ. Тиим үүлдэгчсиг нүрго гиж нерэднэ.

Нүрго үүлдэгчтэ зэңгд нерлгч уга болна.

Ү л г ү р н ь: Харңһурв. Барун бийэс эклэд гегэрв.

276-гч дамшлһн. Умшад, нүрго үүлдэгчс олж келтн. Ю темдглжэхинь бас цөөлһтн: күүнэ бөөдл эс гиж йиртмжин бөөдлий?

1. база харңһурв. 2. Халунд йир ундасулна. 3. Асхн шидр эклэд бүтңгрв. 4. Асхлад улм икэр киитрв. 5. Эндр эрт босгдв. 6. Хар толһан орг тал довтлгдв. 7. Цааранднь йовгдв. 8. Зөвэр холд һарһгдв. 9. Өрүн аһарт амрар киилгдв. 10. Хувциг шин деернь эрвлдг. 11. Сурһмжиг әмтнэс авдг, ухаг үлгүрмүдэс авдг. 12. Олн дотр үгән ажглдг, онц һазрт хувцан ажглдг. 13. Төгәлндән бүркгдв. 14. Улм дорагшан буугдв. 15. Өцклдүр дарунь ирцхәв. 16. Йир удан йовгдв. 17. Харңһу сөөһәр һарч нисгдв.

277-гч дамшилһн. Эн зэңгсин үүлдэгчсиг нүрго үүлдэгчст тохратн.

1. Альмна модн арһул нөөхлнэ. 2. Цаһан көөсн цахрад, цэкһн кевтэ гилвкнэ. (Б. Т.) 3. Сала, судл, ташус саңгин идәһәр канкнна. 4. Сартг намчта цецгүд санаһим дахж һанхлдв. 5. Тоомсрта олн ахирм таңсг йөрәлән тальвв. 6. Теегин эзн хөөчнрин туурсн нерднь соңсгдна. 7. Артг цоохр малмуднь адрг ташуһар дүүрнэ. 8. Арднь дахдг малчнрин ачта нерднь туурна. 9. Алтн сахлта буудяс атх дүүрч асхрна. (Э. К.)

278-гч дамшилһн. Умштн. Утхинь амн үгәр келж, үүлдэгчсин цаг, то, нүр, янзинь йилһтн.

МОДН ДОТР КИИТН.

Мөсн мет киитн салькн ил һазрар гүүнэ, ө-шуһу модн заагт үләнэ. Хату өрүлг дотр орна, нигт ноос ивтрәнэ, цус киитрәнэ. Һазр деерчн, модна ац деерчн сууж болхш: цуг цасар хучата болна. Көлин тавг бас даарна. Невчк дуладхин кергт шовуд гүүлднэ, һәрәдлднэ. Жөөлн кевтртә нүк, үр кеж авад кевтхлә, сән. Хотан цадтлан идчкәд, тохшрлж авад — серлго унтх. (В. Бианки)

57. ҮҮЛДЭГЧИН БҮРДЭМЖ.

Бәәлһнә нернәс үүлдэгчин бүрдәмж.

Хальмг келнә үүлдэгчс йир олн суффиксәр дамжж бүрднә.

Бәәлһнә нернәс иим суффиксмүдәр дамжж бүрднә: -л, -д, -ш. Ү л г ү р н ь:

жид — жидл

бүлү — бүлүд

һазр — һазрш

хаша — хашал

күрз — күрзд

бәәрн — бәәрш

зар — зарл

шир — ширд

Кемр -н хадврар төгссн бәәлһнә нернәс үүлдэгч бүрдхлә, тер хадвр геедрнә.

Ү л г ү р н ь: ханцн — ханц-л, дун — дуу-д.

Чинрлгч нернэс үүлдэгчин бүрдэмж.

Чинрлгч нернэс ним суффиксмүдэр дамжж бүрднэ: -л, -ш, -р. Ү л г ү р н ь:

хар — харл	алдр — алдрш	көк — көкр
нимгн — нимгл	буру — буруш	омг — омгр
бор — борл	зөв — зөвш	

279-гч дамшлһн. Эн зэңгсиг умшхларн, үүлдэгч ямаран келлһнэ хүвэс ямаран суффикс авч бүрдсинь цөөлһтн.

1. Хаврт көкрсн өвсн зуна цагт эклэд шарлна. 2. Намрин цагт хөөнэ хош кеер бээршнэ. 3. Мис шулу-шулуһар махсна, бас нөөрснэ. 4. Хавр болхла, хальмг тег көкрнэ. 5. Үвлдән колхозин хөн, мал Хар һазрт бээрлх. 6. Багшин келсиг мана классин сурһульчнр цуһар оньган өгч соңсцхана. 7. Мөрн йир һазршг. 8. Савр бүшкүрән татж, көвүд-күүкд дуудв. 9. Теегин өвсн нарнд шатад борлна. 10. Тэрәнэ һазр зөвэр ик аһу эзлнэ.

280-гч дамшлһн. Эн үгмүдт суффикс немж, олн зүсн үүлдэгчс бүрдэтн.

I. Чинрлгч нерн: хар, бор, му, сән, цаһан, улан, көк, ноһан, нәрхн, бүдүн, өргн, өндр, уутьхн, нимгн, зузан.

II. Бөөлһнэ нерн: мөрн, ир, уут, көвүн, әмн, махн, тосн, нәр, мал, намр, дун, зүүдн, залу, амбар, хора, хавтх, киилг.

III. Үүлдэгч: нис, бич, уй, бәр, хан, сан, ав, ир, ке, умш, у, ид, көдл, усл, хәрүл, аср, уһа, дууд, кел, кевт, нем, хас, йов.

Я н з н ь: хар — харл.

281-гч дамшлһн. Эн үүлдэгчсиг өңгрсн цагт, 1-гч нүүрт буулһж бичтн.

Хувц хавх, ноос савх, хавх тәвх, бичг бичх, сурһуль сурх, сән темдг авх, машинәр йовх, хө услх, мал хэләх, күн зовх.

282-гч дамшлһн. Эн үүлдэгчсиг буулһж бичхләрн, уңг болн суффикс хойриг татасар салһж бичтн. Үүлдэгчсин морфологическ йилһлт кетн.

Оллат, эвлләч, медүлләт, һәәхүвидн, келчклә, тоххтн, эклләвидн, мөрәлләвидн, даххвидн, деллә, дасллавидн, усллач, эклләт, уннат, чиңнәвидн, мөслләт, боллавидн, келләт,

бииллэ, бичлэвидн, бэрүллэт, тэвүвидн, йовувидн, таттн, мээллэ, маннавидн, буслла, дамжжанавидн, дорацуллавидн, теңнэвидн, зуллат, саллавидн, заллат, туллавидн, самллат.

Я н з н ь: мөр-э-л-лэ-видн.

283-гч дамшлһн. Умштн. Утхинь келтн. Дарунь зура тогтаһад, терүгөрн һардвр кешэд, нээрүлж бичтн.

Сөөнь өрэл болсн цаг курсантнр окопд ирв. Бу, наадк чигн зер-зевэн э уга болтха гинһэд, таг-яг татад боочксн, нег-негнәннь ардас э-чимэ һарһл уга, окопар өкэлдсн йовцхав. Негдгч ротын командир лейтенант Фёдоров эврәннь курсантнран зүн зах тал авч одв. Теднэ одсн һазрт негхн взвод бээж. Өмннь бээсн улс ормасн бослдад, хэрү һарлдад йовж одцхав. Негхн взвод бээсн һазрт һурвн взвод багтж өгчөхш. Тер учрар өмн бээсн окопд хойрдгч взвод үлдәһэд, наадк хойр взводын улс шинэс һазр малтж, окоп кеж авх болж һарв.

Негдгч взводын окоп малтлһиг взводын командир Александр Озеров һардв. Эн нег захаснь авн наадк зах күртлнь йовад, эврәннь көвүдин кежәсн кергинь хэләһэд, заавр өгэд йовв.

Нег һазрт хамдан Катаев болн Левинцов гидг курсантнр һазр малтжаж. Теднэ өөрнө э-дун угаһар ротын парторг Дамбаев бичкн күрзәрн малтад, һазрт шурһад, орж оч. Озеровиг күрөд ирхлэ, Левинцов күрзән өөрән оркад, командирүр хэләв. (Нармин М.)

284-гч дамшлһн. Умштн. Үүлдэгчин морфологическ йилһлт кетн. Харар барлата үгмүдт амн үгәр синонимс келтн.

1. Хар Булг Яртин **өндр** деерэс хэләхлэ, өмн налаһад бөөнө. 2. Час шахуд эдн амрл уга һазр малтжана. 3. Зәрмдән көвүн өвгиг келврән цааранднь келжәх угаг медхәр, ардан эргж хэләнө. 4. Оддын дөрлдж чирмлдлһнэс **харнһу** теңгр һазр-һазрарн герлтсн болж харгдна. 5. Көвүн тагчг, теңгр хэләһэд, нурһн деерән кевтнө. 6. Бамб өвгнө һанцхн сурһмж биш, талдан тоотс бас **таасгдна**. 7. Би аав Нарнд зәңг оч өгнөв. 8. Өвгн улм-улм **алмацна**. 9. Би Бембтәһән хоюрн үлднөв. 10. Ээж, би танд үн келжәнөв. 11. Эн саамла школас хол биш бээсн хаалһар ачлһта машин һарч йовна. 12. Тер маши үзчкэд, Бамб байрлж хээкрнө: "Дядя Яван ирж йовна". (Б. А.)

Цуг мана орн-нутгин төмр хаалһс Москваһур ирнэ. Москвад цуһар харһлдцхана. Поездмүд өдр сө уга вокзалмудар хээкрлдэд, Москвад ирцхэнэ. Кесг олн поездмүд Москваһас цуг үзг болһнур ларч йовна. Москвад йисн вокзал бээнэ.

Үүлдэгчин морфологическ йилһлт.

1. Келһнэ хув.
2. Эклц кев-янз.
3. Оргч, эс оргч чинр.
4. Янз.
5. Шинж.
6. Цаг.
7. То.
8. Нүр.

Ү л г ү р н ь:

Кавказ тал бичкдүдиг лагерьт йовулжана.

Йовулжана — үүлдэгч, йов, оргч, күчлгч янзд, таслгч шинжд, өдгэ цагтан, олн тоод, 3-гч нүүрт.

ПРИЧАСТЬ.

58. ПРИЧАСТИН ТУСК МЕДВР.

Үүлдэгчин сүүрэс суффиксмүдэр дамжж бүрдсн, үүлдэгчин болн чинрлгч нернэ темдгүдтэ үгмүдиг причасть гиж нерэддмн.

Причасть үүлдврин цаг үзүлнэ, я м а р а н? гидг сурврт хэрү өгнэ.

Ү л г ү р н ь: (ямаран?) *умшгч* көвүн, *умшдг* дегтр, *умша* дегтр — өдгэ цаг; (ямаран?) *умшсн* дегтр — өңгрсн цаг; (ямаран?) *умших* дегтр — ирх цаг.

Причасть бээлһнэ нертэ ниицхлэри, киискврмүдэр хуврхш, болв бээлһнэ нернэ чинр авсн цагтан киискврмүдин кев-янзд тэвгднэ.

Ү л г ү р н ь:

Нерэдгч	бичсн күн
Төргч	бичсн күүнэ
Өггч	бичсн күүнд
Гемнгч	бичсн күүг, кү
Бүрдэгч	бичсн күүнхэр
Ниилүлгч	бичсн күүнлэ
Хамцулгч	бичсн күүтэ
Наргч	бичсн күүнэс
Залгч	бичсн күүнүр

Причастит дахч йовх үгмүдтөһинь причастн эргц гиж нерэддмн. Причастн эргц цээлһүлжэх үгин өмн бичгднэ, цеглгчэр йилһгдхш.

285-гч дамшлһн. Эн зэндсиг умшхларн, сурврмуд төвөд, ямаран мөч болж йовхинь йилһэд темдглтн.

1. Күүндсн өмтнэ дун соңсгдв. 2. Улан заяяр солһтрсн үүлн үзгднэ. 3. Хур салькн хойрт цокгдсн ноһан һазр дерлв. 4. Мана таһчд шүлг бичдг улс олн бээнэ. 5. Олн мал идшлдг һазртан һарч йовна. 6. Өгсиг авдг, тәрсиг хаддг. 7. Көләр одсн ирдг, күрзәр дарсн ирдг уга. 8. Замг сәәтәд заһсн хурдг, заң сәәтәд күн хурдг.

286-гч дамшлһн. Шүлгүдәс причасть олад, тедниг салһж бичәд, суффиксинь темдглтн. Ямаран мөчәс причастьд сурвр төвгджәхинь келтн.

БАГШТАН.

Тома, медрлин хаалһд орулсн,
Томта үзгүд чеежд орулсн.
Тоота-эсвтә дегтр үзүлсн,
Товчлж әәһәр үгмүд ниилүлсн,
Хар нүднд дасмж болһсн,
Хурһн болһнд дамшлт орулсн,
Хуһс цаасн деегүр дошулж,
Хурдар, төвәр, чикәр бичүлсн,
Алтн делкән нуувчиг илдксн,

Альхн деер үзүлж тэвсн,
 Ачта эрдмин булг секж.
 Алгтшаж түүгэр ундн болһсн.
 Көвө уга өргн холын
 Көл уга усиг хатлһсн.
 Күмни медрлин гүн далан
 Күнкл ухаг танюлж батлһсн,
 Багш күүнэ ачта килмжиг
 Бахтад, бахтад шинэс йөрөнэв.

(Доржин Б.)

59. ПРИЧАСТЬ ӨДГЭ ЦАГТАН.

Причасть өдгэ цагтан һурвн зүсн суффиксэр дамжж бүрднэ.

1. Кемр -гч гидг суффиксэр дамжж бүрдхлэрн, ода боляжах үүлдвр темдглнэ.

Ү л г ү р н ь: *келгч күн, йовгч күн, иргч күн, умшгч күн.*

2. Кемр -дг гидг суффиксэр дамжж бүрдхлэрн, давтгч чинр авгч үүлдвр темдглнэ.

Ү л г ү р н ь: *көдлдг күн, меддг күн.*

3. Кемр -а гидг суффиксэр дамжж бүрдхлэрн, удад болад бээдг чинртэ үүлдвр темдглнэ.

Ү л г ү р н ь: *Термини умша дегтр. Термана бөөһө һазр. Термана кеһө көдлмш.*

287-гч дамшлһн. I. Бичэд, өдгэ цагин причасть олад, цээлһүлж йовх үгтәһинь темдглтн. Суффиксинь темдглтн.

1. Зовгч ноха йовдлын кү дахна. 2. Сән көдлдг улс мана колхозд олн болв. 3. Хотан ууһа бээтл, хоңх жиңнв. 4. Көдлмшән кеһө бээтл, курст йовулв. 5. Малың төл авдг цаг ирв. 6. Өвсн икәр урһдг цаг болжана. 7. Сәәнәр умшгч улс мана көвүд заагт дала. 8. Мана бригадт биилдг, дуулдг, нәәрсг улс бәәцхәнә.

II. Бичтн. Причасть олад, ямаран мөч болж йовхинь йилһж темдглтн.

Хүрм — хәрдг,
Хур — гиидг.

Архайг цасн — берк,
Альхн деер тордго,
Амргин зүркн — эрк,
Адрута үг даадго.

(Калян С.)

288-гч дамшлһн. Өггдсн үүлдэгчсәс причасть бүрдөтн. Теднән өдгә цагт тэвтн. Причастьмуд деер ирлцжәх бәәлһнә нерд немж, келц үгмүд кеж бичтн.

Гү — гүүдг, гүүгч, гүүһә. Гүүдг спортсмен.
Түрүл — ...
Күлә — ...
Ухал — ...

II. Бичәд, бәәлһнә нернә чинр зүүсн причастин киисквринь йилһтн, чилгчинь темдглтн.

1. Олдснас — олад угань ик. 2. Инәснәс сур, уульсиг сурһ. 3. Ирвскиг иткдг уга, ирснд инәдг уга. 4. Йовсн туула кевтсн туулаг босхдг. 5. Кец дахсн өөдлдг, ус дахсн уруддг. 6. Үзснәс үзәд угань ик. 7. Бәәсәрн — байн, суусарн — олн. 8. Авсн-өгсәр болдго. 9. Авсар байждго, өгсәр һарутдго. 10. Даарснд хулс түл, өлсснд өвцү чан.

60. ПРИЧАСТЬ ӨНГРСН ЦАГТАН.

Причасть өнгрсн цагтан **-сн** гидг суффиксәр дамжж бүрднә. Причасть өнгрсн цагтан үүлдвр болсиг, давж одсиг медулнә.

Ү л г ү р н ь: *кел — келсн, умш — умшсн.*

289-гч дамшилһн. Эн зэңгс умшхларн, өңгрсн цагтан йовх причасть олад, цээлһж өгтн.

ҮВЛӨ МАХЛА.

Чиндһнэ арсар уйсн махла
Чикән дарулж өмсөд һарлав.
Чичкнсн аһар чирэ хээрэд,
Чикнд күрхәр седж асла.
”Чадшгоч!” — гиж наад бэрэд,
Чиндһн махлата зогслав.

(Бадмин С.)

290-гч дамшилһн. Умштн, бичтн. Суффиксмүдинь темдглтн. Причастяс болн бээлһнэ пернәс тогтсн келц үгмүд бичтн.

Өцклдүр харһсн көвүн
Өөрм суусн болдмби.
Зүүднәсн чочад серхнь
Зүркм хатхлсн болдмби.
Терзин ца ишкрсн
Теегин альвн салькн
Шин таньлдсн көвүнэ
Шимлдсн дунь болдмби.
Сүүрм хатрсн болна,
Жигтә юмби, көвүн,
Сөөһинм нөөрм хатна,
Жирлзәд үзгдсн болна.
Түрүн төрсн дурм
Теркә зүрким авлв,
Үзгдсн мини үүрм
Улм эңкр болв.

(Саңһжин Б.)

Я н з н ь: харһ-сн көвүн.

291-гч дамшлһн. Эн зэңгс бичэд, өңгрсн цагин причасть олад, суффиксмүдинь темдглтн.

Хавр ирчкв. Нээмн сард һазриг таг атхчксн цасн хээлх деерән һарв. Цасна усн зууран кевтсн бичкн модд, үмкрсн хамтхасд чирж авад, цаһан Обь тал темцв. Хамтхасан сарсалһсн, дулан аһарин күчәр көкрсн өндр-өндр модд ке сээхн. Модн дотр серүн, бөкүн, илэсн һарад уга. Минь иим цагла модн дотраһур йовсн күүнд аһарнь йир сенр. Тоорм уга, цасн дорас һарсн темсн улаһад минчилдв. Терүг түүсн әмтиг тер цагла модн дотр альднь болвчн үзж болхмн. (Куукан А.)

292-гч дамшлһн. Эн зэңгсиг бичхләрн, бээлһнә нернә чинр зүүсн причастьс олад, теднә суффиксмүдиг болн киискврин чилгчсиг темдглтн.

1. Багшин келсиг сурһульчнр оньган тэвж соңсцхав. 2. Малчнр сәәнәр көдлснд, хөн үвләс менд һарв. 3. Амрлһн чилснә хөөн сурһульчнр хәрү школурн ирцхәв. 4. Цасн хээлснә хөөн дарунь хавр болв. 5. Хөөһән сәәнәр хәләсәр, малын төл һару уга авсар, Бооваг колхоз мөрәлв. 6. Колхоз байн болсар, колхозникүд ик орута болцхав. 7. Доклад кеснлә ирлцүлж, Санж сурвр тәвв.

Я н з н ь: кел-с-иг.

293-гч дамшлһн. Зэңгс умшхларн, хавсрлтд бээсн причастиг ямаран киискврт бичжәхән келтн.

1. Артистин (дуул...) көдлмшчнр оньган өгч соңсцхав. 2. Клубт нәр (бол...) баһчуд одцхав. 3. Эн жил өвсн сәәнәр (урһ...) мал тарһн болв. 4. Хур икәр (ор...) тәрән бас икәр урһв. 5. Көдлмшән шунж (ке...) байрлж, ханлт өргв. 6. Экән (ир...) медәд, күүкн байрлв. 7. Лекторин (кел...) олн юм әмтн тодлж авцхав. 8. Эрдм (сурх...) эд-аһурсан бичә әрвл. 9. Эрдм (сурх...) көгшн уга. 10. Кү (келх...) урд бийән һурв шинжл. 11. Һазад өңгән (ясс...) дотрин харһу әрлх уга. 12. Үнән (келсн...) үкл уга. 13. (Медх...) үг кел, мергнд гөрәс шах. 14. (Көөс...) — күццдг, (келс...) — күцәдг.

61. ИРХ ЦАГИН ПРИЧАСТЬ.

Причасть ирх цагтан -хгидг суффиксэр дамжж бүрднэ. Ирх цагин причасть болад уга, зуг болх, ирх үүлдвр медулнэ.

Ү л г ү р н ь: ир-х, бол-х.

294-гч дамшилн. Бичхлэрн, причастиг олад, суффиксинь темдглтн.

1. Ирх үвлиг колхозникүд мел белнэр тосцхав. 2. Тэрэнэ көдлмш кех цаг эклжэнэ. 3. Гөрэс анх цаг одачн ирэд уга. 4. Хальмгаһар умшх дегтрмүд шинэс һарһна. 5. Балһснас ирх күн колхозин ахлач болхмн гинэ. 6. Көдлмшэн эрт чилэх саната шунцхав.

Я н з н ь: һар-х, көдл-х.

✓ 295-гч дамшилн. Умштн, утхинь келтн. Ирх цагин причасть олтн, ямаран мөч болж йовхинь темдглтн.

ХАВР.

Хавр болх бөөдл эртэс медгдв. Цасн хөөлх бөөдл һарад бөөв. Хүвсхл салькн көдлх дүр теңгрэс һарв. Өмтн хавр ирхиг күлөһэд бөөцхэв. Сурһулин күүкд бас хавр эклх гиж санад, түүнд белдвр кецхэв. Эдн шову тосх болж шийдцхэв. Шовуна гер кех мод цуглулад, хадх хадас белдэд бөөцхэв. Тиигжэтл, генткн шуурһн шуурх бөөдл теңгрэс һарв. Салькн чаңһдх дүр һарад, киитрх өңг һарад, усн көрх, цасн орх, мөстх бөөдл ил болв. Өмтн хэрү үвлин хувцан сергэх зөвтө болв. Ора болхин өмн цасн эклэд орв. Сөөднь цасн орн шуурв. Өрүнднь таг болад көрөд одж.

✓ 296-гч дамшилн. Эн зэңгсэс бөөлһнэ нернэ чинр зүүсн причасть олад, тедниг ямаран киискврт бөөхинь темдглтн.

1. Сурһульч көдлмш кехэр эрлһ орулж өгв. 2. Мини ахиг сурһульд орсиг нанд күн келв. 3. Өмтнэ то авхин төлө кесг миңһн күн орлцв. 4. Өмтн цуһар цуглрхла, хург эклв. 5. Хавр болхас өмн тэрэнэ зер-зевэн ясв. 6. Үвл эклхэс өмн өвсән хураж авцхав. 7. Көдлмшэсн эрт һархла, чамур ирнэв. 8. Көдлмш кехин төлө балһснас олн баһчуд ирцхэв.

Я н з н ь: ор-х-ар — бүрдэгч киисквр.

УХАН ГИСН — КҮҮНЭ КИШГ.

Ухан гисн — күүнэ кишг,
Учрсн эзндэн тер зөөр,
Ухан гисн — жирһлин түшг,
Заясн күүндэн үүдэмжин
булг.

Болв нег ээмшг бөөнэ,
Баатр зөрг бөөдг болвчн,
Терүг эдлхд ухан кергтэ,
Тер уга болхла — зеткртэ.

Зуг ухаг олзлхин төлэ
Зүткмж кергтэ болх учрта,
Уралһ зөрг уга болхла,
Ухаг уралан девшүлхд
жаңһрта.

Зөрг ухан хойриг күн
Зүүцүлж оньдин олзлх
кергтэ,
Эс тиигж чаддмн болхла,
Эргүд тохрхнь — эрг деер.

(Доржин Б.)

✓ 297-гч дамшлһн. Эн зэңгс бичхлэрн, хавсрлтд бөөх үүлдэгчиг зэңгин утхла ниицүлж, кергтэ суффикс немж, причасть кетн. Кергтэ киисквртнь тэвтн.

1. Хавр (ир...) медэд, күмстн цуһар байрлна. 2. Хур (ор...) өмн тооста салькн көдлв. 3. Батаг балһснас (ир...) мана баһчуд цуглрад, нэр кев. 4. Көдлмшән (ке...) баһчуд басл зүткж көдлцхэв. 5. Хальмг дегтр (һар...) күләһэд, бидн (байрл...) биләвидн. 6. Цасн (ун...) өмн өвсән зөөж авх кергтэ. 7. Тадниг лекц (умш...) медэд, би (соңс...) ирүв. 8. Урһциг (ясрулх...) һазрт асрмж өгв. 9. (Келс...) күцәсн — һольшгин темдг.

62. ПРИЧАСТИН ХҮВРЛҮНЭ ТУСКАР.

Причасть бөөлһнэ нернэ чинр зүүсн цагтан бий болн эврэ киисклһнд чигн тэвгднэ.

Ү л г ү р н ь: Ирсм сән болв. Келснтн тааста болад бөөв.

Эн хойр зэңгд ирсм, келснтн гидг причастьс нерлгч мөч болж йовна. Хоюрн -м, -тн гидг орч нернэ бийлгч хув авч.

298-гч дамшилһн. Зэңгсэс причасть олад, теднэн ямаран киискврт, киисклһнд бээхинь цээлһтн. Зэңгин ямаран мөч болжахинь темдглтн.

1. Бийдэн авсн даалһвриг сээнэр күцэснь мөрэлгдв. 2. Сурһуль берк сээнэр чилэснь үнтэ мөрэ авцхав. 3. Холыг өөрдүлдгнь — машин, хурдар күүндүлдгнь — телефон. 4. Сурһулян сээнэр сурдгнь шүүврэн эрт өгв. 5. Эндр һарч йовсн цаглаһан балһснд ирцхэв. 6. Экнь көвүһән сән менд ирснднь икэр ханв. 7. Намаг гертән ирхдм йир олн күн цуглрла. 8. Маниг цергт мордхдмдн цуг селән һарһж йовулла. 9. Цергэс ирхлэмдн, бас байрлж тосцхав. 10. Чини селвг өгч келсндчн би икэр ханжанав. 11. Намаг йовхасм өмн эдн цуһар белн болчкж. 12. Артистһр селэнд ирж, наад һарһснднь олн-эмтн байрлж, ханлт өргв.

299-гч дамшилһн. Бичтн. Эврэ киисклһнд бээх причастиг олад, эврэ хуви́г татасар салһтн.

1. Бата умшсндан шүлтж зүткв. 2. Көдлмшчһр директорин даалһвриг цаглань күцэсндән икэр байрлцхав. 3. Малан сээнэр хэлэсн хөөчһриг магтцхав. 4. Өгсән авдг, тэрсән хаддг. 5. Дархнч көдлмшән дууссндан бийнь бийдән ханв. 6. Ах сурһуль чилэхдән эн баахн көвүн билэ. 7. Зөвтэ үгд зүркн хандгиг мед, күүнэ келнд күд чолун хамхрдгиг бас мед. 8. Чидлән агсад, көдлмшчһр керг кехлэрн, маш диилвртәһәр күцәцхэв. 9. Көдлмшән диилвртәһәр чилэхлэрн, улм сээнэр көдлх болж амн үгән өгцхэв. 10. Кесн-күцэсәрн Лиж колхоз-дан тоомсрта күн болв. 11. Хаврин тэрэнд сээнэр көдлхдән колхозникүд цуһар белн болчкв. 12. Сарң чаңһар дуудж умшхасн өмн, дотран умшад ухалв.

Я н з н ь: умш-сн-д-ан.

300-гч дамшилһн. Бичхлэрн, дассн келлһнэ хүвс темдглтн.

1. Николай бичсэн умшч өгв. 2. Көвүд көдлмшин зураһан цаглань күцәдг болв. 3. Артистһр ирхд мана клубт нәр болв. 4. Хоцрсндан шулуһар нөкд болцхав. 5. Олн баһчүд сурһуль сурхар балһс оржана. 6. Малан сээнэр хэлэсн хөөчһрт совхоз үнтэ мөрэ өгв. 7. Селэнд көдлх эмч ирснд көдлмшчһр,

колхозникүд икэр байрлцхав. 8. Орсн боран гиидг, ирсн гиич хэрдг. 9. Эвин сээг хадһлгч, эвцл тогтаһар гүжргч, эн жирһл делдгч энкр Төрскидэн ханнав. 10. Көк утаһан бүргүлсн бөк трактор күгдлнэ. 11. Кезэңк аавнр бүүрлсн көгшн буурл тег. 12. Өөдлэд өңгэн сарулдхсн өрүни төвшүн сээхн. (Д. Б.)

301-гч дамшилһн. Эн зэңгсэс причастьсиг бичж автн. Цагинь, киисквринь, киисклһинь амн үгэр цөөлһж өгтн.

1. Нимгр балһснд одхдан баахн көвүн билэ. 2. Студентнриг ирхд Элстин паркд ик нэр болла. 3. Эндр Москвад ик хург эклхиг радио манд зэңглв. 4. Санж цергт мордхиг эндр нанд үүрнь келв. 5. Клубт баһчудын нэр болснд, балһснас ирсн Борис мольжж биилв. 6. Дегтрэс ю умшсан би, үүрмүдтэн цөөлһж келдүв. 7. Көдлмшэн шулуһар кеснь эрт герүрн хэрцхэв. 8. Малдан оньган өгч хэлэснь үвлэс малан менд авч һарцхав. 9. Бичсндэн ицдг, келсндэн эзн болдг.

Я н з н ь: од-х-дан — ирх цагин, өггч киискврин, эврэ киисклһнэ причасть.

302-гч дамшилһн. Эн зэңгсэс причастн эргцс олад, теднэн темдглтн. Харар барлата үгмүдин чинр цөөлһтн.

1. Намрин **бетк** хазжасн,
Нооснь **нимтр** хөд
Дулан хашад шахлдсн,
Давс долаж хужрсна.

(Тачин А.)

2. Муурхан медлго көдлсн
Мөчн жил чинртө,
Хөөткэн **байжахар** ирсн
Хоогч така седвэртө.

(Тачин А.)

3. Хөн сарин хур хаһлгдсн һазрт уугдна. (Т. А.) 4. Урдк кевтэн төрлцгсн иньгүдм урмдта тосхлтын ул делдв. (Д. Б.)

НҮДЭН САГЛ.

Умшсн цагтан дегтриг нүднэсн 30 сантиметр заагта бэрж умш. Герл зүн таласчнь тусдгар суужах кергтэ. Кемр өдрин герл баһ болсн цагт, электрошам шата.

Дегд цээсн герл нүднд му болна, шам деер бүркэ бээх зөвтэ. Стол һатц сууһад көдлсн цагтчнь, электрошам бас зүн таласчнь бээх зөвтэ. Герлиг зуг умшчах дегтр деер, бичжэх девтр деер тусхажахмн. Ордан кевтж, дегтр бичэ умш.

Эн зокалмуд күцэ. Нүдэн сагл.

ДЕЕПРИЧАСТЬ.

63. ДЕЕПРИЧАСТИН ТУСК МЕДВР.

Үүлдэгчин сүүрэс суффиксмүдэр дамжж бүрдэд, үүлдэгчин үүлдврт немр үүлдвр нерэджэх үгмүдиг деепричасть гиж нерэддмн.

Деепричасть я һ ж?, я һ а д?, я һ н?, я һ т л?, я а х л а? гидт сурврмудт хэрү өгнө.

Ү л г ү р н ь:

Сурһульч дегтрэн умшгч чилэв.

Ирсн күн сун босв.

Көвүн герт орад һарв.

Таниг пртл, би кергән күцэвүв.

303-гч дамшлһн. Эн зэңгс бичэд, деепричастьмуд олж, амн үгэр цөөлһтн.

Гертән ирэд, хотан уучкад, Зурһан һаза һарад зогсв. Һал шатаһад, бел кечкэд, хойр көвүн нег хурһ шүүрэд бөрв. Атхад авсн һарт орсн цаһан хурһн чидлэрн алдрхар седэд күгдлнэ. Цаһан хурһн алдрж чадсн уга. Хурһан бэрж авсиг үзсн көгшн көк хөн үргэд, һарсн хөд дахад, гүүһэд тедүкнд һарад, хэрү эргэд, зогсад, хойр-һурв мөөлчкэд, дөкэд ижлән дахад, цааран һарч одв.

ХАВР.

Харада шовуд нислдэд,
 Хаврин зэңг зөөлднэ.
 Халулад нарн налаһад,
 Хамг эмт сергэнэ.
 Хатурсн цасн хээлэд,
 Хаалһ, цувгар урсна.
 Хотхр болһ темцэд,
 Халһрад усн мелмэнэ.
 Налаһад һазр суняна,
 Нигт ноһаһан урһана,
 Нилх туһлмуд, хурһд
 Нарна герлд ээврлнэ.
 Шууглдад шовуд нислднэ,
 Шарлжд, кизэр зөөлднэ.
 Сарсхр модна ацмудар
 Савиһэд үүрэн яслдна.

(Эрнжэнэ К.)

64. ДЕЕПРИЧАСТИН ЯНЗ.

Хальмг келнд деепричасть чинрэрн олн зүсн эңгд хувагдна: ниилүлгч, хувагч, түргн, тулгч, бооцгч. Эдн цуһар тус-тустан суффиксмүдтэ.

Сөөдгөнһт.

65. НИИЛҮЛГЧ ДЕЕПРИЧАСТЬ.

Ниилүлгч деепричасть үүлдэгчин үүлдвриг цөөлһнэ. Ниилүлгч деепричасть -ж (-ч) гидг суффиксэр дамжж бүрднэ.

Ү л г ү р н ь: Цэ уу-ж бөөлэ. Гертэс һар-ч ирв.

304-гч дамшлһн. Эн зэңгсэс ниилүлгч деепричасть олад, салһж бичхлэрн, суффиксмүдинь темдглтн.

1. Өмнөсм һарч ирэд, һарим атхад мендлв. 2. Босч хувцлад, махмудан чаңһаж, физзарядк кецхэв. 3. Ирж бууһад, мөрэн

герин бүсэс уйв. 4. Уулас бууж йовад, дорагшан орж хурдлулв. 5. Бичкнь өсч босад, сурһуль шунж сурад, тоомсрта кедлэч болв. 6. Тесч чадад, Булһн өмөрэн хэлэхэд һарч йовв. 7. Мана колхоз балһснас шин маши хулдж авч ирв. 8. Сурһулян сөөнөр сурч, медрлэн өөдлүлцхэв.

Я н з н ь: һар-ч.

305-гч дамшлһн. Умштн. Деепричастиг ниицжэх үгмүдтәһинь салһж бичтн.

ХУДЛЧ КӨВҮН.

Кеер хө хэрүлж йовсн көвүн, чон үзжэх күн болад:

— Чон! Чон! Нөкд болтн!— гиж хээкрв.

Тер дарунь гүүж ирсн залус көвүг худлахар хээкрсинь медв. Иигэд эн көвүн хойр, һурв дэкж худл келснэ хөөн, генткн йосндан чон ирв.

— Наартн, наартн, шулуһар, чон!— гиж көвүн хээкрж, өмт дуудв. Эн көвүн саак худлахар хээкржэдг болх гиж санад, залус ирсн уга.

Саглж ээх юмн угаһинь медсн чон хөөдиг кевтнь кудв. (Л. Толстой)

306-гч дамшлһн. Эн зэцгс бичтн. Хавсрлтд бээх үүлдэгчиг ниилүлгч деепричастьмудт хуврултн. Суффиксмүдинь чикэр бичтн.

Мана селэнд самолёт (нис...) ирв. Кесг эмтн тер самолётыг (һар...) өврцхэв. Кесгнь терүнүр (гү...) одцхав. Өмнэснь хойр лётчик (һар...) ирцхэв. Тер лётчикүд ирсн эмтнлэ һаран (өг...) мендлцхэв. Теднэ колхозин тэрэнд хорхан хор (цац...) йовсн лётчикүд бээж. Тиигж лётчикүд селэнэ эдл-ахуд дөнгөн (күрг...) бөөнэ. Колхозникүд теднд ханлт (өрг...), үг келцхэв.

66. ХУВАГЧ ДЕЕПРИЧАСТЬ.

Хувагч деепричасть үүлдэгчин һол үүлдврит цөөлһж, түүнэ өмн болсн үүлдвр медүлнэ.

Хувагч деепричасть -ад (-эд) гидг суффиксэр дамжжк бүрднэ.

Ү л г ү р ь: Санж докладан бичэд дуусв. Хоңһр малд одад ирв.

307-гч дамшилһн. Зэңгсиг бичжэ автн, хувагч деепричасть олад, түүнэ суффиксмүдинь темдглтн.

БАҢАСН ЭНКРЛСН КЕРГ.

Хавр болад, ноһан һарад, орчлң сээхрж одсн кем билэ. Мини эцк Андрей Григорьевич колхозин шовуна фермд көдлдг билэ. Школасн ирчкэд, сул цаг учрхла, би эцкүрн одад, көдлмштнь дөң болхдан дурта болдг билэв. Үснэ ээдмг, эсклэ чанчксн өндг үүлэд хайчкад, хурһарн һазр цокад дуудхла, такан өкэр бичкн һуужмулмуд шууглдж ирэд идхлән, нанд ик байр болдмн. Такаст үүлчксн буудя, люцернэ һуйр, минеральн хот, заһсна тос өгдг болувидн. ("Хальмг үнн" газетэс)

308-гч дамшилһн. Эн текст умшад, тодлж автн. Хувагч деепричасть олж келтн.

Класст болн бээх өрэдән цевр аһар орулад бээхлэ, эврәнчн эрүл-мендд туста болна.

Кемржән цевр аһар баһар орулгддг өрэд өдр болһн бээһэд бээхлэ, эрүл-менддчнь, көдлж чадх арһдчнь му үлмөһән хальдахмн. Дарунь муурад, толһачнь өвдхмн болжана. Тер төлэд цевр аһар икэр орулж бээхмн. Зуна цагт терзән секөтэ бөөлһ. Үвлднь болхла, ядхдан өдрт һурв дэкж: өрүн унтад серснәннь хөөн, өдрт кичэлән кехиннь өмн, асхн унтхиннь өмн терзиннь форточк секэд, аһар орулх кергтэ. Класстан кичэл болһна хөөн бас цевр аһар орултн.

67. ТҮРГН ДЕЕПРИЧАСТЬ.

Түргн деепричасть үүлдэгчин һол үүлдврлэ хамт күцж йовх үүлдвр медүлнэ. Түргн деепричасть -н гидг суффиксэр дамжж бүрднэ.

Ү л г ү р н ь: Багш һаран дайли келв.

309-гч дамшилһн. Эн зэңгсиг умшхларн, түргн деепричасть олад, түүнэ үүлдврнь яһж күцж йовхинь келтн.

1. Докладчик һарарн зан келв. 2. Көдлмш чилән, клубур одцхав. 3. Герт орж ирн, өөдән һарад сууцхав. 4. Бичгән бичн,

конвертд тэвн, һарад йовув. 5. Хошт ирн, Булһн һалд өөрдэд суув. 6. Герт орн, суулһан тэвн, бер икэр адһж һарв. 7. Нарн зөвэр өөдән һарч. Колхоз өвснә кәдлмш төгсән, тәрәнә кәдлмшән эклв. Тәрәнә кәдлмшән төгсән, намрт белдх зөвтә болв. Намр шулуһар ирн, дарунь үсәрсн хурарн һазриг услв. Намрин идг сала-судлар һарв.

иреддэгч

68. ТУЛГЧ ДЕЕПРИЧАСТЬ.

Тулгч деепричасть үүлдэгчин һол үүлдвр күцж одсн цагт болжах үүлдвр медулнә. Тулгч деепричасть -тл гидг суффиксәр дамжж бүрднә.

Ү л г ү р н ь: Багшиг суртл, сурһульч белн болв.

310-гч дамшлһн. Бичтн. Тулгч деепричасть олад, суффиксинь темдглтн.

1. Аавин сурһсн сурһуль әмн һартл мартгдхш. 2. Далад дуссн дусал дала ширгтл ширгдго. 3. Күн бууляд уга бәәтл, бийән бичә бууль. 4. Баатр нег үктл, әәмтхә миңһ үкдг. 5. Әмгн кәндртл, әмәл тохтл. 6. Ха! Ха!— гиһәд бәәтл, хар үкр хашаһан хамхлад һарч одж. (Бу хах.)

311-гч дамшлһн. Зәңгс умшхларн, тулгч деепричасть ямаран үүлдэгчәс бүрдсинь амн үгәр цәәлһж өгтн.

1. Маниг герт ортл, тедн күцәд күрч ирцхәв. 2. Багшиг класст ортл, сурһульчнр босад, белн болчкв. 3. Сурһульчнриг суртл, багш теднә сурхиг медж, хәрү өгв. 4. Үвл болтл, колхоз хаша-хаалһан ясад авчкв. 5. Хур ортл, колхозникүд кәдлмшән кеһәд дуусчкв. 6. Йова-йовтл, ора болад, сө болв. 7. Күүндә бәәтл, өр цәәһәд бәәв. 8. Шуурһн шуура бәәтл, хөөч хөөһән бүрн авч ирв. 9. Буслж бәәсн цәәг һарһтл, кевүн хәрү гүүһәд орж ирв. (М. Н.) 10. Мадниг гертән иртл, хур үлм икдв. 11. Сананыг школд ортл, Бадм институтан чиләв.

69. БООЦГЧ ДЕЕПРИЧАСТЬ.

услов.

Бооцгч деепричасть һол үүлдврин бооцгч, угтгч учр медулнә. Бооцгч деепричасть -хла (-хлә), -вас (-вәс) гидг суффиксмүдәр дамжж тогтна.

Ү л г ү р н ь: Чамаг йовхла, тедн бас йовх. Тедн келвәс, Санж келх.

312-гч дамшлһн. Эн зэңгсэс бооцгч деепричасть олтн.

1. Намр болхла, эмтн хаша-хаалһан ясна. 2. Үвл ирхлэ, цасн орна, киитн болна. 3. Көдлмш кехлэ, махмуд чаһрна. 4. Бадмиг ирхлэ, би хамдан балһс орнав. 5. Колхоз зураһан цаглань күцэхлэ, колхозникүдин ору ик болна. 6. Хө сөөнэр хэлэхлэ, нооснь ик болна. 7. Хур икэр орхла, тэрэн икэр урһна. 8. Үвлд сөөнэр белдхлэ, зудас колхоз ээхш. 9. Биилвэс, цуһар өскөһэн цокж бииллднэ. 10. Харһвас, цуһар дундын сурһульта болж һарна. 11. Көдлмш кевэс, цуһараннь һар эвтэн тусад бөөнэ. 12. Сурһуль сурвас, гүүнднь күрч сурхмн. 13. Эрдмиг медвэс, сөөнэр медхмн. 14. Кергиг күцэвэс, сөөнэр кех кергтэ. 15. Керг эклвэс, күцэл уга зогсхмн биш.

313-гч дамшлһн. Умшхларн, амн үгэр деепричастьмудыг эңгэрнь йилһтн.

1. Мана орн-нутг өсэд, өргжэд йовна. 2. Өнр теегиг зүслж, өндр сар мандлна. (С.-Б. Х.) 3. Олн жилд сурһуль сурад, сән инженер болж һарла. 4. Маниг иртл, тедн цуһар хурад, күлэж бөөж. 5. Сурһульчнр багшан орад ирхлэ, дард гиж босад мендлв. 6. Цуһар орж ирн, кергиннь тускар келж өгцхэв. 7. Өдгө цагин баһчуд сурһуль сөөнэр сурч, туста улс болж һархар бөөнэ. 8. Мууг кедү дардг болвчн, һарч ирл уга бөөш уга.

314-гч дамшлһн. Зэңгсэс деепричастьмудыг олж, яһж тогтсинь цөөлһтн.

Амрлһнд һарн, ах лейтенант Пропенко цөргө ахлачнртаһан зөвчлж оркад, һурвн-дөрвн өдрэр шурд гиһэд машиһэр йовад, ирх болж күүндв.

Үвлин цаг болвчн, һаза йир дулан билэ. Сүл өдрмүдт дуларад, цасн уга болж одв. Нарна ээврт бидн дуладад суулавидн. Мана герин өөрөһүр бүркөтэ машин гүүлгэд давв. Машин селэнэ тал дунд одж зогсв. Машинэс цөргө хувцта хойр күн бун, сельсоветүр орв. Удсн уга машин хэрү эргэд, тустан

мана тал хэлэхэд гүүлгэд аашна. Машинэс аав баав хойр, дэхэд дээнэ цергин хувцта хойр күн бууж ирцхэв. Эднэ негнь Пропенко Катян эцкнь бээж.

* * *

Бичкн Катян тууж дээнэ келлэ эклсн болдг. Катя дэн эклхин өмн эк-эцктэһэн Мелитополь балһснд бээж. Дэн эклсн өдр эцкнь цергт мордж одна. 1942 жил немшнр балһснд орж ирхлэ, көвүн күүкн хойран дахулад, экнь зулад һарч. Эднэ эшелон зууран бомбла харһж. Тер саамд эк дү хойран Катя геев. Эн альд күрч буухан сээнэр медлго, кесг хонгтан йова йовж, Кизляр деерэс һарсн поездт сууһад һарна. Өмтн буулдад бээхлэ, тедниг дураһад, эн буув. Зүг чинэнь тату күүкн хэрү вагондан күртл, поезд кендрэд һарч одна. Катя үлднэ. Тендэснь энүг мана баав дахулад, герүрн авч ирдгнь эн. (Куукан А.)

315-гч дамшлһн. Деепричасть болһниг олад, чиврэрнь йилһтн.

ЦАҺАН САР.

Утар татсн үвл урһьдж хаврур завдв. Цааһаснь живрэн делн, Цаһан Сар заңһв. Нүкнэсн зурмн бултав, ценж ишкрэд зэңглв. Цасн моктрад чиигтэrv, Цаһан Сар урһчкв: "Тер бийнь зэңглэд, таанртан мендэн келжэнэв". Хамг өмтн зудас гетлэд, хаврин нарна толянд ээврлнэ. Цаһана хотан эдлэд, цугтан байрта-бахмжта нээрлнэ:

— Менд! Мендвт! Менд һарвт?

— Һарв, менд!

Һаран өглднэ. (Тачин А.)

* * *

Өскәһэрн эргэд од,
Өсрн чичрэд, тавшад од,
Зуузаһарн цокад од,
Зулсн болад тошад од!

70. НАРЕЧИН ТУСК МЕДВР.

Үүлдэгчиг боли чинрлгч нериг цээлхх деер, оли зүсн уршг темдглгч үгмүдиг нареч гиж нерэддмн.

Ү л г ү р н ь: 1. *Көдлмш хурдар кетн.* (Хурдар гисн үг үүлдвр келһнэ эв-арһ медүлх деер, *яһж?* гидг сурврт хэрү өгчэнэ.)

2. *Совхоzin мал кеер йовна.* (Кеер — орм заах деер, *хама?* эс гиж *альд?* гидг сурврт хэрү өгчэнэ.)

3. *Би өцклдүр балһснас ирлэв.* (Өцклдүр — цаг медүлж, *кезэ?* гидг сурврт хэрү өгчэнэ.)

4. *Йир сэн машин.* (Йир гисн үг чинрлгч нернэ нилчиг икдүлх деер, *сэн* гисн үгтэһэн хоюрн *ямаран?* гидг сурврт хэрү өгчэнэ.)

Наречс хуврдго келһнэ хув болдмн.

316-гч дамшлһн. Умшад, харар барлата үгмүдиг шинжлтн, ямаран сурврт хэрү өгчөхинь келтн.

1. Нарн **хурдар** суув. 2. Мана көвүн сурһулян **сээнэр** сурад ирж йовна. 3. **Деер** самолёт нисч йовна. 4. Баһчудын хург **манһдур** болхмн. 5. Таня Галя хойр **йир** байрлж йовна. 6. Көдлмшэн **уданар** кесн күн му. 7. Көвүд-күүкд **һаза** наадж бөөнэ. 8. Мал **өөрхн** идшлж йовна. 9. Кесг күн **гентки** дард босад одв. 10. Хаврин усн **делгүдэн** орж йовна. 11. Баһчуд кезэд болвчн **үрглждэн** менд болтха! 12. Бидн балһснас **шинкн** ирүвидн.

317-гч дамшлһн. Умшад, харар барлата үгмүдт сурвр төвтн. Зэңгин ямаран мөч болж йовхинь йилһтн.

1. Сурһульч **чаһар**, айслулж шүлг умшв. 2. Шофёр машиһэн **арһул** йовулв. 3. **Манһдур** мана классин сурһульчнр экскурьст одхмн. 4. Мадн **деер** реактивн самолёт нисч йовхинь үзүвидн. 5. Дулан хаврин нарна толянд хээлсн цасна усн **делгүдэн** орв. 6. Мини дү эн жил **шинкн** эклж школд орв. 7. **Өцклдүр** бөкин ноолдлһнд мана школын сурһульчнр бас орлцв. 8. Баран **холд**

үзгдв. 9. Мана Төрсн кезэд болвчн үрглждән менд болтха!
 10. Төгрәш күүкнә экнь терзән өрүһәр секв. 11. Котуш хошт
 көркхн хурһд шинкн үзв. "Иим бичкдүд бас үсән атхрулдв?" —
 гив.

71. НАРЕЧИН ЧИНРИН ЙИЛҮЛТ.

Наречс чинрәри ним кевәр йилһгднә:

1. Үүлдврин орм заагч.

Олн күн *һаза* шуугад бәәв. Санж зуур бууһад үлдж.
 Кесг мал кеерәс орж аашна.

2. Үүлдврин цаг заагч.

Өрүн һарсн болхла, кезәнә ирх болв. Студентһр маңһдур
 шүүврән өгх зөвтә. Асхн һарад, эрт ирх гинә.

3. Үүлдврин уршг заагч.

Бадм докладан арһул эклж келв. Санж докладар бас
 босч келв. Машин хамхрад, әрә йовж ирж.

4. То заагч.

Нег дәкж нежәдәр, тав дәкж тавадар. Сурһульчнр
 дөрвәдәр зерглж йовв.

5. Дүңдүлгч нареч.

Маш сән йовдл. Берк сәәнәр меднә.

НАРЕЧИН ЙИЛҮЛТИН ТАБЛИЦ.

Наречин йилһлт	Наречд тәвдг сурврмуд	Үлгүрнә
1. Уршг нареч	яһж? ямаран кевәр?	Сәәнәр, әрә-әрә, әрәхнәр, хурдар, лавта, мел, бас, йовһар, шинәр, дегд, хая- хая, бүрн, арһул.
2. Цаг заагч нареч	кезә?	Ода, өцклдүр, маңһдур, нөкәдүр, асхн — асхар, тиигхд, кезәчн, эрт — эртәр, эндр, ора, хөөн — хөөннә, дару, оньдин, тиигәд, өрүһәр, нег дәкж, удл уга.

1	2	3
3. Орм заагч нареч	альд?, альдаран? хама?, хамаран?	Энд, тенд, өөрхн, өөрхнэр, альд, хама, зуур, һаза, кеер, дотр, деер, үрү, бийд, дор, хоорнд, өөр, шидр.
4. Дүндүлгч нареч	ямр?	Маш, туң, берк, йир.
5. То, кемжә заагч нареч	кедү?, кедү дэкж? кедүдәр?	Нег дэкж, негдвәр, тава- дар, кесг, арһул, чаңһар.

318-гч дамшлһн. Деер өгсн таблицәр һардвр кеһэд, наречиг олтн, сурвр тэвтн.

1. Нег дэкж эдн кеер харһж. 2. Нег хотн энд бөөнө. 3. "Сөөдән хамдан йовий", — гиж чон келв. 4. Өрлө өвгиг дуг гиһэд унтлһнлань, залу босад, эврәннь һосиг өвгнө һосна ормд тэвнө. 5. Тиигэд көвүг йова-йовтлһнь, усна көвәдк урһа зандн уласна ора өөд нег хорта хо һалзн моһа өөдән давшч йовдг болна. 6. Савелич беш деер һарчана, герин эзн дор һазрт кевтв. 7. Оренбургт ирн бийәрн, би шуд генералур одув. (А. П.) 8. Маңһдуртнь би генералла мендлж авад, илгәгдјәх һазр талан көндрәд һарув. (А. П.) 9. Жанна дәкн-дәкн чаңһар үүдинь цокв. 10. Зурһан хөөһән хәрү сөргәд, салык үрүдүләд, Дортын хар толһаһар дамжулад, деегшән һарһад идүлв. (Б. Б.)

319-гч дамшлһн. Зәңгсәс наречс олад, чинрәрнь йилһтн.

1. Дорт деер һарад, энд-тендән юм харвн гиж дасад бөөсн Зурһан уралан чаңһ йовад, толһан ора деер бөөсн шовһр деер һарад, Дортын ар бийд бөөсн хотан нег хэләһэд, дорд бийд бөөсн худг нег хэләв. 2. Зурһанла хамдан гер дотр кесг улс цә ууж сууцхана. 3. Шус-шус гиһэд йовж йовсн Булһн хәәкрчкәд, тустан өмәрән ки хэләһэд, һарарн чирәһән халхлад зогсв. 4. Киисәд, зөвәрт кевтчкәд, деерән, хажудан хэләхләнь, юмн уга. 5. Булһн теңгрт гилвкцхәсн сәәхн одд хэләһэд, хажудан

бас нег зах юмн угад амрад, эн маш сээхн сөөһин зүсн-зүүл юмсуд хэлэхэд, сөөһин сээхн номһн салькнд таалгдад унтв. 6. Зөвэр өөдөн һарч одсн нари мандлад бөөнө. 7. Басцгин күслнь: зөрсн һазртан эрт күрх, эгч Булһнан эрт үзх. 8. Төгэлнд тег уняртчкад, тешкэхэд сунад кевтнө. (Басцга Б.)

72. НАРЕЧИН БҮРДЭМЖ.

Хальмг келнд наречс талдан келлһнө хувсэс болн наречэс суффиксмүдэр дамжж бүрднө.

1. **-гшан (-гшән), -ран (-рән)** гидг суффиксмүдэр наречс тогтна.

Ү л г ү р н ь: *деер — деерэгшән, ард — ардагшан, һаза — һазаран, ца — цааран.*

2. **-аһа (-әһә)** гидг суффиксэр бөөлһнө нернэс тогтна.

Ү л г ү р н ь: *намр — намраһа, үвл — үвләһә.*

3. **Төргч, өггч, бүрдэгч, һаргч киисквзмүдин чилгчс нареч бүрдэгч суффиксмүдин чинр зүүнө.**

Ү л г ү р н ь: *сө — сөөнө, намр — намра, өрүн — өрүнө; сө — сөөһөр, намр — намрар, өрүн — өрүһөр, му — мууһар, түргн — түргэр, мини — минихөр, тадн — таднаһар, нежөд — нежөдөр, тавад — тавадар; сө — сөөд, йосн — йоснднь, эн — энд, тер — тенд, зөрм — зөрмдән; күчн — күчнэс, хажу — хажуһас, ард — ардас, хол — холас.*

320-гч дамшлһн. Бөөлһнө нернэс, орч нернэс, чинрлгч нернэс тогтсн наречс олтн. Яһж тогтсинь амн үгэр келж өгтн.

1. Медэтә орс гергн мендим сурад, генткн орсаһар биш, хальмгаһар нанас үг сурв. 2. Айсар үүдсн үг, адһмар гүүж дөг! 3. Ик тенд чичрэд, жирлһн жирлһнэсн зулна. 4. Үвлэр, январь сард, сурһульчнр амрлһнд һарна. 5. Хаврар хальмгин өргн тег сонһн сээхн көк ноһаһар болн бамб цецгүдэр бүркгднө. 6. Зунар тәрәнә урһц эклэд хурагдхла, механизатормуд түргэр көдлнө. 7. Сөөнәр көдлдг әмтнә сансн күцлнь күцтхә! 8. Хаана цагт хальмгудын харчуд мууһар бөөлө. 9. Энд бүүрлсн Батанхн элвг бүләрн байрта.

321-гч дамшилһн. Эн зэңгс умшад, наречс олж автн.

цагым

1. Өмн, хаалһин хойр ам көөһэд, ик холд үзгдэд, тег налаһад, сээхн делгэтэ кевтнэ. 2. Зунаһа һаңгин учрар теегин өвсн хумхарсн, эндэн шар билэ. 3. Зуг хая-хая сала-сартгар көк буурлда үзгднэ, цаһан өвсн цээж нээхлнэ. 4. Ода өвөрц: теегс хаврин бээдл һарад бээж. 5. Хурин хөөн сэн һарта өдрмүд бээсн учрар, көк ноһан һазрин көрс бүркж, зөвөр өөдөн һарад оч. Тег эндэн көкрэд чееж байрлулна. (Н. М.) 6. Өцклдүр негнь мордхла, эндр дарукнь мордла. Диилвр кеж дурдхла, диинрж өшөтн хордла. (С.-Б. Х.)

322-гч дамшилһн. Эн зэңгсиг умшад, наречс салһж бичтн. Морфологическ цуцлт кетн.

1. Мана һазр сүртэ, маш амулң нертэ. 2. Булгта теегтм бурһус босна, өөр, холаһар зөөр хээнэ. 3. Кеер бурһуч дуулж бээнэ: "Теегм, теегм — эңкр ээжм!" 4. Дуунла хамдан төрлөв, дууһан амлад өрлөв... 5. Теегин цецг өңгтэд, тенд шавшад һаңхла. 6. Доһлң көглжрһн энд, доран гент үзнэ. 7. Кесг тоолврт согтад, кеер зогсч тотхад, хальмг мөрн церглэ харһх тер болна. 8. Өрчдэн дээч ордентэ өмнм маңхаж суула. 9. Хальмг полкд мордад, хамдан залу церглнэ. 10. Арднь ода ирж, ашлхин селгэн ирж. 11. Генткн Амха бун, герт орж ирв, шуһуд бултсн Байниг шуд үзн менрнэ. (Сян-Белгин Х.)

323-гч дамшилһн. Умштн. Наречиг чинрэрнь йилһтн, харар барлата үгмүдт амн үгэр антонимс олтн.

Өмн үзгдсн хош тал зоотехник заав. Удл уга мана машин хош тал ирэд, өмн бийднь бээсн цаһан гериг зөв эргэд, үүднднь ирж зогсв. Һаза хойр-һурвн эмэлтэ мөрд уята. Герт орж ирхлэ, кесг олн улс тенд сууж. Деед бийд герин эзн залу сууна. Нааранднь бас залус, күүкд улс сууна. (Н. М.) Тер асхн бидн кесгтэн сууввидн. Сөөнь өрэллэ белн болх болж күүндүвидн. Ик холас ирлэвидн. Генткн мини өөр ирж төвин сумн хаһрв. Көл-һарм күүнэ болж одв. (Н. М.)

324-гч дамшилһн. Эн зэңгсэс наречс олж автн. Яһж тогтсинь амн үгэр келж өгтн, ямаран мөч болж йовхинь темдглтн.

I

1. Герүрн гүүхэрн адһн-шидһн орад ирүв. 2. Урднь танд бас

бичг бичлэв. 3. Би Аһш орад, тендәһүр эхүрн одув. 4. Саңһж-Һәрә арһул толһаһан өөдән өргәд, төгәлдән эргүләд хэләчкәд, цаһан цаасиг арһул эргүләд, ард-ардаснь некж хэләв. 5. Приютнас цаарагшан Манц һол бәәнә. 6. Деегшән хэләхнь, хурин хөөн һарсн одд деер гилвклднә. 7. Элстәс өмнәгшән бәәсн ик боодг удлго цеврлгдхмн.

II

Үвл билә. Үвләр күүкд цасар наадна. Эдн муурад, әрә бийән дааж ирнә. Тер бийнь оньдин үвл сән гинә. Хаврар бас сән болж медгднә. Хаврар сурһулин цагнь чиләд, каникул ирнә. Усндан өөмәд, ца-на гих кәдлмш уга. Дор, деер юн нисч йовхинь хэләһәд, өөрән бәәсән сәәнәр темдглж авл уга бәәнә. Болв дегтрәс сән юмн уга. Хавр гисн ямаран сәәнәр үзгдв чигн, дегтр мартгдхш. Хавр болад, зун дарунь ирнә.

325-гч дамшлһн. Текстин һол утхинь келтн. Кедү әңгд таслж болх. Әңг болһнднь нер өгтн. Наречс олж бичәд, ямаран келлһнә хүвсәс тогтсинь келтн.

МАНАЧ.

Энжл зунар хур икәр орсн уга. Намр удл уга эклх болад бәәв. Колхозин садын темсн сәәнәр болчксн билә. Ик һазрт тәрә өргнәр тәрчксн бәәнә. Колхозин садыг Очр өвгн кезәчн асхар манхар ирнә... Өвгнә ач бичкн Лиж оньдин авһан дахж, сад манхар седнә. Нег дәкж Лижиг дегд икәр сурад бәәхләнь, авһнь зөвшәрәд:

- Не, Лиж, эндр намаг дах. Зуг чи сөөһәр унтхар бичә сед.
- Уга, би өр цәәтл чирм гихн угав.
- Не, Лиж, эн бу ав. Колхозин зөөриг сәәнәр хар, төрүц бичә унт... Кемр нөөрчн күрхлә, йовад дуулад бә.

Лиж авһиннь өгсн бу бәрәд, эргәд һарв. Зөвәр удан эргжәһәд, нег мод түшәд суув. Үр көвүдтән маңһдуртан сад яһж мансан келхәр бәәнә. Зөвәр унтад одсн цагт ээмәснь сегсрәд татад оркв: "Һәәвһә гидг манач бәәжч". Лиж деегшән хэләхлә, нарн зөвәр деер һарч одсн бәәж.

326-гч дамшлһн. Эн зәңгсәс наречсиг үүлдәгчстәһинь бичж автн. Харар барлата үгмүдиг тогтацарнь салһтн.

1. Садт дурта улс садыг сәәнәр хэләх кергтә. 2. Садын цецгүд деегүр цаһан эрвәкәс эрвлзәд, олар нислдәд бәәнә.

3. Урһа модн дунд **хурсн** цасн уданар хээлнэ. 4. Хээлсн цасна усн эндэн эдлэр һазрт шингнэ. 5. Хур-чиг баһар ордг һазрмудар урһа мод элэдэр тэрүлжэнэ. 6. Даңгин эн өдрэс маңһдурк өдр сэн болх. 7. Балһснд болсн фестиваль йир сээхн болв. 8. Элстин демонстрацд йовх улс хар-күр болж одв. 9. Үүдиг **эрэхнэр** секж һарад, күүкнд үзгдл уга бултад ирнэ. 10. Эргэд хэлэхлэ, тедн өөрм зогсчасн бээж. 11. Нег дөкж аав келлә.

Я н з н ь: Садт дурта улс садыг сөөнэр хэлэх кергтэ.— Сөөнэр хэлэх кергтэ.

327-гч дамшлһн. Харар барлата наречсиг яһж тогтсинь келж өгтн.

Харада хаврар ирэд, намрар хэрү ниснэ. Харада кеер өндглхш. Гер эргэд бөөнэ. Хорха-өтнэс кесгинь ална. Тадн цуһар **миниһэр** болсн угат: кесг харадан үр таравт. Колхозд һару икэр һарх. Нег үлү мана теегт хулһн, зурмн **икэр, олар** бөөнэ. Тедн хамг өөр бөөхлэ, һару дала өгнэ. Хорха, өтн чонла эдл һару икэр өгнэ. **Танаһар** болхла, һару һарна гидг үг уга. Миниһэр болхла, харада, үкр хар — икл гидг сэн шовуд. Тедниг сөөнэр асртн.

ХӨӨТ ҮГ.

73. ХӨӨТ ҮГИН ТУСК МЕДВР.

Нерн үгин хөөн керглгддг, бийнь туслц чинр уга үгиг хөөт үг гиж нерэднэ.

Хөөт үг зэңгин үгмүдиг хоориднь ниицүлхин төлө бөөнэ, шишлц сурвр уга, нерн үгтэ хамдан нег сурврт хэрү өгнэ.

Герин **өмн** күн йовна.

Альд? — герин **өмн**.

Селәнэ **өөр** мал идшлж йовна.

Альд? — селәнэ **өөр**.

Герин **өөр** машин зогсчана.

Альд? — герин **өөр**.

Хөөт үгтэ бөөлһнэ нерн киискврмүдин кев-янзла ирлцнэ.

Ү л г ү р н ь:

Гер дотр кесг күн сууна.

Герт кесг күн сууна.

Гер тал күн аашна.

Герүр күн аашна.

328-гч дамшлһн. Эн хөөт үгмүдиг нерн үгмүдтә олзлһн.

Өмн, ард, өөр, деер, дотр, дор, төлә, туск, күртл, хоорнд, дунд, тал.

Я н з н ь: альдас? — Москва талас (һаргч киискврт).

329-гч дамшлһн. Эн зэңгс умшад, хөөт үг нерн үгтәһинь салһж бичж автһ.

Өр шинкн цээж йовна. Ик хар толһа деерәс өрүн будн дорагшан бууж бээлә. Толһан өмнк кең деер бээсн хотна баран сәәнәр үзгдхш. Хотна улс унта. Үкрмүд өрүн кевтрәсн босад, бәәрн талан хэләһәд, идж йовсн цаг билә. Хөн өрүн кевлһән кевәд, киитһ жөөлн өвсн деер кевтә кевтлә.

Хотна захд бәәх темәдин зәрмснь кевлһән кевәд, зәрмснь үмсн деер кәлвәдәд кевтцхәнә. (М. Н.) Өндр цаһан толһан ташуд буусн өл маңхн будн тальрв. Өрүн цәәһин хөөн Цаһан хойр суулһ авад, худг орад, уснд одв. Тергн деер йова йовж, хойр күүкн йир сәәнәр таарч күүндв. Дорж Цернә өөр сууһад, хотан эдлв. Бадм Санж хойр нег-негән хәләлдәд, һалын кевәд сууцхав. Герин ца худг бәәнә. Сумн мет түргн, сурһуль мет хурц.

Кемр хөөт үг нерн үглә ншицлго салу сурврта болхла, нареч болдмн.

Ү л г ү р н ь: Деер самолёт нисч йовна. Дор деер уга будн бәәж. Өмн күн йовна. Ардас күн ирв.

Деер, дор, өмн, ардасгисн үгмүд туслц сурврта төлөдән нареч болжана.

Ү л г ү р н ь: Альд самолёт нисч йовна? — Деер.

330-гч дамшлһн. Эн зэңгсәс нареч болн хөөт үг олад, сурвр тәвж, амн үгәр цәәлһж өгтһ.

1. Дер деер күн, делтр дор мөрн. 2. Ижл Тең хоорнд ода өргн болн гүн уста канал, мөңгн бүс мет, гилвкәд кевтнә. 3. Энүгәр ямаран болвчн керм Теңгәс Ижлүр, дәкәд Кәк теңгсүр болн мана Төрскнә хотл балһсн — Москва күртл одна. 4. Эн канал Владимир Ильич Ленинә нер зүүв. 5. Самолётын өөр бәәсн улс намаг үзчкәд, тосад гүүлдв. 6. Тиигәд модн дотр кесг хонад

оркув. 7. Зөвэр холдад һарад одсн өвгдин ардас залу һарад довтлна. 8. Ард йовсн улс күцж ирв. 9. Үнн гидг юмн — кезэдчн өмн. 10. Деер харада цевнэ. 11. Модна ар захар нег кецтэ-янзта гермүд һо уулынц болж бэргдж. 12. Һурвн жил хооран энд хойр-һурвн шавр гер бээсмн. 13. Өмнәсм модна цааһас хар үүлн түгэд, икдэд аашна. 14. Нег аңһуч нохаһан дахулад, усна өөр йовж йовла.

Я н з н ь: (Альд?) делтр дор.

Цуг хөөт үг нурһлж һаргч залгч хойр киискврин чилгчс авна.

Ү л г ү р н ь: дорас, дораһур, дотрас, дотраһур, өөрәс, өөрәһур, хоорндас, хоорндаһур, дундас, дундаһур, өмнәс, өмнәһур, деерәс, деегүр, талас, талаһур.

331-гч дамшлһн. Эн зәңгсәс хөөт үг нерн үгтәһинь хамднь салһад, тедндән сурвр тәвтн.

МАЙ.

Майин нег шин —
Мана иньгллтин өдр,
Һарасн бэрлдэд әмтн
Һазриг эргндән бүслнә.

Өрәсәнм оln-әмтн
Алдр туган делскэд,
Әвин, иньгллтин төлә
Әмән тинилһэд босла.

Орчлң болһар әдниг
Олн дүүнр дахла,
Хөв-кишгиннь төлә
Хар цевән таслла.

Майин сән өдрлә
Моһлцг һазр деер
Иньгллтин дууһан негдүлж,
Итклтә улс зерглнә.

(Шугран В.)

Я н з н ь: иньгллтин төлә — төргч киисквр.

332-гч дамшлһн. Зәңгсәс нареч хөөт үг хойриг йилһтн. Хөөт үгиг нерн үгтәһинь хамднь салһж бичтн.

I

Һал үдлә эн селәнүр ирж йовад, холас энүнүр хәләвв. Холд гүүжәх жирлһн дотр, теңгст усчж йовх кермн мет, яралдсн

гермүд цээнэ. Уульнциннь ут туршарт суулһсн уласн, лир, уdn моддын хамтхасд халуна күчнд салдаж одж. Өгчэх сүүдрнь унц талнь ирж харлна. Нарн тус ора деер, дүн-дүлэ. Асхн бүрүлин гегән тасрсн цагт сунһугин бахнсд өлгөтө шамс селәнэ ут-өргннннь медүлнэ.

II

Колхозин сад дотр дала альмна модн бээнэ. Тер садт альмнас кедмнэ модыг деер гиж санна. Хоорнднь чииһин модн чигн олн. Сад дотр хаалһ деегүр богшурһан һуужмулмуд һэрэджд гүүлднэ. Көгшн богшурһа модна ац деер сууһад, шовуна дээснэс теднэн мансн бээнэ. Ар хаша деегүр элэ ниссн үзгдв. Элэ э угаһар, тагчгар ниснэ. Деер йовсн элэ үзчкэд, көгшэ э өгөд оркна. Дор гүүж йовсн һуужмулмуд ноһан тал орад, бултад одна.

Хөөт үг нерэдгч киисквр хойр.

Деер, дотр, күртл, хоорнд, дунд гидг хөөт үгмүд нерн үгмүдиг хуврулхш болн бийнь чигн хуврхш.

Үлгүрнь: Гер деер шовун сууна. Катг дотр мал бээнэ. Усн дор замг бээдмн. Элст күртл һурвн зун дууна. Модн дотр өвсн урһж.

333-гч дамшилһн. Цегин орчд кергтэ хөөт үг немж бичтн.

1. Уул ... һарсн болад, улан торһар хучсн болад, шарсн мах идсн болад. (Зүүдн.) 2. Теңгр ... телэ велэ хойр ноолдж, тедниг хаһцулхар одсн мана баажа толһадан цуста ирж. (Т.) 3. Ордн ... шора. (Хумсна кир.) 4. Ик гер ... бичкн гер, бичкн гер ... бильчхр шар күүкн. (Носн, өөмсн, көл.) 5. Элстэс Өөдрхн ... һурвн зун дууна. 6. Сарпуль Аһш хойрин ... Элст бээнэ. 7. Гермүд ... өндр модд урһжана.

* * *

ЦАДХЛНДНЬ КИИТН ӨӨМШГ УГА.

Аңгуд болн шовудт цадхлң болхла сән. Сән хот дотрас

дуладхдг, цусн халун болна, судцдар дула көөж тархана. Арсн дорак һадр өөкн дула бас сээнэр бэрнэ. Ноос, өрүлг ивтлв чигн арсн дорак өөкиг киитн ивтлж давхш. Дурндан күрм хотта болхла, үвл ээмшг уга. Хотыг үвлэр альдас авхмби? Ө-шуһу модн дотр чон, арат төгөлж йовна. Модн дотр юмн уга, хоосн. Цуг аңгуд бүлтж одж. Шовуд нисч одцхаж. (В. Бианки)

Хөөт үг төргч киисквр хойр.

Өмн, ард, өөр, төлө, туск гидг хөөт үгмүд нерн үгиг төргч киискврт керглнэ.

Ү л г ү р н ь: Бембин өмн цуһар хурад ирчксн бээж. Уулын ард сүүдр тусдг мөн. Школын өөр сурһулин көвүд хурад нааджана. Көдлмшин төлө кесг күн зүткө. Малың туск болхла, хөөчэс, үкрчэс сур.

Болв өмн гидг хөөт үг һаргч киисквр бас керглнэ.

Ү л г ү р н ь: Харас өмн ирж, чамас өмн ирж.

Хөөт үг зэңгин эркэр бас хуврнэ. Тер цагт нерн үг хуврхш.

Ү л г ү р н ь: Бембин өмнэс хойр күн һарад ирв. Санжин өөрөһүр гөрөсд гүүлдэд йовад одв. Малың тускар Басңгас суртн. Гер деерэс шовун нисч одв.

Зэрм хөөт үг киисквrmүдин чилгчсиг бүклднь гилтэ авна.

Ү л г ү р н ь: герин туск, герин тускд, герин тускин, герин тускар, герин тускла, герин тускас, герин тускур.

334-гч дамшлһн. Хөөт үгин өмн зогсчасн бөөлһнэ нернэ киисквринь йилһж, терүнэ чилгчинь темдглтн.

1. Тиигж йовад, Богзатын бор уул деер һарч ирэд, харул харна. 2. Эркн Бумбин цаһан бээшң дотран шарин зурһан миңһн арвн хойр баатрнь сууһад күүнднэ. 3. Цаста цаһан халвңгиг зүн цох деерән тальвн суудг болна. 4. Хууран авад татхла, хулсн дунд өндглсн хунын дун һарна. 5. Царңгин дорд ээмгин парвля ордг хаалһ билэ. 6. Тергн деернь жола бэрэд суусн өвгөрг күүнэ ард, сән хувцта күүкн суусиг Цаһан үзв. (М. Н.)

335-гч дамшлһн. Эн текст умшчкад, дегтрэн хаачкад, 7—8 зэңг утхарнь тогтаж бичгн.

СҮЛ МӨСН.

Үвлэр колхозникүд һол һатлад йовдг тагт билэ. Болв хавр ирв, һолын мөсн хорхав. Хаалһин нег тасрха тесрэд, усн деер дээвлэд, урсхул көөж усчв. Түрүлэд мөсн һол дундк урсхулар усчж йовла. Һолын амнас мөсн тал бичкн цаһан шовуд нисч ирлдэд, батхн бэрлдв. Һолын усн делврэд, мөсиг альдаран болвчн туув. Уснд авгдсн һазр дорас нег дэкж сохр нумн һарч ирв. Эн мөсн деер һарв. Усчж йовад, нег хагсу довунд мөсн торад зогсхла, сохр нумн довун деер һарад, һазр малтад орж одв. Мөсиг усн цааран көөв. Мөсн модна түңгд торад зогсв. Көрөдчксн модна түңг деер хулһнс, туулан кичг суусн бөөнө. Уснас ээсн аңгуд нег-негнлэрн шахлдад, чичрлдэд сууна. Усн түргэр татрв. Нарн мөсиг хөөлүлв. (В. Бианки)

ХОЛВА.

74. ХОЛВАН ТУСК МЕДВР.

Холвас — церглгч үгмүд. Эдн нег зүсн мөчмүдиг болн зэңгсиг негдүлхин төлө бөөх хуврдго үгмүд. Бийснь зэңгд мөч болхш.

Ү л г ү р н ь: Яман үс болн бул өгнө. Киитн болжана, болв хавр өөрхн. Ах дү хойр буудя эсклэ тутрһ тэрцхэдг. Сээнэр өсөд бостн, зуг буру йовдл бичэ кетн. Кемржән маңһдур эс йовхла, эркн уга ирхвидн.

Хальмг келнд олн холва уга. Чинрәри тедн иим болна.

1. Болн, хойр, һурвн, дөрвн гисн зүүцл холвас болжана. Эдн нег зүсн мөчмүдиг негдүлнө.

2. Эсклэ, эс гиж гисн холвас хойр үүлдврин негнь болхиг медулнө.

3. Кемржән, зүгәр гисн холвас бооцгч чинртө болна.

4. Болв, гивчн — зөрүд чинртө холвас.

336-гч дамшлһн. Эн зэңгсиг умшад, холвас ямаран үгмүд болн ямаран зэңгсиг негдүлж йовхинь келж өгтн.

1. Баазр, Бадм, Коля һурви кәдлмшән цугтаһаснь эрт күцәв. 2. Хотн довун хойрин хоорнд туһлмуд хәрүлсн күүкд хот темцәд гүүлдв. (Б. А.) 3. Кемржән самолётар нисхлә, бидн дарунь күрч одхвидн. 4. Поездәр эс гихлә автобусар ир гиж эгчнь дүүдән сунһуг цокв. 5. Зуг тедүкнд дөрәлдсн модна ацмуд деер богшурһас, торһас жирглднә. (Э. К.) 6. Борис эәлтәһәр таалад, ажрһин күзүг илв, болв тернь дор ормдан усхад, геснәннь арсн, кәлиннь бульчң чичрв. (Б. А.) 7. Дорж арв шаху дууна һазрт тагчг йовв, болв энүнә толһань оln зүсн тоолврар дүүрң.

* * *

Кезәнә арат, чон, туула һурви ах-дүүнр болна. Чон, арат, барс, темән дөрви нәәжнр болна.

Нәәжнр болвчи арат теднән мекләд, һанцарн жирһнә.

337-гч дамшлһн. Умшад, цегмүдин орчд кергтә холвас тәвж бичтн.

1. Нарн һазр ... нуувчин утцар уята. 2. Беләр бәәсн басл амр, ... күнднь улм ачта. 3. Орн-нутгин зура ончта ... герлтә. (Ш. В.) 4. Алдр, Альма, Эрвң ... аашна. 5. Хөв, жирһл ... кишг хәәж хальмг Эрәсәһүр нүүж ирлә. 6. Түрүн ирснь ... тоомсртань — арслң, аю, чон, ирвск өмн захар сууж. 7. Тедн дунд ... оратж ирсн арат туула ... уралан һархар шурһжана. 8. Аш сүүлднь әмтәхн нәр энүг ... диилв. Экнь ... эцкнь зүүднднь орв. Эк эцк ... йир сәәхн. Энүг таалад, наадулад бәәнә. Амрхн өр цәәхин өмн серәд, кәвүдин хуча ясхларн, иим ут кәлтә-һарта ... ухата ач кәвүнәннь хойр халхднь сарин герлд гилвксн чиг үзв. (Б. А.)

Зүүцл холвас.

Зәңгин нег зүсн мөчмүдиг болн давхр зәңгин тегш чинртә амр зәңгсит негдүлсн холвасиг зүүцл холвас гиж нерәддмн.

Зүүцл холвас һурви әңгд хувагдна: ниилүлгч, салһгч болн зөрүд гиж.

Ниилүлгч: болн, хойр, һурви.

Салһгч: әсклә, әс гиж, әс гихлә, аль, бас, чигн — чигн, негт — негт.

Зөрүд: болв, зуг, кемржән.

338-гч дамшлһн. Эн зэңгс бичэд, зүүцл холвас олж темдглтн.

1. Эмнг мөрдиг сурһж ундг эс гиж татдг мөрд кенә гисн — ик күчр, ээмшгтә төр болдг бээж. 2. Оньдин мөрн деер эс гиж хозлг тергн деер йовж, цергин зовлңгиг диилв. 3. Тегэд Хүрмчә Арслң хойр өдрин дараһар малд һарчана. 4. Номһн болн цөн үгтә Арслң, күүнд үлү үздг, һацач болн бийрхдг Хамжл, тиньгр болн цаһан саната Болха һурвн сүл күртл үүрлв. (Б. А.) 5. Негт аң кевтә күрклнә, негт күүкд мет шугшна. (А. П.) 6. Кермнә бээсн балһснас өдр болһн машид чигн гүүнә, самолёт чигн ниснә.

339-гч дамшлһн. Эн текст умшад, утхинь тодлж автн. Гөрәсдин тускар медсэн келтн.

ГӨРӘСН — ТУСТА АҢ.

Мана орн-нутгт гөрәсд ховр болн буйсчах аһурсдын тоод авгдв. Тедниг харж хэлэлһн болн өскх арһ хээгдв. Өдгә цагт мана орн-нутгт хойр сай һар гөрәсн бәәнә. Гөрәсн — үргәмтхә аң.

Урднь гөрәсд Шорвин кецин дора һазрмудар бөөдг билә. Ода Яшкульск районд аглһ һазр эдн олж авцхаж. Болв 1977 жил "Кировский" болн "Тавн-Гашунский" совхозмудын һазрт каналар ус орулхла, гөрәсдин хурһд уста каналмуд һатлж эс чадад, экирәсн салв. "Тавн-Гашунский" совхозин медр һазрт гөрәсд бәәршнә. Эдниг ода күн көндөж үргәхш. Болв гөрәсдиг харж хэлэлһн — цуг олна киләсн болжана.

Көтлвр холвас.

Тегэд, юн учрар, юңгад гихлә, тийгж, тийгвчн, яһвчн гисн үгмүд көтлвр холвас гиж нерәдгднә.

Эдн цугтан давхр зәңг тогтасн цагт керглгднә. Эдн цаг, күцл, учр заана.

340-гч дамшлһн. Эн зэңгсәс көтлвр холвас олад, ямаранинь заатн.

1. "Юңгад тийгж келжәхмби?" — гиж Арслң санв. 2. Тегэд би шүлг умшх болув. 3. Тийгж бәәтлнь, эдниг экирнь ирәд,

дахулад йовж одв. 4. Юңгад гихлэ тер күүг әмтн эврән суңһв. 5. Би әндр яһвчн үүрүрн одх санатав. 6. Эгч дү хойр школд орх болв. Тәгәд әдн әктәһән дегтр авхар балһс орж. (Б. А.) 7. Тиигәд төгәлндән балһсна сәәхнд бахтад, тәрмр цецгүд үзәд, теегм санандм орад, Дворцовый тагтын ирмәгинь түшәд йовж йовлав. (Э. К.) 8. Зуг әдн кесгтән нег-негән таньсн уга, юңгад гихлэ долан-нәәмн жил үзлцәд уга билә. 9. Эрнжән юн учрар ирсинь медүвидн. 10. Тиигж бәәтл, ик хар үүлн һарад, мөндртә хур орв.

341-гч дамшлһн. Эн текст умшад, тодлж авад, нәэрүлж бичтн.

Модн дотр соңсгддг көгжм. Хаврин сард халвһ шовун өдр сө уга ишкрәд дуулад бәәнә. Эн кезә унтдг болхув, гиж бичкдүд алңтрна. Хаврт шовудт удан унтдг цаг уга. Өрүн болн асхни бүрүлин гегәнлә шовуд биш, нам модн дотр бәәх цуг әмтә-киитә тоот дуулж ә һарна. Хуур татсн мет, кеңкрг цоксн мет дун һарна. Кесг зүсн богшурһас ишкрж дуулна. Ут хоңшарта шонтл мод цокж тачкнулна. Аң, шовун, хорха-хот болһн эврә дуута. Үлгүрнь, царцахас кәләрн живрмүдән зүлгәд ә һарна; выпь шовун ут хоңшаран уснд дүрчкәд, үләһәд оркхлань, негл үкр мөөрснлә әдл ик дун һарна. Бекас гидг шовун деегшән нисч һарчкад, сүүлән сарсалһад, дорагшан чолун мет унхлань, сүүлднь салькн шуугад, негл хән мәәлжәхлә әдл, дун һарна. Модн дотр һардг көгжм иим олн зүсн болна. (В. Бианки)

ХҮВС.

75. ХҮВСИН ТУСК МЕДВР.

Салу бәәхләрн, үгин чинр уга, зуг талдан үглә ниицхләрн, терүнә чинриг цәәлһдг үгиг хув гиж нерәддмн. Хувс чинрәрн долан зүсн болж хувагдна.

1. Б у р у ш а г ч х у в с: уга, эс, бичә, биш, -ш.

Тенд күн уга болх. Эс ирхлә яахв? Терүгән бичә көндә.

Би таниг таньхшв.

2. С у р г ч х у в с: -у(-ү), -ий—-й, -мб(-мби).

Танд келх үг бәәнү? Бадм ода дегтр умшну? Эн нааран

аашсн Санжий? Эндр Санл доклад кехий? Бадм одачн
Һазай? Эн кемби?

3. Л а в л г ч х ү в с: мөн — -мн(-м), -л.

Бадм доклад ода кехмн (кех мөн). Бадм доклад кехл.
Минил тускар келв. Мал тендл йовнал.

4. С у л д г ч - ч а н Һ а г ч ч и н р т ө х ү в с: чигн —
-чн. *үстүмнөс, үсөөмнөс.*

Бадм ирв чигн, доклад кех уга. Бадм эс ирвчн, хург
болх.

5. М а Һ д л г ч ч и н р т ө х ү в с: биз, кевтө.

Тедн эндр ирх биз. Эн үвл сэн болх биз. Тер мана мал
кевтө.

6. Нүүрлгч хувс чинрэри хойр зүсн болж хувагдна:

к е л г ч х ү в с: -в — -видн, -ч — -т;

б и й ч л г ч х ү в с: -м — -мдн, -чн — -тн, -нь.

Би эндр хэрү ирхв. Бидн ирхвидн. Чи эндр ирхч, та
эндр ирхт. Дегтрм стол деер бээнэ. Дегтрмдн стол деер
бээнэ. Дегтрчн стол деер бээнэ. Дегтртн стол деер бээнэ.
Дегтрнь стол деер бээнэ.

7. Э в р ө х ү в с: -ннь, -ан — -эн, -н, -рн.

Көвүндэн белг кев. Көвүһәри шүлг умшулв.

Бурушагч хувсин тускар.

1. Уга гидг бурушагч хув үүлдэгчин хөөн керглгднэ:

а) причастин хөөн керглгднэ.

Ү л г ү р н ь: Танд күн менд келүлсн уга. Үг күн келхн
уга.

б) хувагч деепричастин хөөн керглгднэ:

Ү л г ү р н ь: Басң келәд уга.

**в) -ж гидг суффикстө өнгрсн цагин үүлдэгчин хөөн
керглгднэ.**

Ү л г ү р н ь: Бемб ирж уга. Басң келж уга.

Бурушагч хув уга үүлдэгчлө хамдан чигн бичгднэ. Тер
цагт уга хасгдад, -го болж Һарна.

Ү л г ү р н ь: келжго, йовжго, иршго, үзшго.

2. Уга гидг бурушагч хув нерн үгин чинртө:

а) уга гидг бурушагч хув бөөлһнэ нерн мет хуврнэ.

Ү л г ү р н ь: Чамаг угад дүүчн ирж. Така угаҺар чигн

өр цөөдг мөн. Шүдн угаһас биш, сэн мал бөөж. Санж угаг медсн бөөж.

б) уга гидг бурушагч хув өмнө зогсчасн үгтөһөн зөндг келгч, нерлгч, цөөлһлт, немлт, уриг мөч болна.

Ү л г ү р н ь: Бадм гертән уга. Энүнд цаасн уга. Көл уга — йовдг, живр уга — нисдг. Иал уга һазрас утан һардго. Арһ угад зарһ уга. Санл Бадм хойр эмин ар захин вагонд медмж угаһар суув.

342-гч дамшлһн. Уга гидг үг олж авад, кезэ бурушагч хув, кезэ бурушагч үг болж йовхинь цөөлһж өгтн.

Уняртсн өрүн маңһарт,
Уулын өндр орад,
Дольгалсн цаһан өвснд,
Долвксн Алтн һаснд —
Дун уга дуртав!

(Калян С.)

* * *

Хальмг келн —
уурхан саң!
Харм төрсн —
һундлм даң:
Күцж дасч
чадсн угав,
Күцөж сансан
келсн угав.

(Калян С.)

* * *

Тег — мини теегм,
Тевчж ханшго иньгм.

(Калян С.)

343-гч дамшилн. Бурушагч үг ямаран киискврт йовхинь йилһтн.

1. Тер намаг угад ирж. 2. Уга гиж уульдг уга, бээнэ гиж байрлдг уга. 3. Сурһуль уга күн сохрас дор. 4. Татвр угад — ясвр уга. 5. Ноха зөргтэд хуцдг, зөрг угаг шуучдг. 6. Чини-минид хувац угаһар чилшго зөөрнь делгрнэ. 7. Өөхэс ээсн — цецнэ темдг, өөш угаһас ээсн — муңхгин темдг. 8. Олдснас — олад угань ик. 9. Болв намаг меклж чадш угач.

1. **Эс гидг бурушагч хув бурушажах үүлдэгчиннь өмн бичгднэ.**

Ү л г ү р н ь: *Терүг эс ирхлэ, би танад ирнэв. Борис эс ирж, эс келж, келсн болхла, кезэнэ ирх билэ, юмн эс болсн тер. Чамаг эс ирэд бээхлэ, өөлэд бээввидн. Санж эс келх билү?*

2. **Биш гидг бурушагч хув нурһлж нерн келгчин хөөн кергтэ болна.**

Ү л г ү р н ь: *Эн күн — ик наста күн биш. Эн сэн һазр биш.*

Эн бурушагч хув нүүрлгч хувс авад, өмннь зогсчасн үгтәһән келгч болна.

Ү л г ү р н ь: *Би ик наста күн бишв.*

3. **Биш гидг бурушагч хув хасгдад, -ш гидг хув болхларн, өмнк үгтәһән хамдан бичгднэ.**

Ү л г ү р н ь: *Бадм, би ирхшв. Би таниг таньхшв (таньжахшв).*

Биш, -ш гидг бурушагч хувс -ий гидг сургч хув авна.

Ү л г ү р н ь: *Та эндр ирхшийт? Чи медрлтэ күн бишийч? Та намаг таньхшийт?*

4. **Бичэ гидг бурушагч хув закгч шинжин үүлдэгчин өмн кергтэ болна.**

Ү л г ү р н ь: *бичэ кел, бичэ йов, бичэ ачрх.*

344-гч дамшилн. Эн зэндгэс бурушагч хувс олж, татасар темдглтн. Йилһвринь амн үгэр келтн.

1. Худлд бичэ ижд. 2. Теслцм ишкдл күцүллго, темтрүлж салькн оркль. 3. Давсн жилмүдт би һундхшв, даарсн, үзсн, зовсндан уйдхшв. 4. Өсхиг бичэ бац, келхиг бичэ амд. 5. Кен эс үүрлхв, келсән күцәһэд иткүлсндчн. 6. Күзүн уга темән күүнд эс күцгдж.

Ачта ээж мини,
Нал, үмсиг медл...
Нарарн шүүрч авхдм,
Арһсн, хомһлыг таньл...
Аман дүүргж идхдм,
Өөх-чочхиг санл...
Өрвлж уралан орхдм,
Эрг, усиг йилһл...
Эцс дэврж йовхдм.

Киртә, мууг оньһл...,
Кеер, герткиг таньл...,
Кесән кеж йовхдм —
Элэ болж эргж,
Элкндән шахж таалж,
Асрж, засч авсн
Ачичнь хэрүлх гилэв,
Заян иктә ээжм!

(Доржин Б.)

Сургч хувс.

1. -ий гидг сургч хув мана келнд бээнә. Ямаранчн нерн үглә ниицх деер, ниицж йовх үг хадврар төгссн болхла, -ий гидг хув авна.

Ү л г ү р н ь: Доклад кежәсн Санжий? Эндр арвний? Тер кеер идж йовсн үкрий? Тер бэәсн герий?

Ниицж йовх үг эгшгәр төгссн болхла, -й гидг хув авна.

Ү л г ү р н ь: Хэлэй?, келэй?, суй?, сууһай?, бэй?, бэәһэй?

а) Эн -й гидг сургч хув үүлдэгч, причасть болн деепри-
частьла ниицнә.

Ү л г ү р н ь: Эндр багш сурхий? Борис дегтр умшчий? Көвүд дегтр умшай?

б) Күүнә нерн болн причасть -й, -ий гидг сургч хув
авхларн, деерән 2-гч нүүрин хувс авна.

Ү л г ү р н ь: Санжийч? Бадмийт? Та доклад кехийт? Ода күртл умшайт?

2. -ү(-у) гидг сургч хувиг зәрм таслгч шинжин үүлдэгч
немж авна.

Ү л г ү р н ь: Иван гертән ирнү? Санан сүрһулян
чиләлү? Николай доклад кежәнү? Санл сүрһулян
чиләчклү? Нимгр дегтр умшну?

3. -мб (-мби) гидг хув — келгчин хув. Тиим хув ниилж
ирсн үг эркн биш зэнгин келгчнь болдг.

Ү л г ү р н ь: Колхозин хург болхмби? Бидн маңһдур
альд бэәхмби? Йиртмж гисн юмби?

4. -мб (-мби) гидг сургч хувин өмн бээлһнэ нерн -н гидг хадвран геенэ.

Ү л г ү р н ь: *Тер йовсн хөн. — Тер йовсн хөмби? Эн темэнэ ноосн. — Эн темэнэ ноосмби?*

346-гч дамшлһн. I. Эн зэңгсэс сургч хувстэ үгмүд олж авад, салһж бичжэ авсн цагтан хувинь темдглтн.

... Болв Басңгин нер келхлэ, яһж Арслңгин чирэ хуврэд, терүнэ махмуднь хатурсиг бичкн көвүн онһсн уга.

— Революцин өмн ондан ээмгин күн нааран ирэд, хавсн сар шин бүрдсн цагт, нарн суусн дару эн "Чөткрин хар толһа" деер һархлань, тер залуг мөртөһинь хамднь авад шивчксн юмн гиж, күргн ах Найт келдг билэ, — гиһэд Арслң уха туңһасн бээдлтөһөр көвүнд хэрү өгв.

— Шивчкжий? — гиһэд көвүн Арслңгин зүн чикнд урлан күргж, арһул сурв: — Кен шивжэхмби? — гиж немв.

— Араха шивсн болх, — гиж тернь бодв.

— Араха гисн кемби? Чөткрый? — гиһэд көвүн сурв.

— Кемржән би эн "Чөткрин хар толһа" деер ода һархла, яах болһначи? Хэлэлчн, хавсн сар һарсн бээнэ, нарн сууж йовна, — гиж Арслң ардан көвүнүр эргж хэлэн, дөгж сурв.

— Чи Мазн баатр болхар бээнчи? Түүни орчд Арахан тускар кел, — гиж көвүн сурв. Тиигэд ода Арслң "Хар чөткрин" тускар тууль келж өгв. (Бадмин А.)

II. Бичэд, цегин ормд ирлцжэх сургч хув немтн.

1. Альдас эн ирс...? 2. Эн көвүнэнтн нернь ке...? 3. Мана көвүн яһс...? 4. Юңгад эс орулж авсм...? 5. Мел дала сэн юмн терүнд бээсн болх...? 6. Танад байн төрл Шуңһрцг гиж бээл...? 7. Тегэд бийнь гертэн бээн...? (Д. Б.)

Лавлгч (батлгч) хувс.

1. -мн (мөн) гидг лавлгч хув өңтрсн болн ирх цагин причасть келгч болсн цагтан керглнэ.

Ү л г ү р н ь: *Николай эндр ирхмн (ирх мөн). Түүнд давтж келсмн (келсн мөн).*

а) Эн -мн (мөн) гидг лавлгч хув давтгч чинртэ причасть келгч болсн цагтан керглнэ.

Ү л г ү р н ь: Бадм дегтр хурдар умшдг мөн (умшдмн).
Кеemэ домбрт дуулн келдг мөн (келдмн).

б) Өнгрсн цагин причасть эн хув ниилүлж авхла, -н
гидг хадвран геенэ.

Ү л г ү р н ь: ирсн мөн — ирсмн, суусн мөн — суусмн.

в) Давтгч чинртэ причасть эн хув ниилүлж авхларн,
-г гидг хувэн бас геенэ.

Ү л г ү р н ь: ирдг мөн — ирдмн, суудг мөн — суудмн.

2. -л гидг лавлгч хувиг цуг келлһнэ хув деерэн утхарн
кергтэ болхла, авна.

Ү л г ү р н ь: Эн дегтр чинил. Нааран аашсн Санжл.
Энчн нээмнл. Борка доклад кежэнэл. Даалһсн болхла,
келхл.

347-гч дамшлһн. Эн зэңгсэс лавлгч хувстэ үгмүдиг олж авад
салһтн, бичж авсн цагтан хувинь татасар таттн.

Увл цаста болхла, басл сэн. Цаста болхла, хавр устал болна.
Тиим жилд тэрэн икэр урһлтал. Эн жил урһцтал болх мөн.
Цасн орад, жөөлрэд, хөөлэд бөөх мөн. "Хурта-чиигтэ жил
болхмн", — гиж көгшдүд келжэлэл...

Ода ахлач ирвл, хург эклхл. Хавр сээхн болжанал. Тиигэд
ахлач хург кежэхл. Хаврин көдлмшин тэрэн тэргдхл.
Колхозникүд көдлмшэн үкс кехмл гилджэнэл. Маңһдур,
некөдүрәсл һарад эс бөөхий? Көдлмшэн сөөнөр кехмн гихл
бөөдлтөл.

Сулдгч хувс.

Сулдгч-чаңһагч чинртэ хув -чн, -чгн (чигн) хувсэр
тогтна.

Ү л г ү р н ь: Кезэ чигн тиим күн. Одх чигн билэв. Келдг
чигн күн. Бамбчн ирг.

Чигн гидг хув үглэ хамдан бичгдсн цагтан -чн, -чгн
болж хасгдна.

Ү л г ү р н ь: Кезэчгн иньг билэ гиж сан. Хамачн
көдлмшэн эклцхэчкв.

348-гч дамшлһн. I. Эн зэңгс бичэд, сулдгч хүвс олад, татасар темдглтн, яһж бичгдсинь шинжлтн.

Хаалһ альдахур һарвчн,
Хэлэц хамаран тусвчн,
Харңһу будн харшлвчн,
Халта задт хаагдвчн,
Һаран өгхичн яднав.

(Доржин Б.)

1. Һалын заляр падр, һөөхүлд неричн туур! 2. Хээмнь, Кеегч минь, өмнк мөрән яһад болвчн күцх зөвтөч! 3. Тер төлөд бийән залуршснд тоолж, келсн үгән чигн, күцәсн төрән чигн залу кевәр эн кехәр зүткж йовла. 4. "Би һаһаһасн сурхар бөөхшв. Альдаран чигн йовхшв", — гиж Арслң келв. 5. Түрүн бичсн эрлһән хавтхлчкад, негчн күүнд үзүлсн уга. 6. Арслң кезэдчн худл келшго. 7. Хамжл һазрла наалдж одсн мет, мел кииһән чигн сөөнәр авлго кевтнә. (Б. А.)

II. Айслулж умштн. Дарунь бичэд, зэңгсәс хүвсинь олж темдглтн.

ТЕЕГМ.

Теегәс даву нанд һазр уга,
Теегәс даву нанд эк уга,
Теегәс даву нанд омг уга,
Теегәс даву нанд гер уга.

Москва хотлдан одв чигн,
Мөңк теегм санандм орна.
Хар теңгст булхв чигн,
Хээртә теегм нүдндм үзгднә.

Дөөнә һалд йовсн цагтм,
Даңгин теегм мини ухандм.
Үвлин киитнә догшнд болвчн,
Эңкр теегм намаг дулалдмн.

(Тачин А.)

Маһдлгч хувс.

Маһдлгч хувс биз, кевтэ гидг үгэс тогтсн болжана. Эн үг эврэ нернлэчн, причастьлачн таарч ниицнэ.

Ү л г ү р н ь: Тер мана мал кевтэ. Мана ухаг күргэд келсн биз. Сергей докладан умша биз. Күн кевтэ махан иддг, күрн кевтэ нүкндэн ордг.

349-гч дамшлһн. I. Умштн, маһдлгч хувс олтн.

1. Ивг-чивг модд теңгс кевтэ көкрж налана. 2. Аю хавхас алдрхар ик удан ноолдж кевтэ. 3. Шовһр Мергнд дөң болдг биз. 4. Мигмр кичэлэн даса биз. 5. Булһн эн дегтр умшсн биз. 6. Мергн маһдур Әәдрхнүр йовх биз. 7. Церн ээждэн эндр бичг бичх биз. 8. Тернь үнн биз. 9. Зөрц, хар санаһар келжәдг биз. 10. Тер үг Ямана седклд һундл чигн үүдәсн биз.

II. Умштн, утхинь келтн. Хүвстэ зәңгс олж бичәд, хувсинь чинрәрнь йилһтн.

Мана классин көвүдәс негнь генткн:

— Ботинкин кичэл маһдур болхмж, — гисн зәңгтә орж ирв.

— Юн ботинк болжахмби? Яһад ботинк? — боллдад бидн дарунь шуугад одувидн.

Зәңг авч ирсн көвүн:

— Кенә, юн ботинкинь би альдас медхв? — гиж алмацв.

— Кенә ботинк, ямаранинь хэләхәр бәәдг болжана, тийгхлә, — болж негнь цецрв.

— Тертн, мана ботинкс хэләһәд, шаңһа ботинк өгхәр бәәдг болх? — гиж талдан негнь орлцв.

— Не, тегәд һостань яахмби? — гиж һоста ирсн көвүднх хүүв келдв.

Өрүнднх өкәһәд, келән хэләһәд, классарн орад ирүвидн.

Хонх цокв. Бидн партстан орад, нам-чим болад сууһад авчкүвидн. Багш орад ирв. Маднла мендләд, классин журнал делгәд, маниг нердәрмдн дуудад бүрткв. Дарунь кичэлән эклв.

— Көвүд, ода бидн ботаник гидг предмет эклж дасх зөвтәвидн.

... Ботинкин тускар маниг өцклдүрәс нааран үүмүлжәсн төр — ямаран чигн, кенә чигн ботинк биш, ботаник гидг кичэл бәәсн болж һарв. (Доржин Б.)

Орч нернэ хувс.

-в, -видн, -ч (-чн), -т (-тн) гидг хувс — келгчин хувс. Эн келгчин хувс нүр орч нернэс хасгдад тогтсн.

Ү л г ү р н ь:

би гиснэс — *-в: би ирнэв, би үкрчв;*
бидн гиснэс — *-видн: бидн ирнэвидн;*
чи гиснэс — *-ч (-чн): чи ирхч;*
та гиснэс — *-т (-тн): тадн ирхт.*

-м, -мдн, -чн, -тн, -н — бийлгч хувс. Эн бийлгч хувс бий орч нернэс хасгдад тогтсн болжана.

Ү л г ү р н ь:

мини гиснэс — *-м: мини мөрн — мөрм;*
мадна гиснэс — *-мдн: мана мөрн — мөрмдн;*
чини гиснэс — *-чн: чини мөрн — мөрнчн;*
тадна гиснэс — *-тн: тана мөрн — мөрнтн;*
үүнэ, эднэ гиснэс — *-н: эднэ мөрн — мөрн.*

Кемржэн үүлдэгч закгч шинжд бээхлэ, келгч *-чн, -тн* гидг нүүрлгч хувс авна.

Ү л г ү р н ь: *чи келхнчн — та келхнтн;*
чи келжэлчн — та келжэлтн.

350-гч дамшлн. Эн текст умшад, нүүрлгч хувстэ үгмүд олтн. Тер хувинь йилхж келтн.

НИСҮВИДН.

Бидн самолётд сууһад йовлавидн. Самолётас төгэлндэн зогсл уга хэлэхэ йовув. Элст деегүр һарад ирлэвидн: "Герчн тер", — гихэд доргшан заав. Бидн альк гер тал зааж бээхинь медсн угавидн. "Тадн үүнэ гер таньсн угайт?" — гиж термдн наад бэрв. "Самолёт ирэд бум цацу, тадн түрүлэд һартн, тадна чемода авч өгнэвидн. Элстүр хамдан йовхмдн". Хаврар йовһар йовхнь бас сэн. Салькн сержцнэд, седкл көөрэд одна. Тадн хаврар йовһар йовлт? Ноһан деер сууһад, амрч авад, йовий. Маңһдур таниг цугтаһитн наар гижэнэв.

351-гч дамшлн. Эн туулиг умштн. Хувстэ үгмүд бичж авад йилһтн.

АРАТ БОЛН ХУР.

Модн деер хур шовун суула. Арат энүнүр өөрдж ирэд келжэнэ:

— Менд, хур, иньгм минь, дууһичн соңсчад, чамд золж ирүв.

— Зөвтэ үгдчнь ханжана, — гиж хур келв. Арат мек харһад, эс соңсн болад келжәнэ:

— Юн гинчи? Соңсчахшв. Чи, хур, иньгм минь, нааран һазрт бууһад, ноһан деегүр йовжаһад, нанла күүндхичн, модн деерәсн келсичн нанд соңсгджахш.

Хур келв:

— Һазрт ноһан деер буухасн әәжәнәв. Һазрар йовхла, маднд, шовудт, әәмшгтә.

— Аль нанас әәж бәәнч? — гиж арат келв.

— Чамас эс болвчн, талдан аңгудас әәжәнәв, — гиж хур келв. — Олн зүсн аңгуд бәәнәлм.

— Уга, хур, иньгм минь, цуг һазр деер төвкнүн бәәхмн гисн зәрлг эн жил һарсн бәәнә. Ода аңгуд нег-негән көндәж бәәхш.

— Нам сән болвш, — гиж хур келв, — юңгад гихлә нохас эн аашна, хуучар чамд зулх кергтә билә, ода болхла, әәх юмн уга.

Нохасин тускар соңсн арат чикән сертәлһәд, зулхар седв.

— Эй, чи альдаран? — гиж хур келв. — Өдгә цага зәрлг бәәнәлм, нохас чамаг көндәшго.

— Кен медхв эдниг? Эдн зәрлгиг соңслго чигн бәәсн биз, — гиж арат келчкәд, зулж одв. (Л. Толстой)

МЕЖДОМЕТЬ.

76. МЕЖДОМЕТИН ТУСК МЕДВР.

Альк нег өвәрц, солюд юм үзсән темдгләж медүлхин төләд бәәх үгиг междометь гинә. Междометь ямаранчн сурврмудт хәрү өгдго, хуврдго үг. Эн күүнә байр, һундл, алмацлһ, өврлһ темдгләнә.

Ү л г ү р н ь: *Я-а, альдас ирвч? Э-ә, би өцклдүр ирләв. Ю-у! Энүнә бәәдлиг.*

Междометь цеглгчәр эс гиж хәәкргч темдгәр салһгдна, зәңгин мөч болхш.

352-гч дамшлһн. Эн зэңгсэс междометь олад, ю темдглжэхинь келтн.

1. "Ай-ай, яһжахмт?" — болад студентирин негнь Макариг наадлв. 2. "Йо, хээмнь, хээмнь! Би меджэлү?" — гihэд Амула болһаж хэлэв. 3. Ай, күүкд, мини келснд ашта соньн юмн угал. 4. Ха-ха, мел дигтэ дүнцүл олж келвч! 5. Ой, тер Элст эргмдк өндрмүд деерк садмуд ямаран эвртәһәр урһжана. 6. О, буудян совхозд болхла, ах агрономч штабин ахлач болжана. (И. Л.) 7. Ух, яһсн өндр уулв! 8. Генткн холд "ау" гисн э соңсгдв. 9. Эх! Иигэд биилж чаддг болхнь! 10. Артистнр биилэд дууссна хөөн, заалд әмтн "бис! бис!" гилдж хээкрснь соңсгдв.

353-гч дамшлһн. Шүлг айслулж умштн. Ямаран междометь шүлгч олзлж.

"Хэдрис!" — гihэд хээкрэд бөөв.

Хэдрис, хэдрис,
Келн болһн босад биилв,
Көл, һарнь эврән ниилв,
Көдә дүүргэд дууһан дуулв,
Дүүнр, ахнр сергэд бөөв,
"Дәкәд!" гihэд дөргэд бөөв.
Хэдрис! Хэдрис!
Хээрн ишкәд,
Тиирн ишкәд,
Сольн ишкәд,
Цоолн ишкәд,
Хэдрис! Хэдрис!

(Хоньна М.)

Междометин олн зүсн әңг.

Хальмг келнә междометь йир олн болдмн. Междометиг чинрәрнь иигж хуваж болхмн:

1. Х э э к р г ч междометь.

Ү л г ү р н ь: по!, хух!, йир!, хэдрис!, хәрслә!

2. Ө в р л һ темдглжәх междометь.

Ү л г ү р н ь: ай!, йо!, пө!, ха-ха!, я-а!, о-о!

3. Ы у н д л темдглжэх междометь.

Ү л г ү р н ь: эх!, э-э!

4. Э э л н, ч о ч л н темдглжэх междометь.

Ү л г ү р н ь: уй!, хаг-хаг!, юу-у!, ях!, на-ца!

5. А л м а ц л н темдглжэх междометь.

Ү л г ү р н ь: хай!, хай йир!

6. М а л ы н т у с к а р бас олн зүсн междометь бээнэ.

Ү л г ү р н ь: ха-хач (үкрин, темэнэ туст), ча-чаг-чагра (ямана туст), хай-хай (хөөнэ туст), хо-хо (үкрин туст), но-чуу (мөрнэ туст), цоб (царин туст), цог (темэнэ туст), кис-кис (миисин туст), гийдь (нохан туст).

354-гч дамшлһн. I. Умштн. Междометь олад, чинрэрнь йилһтн, буулһж бичхлэрн, татасар темдглтн.

1. Хэрслэ! Хэрслэ! Элсн кевтэ һульдрад од! Хулсн кевтэ хурлзад од! 2. Ха-хач гисн э сөөһин харһуд соңсгдв. 3. Ха-ха-ха! Эср Улан Хоһрла бийән дүнцүлдг юн юмч? 4. А-а, тедниг күргж ирв? 5. Э-э, би маһдур хургт одхв. 6. Ай, ямаран күүнэс һарсн үрдүд тиим сээхн болдв, ямаран мөрнэс һарсн уһһн тиим сээхн болхв. (Т.) 7. О, Бадмтн эвр залу болад бээж. (Э. К.) 8. Пө-ө, мини ээмг алвт иим өнр-өсклң болхов... (Т.) Уй, энчн Үлмж бээж. (Э. К.) 9. "Ура! Ода седкл төвкнүн йовж чаджана", — гиж Бата хээкрэд, Муузраг одад күзүдв. (Э. К.) 10. Хаг-хаг, бичэ көндө. 11. Э-э, Занда, Занда, чи ода чигн хальмгин авъяс сөөнэр медэд угач. (Э. К.) 12. Э-эх, би энд бээсн болхнь. (Э. К.) 13. Я, аав, юн гидг юмнд зовжахмт? (Т.) 14. Ях-ях, иим зовлң бичэ үзгдг.

II. Умштн. Утхинь тодлж келтн.

Садовое селэнд нег малта орсд баһдан заргдж йовсн күн бээж. Нег дэкж тер орснь харһад: "Манахнур ир, Манжик, трибуха авхч", — гиж. Хальмгуд малдан бәрдг, хальмг кел сөөнэр меддг орс үгән кевтнь хальмгаһар келсн бийнь, "трибуха" гисиг орсаһар зөрц келсн бээдлтә.

"Мини эзн орс намаг һурвн бух ирж автха гив. Тер бухмудыг гертән хэләж бәртхә гижәдг болна", — гиж Манж эргндк улстан келв. Өөрән һурвн — дөрвн кү нөкд болтха гиж дахулад, арһмж-деес авад, орсин тал күрәд ирнә.

Арһмж-деес бәрсн улс ирхлә, орс алң болв.

— Яһж йовнат?— болж орс сурв.

— Одак келсн һурвн бухиг авхар,— гиж хальмгнь келв.

— Ямаран һурвн бух?

— Ой, одак чини келсн. Три бух ирж ав гилч?— болж зарц алңтрв. Ода ирж медчкәд, орс элк хатж инәһәд, гергән дуудв.

— Эй, Анюта, одак трибуха авад ир!— болж хәәкрв.

— Акад юмн, һурвн бухиг эн гергн һанцарн яһж авч ирхмн болна?— гиһәд ирсн залус алңтрад сууцхав.

Удл уга суулһта үкрә гүзә авсн гергн орж ирв.

— Ав, эн трибуха. Күүкдтән чанж өгхч,— болж орс келв.
(Доржин Басңгинәр)

Ә дурагч үгмүд.

Ә дурагч үгмүд *гих* гидг үүлдэгчлә ниицәд, зәңгин талдан үгмүдлә хәрлцнә.

Ә дурагч үгмүд чинрәри олн зүсн болна.

1. Мал-адусна ә, хәәкрлһ темдглнә.

Ү л г ү р н ь: *мөө, гаң-гуң, һав-һав.*

2. Хорха-хотна, живртирин, аңгудын ә, хәәкрлһ темдглнә.

Ү л г ү р н ь: *жиг-жиг, пии, гааг, гууг, у-у, зииг-жааг, хар-хар.*

3. Күүнә үүлдврин, бәәдлин ә.

Ү л г ү р н ь: *таш-пиш, чис, жиң-жиң, гөл-гөл, шаб-шаб, луг-луг, туг-туг, шал-шал, кар-кар, чим-чим, шум-шус, шурд-шурд.*

4. Йиртмжин бәәдлин ә темдглнә: *чиб-чиб, сер-сер, күрд-күрд, бүр-бүр, цәс-цәс.*

355-гч дамшлһн. I. Ә дурагч үгмүд олад, чинрәрнь йилһтн.

1. Ижлин тер талас ишкә махлата күн у-у гиж аашна.

2. Лиж, шурд-шурд гиһәд йовад ир. 3. Цәс-цус гиж һал цәклв.

4. Зуг тахта мөрд чолун хаалһар йовдңнжах мет, хард-хард гиһәд улдан төмртә күнд-күнд башмгуд тагчгиг эвднә. Салькн әрә сер-сер гиж кәдлнә. 6. Сер-сер гисн салькта, бүр-бүр гисн хурта Бумбин орн болна. (Ж.) 7. Хур экләд орв. Хурин умш түрүләд һазрт цалд-цалд гиж дусв. (Н. М.) 8. Делсн хатрж йовх

мөрдин туруд топ-топ, пид-пид гилднэ. (И. Л.) 9. Адучин зүрхн кирд гihэд одв. (Б. А.) 10. Январин хүүрэ киитн чирэг чим-чим гihэд хээрэд бээнэ. 11. Таш гисн э теегин тагчгиг эвдв. (Б. А.) 12. Налун хаг-хаг гihэд, назр-усн шуг-шуг гihэд, үзжэнт? (Т.) Зөвэр йовхлань, хулсн шар-шар гihэд, таш-туш гihэд күнд-күндэр ишксн көлин э соңсгдв. (Б. А.) Ээж орксн зүрхн туг-туг гihэд, зөвэр цокад йовна. Эрднэ һулд-һулд гihэд шүлсн зальгад, генткн цахна.

II. Абзацар умшсна хөөн тодлсан бичтн.

Ирх жил мана школ дундын школ болжана. Энжл чилэжэх нээмдгч классин сурһульчнриг йисдгчүр орулад, талдан назрур йовулхмн биш. Зэрм эк-эцкнрнэ үрдүдэн Элстд, района цутхлнд школд орулх саната.

Шин школ бэрх зөв манд өгчэнэ. Нурвн давхр зурһан зун тэвн күүкд, көвүд сурдг ормта чолун школ бэрхвидн. Шин багшнр ирх, теднд патър бэрх кергтэ. Дэкэд школд көдлмшин эрдм дасхдг, урлдг мастерской бүрдэхмн. Хуучн трактормуд, машид, эдлврэс һарсн селэнэ эдл-ахун зер-зевс бас һарһж өгхмн.

Тиим школта болчкхла, мана баһчуд дундас хөөчнр, үкрчнр, багшнр, эмчнр, инженермүд, саальчнр һархнэ лавта. Баһчуд олн болхла, билг-эрдмин бээшн тосхгдх. (Тачин А.)

ДАВТЛН.

356-гч дамшлһн. Эн зэндс бичэд, келлһнэ хүвсин хань болгч үгмүд олтн. Чинрэрнэ йилһтн.

1. Эгч дү хойр урлдж, эгчнэ дүүһэн эс күцж. (Тергнэ төгэ.)
2. Хамг амтн эс күрч чадхла, эрвэкэ делдн күрч. (Амсур.)
3. Көөв-көөв күцгдхш, атхв-атхв бэргдхш. (Салькн.) 4. Йовв-йовв мөр уга, хатхв-хатхв цусн уга. (Усн.) 5. Нанцхн модн һанр-һанр гиж, назр усн шур-шур гиж. (Чигэн, бүлүр.)
6. Бичкн хар ноха тоһшлж кевтчкэд, кү орулх чигн биш, һарһх чигн биш. (Онһс.) 7. Эрдм сурхдэд, аһурс бичэ хармн. 8. Чонын кичгиг кедү асрв чигн — ноха болдг уга. 9. Цецгэ ю болв чигн

үздг, чееж ю болв чигн хадһлдг. 10. Ус үзл уга бээж, һос бичэ тээл.

357-гч дамшһһн. Текст умшад, утхинь келж өгтн. Фестивалин тускар тодлж авсан буулһж бичтн.

ОНЬДИНД НАРН МАНДЛТХА!

1977 жилин июль сард цуг оln сурһульчһрин "Онъдинд нарн мандлтха!" гидг фестиваль болсмн. Теңгрт негчн үүлн уга. Иим көк чилгр теңгрт фестивалин көк туг делслэ. Фестивальд һазадын орн-нутгудас бас кесг гиичнр ирлэ. Дуулсн дуд болн зурсн зургуд, кесн күүндвр — цугтан төвкнүн бээлһнд нерэдгдсмн. Иньгллтин келнэ чинрнь кемжэн уга ик. Фестивальд бээсн бичкдүд, икчүд, һазадын орн-нутгудас ирсн гиичнр нег-негнәннь седкл-уха медж, кергтэ төрэр күүндвр кецхэв. Эн өдрмүдт кесг соньн концертчн, спортивн нааддчн, марһадчн болсмн. Цуг оln келн бичкдүдин лозунгс иим бээсмн: "Нарт делкэн бичкдүд дэ бурушажана!", "Нарт делкэн бичкдүд фашизм бурушажана!" 103 орн-нутгас эн фестивальд бичкдүд орлцла. Эдн дуудвр һарһла: "Моһлцг һазрин күмн! Бидн тадниг иигж дууджанавидн: кезэд чигн, альд чигн бомбс болн сумд хahrшго, цуг бичкдүд школ ордг болдгар, өлн-түрүһэр эдн бээшго болдгар, Төрскинь, өөрхн улсинь булашго болдгар, делкэ улм сэн болж үнн бээдл делгрүлдг болдгар цугинь күцэтн.

Онъдинд нарн мандлтха!

Онъдинд төвкнүн бээтхэ!"

тевчнгу

ирлцнгу

делгрнгу

харнгу

хурангу

358-гч дамшһһн. Бичтн, деепричастьмудын суффиксмүд темдглтн. Ямаран мөч болж йовхинь келтн. Деепричастн эргце олтн.

таняд

ханяһад

Бата адһм уга серэд, Цаһана сәрсн һадрта түнтг деер суув. Хойр нүдән арчад, гер дотркиг төгәлүләд хэлэв. Муузра зөвөр

эрт йовж одсн бээдлтэ. Өвгн үкрмүд һарһн, аһс хураж йовна.

Өвгн, Цаһан, Муузра цөөһән ууһад дуусчана. Цаһан Батаг цөөһән ууһад дуусхла, хувцинь өмскэд белдв.

Муузра Батаг дахулж авад, Ноонин тал һарад йовв. (Эрнжәнэ К.)

донһдсн

татаслгдсн

359-гч дамшлһн. Бичтн, причастн, деепричастн эргцс олтн. Тедн ямаран мөч болж йовхинь йилһж темдглтн. Причастин цаг заатн.

Асхн гү тэвх кемд һуч һар һунжд туусн хойр мөртө күн аашна. Арднь зөвэр уужмд хойр мөрнд зүүсн тергн йовна. Эднэ өмнэс мотоцикл унсн көвүн ардан баахн көвү сундлсн тосч ирв. Мал тууж йовсн хойрин негнь мөрнэсн бун, ирж йовсн көвүдүр адһв. Мотоцикл зогсад, деерк улснь буув.

Сергейин чирэ шора тоосн хойрт киртэд харлж. Эдн боодг орад өөмцхэв. Дөчн градус халунд мөрнэс буулго йовчкад, киитн уснд булххла, зовсн, муурсн, киртсн хамг хайгдна. (Бадмин А.)

360-гч дамшлһн. Бичэд, хань болгч келлһнэ хүвс олж темдглтн.

Цасн хээлв. Өндр гермүдин ораһас дусал дусна, һазр бальчгдад, һалуд-шовуд шууглдв.

Сурһулин көвүдин ардаснь элгн-саднь, эх-эцкнь ирцхәнэ. Батан ардас күн ирхш. Батан бульглсн зүркн өңгрсн эхдән эс болв чигн, бергн Цаһандан, ахиртан, аавдан күрхэр телүләд бөөнэ. Тегэд Бата өдр болһн герин ора деер һарад, аавм аашвза гиһэд, хэләһэд бөөнэ. (Эрнжәнэ К.)

һалзн

һуужмул

гөрвксн

гилгр

гегән

гүрмр

361-гч дамшлһн. Бичтн. Үүлдэгчс олж йилһтн. Харар барлата үгмүд шинжлтн.

Өргн теегиг керчж һарсн хаалһас тедүкнд хойр тоһрун буув. Хавр шинкән эклжәнэ. Толһан өмн ташуднь теегин шарлжн

бултажала. Зэрм һазрмудар түрүн цецгүд чигн үзгджэлэ. Тоһруд нег-негән дурасн бээдлтэ. Эдн хол хаалһд уйдл уга, эврәннь төрсн һазрун нисч ирж.

Тоһруд икэр соньмсч эргидк һазран хэлэжәнэ. Өр шинкән цээв. Иим цагт теегин аһу йир төвшүн. Холдк баран эрэ үзгднэ. Нарн бултаж һарв.

Өдр гүргүдән орв. Хаалһар йовсн мөртэ, темэтэ улс тоос бүргүлцхэв. Иим бээдлиг тоһруд сээнэр меднэ. Тедн ке сээхн толһасан негт өргэд, негт һудылһэд, өвснэ үндс чоңкв. (Леежнэ Ц.)

Я н з н ь: буув — үүлдэгч, бу, эс оргч, уңг янзд, таслгч шинжд, өңгрсн цагт, оln тоод, 3-гч нүүрт.

362-гч дамшлһн. Умштн. Утхинь медж, келж өгтн. Хань болгч келлһнэ хүвс болн нареч олтн. Нээрүлж бичтн.

КӨВҮН БОЛН ЛЕНИН.

Көвүн Ям селәнэс йовж йовла. Хоосн корзинк эн авч йовла. Хаалһ энүнд темдгтэ билэ. Тэрәнэ һазр, бичкн һол, тагт. Тагтын цаадк хаалһ уулур залгдна. Уул деер, ик-ик моддын ца колоннмудта цаһан гер зогсчала.

Эн герэс хол биш көк киилгтэ, көлдән чэргтэ залу күүт көвүн күцв.

— Ленин энд бээнэ,— гиж көвүн энүнд келв. Күн ик маңна деерэсн кепкән хооран кечкэд, көвүнүр хэлэв.

”Балһсна күн кевтэ”,— гиһэд көвүн санв. Эн иигж келв:

— Мана һазр ончта. Нааран балһснас дару-дарунь әмтн ирцхәнэ. Һазр сән,— гиж көк киилгтэ күн зөвшәрв. Эдн зергldж йовв.

— Лениниг үзх дурн күрчәнэ,— гиж көвүн келв.

— Юңгад?

— Яһад юңгад болжахмби? Ямаран бээдлтәһинь медж авхар.

— Әгл күн. Мини өңгтэ гицхәнэ. Төрүц йилһж авч болшго.

— Яһж йилһж эс авч болв йир!

Толһаһан хооран кеж, эн күн сергмжтәһәр инэв.

— Тегэд дурасмн угай?

Көвүн энүнэ киилгинь, чэргинь хэлэв.

— Ленин көк киилгтә йовдг болхий тегэд? Эн хар пиджакта эс гихлэ френч өмснэ.

Иигэд күүндә йовж, медмжән угаһар колоннмудта герүр өөрдәд күрч ирв. Көк киилгтә күн зогсв.

— Көвүн, нернчн кемби? Альдаран йовж йовнач? — гиж эн сурв.

— Нерм Миша. Хавст авхар совхоз орж йовнав.

— Не, тиим болхла, тустан йовхмч, нанд хажих кергтә. Менд йов, Миша.

Көвүн һанцаран йовв. Цецгүдин грядкин өөр нег күүкд күн маажурта зогсчала. Көвүг өөрдж ирхлә, көвүнәс эн сурв: "Чи Ленинтә ю күүндәд йоввуч?" Көвүн корзинкән тәвчкәд, хәрү гүүхәр седв. Болв Ленин йовж одсн бәәж. (А. Кононов)

ГРАММАТИЧЕСК ТЕРМИНС

айлт	— интонация
алңтрулгч эгшгүд	— сомнительные гласные
алңтрулгч хадврмуд	— сомнительные согласные
алфавит	— алфавит
амр зэңг	— простое предложение
амр келгч	— простое сказуемое
амар келлһн	— устная речь
амар келлһ өргжүллһн	— развитие устной речи
амр киисклһн	— простое склонение
амр тоолгч нерн	— простое числительное
ар дарана (хату) эгшг э	— гласный звук заднего ряда (твердый)
ахр татасн	— дефис
аш	— вывод
э	— звук
э дурагч үгмүд	— звукоподражательные слова
баг	— группа
бар үзг	— печатная буква
бээдл дурагч междометь	— подражательное междометие
бээлһнэ нерн	— имя существительное
бээлһнэ нернэ бүрдэмж	— образование имён существительных
бий орч нерн	— притяжательное местоимение
бий киисклһн	— лично-притяжательное склонение
бийлгч хүвс	— притяжательные частицы
бичкн үзг	— строчная буква
бичмр үзг	— рукописная буква
бооцгч деепричасть	— условное деепричастие
бурушагч хүвс	— отрицательные частицы
буулһж бичлһн	— списывание
бүрдэгч киисквр	— творительный (орудный) падеж
бүрдсн тоолгч нерн	— составное числительное
бүтү ниилвр	— закрытый слог
грамматическ йилһлт	— грамматический разбор
грамматическ кевэр	— слова, грамматически не
таардго үгмүд	связанные

гемнгч киисквр	— винительный падеж
герин даалһвр	— домашнее задание
гедрдг <i>н</i> хадвр	— неустойчивый согласный <i>н</i>
һаргч киисквр	— исходный падеж
һол зэңг	— главное предложение
һол мөчмүд	— главные члены (предложения)
һоллгч келлһнэ хүвс	— знаменательные части речи
һурвдгч баг киисклһн	— третье склонение
һурвдгч нүр	— третье лицо
гөрвкүлж татлһн	— волнистое подчеркивание
дамшлһн	— упражнение
давхр зэңг	— сложное предложение
давхр киисклһн	— двойное склонение
давхр зүүцл зэңг	— сложносочиненное предложение
давхр тоолгч нерн	— сложное числительное
давхр үгмүд	— сложные слова
давхр хадвр	— удвоенный согласный
давхр хасгдсн үгмүд	— сложносокращенные слова
давхр цег	— двоеточие
дара тоолгч нерн	— порядковое числительное
деепричасть	— деепричастие
деепричастин чинр	— значение деепричастия
деепричастн эргц	— деепричастный оборот
делгрңгү биш зэңг	— нераспространенное предложение
делгрңгү зэңг	— распространенное предложение
диалектн үгмүд	— диалектные слова
диктант	— диктант
дотран умшлһн	— чтение про себя
дуудвр	— обращение
дуута хадвр	— звонкий согласный
дүлэ хадвр	— глухой согласный
дүңцүлгч нареч	— сравнительное наречие
дүңцүлгч уршг	— обстоятельство сравнения
дүңцүлгч чинрлгч нерн	— сравнительная степень имени
	прилагательного
жөөлн темдг (ь)	— мягкий знак (ь)
жөөлн хадвр	— мягкий согласный
заагч орч нерн	— указательное местоимение
закгч шинж	— повелительное наклонение
заллт	— управление

засгч янз	— страдательный залог
зэңг	— предложение
зэңгин йилһлт	— разбор предложения
зэңгин мөчмүд	— члены предложения
зэңгин нөкцл мөчмүд	— второстепенные члены предложения
зэңгин үгмүдин даран	— порядок слов в предложении
зөрүд холвас	— противительные союзы
зүүцл холвас	— сочинительные союзы
ик үзг	— прописная буква
ил ниилвр	— открытый слог
ирх цаг	— будущее время
йилһвр уга тоолгч нерн	— неопределенное числительное
йилһгч орч нерн	— определительное местоимение
йирн нерн	— нарицательное имя
йирин харһдг үгмүд	— общеупотребительные слова
йирин чинрлгч нерн	— положительная степень имен
	прилагательных
кавычк	— кавычки
келгч	— сказуемое
келгдлһн	— выражение
келлһн	— речь
келлһнэ хүв	— часть речи
келлт	— произношение
киизң киисквр	— косвенный падеж
киизң немлт	— косвенное дополнение
киисквр	— падеж
киисклһн	— склонение
киисклһнэ баг	— группа склонения
көтлвр холва	— подчинительный союз
көтч үүлдэгч	— вспомогательный глагол
күсл уршг	— обстоятельство цели
күцц биш зэңг	— неполное предложение
күчлгч чинрлгч нерн	— превосходная степень имени
	прилагательного
күчлгч янз	— побудительный залог
күүндән	— диалог
лавлгч хүвс	— частицы сомнения
междометь	— междометие
морфолог	— морфология

нареч	— наречие
наречин бүрдэмж	— образование наречия
нас тоолгч нерн	— возрастное числительное
нээрүлж бичлhn	— изложение
нег бүл үгмүд	— однокоренные слова
нег то	— единственное число
негдгч баг киисклhn	— первое склонение
негдгч нүр	— первое лицо
немлт	— дополнение
нерэдгч киисквр	— именительный падеж
нерэдгднэ	— называется
нерлгч	— подлежащее
нег зүсн мөчмүдтэ зэңг	— предложение с однородными членами
нег зүсн мөчмүд	— однородные члены
нег зүсн мөчмүдин холва	— союзы, соединяющие однородные члены
нерлгчин келгдлhn	— выражение подлежащего
ниилвр	— слог
ниилүлгч киисквр	— соединительный падеж
ниилүлгч деепричасть	— соединительное деепричастие
ниилүлгч хадвр <i>h</i>	— соединительный согласный <i>h</i>
ниилүлгч холва	— соединительный союз
ниит янз	— взаимный залог
нүр орч нерн	— личное местоимение
нүүрлгч хүвс	— личные частицы
нүрго зэңг	— безличное предложение
нүрго үүлдэгч	— безличный глагол
олн то	— множественное число
олн цег	— многоточие
оньдин чинрлгч нерн	— качественное прилагательное
оргч үүлдэгч	— переходный глагол
орулhnш	— вставка
орч нерн	— местоимение
орч нернэс тогтсн нареч	— местоименные наречия
өггч киисквр	— дательно-местный падеж
өдгэ цаг	— настоящее время
өңгрсн цаг	— прошедшее время
өмн дарана (жөөлн)	— гласный звук переднего ряда
эгшг э	(мягкий)

причасть	— причастие
причастин чинр	— значение причастия
причастин цээлһлт	— причастное определение
причастн эргц	— причастный оборот
сагллт диктант	— предупредительный диктант
санан	— мысль
соңсхвр диктант	— слуховой диктант
сулдгч-чаңһагч хувс	— уступительно-усилительные частицы
сургч зэңгс	— вопросительные предложения
сургч хувс	— вопросительные частицы
суффикс	— суффикс
таарлт	— согласование
талын келнэс орсн үгмүд	— заимствованные слова
таслвр	— перенос
таслгч шинж	— изъявительное наклонение
таслж татлһн	— прерывистое подчеркивание
татасн	— тире
татасар темдглһн	— подчеркивание
тежг чинртэ үг	— слово с переносным значением
то	— число
то заагч нареч	— наречие меры и степени
товчлгч үгмүд	— обобщающие слова
тогтагдсн нерн келгч	— составное именное сказуемое
тогтагдсн үүлдвр келгч	— составное глагольное сказуемое
тогтагч чинрлгч нерн	— относительное прилагательное
тодрха биш эгшг	— неясный гласный
тодрха умшлһн	— выразительное чтение
тоолгч нерн	— имя числительное
төвшүнэр умшлһн	— плавное чтение
төргч киисквр	— родительный падеж
тулгч деепричасть	— предельное деепричастие
туужлгч зэңг	— повествовательное предложение
түдлт	— пауза
түдлһнэ темдгүд	— знаки препинания
түргн деепричасть	— слитное деепричастие
удан эгшг	— долгий гласный
ударлт	— ударение
унг	— корень
унг янз	— действительный залог

үг	— слово
ухалж нээрүллһн	— сочинение
ухаллт диктант	— творческий диктант
үгин бүрдэц	— состав слова
үгин көдлмш	— словарная работа
үгин сүүр	— основа слова
үгин уңг	— корень слова
үгин хув	— часть слова
үгин чилгч	— окончание слова
үзг	— буква
үлгүрнь	— например
үлмэ зэңг	— придаточное предложение
үндсн тоолгч нерн	— количественное числительное
үүлдэгч	— глагол
үүлдэгч бичлһнэ зокал	— правописание глаголов
үүлдэгчин нүр	— лицо глагола
үүлдэгчин то	— число глагола
үүлдэгчин бүрдэмж	— образование глагола
үүлдэгчин хуврлт	— спряжение глагола
үүлдэгчин шинж	— наклонение глагола
үүлдэгчин янз	— залог глагола
фонетик	— фонетика
хавсрлт	— скобка
хадвр э	— согласный звук
хадврин жөөлрлт	— смягчение согласных
хамт янз	— совместный залог
хамцулгч киисквр	— совместный падеж
хань болгч үгмүд	— служебные слова
хасгч тоолгч нерн	— ограничительное числительное
хату темдг (ъ) ˘	— твёрдый знак (ъ)
хату хадвр	— твёрдый согласный
хээкргч зэңг	— восклицательное предложение
хээкргч междометь	— восклицательное междометие
хээкргч темдг	— восклицательный знак
хэвдлт	— примыкание
хэлэвр диктант	— зрительный диктант
хэрүд деепричасть	— уступительное деепричастие
хэрүд орч нерн	— возвратное местоимение
хойрдгч нүр	— второе лицо
хойрдгч киисклһн	— второе склонение

холва	— союз
хөөт үг	— послелог
хувагч деепричасть	— разделительное деепричастие
хувагч тоолгч нерн	— разделительное числительное
хурдар умшлһн	— беглое чтение
хуучрсн үгмүд	— архаизмы
хүв медүлгч тоолгч нерн	— дробное числительное
хүврлһн	— изменение
хүв	— частица
цаг заагч нареч	— наречие времени
цаг уршг	— обстоятельство времени
цээлһгч үгмүд	— пояснительные слова
цээлһлт	— определение
цег	— точка
цеглгч	— запятая
цегсэр темдглһн	— подчеркивание пунктиром
церглгч үгмүд	— служебные слова
цуглулгч тоолгч нерн	— собирательное числительное
чеежэр келлһн	— прочесть наизусть
чилгч	— окончание
чинрлгч нерн	— имя прилагательное
чинрлгч нернэ бүрдэмж	— образование имен прилагательных
шинж	— наклонение
шиигдг эс	— шипящие звуки
шуд келлһн	— прямая речь
эврэ киисклһн	— возвратное склонение
эврэ нерн	— собственное имя
эврэ хүвс	— возвратные частицы
эгшг э	— гласный звук
эгшгүдин таарлт	— гармония гласных
эгшгүдин бичлһнэ зокал	— правописание гласных
эклц э	— начальный звук
эргц	— оборот
эс йилһгч орч нерн	— неопределенное местоимение
эс оргч үүлдэгч	— непереходный глагол
эцс	— конец
янз	— залог

Хасгдсн нерд

Аркадий Гайдар — А. Г.
Бадмин Алексей — Б. А.
Балакан Алексей — Бал. А.
Басцга Баатр — Б. Б.
Бианки В. — Б. В.
Виктор Гюго — В. Гюго
Гиль С. К. — Г. С.
Бембин Тимофей — Б. Т.
Г. Ганейзер — Г. Г.
Бонч-Бруевич В. — Б.-Б. В.
Боркан Сарц — Б. С.
Доржин Басц — Д. Б.
Дун — Д.
Жимбин Бемб — Ж. Б.
Калян Санж — К. С.
Кәглтин Дава — К. Д.
Кононов А. — К. А.
Куукан Анатоль — К. А.
Манжин Нимгр — М. Н.
Нармин Морхаж — Н. М.
Нуура Владимир — Н. В.
Пушкин А. С. — А. П.
Саңжжин Бося — С. Б.
Сусен Аксен — С. А.
Сян-Белгин Хаср — С.-Б. Х.
Тачин Анжа — Т. А.
Тургенев И. С. — И. С. Тург.
Толстой Л. Н. — Л. Толстой
Шугран Вера — Ш. В.
Хоньна Михаил — Х. М.
Эрнжәнэ Константин — Э. К.

НАРГ

6 класс

Давтлһн.....	3
Лексик	13
Морфолог	21
Бәәлһнә нерн	29
Чинрлгч нерн	53
Тоолгч нерн	65
Орч нерн.....	78
Давтлһн.....	98

7 класс

Давтлһн.....	102
Үүлдәгч	106
Причасть	140
Деепричасть	150
Нареч	157
Хөөт үг.....	163
Холва	168
Хүвс.....	171
Междометь	181
Давтлһн.....	185
Грамматическ терминс	190

ДЕГТР ОЛЗЛСН СУРЬУЛЬЧНР

Сурһулин жил	Сурһульчин нер-усн	Дегтрин бээдл	Дегтр яһж олзлсна темдг
19			
19			
19			
19			

Учебное издание

Бадмаев Бата Бадмаевич

Харчевникова Роза Пюрвеновна

Ченкалеева Александра Санджиевна

КАЛМЫЦКИЙ ЯЗЫК

(Фонетика, морфология)

Учебник для 6—7 классов
на калмыцком языке

Издание 7-е

Редактор *В. Д. Бадмаева*

Художественно-технический редактор
С. Э. Котинов

ЛР № 010037

ИБ № 1580

Сдано в набор 02.10.96. Подписано в печать 14.01.97. Формат 60 x 84/16.
Бумага типографская № 2. Гарнитура Школьная. Печать офсетная.
Усл. печ. л. 11,63. Усл. кр.-отт. 11,86. Уч.-изд. л. 8,36.
Тираж 10000 экз. Заказ 3652. "С" 016.

Калмыцкое книжное издательство,
358000, г. Элиста, ул. Ленина, 243.

АПП "Джангар" Республики Калмыкия,
358000, г. Элиста, ул. Ленина, 245.

ЭЛСТ • ХАЛЪМГ ДЕГТР ҺАРҲАЧ • 1997